

МАМАСОЛИ ЖУМАБОЕВ

ЎЗБЕК БОЛАЛАР АДАБИЁТИ

*Ўзбекистон Республикаси Олий ва ўрта маҳсус
таълим вазирлиги олий ўқув юртларининг ўзбек
тили ва адабиёти факультетлари талабалари учун
дарслик сифатида тавсия этган*

**ТОШКЕНТ
«ЎЗБЕКИСТОН»
2002**

83.8(5Ў)я73

Ж 87

Жумабоев Мамасоли

Ўзбек болалар адабиёти: Олий ўкув юртларининг ўзбек тили ва адабиёти факультетлари талабалари учун дарслик. — Т.: «Ўзбекистон», 2001. — 242 б.

ББк 83.8.(5Ў)я73

Мамлакатимиз олий ўкув юртларининг ўзбек тили ва адабиёти факультетларида ўзбек болалар адабиёти фани ўқитиб келинади. Лекин шу даврга қадар мазкур соҳа бўйича ўкув кўлланма ёки дарслик йўқ эди. Қўлингиздаги китоб шу камчиликни тўлдиришга мўлжалланган дастлабки дарслик хисобланади.

Дарсликда болалар китобхонлиги ва фольклори ҳамда ўзбек болалар адабиётининг шу давргача босиб ўтган тарихий йўли, шунингдек, бир қатор болалар ёзувчиларининг хаёт ва ижодлари ўз ифодасини топган.

Мухаррир: САИДА МИРЗААҲМЕДОВА

Масъул мухаррир: педагогика фанлари доктори, профессор САФО ОЧИЛ.

Тақризчилар: Аскар Зуннунов — педагогика фанлари доктори, профессор


Ҳамидулла Болтабоев — филология фанлари доктори, профессор

ISBN 5-640-03062-3

Ў **480306200098** 2002
M351(04)98

© «ЎЗБЕКИСТОН» нашриёти, 2002 йил.

МУАЛЛИФДАН



Президентимиз Ислом Каримов мустакилликка эришибмизки, бизнинг эзгу ниятимиз — келажаги буюк ва эркин жамият куриш. Бизнинг тараққиёт стратегиямиз соғлом авлод тарбиясига таянади ва уни ривожлантиришга қаратилган, — деган гапни кўп таъкидлайди.

Ха, юртбошимиз орзу килганидек ёш авлодни комил инсонлар килиб тарбиялашда катталар адабиётининг ажралмас бир бўлаги бўлган болалар адабиётининг ҳам аҳамияти катта. Болалар адабиёти ўз олдига келажак авлодни жисмонан бақувват, руҳан пок, фикран соғлом, иймон-эътиқоди бутун, билими, маънавияти юксак, мард ва жасур, ватанпарвар авлодни тарбиялашдек катта ва мураккаб вазифани қўйганлиги билан ажралиб туради.

Маълумки, ўз олдига катта таълим-тарбия масалаларини кўйган «Ўзбек болалар адабиёти» узоқ йиллардан бери мамлакатимиз олий ўкув юртларида фан сифатида ўрганилиб келинади. Лекин «Ўзбек болалар адабиёти» бўйича дарслер ва ўкув қўлланмаси йўқ эди. Шуни эътиборга олиб маълум дастур асосида ушбу дарслерни ёздики.

«Ўзбек болалар адабиёти» дарслер қўлёзмасининг майдонга келишида яқиндан кўмаклашган, амалий маслаҳатларини аямаган устозим Абдулла Суюмов (мархум), Тўхта Бобоев, Ҳакимжон Каримов, Баҳодир Саримсоқов, Сафо Очил, Қозоқбай Йўлдошев, Саид Алимов, Асқар Зуннунов, Ҳамидулла Болтабоев, Тўлан Низом сингари болалар адабиёти фидойиларига ўз миннатдорчилигимизни билдирамиз.

БОЛАЛАР АДАБИЁТИ ФАНИ, УНИНГ МАҚСАД ВА ВАЗИФАЛАРИ

Кичкитойлар учун ёзиладиган ҳар қандай бадиий асар уларнинг ёш хусусиятларига, савияларига мос бўлиши, улар қалбида чукур ўй-фикрлар уйғотиши, ёркин образлар ва юксак ғояларга бой бўлиши, уларни улкан ва порлоқ ишларга илҳомлантириши зарур. Энг муҳими мавзулар тушунарли, содда ва қизикарли тилда ёритилиши лозим.

Болалар адабиёти ёшларни иймон-эътиқодли кишилар сифатида ва ватанга муҳаббат руҳида тарбиялашда мустақил мамлакатимизнинг кудратли куролидир.

Факат чинакам бадиий асарларгина болаларга кучли таъсир кўрсатиб, ана шу юксак талабларга жавоб беради. Шу сабабли бундай китоблар педагогик ва психолоѓик нутқи назардан ҳам алоҳида аҳамият касб этади.

Болалар китоби бу вазифани бажаришда бадиий тилга сунянади. Адабий асарнинг тили унинг ғоявий мазмунини аник ва ифодали очиб бериш воситасидир. Яхши, аник, равон, образли, бой тил билан ёзилган асар ёзувчининг максад ва фикрларини китобхонларга тез ва осон етказади.

Буни мутафаккир Алишер Навоий «Махбуб-ул кулуб» асарида тилни «кўнгил ҳазинасининг кулфи», деб таърифлайди. Буюк шоир кишиларни қиска ва мазмунли, чукур мантиқ билан сўзлашга чакиради. Бу талаб, шубҳасиз, болалар ёзувчиларига ҳам тааллуклидир.

Болалар ёзувчиси содда, равон, қизикарли ва мазмундор килиб ёза билиши керак. Бунинг учун эса у ҳалк тилини пухта билиши лозим.

Равон тил билан ёзилган бадиий асарлар ёш китобхоннинг нутқига ҳам катта таъсир кўрсатади, сўз бойлигини оширади.

Болалар ёзувчиларининг энг яхши китоблари ёш авлодни хаётга тўғри муносабатда бўлишга ўргатади, она-

диёrimизга, меҳнатга муҳаббат, замонамизга садоқат руҳида тарбиялайди, уларни юртимизнинг муносиб фарзандлари бўлишга чакиради. Китоб боланинг дунёқарашини шакллантиришга ёрдам беради, характерини тарбиялайди, илм-фанга муҳаббатини оширади. Китоб халқимизнинг ўтмиши, илғор маданиятимиз, фан ва техникамиз ютуклари билан таниширади, фаҳр-ифтихор туйгуларини ўстиради.

Бугунги кунда қудратли қурол бўлган адабиётдан кенг фойдаланмай туриб, янги жамият қурувчиниси ҳар томонлама етук инсон қилиб тарбиялаш мумкин эмас.

Болалар китобхонлигини ўқувчиларнинг педагогик-психологик хусусиятларига кўра қуидагича гурухларга ажратиш мумкин:

1. Мактабгача таълим ёшидаги болалар китобхонлиги (2 ёшдан 7 ёшгacha).

2. Мактаб ёшидаги кичик болалар китобхонлиги (7 ёшдан 11—12 ёшгacha).

3. Ўрта ва катта ёшдаги болалар китобхонлиги (13—14 ёшдан 15—17 ёшгacha).

Мактабгача таълим ёшидаги болалар китобхонлиги

Бу давр болалар китобхонлиги асосан ота-оналар ва тарбиячилар томонидан амалга оширилади. Ҳали ўқиши, ёзиши, чизишни билмайдиган мактабгача таълим ёшидаги болалар дунё сирларидан бехабар бўладилар. Шунга қарамай, бизни курсаган оламни тезроқ билиб олишга, уни ўрганишга интиладилар. Бунда оиласда ота-оналар, боғчаларда эса тарбиячилар болаларга яқиндан ёрдам беришлари, яъни уларга бадиий асарлардан парчалар ўқиб беришлари лозим. Болаларга ўқиб бериладиган ҳар қандай асарнинг хажми қисқа, мазмуни содда бўлиши талаб этилади. Шунингдек, бундай китобларнинг расмлари ранг-баранг, ҳарфлари эса йирик-йирик бўлиши мақсадга мувофик.

Мактабгача таълим ёшидаги болалар тинглайдиган асарларнинг кўпчилигини эртак, қўшиқ, топишмоқ, мақол, тез айтиш каби халқ оғзаки ижоди асарлари ташкил этади. Бундан ташқари, ёзувчилар яратган ва юкоридаги

талабларга тўла-тўкис жавоб берадиган асарлар ҳам мактабгача таълим ёшидаги болалар учун қўл келади. Аммо шу нарсани ҳам таъкидлаб ўтиш керакки, болалар учун ижод қиласидиган қалам сохиби ҳаётдаги муҳим, характерли воқеа ва ҳодисаларни бадиий образлар орқали болалар нутқига хос тилда, уларнинг ёши, руҳияти ва савиясига мувофиқ равишда тасвирлаши лозим.

Болалар шоири Анвар Обиджон «Суҳбат» деб номланган шеърида болалар яхши кўрадиган ғозлар тўғрисида сўз юритади. Маълумки, болалар гўдаклик чоғлариданоқ, жониворлар, хусусан, кушларга қизиқадилар. Шу жиҳатдан қарайдиган бўлсак, «Суҳбат» бола ҳаётида муҳим роль ўйнайди. Вокеа жуда оддий ва содда. Ўзаро сухбатдан маълум бўладики, ғозларнинг корни оч, уларни боқиш керак. Буни шоир ўйин воситасида ифода этади:

- Ғозлар, бир сўз дейсизми?
- Fa, fa-fa!
- Тотли сули ейсизми?
- Ҳа, ҳа-ҳа,
- Нега патни силайсиз?
- Фок, фок-фок.
- Мендан нима тилайсиз?
- Бок, бок, бок!

Бу хилдаги шеърлар кичкитойларни мустакил фикрлашга, турмуш таассуротларини тўплаб, улардан хулоса чиқаришга ўргатади.

Болаларнинг, айниқса, жажжи қизчаларнинг севимли машғулотларидан бири қўғирчоқ ўйнашдир. Йўлош Сулеймоннинг «Қўғирчоқ» шеърида қўғирчоқларни асррабавайлаш, оддий бир ўйинчоқ воситасида катталарнинг меҳнатини эъзозлаш масаласи ўртага ташланади.

Қуёш билан тенг туриб,
Озода кийинтириб,
Сенга тақамиз маржон.
Қўғирчоқ, қўғирчоқжон.
Қўлдан қўймаймиз сира,
Юқтирамаймиз гард, шира.
· Овунчоқсан бизларга,
Қўғирчоқсан бизларга.

Ҳар қандай ёзувчи мактабгача таълим ёшидаги болаларга ўқиб бериладиган асар тилининг бадиий жиҳатдан пухта-пишиклигига, тушунарли, аниқ ва равонлигига алоҳида эътибор беради. Бу ёшдаги болаларга тавсия этиладиган асарлар ҳаёт ҳақида муайян тасаввур бериши билан бирга уларга завқ-шавқ бағишлайди. Масалан, Шукур Саъдулланинг «Лола ва мушук» шеърини олиб кўрайлик. Бу асар жуда оддий. Мисралари ҳам содда, аммо у бир ўқишидаёқ кичкинтой меҳрини ўзига тортади, уни уйқудан барвакт туришга, ювиниб-таранишга, озода, покиза бўлишга ўргатади. Унинг уй ҳайвонларига, жониворларга меҳрибон, ғамхўрлигини оширади. Мана шеърни ўқиб кўринг:

Мен Лоламан, Лоламан,
Озода қиз боламан.
Эрта билан тураман,
Юз-кўлимни юваман.
Мушугим бор кора мош,
Ўзи жудаям юввош.
Мендан олдин туради,
Юз-кўлини ювади.

Хулоса қилиб айтганда, бу давр болалари ўzlари тинглаган асарлари ёрдамида аста-секин атроф-муҳит билан танишадилар, она юртга меҳр-оқибатли бўлишни, табиатни асрарни, меҳнатни севишни ўрганадилар.

Мактаб ёшидаги кичик болалар китобхонлиги

Бу ёшдаги болалар китобхонлиги аввалгисидан бир өз фарқ қиласиди. Бу фарқ болаларнинг ёши ва билими, савияси билан боғлиқ. Мактабгача таълим ёшидаги болалар асосан тарбиячилари, ота-оналари ёрдамида бадиий асарлар билан танишсалар, бошлангич синф ўқувчилари бу ишни мустақил бажарадилар. Мустақиллик уларга ишонч ва завқ-шавқ бағишлайди.

Бу ёшдаги болаларни теварак-атрофдаги турли воқеаходисалар ниҳоятда қизиқтиради. Уларнинг бизни курсаган олам ҳақидаги саволларига бадиий асарларда мұфассал жавоб берилган.

11—12 ёшдаги болалар сехрли-фантастик эртак, саргузашт, хикоя, кисса ва достонларни севиб ўқийдилар. Оллоёрнинг «Фазогир чумоли» (эртак-кисса), Анвар Обиджоннинг «Даҳшатли Мешполвон» (эртак-кисса), Қуддус Муҳаммадийнинг «Эркинжон ойга чиқибди» (достон), Юсуф Шомансурнинг «Ойдан келган болалар» (достон) каби асарлари шу ёшдаги болаларга мўлжаллаб ёзилган.

**Ўрта ва катта ёшдаги
болалар китобхонлиги** Бу ёшдаги болалар ўзлари мустақил равишда китоб ўқиб колмай, балки ўқиган китобларидаги қаҳрамонларнинг хатти-харакатларини баҳолашга ўрганадилар, зарурат бўлса улар кўрсатган мардлик ва жасоратларни тақрорлашга ҳозирланадилар.

Бу ёшдаги болаларга ҳалқимизнинг шонли тарихи, бугунги хаёти хақида ёзилган турли жанрдаги асарларни тавсия этиш мумкин. «Широк», «Тўмарис» каби афсоналар билан бирга Ойбек,Faфур Ғулом, Зафар Диёр, Куддус Муҳаммадий, Ҳаким Назир, Ш. Саъдулла, А. Обиджон ва бошқаларнинг замонавий мавзудаги энг яхши асарлари муҳим тарбиявий аҳамият касб этади.

Шарқ мутафаккирларидан Ал Хоразмий, Ал Фарғоний, Аҳмад Юғнакий, Ал Бухорий, Форобий, Беруний, Ю. X. Ҳожиб, Аҳмад Яссавий, А. Навоий кабиларнинг яратган асарлари болалар дунёқарашини шакллантиришда ижобий таъсир кўрсатади.

Кўриб ўтганимиздек, болалар адабиётӣ ўзига хос хусусиятлари билан катталар адабиётидан фарқ қилади. Зотан, болалар ёзувчиси дунё воқеаларини болалар тасаввури, тушунчасини назарда тутиб тасвирлайди. Шу орқали кичкинтойларни олға интилишга чақиради, ҳаётни чуқур севишга ёрдам беради.

Маълумки, оғзаки адабиёт ёзма адабиёт пайдо бўлмасдан илгари, узок ўтмишдаёқ мавжуд бўлган. Бу адабиёт халқ бадиий камолоти ва маънавий бойлигининг битмас-туғанмас хазинасиdir. Халқ оғзаки ижоди унинг турмуш тажрибалари асосида юзага келган бўлиб, меҳнат жараёни билан чамбарчас боғланган. Халқ донолиги шу меҳнат жараёнининг турли ва ўзига хос шарт-шароитларига мувоғик равишда болалар учун ҳам ажойиб эртаклар, қўшиклар, топишмоқлар, мақоллар яратган. Уларни болалар жуда севиб тинглайдилар ва ўқийдилар. Халқ оғзаки ижоди билан болалар мактабгача тарбия ёшидан бошлаб таниша бошлайдилар. Халқ оғзаки поэтик ижодидаги образларнинг ёрқинлиги, сўз маъноларининг аниқлиги, матннинг охандорлиги, мусиқийлиги каби хусусиятлар бола руҳига ором, хузур бағишлийди, уни ўзига маҳлиё этади.

Яна бир нарсани алоҳида таъкидлаб ўтиш лозимки, кичик ва ўрта ёшдаги болалар қаҳрамонлик достонларини шавкзавқ билан ўқишиди, эртак, қўшиқ ва топишмоқларга ғоят кизиқишиди. Халқ оғзаки поэтик ижодида яхшилик ёмонлик устидан, тўғрилик эгрилик устидан ғалаба килади, меҳнаткаш халқнинг интилишлари, турли орзу-истаклари ҳаққоний ва фавқулодда кизиқарли равишда ҳикоя-килинади.

Кўриниб турибдики, халқ оғзаки ижодида меҳнат ахлиниг урф-одати, табиат ва жамият ходисаларига бўлган муносабати, баҳтли хаёт ҳақидаги эзгу тилак ва орзулари, қайғу ва шодлик хислари, уларнинг қаҳрамонлик, ватанпарварлик ва инсонпарварлик түйғулари, душманга нисбатан ғазаб ва нафрати, енгилмас иродаси, ҳақиқат, адолат, баҳт ҳақидаги ўй ва тушунчалари акс эттирилади.

ҚЎШИҚЛАР

Бола тарбиясида қўшиқнинг роли жуда катта. Қўшиқ лириканинг энг қадимги шаклларидан бири бўлиб, куйлашга мўлжалланган бир неча бандли шеърдан иборатдир. Қўшиқлар куй-оҳанг билан айтилади. Баъзан қўшиқ ўйин билан бирга ижро этилади. Демак, қўшиқ учун шеър

ва куй керак. Кўшиқ халқ оғзаки ижодининг энг кўп тар-
қалган ва оммалашиб кётган жанрларидан бири ҳисобла-
нади. Айникса, алла қўшиғи етакчи ўринда туради. Бешик
қўшиғи — аллада кичкинтоининг дастлабки табассуми,
илк бор кўл-оёкларини қимирлатиши, имо-ишорани тушу-
ниши куйланади. Она эндиғина оламга келган дўмбоғидан
шод, курсанд, берилиб алла айтади. Гарчанд норасида ал-
ланинг моҳияти нимадан иборат эканлигини ҳали унча
хис этмаса-да, бари бир она алла айтаверади. Она ўз алла-
сида атрофни курсаб турған оламни қўшиб айтади. Бутун
борлик кечаси ухлаши — дам олиши ва шу жумладан,
кичкинтоий ҳам ухлаши зарурлигини берилиб айтади:

Ёт, болам, ухла, қўзим, Үйларда ўчди чирок.	Кўзларинг юм, қўзим, Оувунчогим, қундузим!
Ухлар асаларилар Ухлар балиқлар тинчрок.	Алла, алла. Күшчам ғамсиз яшайди,
Кўкда ой ярқирайди, Деразадан қарайди.	Унинг ҳар дам вакти чоғ.
Кўзларинг юмгин қўзим, Ёт қувончим, қундузим!	Шириналлар мўл-у кўл
Алла, алла.	Кўпдир кизиқ ўйинчок.
Сув сепгандек, уйлар тинч...	Бари сенгадир, қўзим!
Коронги хужралар тинч...	Йиглама ҳеч, юлдузим!
Ҳеч дарвоза тиқ этмас Сичқон ухлар, миқ этмас.	Ёт қувончим, қундузим!
Кимдир ох тортса, унда Не ишимиз бор бунда?	Алла, алла, аллаё.
	Ухла қўзим аллаё.
	Юм қўзингни, юлдузим,
	Юм-юм қўзингни, қундузим.

Она учун боланинг овуниши, тинчлиги, табассуми ке-
рак. Норасида чехрасида пайдо бўлган дастлабки кулгу
она учун катта шодлик, байрам ҳисобланади, унинг бутун
вужудини нурга буркаб юборади:

Дилимдаги химматим, алла,
Оғзимдаги новвотим, алла.
Дарё сувга тўлаётир, алла,
Ўғлим менга кулаётир, алла.
Ўғлим менга қараб кулса, алла,
Кўнглим нурга тўлаётир, алла.

Овунтириш — аллани ҳамма — оналар, бувилар, болар айтишади. Алла аста-секин оммавий кўшиққа айланади. Кўшиқлар узоқ йиллар мобайнида давом этади. Айтайлик чақалокни биринчи бор бешикка солаётганда айтиладиган кўшиқлар. Бешик кўшиғида аввало бешикка таъриф-тавсиф берилади. Аслида бешик ёғоч-тахта. Пахта, пар ва матолар билан бурканганда у юмшоқ, ҳар қандай мурғакка хузурбахш жой бўлиши ҳар бир бешик кўшиғида чиройли ифодага эга.

Бешиги тахта,
Оркаси пахта.
Эгаси келди,
Кучуги коч.
Ичидা ётганни
Баҳрини оч.

Чақалоқ бешикда маза қилиб ухлаб, ором олиб бўлгач, норасидани бешикдан олаётганда айтиладиган қўшиқ ҳам нихоятда муҳтасар айтилган. Аллоҳ бешикдаги чақалокка хотиржамликни ато этганлигини, шу сабабли ҳеч қандай шарпа-душман унинг уйқусини буза олмаганлигини қўйидаги тўртлиқдан билиб олиш кийин эмас:

Тақа-туки гавора бўлсин,
Душмани овора бўлсин.
Уйқуси бешикда қолсин,
Душмани эшикда қолсин.

Халқда чақалоқ учун хавфли кунлар ҳам борлиги алоҳида қўшиқларда таъкидланади. Тўққиз кунлик бўлдими, тамом, у яшаб қолиши, эндиликда хавф-хатардан бутунлай ҳоли бўлиб олганлиги, дўст устига дўст орттириб шу хонадоннинг ҳақиқий аъзосига айланиб қолганлиги мана бу қўшиқда тўла-тўқис ифода этилган:

Тўққиздан ўтди бу бача,
Эндиликда ўлмас бу бача.
Боғларнинг ғўраси бу бача,
Болалар жўраси бу бача,
Шу уйнинг тўраси бу бача,
Шамсу қамару ситора
Ҳамрохи шу бача.

Халқ ҳаётда ҳеч қачон шошилмайди, шошқалокликка йўйл ҳам қўймайди. Ҳамма нарса ўз ўрнида, ўз йўлида бир меъерда давом этишини орзу қилади. Бу гапнинг тасдигини ўша янги оламга келган чақалоқ, у билан боғлик бўлган расм-русл мисолида билиб олиш ҳам мумкин. Мана боланинг тиши кўринди. Бу воқеа ота-она учун ҳам, шу оила аъзолари-ю бутун қавм-қариндошлар учун ҳам катта воқеа. Негаки, эндиликда бола ўзи мустақил овқат ейди, ҳаёт учун, яшаш учун курашади:

Бахор·келди, киш чиқди,
Чақалоқка тиш чиқди.
Кичкинтой деб ўйламант,
Унга ҳам юмуш чиқди.
Овқатини чайнашға
Ҳар куни бир иш чиқди.

Боланинг ўтириши ҳам ҳаммага катта қувонч бағишлиади. Бу ҳақда халқнинг тўқиган мана бундай ҳазиломуз қўшиғи ҳамон хонадонма-хонадон, оиласа-оила кўчиб юради:

Ўтирсин-о ўтирсин,
Бошини гулдан тўлдирсин,
Шугинани кўрган кизлар,
Ўзини осиб ўлдирсин!

Худи шунингдек, бола тетапоя қилиб, биринчи бор оёқ чиқарганда айтиладиган қўшиқ ҳам жуда жозибали:

Адок-адок юрисин,
Тикон шунга кирмасин.
Кўзи каттиқ бандалар
Кўзи шунга кирмасин.

Кийим-латтанинг умри қиска, дейишади кексалар. Бу гап халқ қўшикларида ҳам ўз ифодасини топган. Болага янги кийим кийдирилаётган пайтда айтиладиган қўшикларда халқ гапнинг лўндини айтиб қўя қолган:

Тепа-тепа тўздирай,
Минган отим ўздирай.
Сен — бир йиллик,
Мен — минг йиллик.
Ёқаси мойли бўлсин,
Этаги лойли бўлсин.

Майли, бир йилда тўзсин,
Ўзи-чи минг йил кулсин!

Халқ қўшиқларида расм-руслар ранг-баранг. Ҳаммаси ўринли. Ҳаммаси зарур. Масалан, қизалоқнинг сочини илк бор ювиб-тараганда айтиладиган қўшиқларни оладиган бўлсак, бундай қўшиқларда сочнинг узунлиги, калинлиги, кўрса-кўргудеклиги, катта-кичикнинг ҳавасини келтирадиган даражада кўркамлиги обдон мақталади. Айрим қўшиқларда сочнинг таърифи ой-ю қуёш билан боғлаб куйланади. Бакувват сочнинг узунлиги чўзса ой ва қуёшга ҳам етиб бориши қувноқ мисраларда ифодаланади:

Ойда — кулоч
Кунда — тутам.
Сенга — куёв,
Менга — палов в/к.

Шу зайлда бешик қўшиқлари кенжা авлод камолотида ўзига хос тарбия ролини ўтайди. Кичкинтоилар отоналаридан, бобо-момоларидан чиройли, таъсирил алла, қўшиқлар тинглаб тиллари бийрон, ўқтам, зийрак бўлиб улғаяр эканлар эндиликда ўзлари ҳам хаёт йўлларида қўшиқ тўқиб, қўшиқ қанотида ўсиб-улғайишга ҳаракат қиласидилар. Бундай қўшиқларнинг олий намунаси «Читтигул» туркумига кирадиган қўшиқлар бўлиши мумкин. «Читтигул»да мавзу ніҳоятда ранг-баранг ва жуда жозибали. Чунончи,

Оқ шолига кўк шоли,
Оқ шолини оклайлик,
Кўк шолини кўклайлик
Яхши кунга сақлайлик,
Хаю, читтигул,

Хаю, читтигул сингари мисраларга назар соладиган бўлсак, бу қўшиқда асосан фалла-шоли тўғрисида гап кетади. Шолининг тури, рангини эслатиш орқали шоли хосили жуда мўл бўлганлигини; бу мўл-кўл шолини пала-партиш қилиб еб-тамомламасдан, балки уни эҳтиётлаб, тежамкорлик билан ишлатиш даркорлиги болалар тилидан чиройли тасвирланган. Қаранг, бугунги кунда тежамкорлик, иқтисод ҳакида бодаларга қўп гапирамиз.

Юқоридаги қўшиқдан аён бўлишича, ота-боболаримиз азалдан ҳар бир нарсани тежаб-тергаб ишлатишни ўз фарзандларига қаттиқ ўргатиб келишган. Энди мана бу мисраларга разм солинг:

Жўхорилар бўлди ок,
Кўнма шум қораялок!
Агар қўнсанг, урайин,
Бўлар оёғинг чўлок.
Хаю, хувв! —

Кўриниб турибдикি, катталарнинг меҳнати билан жўхори экилган. Бугунги кунда у хосилга кирган. Агар жўхори қўриқланмайдиган бўлса, қуш-қумурскалар еб, экинни барбод қилади. Бу иш кенжা авлод-болага топширилган. Боланинг ғайрат-шижоати, экинни саклаб колиш учун уриниши ўйлаймизки, бугунги болаларга ҳам намуна бўлади. «Агар қўнсанг, урайин, бўлар оёғинг чўлок» дейиши қайси болани катталарнинг меҳнатига кўмаклашишига даъват этмайди дейсиз!

Болаларнинг айтишув — ок теракми, кўк терак қўшиклари ҳам хамма замонларда катта шухрат қозониб келган. Бу қўшиқда кўлинча ўзига хос обрў-эътиборга мұяссар бўлган болалар тилга олинади. Уларнинг ибраторомуз жихатлари болалар ўртасида таъкидланиши қўшиқнинг янада жозабали чиқишини таъминлайди. Айникса, бу айтишув қўшиғи бугунги кун, бугунги болалар тўғрисида бўлса, янада ажойиб бўлишини куйидаги парчадан билиш мумкин:

— Ок теракми, кўк терак,
Биздан сизга ким керак?
— Эркин қўзичок керак!
— Ола-була капалак,
Орқа сочим жамалак,
Ок теракми, кўк терак,
Биздан сизга ким керак?
— Хайри қизалок керак!
→ Оппок-оппок ок курак,

Кўм-кўк, кўм-кўк, кўк терак,
Биздан сизга ким керак?
— Ўзи аъло ўқийди,
Тартибли ҳам одобли.
Ҳаммани севар,
Тикишда чевар,
Барчадан чаккои,
Ҳаммага ёккан
Гўзал.Озода керак!

Бундай айтишув қўшиклари болаларни меҳнаткаш, одоб-ахлокли, ўқимишли бўлиб камол топишга даъват этаверади. Бундай қўшиклар қанотида ўсган ҳар бир бола соғлом фикрли, эл севар бўлишига хеч шубха йўқ. Ай-

ниқса, мана бундай ҳазил-мутойибали қўшиқлар кичкин-тойларга олам-олам қувонч бағишлайди:

- 1 - бола . Осмондан тушдим кўрпа-тўшагим билан,
Тагимда йўрга эшагим билан.
- 2 - бола . Осмондан тушдим читдек бўлиб,
Сен билан чандишаман йигитдек бўлиб.
- 1 - бола . Қайраоч! Чандиша олмасанг, йўкол, қоч!
- 2- бола . Тут, жавоб бера олмасанг, дамингни тот!
- 1 - бола . Отангиз аллопмиди, оғзингизни копдек лаб уриб қўйибди.
- 2- бола . Отангиз кассобими迪, терингизни тилиб-тилиб сотмоқчи бўлиб юрибди.
- 1 - бола . Онангиз ун элаганмиди, бошингизга гарди ёпишиб колибди.
- 2- бола . Онангиз киём пиширганмиди, бурнингиздан чиккунча ялаб олибсиз.

Одатда тиши тушмаган бола бўлмайди. Ана шундай тушган тишини ташлаб юбориш пайтида айтиладиган алоҳида қўшиқ борлиги болаларда катта қизикиш уйғотади:

Ол эски тиш,
Бер янги тиш.
Товук гўштга бокмайман,
Тошдай данак чақмайман...

Қадимда ота-боболаримиз шамол ёрдами билан тегирмон юргизишган, шамол ёрдами билан фаллаларини тозалашган. Шамол ҳар доим яхшилик — яшаш, яшариш во-ситаси хисобланган. Болаларнинг шамол чакиришдек мана бундай ажойиб қўшиклари шак-шубҳасиз бугунги болаларга ҳам катта қувонч улашиши табиий:

Фарамларни яйратиб,
Увотга босиб қўйдим,
Елкасига игна санчиб,
Қурбака осиб қўйдим.
Хайдар, шамолингни олиб кел!
Ховузлар сасиб кетди,
Бакатён босиб кетди.
Бой бобо соқолидан
Бир тутам осиб кетди
Ҳайдар, шамолингни олиб кел!..

Рамазон кўшиқлари ҳам дилларга хузур бағишлиайди.
Яхши тилаш, ният қилиш рамазон кўшикларининг
асоси хисобланади. Бундай кўшикларда кўпинча одамлар-
дан озиқ-овқат тилаш асосий масала қилиб қўйилади:

Рамазон айтиб келдик эшигингизга,
Худойим ўғил берсин бешигингизга.
Мўраласак, мўрингиздан тутин чикар.
Бизга деган қатламангиз бутун чикар.
Бутун чиқса, шу хонадон хайрли эшик,
Шу эшикка буюрсин тилла бешик...

Юкорида кўриб ўтганимиздек, кўшиклар болаларнинг
нафосатини ўстиришга, уларни хаёт ва меҳнатга муҳаббат,
ватанпарварлик, дўстлик, қаҳрамонлик, инсонпарварлик
каби олижаноб фазилатлар руҳида тарбиялашга
ёрдам беради.

МАҚОЛЛАР

Болалар ҳалқ оғзаки ижодида мақоллар етакчи ўриннда туради. Ҳалқ яратган ғоят ихчам, чукур ва тугал маъноли гаплар мақол деб юритилади. Мақол ҳалқнинг, бир неча авлодларнинг ақлу фаросати ҳамда турмуш тажрибасининг якуни, улар донишмандлигининг маҳсулидир. Мақолларда хаётнинг аччик-чучугини татиб кўрган, турмушдаги ҳодисаларга ақл кўзи билан қарайдиган, соғ виждонли, олижаноб меҳнат аҳлининг бирор воқеа-ходисадан, бирор кишидан ёки бирор ишдан чиқарган хулоаси баён килинади. Бу хулоса бирор киши учун (кўпроқ болалар учун) йўл кўрсатувчи бўлиб хизмат қилиши мумкин. Мақоллар ҳалқнинг акл-идроқи, ижтимоий-тарихий тажрибаси, кураши ҳамда меҳнатнинг бадиий ифодаси сифатида яратилиб келинмоқда.

Мақоллар чукур маънони ифода эта билиши, ихчам, пишик ва пухталиги билан ҳалқ оғзаки ижодининг бошка турларидан фарқ қиласди. Уларда меҳнаткаш ҳалқнинг орзу-умидлари, ўзаро муносабатлари, ватанпарварлик, инсонпарварлик хислатлари, ўй-фиқрлари ўзига хос шаклда акс этган бўлади. Шу сабабдан улар болаларни тўғри, мантикий фикрлашга, мақсадни қиска, ихчам ва лўнда



баён этишга ўргатади, уларнинг бадий дидини оширади, тарихий ходисаларнинг моҳиятини яхширок, чукурорқ пайқаб олишга ёрдам беради. Бундан ташкари, мақоллар она тилининг энг нозик бадий хусусиятларини билишга ва сўз бойлигини ҳам оширишга кўмаклашувчи бир восита сифатида хизмат қилади.

Шунинг учун ҳам сўз санъаткорлари, шунингдек, болалар ёзувчилари халқ оғзаки ижодига, айниқса, мақолларга кўпроқ мурожаат этганлар ва улардан унумли фойдаланганлар.

Мақоллар мавзу жиҳатидан бой, хилма-хил ва ранг-бараңгидир. Уларда она-Ватанни севиш, уни ташки ва ички душманлардан кўз қорачигидек сақлаш, унга содик бўлиш ғоялари жуда ихчам, оҳангдор бир шаклда, образли ифодаларда гавдалантирилгандир:

Булбул чаманин севар,
Одам — Ватанни севар.

Она юртинг омон бўлса,
Ранги рўйинг сомон бўлмас.

Дўстлик, биродарлик, душманга нафрят, ахиллик ва бирдамлик ғоялари ҳам мақолларнинг асосий мағзини ташкил этади:

Кўкка бокма, кўпга бок!
Дўст сўзини ташлама,
Ташлаб бошинг қашлама.

Мақолларда меҳнат инсоннинг кўрки, зийнати сифатида ифода этилади. Шунингдек, ҳамкорликда, кенгашиб қилинган меҳнат серунум бўлади, деган ғоя илгари сурилади:

Дарё сувини баҳор тоширас,
Одам қадрини меҳнат оширас.

Дарахт япроғи билан кўркам,
Одам меҳнати билан кўркам.

Кўпгина мақолларда ёшлар илм-ҳунарли бўлишга ча-кирилади:

Билаги зўр бирни йиқар.
Билими зўр мингни йиқар.
Илм — ақл чироғи.
Олим бўлсанг, олам сеники.

Тил, нутқ маданияти ва донолик ҳақида ҳам анчагина мақоллар яратилган:

Тилга эътибор — элга эътибор.
Доно айтса — эл айтгани,
Элнинг ғамини еб айтгани.

Халқ мақолларида яхшилик, ҳалоллик, тўғрилик ҳамда ростгўйлик улуғланиб, ёмонлик, ёлғончилик ва қаллоблик эса қораланади:

Тўғри бўлсанг, ўсиб бориб гул бўларсан,
Эгри бўлсанг, ўсиб бориб кул бўларсан.
Яхши билан юрсанг етарсан муродга,
Ёмон билан юрсанг, қоларсан уятга.
Яхшидан от колар,
Ёмондан дод колар.

Ахлоқ-одоб ҳақидаги мақолларда ҳам таълим-тарбиявий ғоя илгари суриласди:

Болани ёшдан асра,
Нихолни бошдан асра!
Рахмат олган омондир,
Лаънат олган ёмондир.
Бола, азиз, одоби ундан азиз.

ТОПИШМОҚЛАР

Топишмоқ ҳам халқ оғзаки ижодининг энг қадимги ва бой жанрларидан биридир. Топишмоқлар одатда халқнинг урф-одатлари, руҳияти ҳамда ахлоқий-эстетик карашлашини ўзида мужассамлаштирган бўлади. Топишмоқда нарсанинг бир неча хил белгилари яширин, сирли холда берилади ва ҳар бир топишмоқнинг замирида топилиши лозим бўлган бир маъно ва «ким?», «нима?» сўрокларида

яширин жавоб ётади. Одамлар шу сўрокларга қараб, то-пишмоқда яширинган нарсани топишга харакат қилади-лар. Айниқса, болалар топишмоқдаги жумбокни билишга, уни топишга жуда қизиқадилар.

Топишмоқлар мавзуи табиат ва кундалик ҳаётда уч-раб турадиган аниқ ҳодиса ва нарсалардан иборат бўла-ди. Одатда топилиши лозим бўлган нарса ёки ҳодисанинг бирор белгиси таққослаш йўли билан образли ифодала-нади. Масалан, «Ер тагида олтин қозик, у ҳаммага бўлар озиқ» (Сабзи). Бу топишмоқда сабзининг тус жихатидан олтин рангига якинлиги, шаклан қозикка ўхшашлиги, унинг тупроқ остида битиши ва тановул қилиш мумкин-лиги эслатилади.

«Пак-пакана бўйи бор, етти қават тўни бор» топишмо-ғида пак-пакана бўйи каби белгилар пиёз эканлигини кўрсатиб туради. «Дум-думалоқ, жажжи ой, чақиб есанг фиж-фиж мой» топишмоғидаги дум-думалоқ, чақсанг — фиж-фиж мой каби белгилар унинг ёнғоқ эканлигига ишо-радир.

Баъзи топишмоқлар нарсанинг бажарадиган вазифа-сига, харакатига, унинг нимадан ёки қандай ишланганли-гига қараб, шу хусусиятлар асосида яратилиши мумкин: «Қўли йўқ, оёғи йўқ уй пойлар» (Кулф).

Топишмоқлар кўпроқ истиора асосига қурилган бўли-ши мумкин: «Бир отаси, бир онаси, неча юз минг боласи» (Куёш, ой, юлдузлар).

Муболаға йўли билан яратилган топишмоқлар ҳам ан-чагина: «Бир чукурда минг чукур» (Ангишвона). «Ўзи бир карич соқоли минг қарич» (Ип-игна).

Баъзи топишмоқлар сўзларнинг оҳангдош бўлиб ке-лишига асосланади: «Зув-зув борар, зув-зув келар, дос-тон ўқир, ғалвир тўқир» (Ари). «Ости тош, усти тош ўртасида жонли бош» (Тошибака).

Савол-жавоб шаклидаги топишмоқлар болалар қизи-кишини орттириш билан ажралиб туради:

— У нимадир, хаводаги дўланган?
У нимадир, ер юзини сув олган?
У нимадир, оркасида оғзи бор?
У нимадир, ўртасида магзи бор?

У нимадир, сув ичидা жони бор?
— Булат бўлар хаводаги дўланган,
Ёмғир бўлар ер юзини сув олган.
Тегирмондир, орқасида оғзи бор,
Буғдој бўлар ўртасида мағзи бор.
Балиқ бўлар сув ичидা жони бор.

Топишмоқлар халкнинг ижтимоий-иктисодий хаёти ривожланиши билан ўзгариб боради, янги-янги маъно ва мазмун ифода этади.

Болаларнинг фикр доирасини кенгайтиришда, ақл-идроқларини ривожлантиришда, кузатувчилик ҳисларини, нафосат туйгуларини ўстиришда топишмоқлар муҳим роль ўйнайди.

Қисқаси, топишмоқларда халқ донишмандлиги акс этади. Улар ўзига хос мазмуни ва уларни ифодалаш шакли билан болаларни зийракликка, кузатувчанликка ўргатади, уларнинг фикрлаш қобилиятларини ўстиради.

ТЕЗ АЙТИШ

Тез айтиш ҳам халқ оғзаки ижодининг ўзига хос жанри ҳисобланади. Тез айтиш болаларда ақлий ўткирликни тарбиялайди. Масалан: «Ўқтам кўм-кўк, кўркам кўклам расмини кўп кўк қаламда чизмоқчи», «Занжир, саржин, анжир», «Оқ ўтлок — оппоқ ўтлок», «Жўжа чўчиб гўжа чўқир».

Халқ оғзаки ижодида аллтерация ҳамда муайян товушлар такорори асосига қурилган тез айтиш намуналари шеърий шаклда ҳам яратилади:

Сора аллалайди,
Лола арралайди.
Нон ясашасанми,
Шоли санашасанми?

Болаларни бийрон сўзлашга ўргатиб, уларга эстетик завқ берадиган, фикр ва қобилиятларини ўстирадиган, хотираларини мустаҳкамлайдиган бундай ўйинларнинг кичкинтойлар адабиётидаги роли ва ўрни катта.

ЭРТАКЛАР

Халқ оғзаки поэтик ижодидаги энг бой ва ранг-баранг жанрлардан бири эртакдир. Халқ томонидан яратилган кўплаб эртакларда болаларнинг ўзига хос ҳаёти четлаб ўтилмаган. Ҳатто, турли ёшдаги болалар учун жуда кўп маҳсус эртаклар яратилган.

Эртакнинг муҳим хусусиятларидан бири унинг хамиша халқ ҳаёти, кураши, тарихи, руҳий олами, дунёқараши, урф-одатлари билан чамбарчас боғланиши, инсонларга ахлоқий ва маънавий йўлдош бўлиб келишидадир. Эртаклар инсоннинг маънавий ва жисмоний кучига ишонч руҳи билан суғорилган бўлиб, ижобий кучлар табиат ва ижтимоий ҳаётда ўзига душман бўлган кучларга қарши курашда доимо ғолиб чиқади. Халқ эртакларида уни яратувчи-ларнинг дунёқараши, ахлоқ нормалари ва бошқа ижтимоий муҳим масалалар одилона ҳал этилади. Эртаклар содда ва тушунарли бўлгани учун ҳар қандай китобхонга тез етиб боради. Улар орқали ҳам инсоннинг ижтимоий ахлоқ нормалари шаклланади. Бу хол, айникса ҳайвонлар ҳақидаги эртакда акс этган. Ўтмишда яратилган эртакларда халқчиллик кураши ўзининг ҳақконий бадиий ифодасини топгандир. Халкнинг келажакка бўлган ишончи, адолатнинг адолатсизлик устидан ғалабаси, ёруғликнинг зулматни енгиши, озод ва баҳтиёр ҳаётга эришиш фояли-ри ёрқин образлар орқали тасвиirlанган.

Халқ эртакларида эл-юртни кўз қорачиғидай авайлаб сақловчи ажойиб қаҳрамонлар улуғланади; аёлларнинг ҳақ-хукуклари ҳимоя қилинади; узоқ масофалар яқин қилинади; кишилар характеристидаги ярамас одатлар, но-маъкул иллатлар танқид остига олинади; мардлик, эп-чиллик, довюраклик, меҳнатсеварлик, ҳалоллик, вафодорлик, сахийлик фоялари улуғланади.

Халқ эртаклари ўз хусусиятларига кўра бир неча турга бўлинади: ҳаётий эртаклар, ҳайвонлар ҳақидаги эртаклар, сехрли-афсонавий эртаклар, ижтимоий-маиший эртаклар.

Мактабгача таълим ёшидаги болаларга ўқиб, ҳикоя қилиб бериладиган эртаклар бўллади. Аввал эслатиб ўтганимиздек бу ёшдаги болалар

Бу ёшдаги болаларга тавсия этиладиган эртакларнинг ҳажми киска, мазмунни содда

ҳали олам нима эканлигини билмайдилар. Шунинг учун бу ёшдаги болаларга тавсия этиладиган эртаклар табиат, ҳайвонот олами, дўстлик, меҳнат ахли, жамоа, одоб-ахлоқ тўғрисида бўлиши фойдадан ҳоли бўлмайди.

Бу давр болаларига «Чивинбой», «Қизғанчик ит», «Туяқуш билан қоплон», «Мактанчоқ күён», «Ростгўй бола», «Ариларнинг ғазаби», «Тулки билан турна», «Шолғом», «Кумурска», «Каптар совғаси» каби эртакларни ўқиб бериш фойдадан ҳоли бўлмайди.

Борча тарбиячилари ва ота-оналар олдида турадиган вазифалардан энг муҳими кичкитойларни меҳнатга муҳаббат руҳида тарбиялашдир. Бу тарбияда алоҳида аҳамият касб этади. Шунинг учун ҳам болани ёшлигидан бошлаб бир ишга ўргатиш, кичкиналиқ вактиданоқ унга бир юмуш бериб, иш қилишга одатлантириш лозимдир. Тили чикиб, у ерга, бу ерга юра бошлаган вактида ҳам болага бирор иш бериш керак. Унга бериладиган бу иш аҳамиятсиз, ҳатто «иш» номи беришга лойик бўлмаса ҳам, ундан келадиган фойда жуда катта. Чунки бундай ишлар болани ишни севишга ўргатади.

Бола боғчалигидаёқ ўсиб, улғайиб яшашнинг асоси иш, меҳнат деб камол топмоғи зарур. Боғчада қилиниши керак бўлган юмишларни боланинг ўзи эркин бажарсин, хатолари учун ўзини жавобгар сезсин. Ёш қалб ишлаганда ҳам ишнинг натижасини ўйлаб ишлашга, фикр юритишга, тўғри ишлашга, файрат қилишга кўниксин.

Аммо бу борада шу нарсани ҳам таъкидлаб ўтиш керакки, бу малакалар бирдан ҳосил бўлмайди, балки астасекин юзага келади. Лекин заминни жуда эрта, боғчадан бошлаб қўйиш керак. Болада меҳнат қилиш малакаси вўжудга келса, у ота-онаси, катталарнинг кўрсатиб туришини кутиб ўтирмай, ўзи эплаб кетаверади.

Бу ерда яна бир муҳим нарсани таъкидлаб ўтиш керак. Ишга ўрганиш ва ўргатишда диккат қилинадиган яна бир нарса — ҳар ишни ўз вактида бажаришдир. Ишга одатланиш қанча муҳим бўлса, ишни ўз вактида бажариш шу даражада муҳим, балки ундан ҳам муҳимроқдир. Ҳар ишни ўз вактида бажармай, кейинга қолдириш кўп ишларнинг йигилиб колишига, кўпининг юзаки, сифат-

сиз бажарилишига ёки бутунлай қолиб кетишига сабаб бўлади. Шунинг учун хар ишни ўз вақтида ғайрат ва матонат билан бажариш лозим. Чунки дунёдаги барча тирик нарсалар харакат қилади, интилади ва шу туфайли хаёт учун зарур бўлган нарсаларга етишади. Ҳатто, энг заиф ҳисобланган арилар, чумолилар ва қушлар ҳам интилишда бўлиб, ёзда ўйнашдан ташқари, қиш ғамини ҳам ейдилар.

Гапнинг лўндаси ҳар бир тирик жон яшаш учун харатда ва интилишдадир. Ўргимчакка назар солинг, у тириклик дардида доимо тўқиши билан овора, агар тўрининг бирор ери бузилса, дархол таъмир этиш ва тузатишига киришади.

Барча инсоннинг биринчи вазифаси — кишининг юриш-туриши ва яшаши учун зарур бўлган ҳалол ризқ топиб, ейиш-ичишга етарли нарса ҳосил қилиш. Бунга эса тиришқоқлик, интилиш орқали эришилади.

Бу борада худди инсон каби тиниб-тинчимас меҳнаткаш қумурскалар ва улар ҳақида ҳалқ тўқиган «Кумурска» эртагини шу ёшдаги болаларга ўқиб, хикоя қилиб, айтиб бериш яхши самара беради.

Кичкина болалар у ёқда турсин, ҳатто, катталар ҳам унча менсимайдиган қумурсканинг ишчанлиги, кечаси-ю қундузи тинмай меҳнат қилишини уни кузатган одам сезади, холос.

Ҳаётда шундай: ким кўп ишласа, тиним билмай меҳнат қилса соғлиги яхши бўлади, бой-бадавлат яшайди, ҳеч қачон хор-зор бўлмай умр кечиради. Қумурска мактанчоқ эмас, у оддий ва содда. Шу оддийлиги, соддалиги, меҳнаткашлиги билан ажралиб туради. Савол-жавобларда муз, булут, қуёш, ёмғир, ер, ўт, мол, бўри, мерган-усичқон кабилардан ҳам қумурска устун чиқади. Қумурсканинг ўзига берилган таърифларда ҳам бу маъно кўзга яккол ташланиб туради:

- Корнинг нима учун катта?
- Жигарим зўр, — деди қумурска.
- Белинг нима учун ингичка?
- Мехнатим зўр!
- Калланг нима учун катта?
- Давлатим зўр! Мехнатим зўр, савлатим зўр, мен зўр, мен зўр!

✓ Бу ёшдаги болаларга тавсия этиладиган эртакларнинг асосий қисмини түғри сўз, ҳалол, пок бўлиш, ёлғон гапирмаслик, бирорларни алдамаслик каби мавзудаги асарлар ташкил этади. Масалан, «Ростгўй бола» (туркман ҳалк эртаги)ни олиб кўрайли. Эртак қаҳрамони түғри сўзлиги, катталарнинг панд-насиҳатларига қулок солиши билан ёш китобхонда яхши таассурот қолдиради, кўп болаларнинг хавасини келтирадиган иш қилади.

Карокчилар азалдан ёмон одамлар. Улар ҳар доим зўравонлик ва босқинчилик қилиб бирорларнинг мол-мулқарини тортиб олишган.

«Ростгўй бола» да ота карвон билан йўлга чикқан ўғлиниг қўлига қирқ танга олтин бериб:

— Уғлим, хечам ёлғон гапирма, ҳалол бўлгин, — деб насиҳат қилибди.

Карвон йўлда қарокчиларга дуч келади. Қароқчилар ноинсофлик қилиб босқинчилик билан ҳаммани талайдилар, мол-мулқарини тортиб оладилар. Аммо болага мутлақо эътибор бермайдилар. Ота насиҳатини олган бола түғри сўзлиги билан қароқчи, босқинчи, йўлтўсарликда ном чиқарган бир неча муттаҳамни тарбиялайди, уларни ҳалоллиг-у түғри сўзлиги билан мағлуб қилади: ✓

Савдогарлар йўл юришса ҳам мўл юришибди, бир жойга етиб боришганда уларга қароқчилар хужум қилишибди. Қароқчилар ўзаро маслаҳатлашиб «мана бу ялангоёқка у-бу нарса берсакмикин» дейишибди.

Қароқчилардан бири болани масҳара қилиб сўрабди:

— Эй, ялангоёқ, сендан нимани ҳам олиш мумкин?

— Менда қирқта олтин танга бор, — деб жавоб берибди бола.

— Сенда қирқта олтин танга нима қилсин? — дейишибди қароқчилар кулиб.

Шунда бола чопонининг ёқасини йиртиб, олтин тангаларни кўрсатибди.

— Нега бўларни бизга кўрсатдинг? — деб сўрашибди қароқчилар. — Биз сенга пул бермоқчи эдик, энди бўлса буни ҳам олиб қўямиз.

— Хечқиси йўқ, отам ҳалол бўл, ёлғон гапирма, деб ўргатган, — деб жавоб берибди бола.

Хайрон бўлган қароқчилар савдогарларга мол-мулк-ларини, пулларини қайтариб бериб, ҳалол меҳнат қилиш учун қароқчиликдан воз кечишибди. {

«Шолғом» (рус ҳалқ эртаги) бу давр болалар китобхонлигига асосий ўринда туради. Эртак жуда оддий ва содда. Аммо маъно ва мазмун, асарнинг тарбиявий аҳамияти кутилганидан ҳам зиёда.

Эртак жуда жўн. Бобонинг шолғом экиши ва бўлиқ шолғомни кўплашиб юлиб олиши зикр этилади. Эртакда ортиқча сўз йўқ, қаҳрамон йўқ. Ҳаммаси рисоладагидек. Аммо «Шолғом»да кичкинтойлар билиб, қулоқ солиб ўсадиган жиҳатлар кўп. Биринчидан, бобонинг меҳнаткашлиги яққол кўзга ташланиб туради. Мабодо бобо шолғомни ерга экиб, ўз ҳолига ташлаб қўйганида у мутлақо каттакон бўлиб ўスマған бўлар эди. Бобонинг ўйи-хаёли шолғомда. Кечаси-ю кундузи шолғомга ишлов беради, пешона тери тўкиб кўп меҳнат қиласди. Демак эртакда болани меҳнаткаш бўлишга, худди шу бобо каби далада ишлашга чақирилади.

Иккинчидан, бола бешикдан бошлаб ахил, дўст бўлиб ўсиши керак. Кимки дўстлар билан, жамоа билан ҳамфикр, ҳамкор бўлиб ўssa ўзига ҳам, ўзгаларга ҳам яхши. Яна эртакка мурожаат қиласиган бўлсак. Ўша бўлиғ, каттакон шолғомни ердан тортиб, суғириб олиш масаласи ёш қитобхон учун жуда кизиқарли. Бобо, буви, набира, кучук, мушук, сичконларнинг бир ёқадан бош чиқариб ҳаракат қилишлари болаларни хурсанд қиласди. Уларда шундай қилиб куч бирликда тушунчаси пайдо қилинади.

Эртакнинг учинчи жиҳати мактабгача таълим ёшидаги болаларнинг орзу-нияти бўлмиш табиатни севиш, жони-ворларни асраш, авайлаш ўзига хос ўринда туради. Кичкинтойлар бу эртак орқали кучук, мушук, ҳатто, сичконни ҳам боқишиш, асраш-авайлаш лозимлигини билиб оладилар.

Худди бобо сингари меҳнаткаш бўлиш, куч бирликда тушунчасини дилга жо қилиб камол топиш, айниқса бу тушунча эртак тингловчисининг дил тўридан жой олиши эртакнинг тарбиявий аҳамияти катта эканлигидан далолат беради.

Бу ёшдаги болалар ҳайвонлар ўртасидаги ўзаро ахиллик ва дўстлик каби хислатларни билишни исташади. Ҳайвонот оламида ҳам дўстга меҳрибонлик кўрсатиш, бирбирига ғамхўр бўлиш, ёрдам қўлинин чўзиши бор эканлиги «Арслон билан ит», «Эчки, қўй ва бўрилар» каби эртакларда берилади. «Туяқуш билан қоплон»га назар ташлайдиган бўлсак бу эртакда худди одамлар орасида бўлганидек ҳайвонлар ўртасида ҳам бир-бирларига ёрдам бериш, айниқса бошларига кулфат тушганда юракдан, самимий кўмаклашиш ғояси ётади.

Қоплоннинг бошига мусибат тушди. Томогига катта бир суяк қадалиб қолди. Дод-фарёд қилди. Туяқуш ёрдамга келиб:

— Осмонга қараб оғзингни очиб тур, мен суякни олиб кўяй,— дебди қоплонга.

Қоплон осмонга қараб оғзини очиб турибди. Туяқуш узун тумшуғини қоплоннинг оғзига солиб, тиқилиб турган суякни суғириб ташлабди.

Қоплоннинг кўзлари равшан бўлиб, ўлимдан кутулибди.

Бир оз жони ором олгандан кейин қоплон туяқушга қараб шундай дебди:

— Сен мард экансан, менга яхшилик қилдинг, энди иккаламиз дўст бўламиз, зарур вақтда бир-биrimизга ёрдамга келамиз, — дебди.

Туяқушга бу гап маъқул бўлибди. Туяқуш билан қоплон иккалалари дўст бўлибдилар.

Халқда, ўзга билан дўст бўлдингми, бир умрга бўл, уни яхши-ёмон кунларингда синама ва унга риёкорлик кўрсатма, — деган гап бор. Туяқуш бу йўлдан бормайди: Орадан кўп вақт ўтади, кунлардан бир кун ўқоплонни синамоқчи бўлиб, жўрттага:

— Вой дод, ўляпман, қоплон, мени қуткар! — дея бор овоз билан қоплонни ёрдамга чакиради.

Қоплон чин сўзли, дўстга садоқатли, ғамхўр ва меҳрибон бўлганлиги учун зудлик билан туяқушнинг олдига «шоҳ-бутоклар орасидан устидаги жунлари юлиниб, харсиллаб етиб келибди». Лекин у туяқушнинг юзида табасумни кўриб хайрон бўлади. Туяқуш сурбетлик билан

«кўрмаганимга анча вақт бўлди, ахд-паймонимиз эсингдан чиқиб қолмадими деб синаб кўрмоқчи эдим», деган гапидан қаттиқ ранжийди, дили оғрийди, дўстидан кўнгли колади.

Дўстини алдаган ўзини алдаган бўлади. Сен бирорни бир марта алдадингми, тамом у сенга иккинчи марта ишонмайди. Туяқушда ҳам худди шундай бўлади. Бошка куни бўри уни ушлаб еб қўймоқчи бўлиб турганида у қанча бақириб-чақирмасин, қоплон унинг овозини эшитса ҳам дўстим жўрттага доддаяпти, деб ўйлайди ва унинг олдига келмайди. Туяқуш бўрига ем бўлади.»

Каптар азалдан инсон билан яқин яшаган, инсондан паноҳ излаган, инсонга кўмак берган. Каптар қадимда бир юртдан иккинчи юртга, бир одамдан иккинчи одамга мактублар олиб бориб бериб, алоқачилик вазифасини ҳам ўтагани маълум. «Каптар совфаси» (тамил халқ әртаги) да инсон ва каптар тақдири ҳакида гап боради.

Кижаванинг ахволи оғир, кимсасиз ўрмонда бир парча нонга муҳтож бўлиб ҳаёт кечиради. Унинг кушлар, ҳайвонларнинг тилини билиши, улар билан худди инсонлар каби гаплашгандек сухбат қуриши мактабгача тарбия ёшидаги болаларга хуш ёқади. Кичкинтойларнинг ҳам ўша Кижаван каби қушлар билан, ҳайвонлар билан сухбат қургилари келади. Кижаван соғлом, тўқ, тетик жониворлар, қушлар билан гаплашса хўп яйраб хурсанд бўлади. Баъзи ҳолларда оч, заифларнинг юрак дардларини тинглаб, уларга қўшилиб азият чекиши, кўз ёши тўкиши болаларнинг қалбларига яхшилик уруғини сочади, уларда худди Кижаван каби бўлишга хавас уйғотади. Кижаванинг мажрух каптарга ғамхўрлиги кичкинтойларга қувонч улашади:

Бир куни Кижаван жуда қаттиқ оч қолибди. Бирор нарса тамадди қиласай деса, ҳеч вақоси йўқ. У ўйлаб-ўйлаб, охири таёқ олиб, ўрмонга жўнабди. Ўрмонни айланиб-айланиб, у ерда ҳам ейдиган ҳеч нарса тополмай, уйига қайтибди. Йўлда кетаётib:

— Менга ёрдам бер, — деган заиф бир товушни эшишиб қолибди. Кижаван бундай қараса, ерда бир каптар йиқилиб ётган эмиш.

— Мен учолмайман, қутқаргин, — деб ялинибди у Кижаванга. Кижаваннинг бечора капитарга раҳми келибди. Уни ердан авайлаб күтариб олиб, бағрига босганича, йўлида давом этибди. Капасига олиб келиб, кушни эҳтиётлик билан юмшок ўринга ётқизибди.

— Тузалиб кетгунингча менинида яшайсан. Ҳеч нарсадан қўрқмагин, сени хафа килишларига йўл қўймайман. Қўлимдан келганича сенга ёрдам бераман. Лекин ҳозирча сенга овқат берай десам, уйда ейдиган ҳеч вақо йўк, — дебди хафа бўлиб Кижаван.

— Қайғурма, — дебди капитар уни тинчлантириб, — ўрмонда манго дарахти бор. Дарахт кавагининг ичида гуруч бор, бориб ана шу гуручни олиб келгин.

Дарахт кавагининг ичида гуруч билан бирга олтин, кумуш, олмос, дур ва бошқа қимматбахо тошлар ёғду сочиб ётган бўлади. Кижаван оч, юпун бўлғанлиги учун ўша ердан бир сиким гуручнигина олади, холос. «Бу тошларни нима қилардим, ахир ўзимни безатиш ниятим йўқку», — деб уларга тегмайди. Гуручни мажруҳ капитарга едирганидан китобхон курсанд бўлади. Сахий, қўли очик, кўнгли тўқ Кижаванга капитарнинг узук совфа қилиши, узук оддий эмас, балки сеҳрли эканлиги, Кижаван нимаики сўраса узук унинг истагини муҳайё қилиши эртак тингловчини қойил қолдиради. Уларда яхшиликка яхшилик қайтар экан-да деган фикр пайдо бўлади.

Қўли очик бўлиш, сахийлик қилиш, дўстга содиклик намунасини қўсатиш бу даврда тинглайдиган эртакларнинг катта қисмини ташкил этиши керак. «Тулки билан Турна» эртагига назар ташлайдиган бўлсак, бу холнинг бутунлай тескарисини кўрамиз. Дунёда тулки зотидан муғомбир, писмик, алдамчи, риёкор бўлмаса керак. Кўп эртакларда турна инсонга яқин юради, унга кўмаклашади, ёрдам беради, сахийликда ибрат кўрсатади.

Эртакда тулки ва турнанинг бир-бирларини уйларига чакириб меҳмон қилишлари ҳақида гап боради. Мақтанчоқ, муғомбир, айёр тулки оддий, содда турнани уйига чакириб:

— Албатта, келгин, жонгинам, албатта, азизим, жуда яхшилаб меҳмон қиласман! — дебди.

Баъзан янги дўстнинг феъл-авори қандай эканлиги-ни ўзи яхши билмай юракдаги борини ошкор қиладиган болалар каби турна ҳам тулкига ишонади, чинакамига мени меҳмон қиласр экан-да, деган ўй-хаёл билан унинг уйига келади. Тулки ширгуруч пишириб, уни тақсимчада турнанинг олдига қўяди. Узун тумшуғи билан тақсимчага так-так уради, аммо хеч нарса ея олмайди. Айёр тулки эса бир зумда ширгуручни ўзи еб бўлади.

Эртакда турнага алам қиладиган жойи шуки тулки ўзи пиширган таомни ўзи еб, яна хушомадгўйлик қилиб, — Айбга қўшмайсан-да, жон дўстим! Яхшилаб меҳмон-қилишга бошқа нарса топа олмадим! — дея сурбетлик қилиб туриши болаларнинг қаҳр-ғазабини келтиради. Уларни ҳаётда тулки каби очкўз, алдамчи бўлмаслика даъват этади.

Эртакда турнанинг ҳам бўш келмаслиги, тулкини уйига чорлаб, мўндиға ўзи тайёрлаган овқатни қуиб, уни бир зумдаёқ узун тумшуғи билан ўзи еб қўйиши кич-кинтойларни курсанд қилади. Уларда қилмиш-қидирмиш, сен бировга нима қилсанг, сенга ҳам ўша қилганинг, албатта, қайтиб келади, деган тушунча ҳосил қилади.

Хуллас, мактабгача таълим ёшидаги болалар ўзлари тинглаган эртаклари ёрдамида атроф-олам билан танишиб, нима яхши-ю нима ёмонлигини билиб ўсаверадилар.

Мактаб ёшидаги кичик болаларга тавсия этиладиган эртаклар

Аввал таъкидлаб ўтганимиздек, бу давр болалари мактабга борадиган, ўзлари мустакил равишда озмич-кўпми китоблар ўқийдиган даражада бўладилар. Бу давр болаларига ўқиш учун тавсия этиладиган эртакларнинг ҳам кўп кисми она-Ватан, табиат, ахлоқ-одоб, меҳнат, ўқиш ҳақида бўлиши талаб этилади. «Зумрад билан Қиммат», «Олтин тарвуз», «Деҳқон билан айик», «Нон ва тилла» (араб халқ эртаги), «Ҳаққуш» (тожик халқ эртаги), «Данак» (киргиз халқ эртаги), «Кизғанчик Пак» (корейс халқ эртаги), «Кучук ва топқирлик» (латиш халқ эртаги), «Ўтингчи йигит», «Бўри билан эчки» сингари асарлар кичик мактаб ёшидаги болалар севиб ўқийдиган эртаклардир.

Бу ёшдаги болаларга кўпроқ иғво, фийбат, мунофикликдан йироқ бўлган эртаклар ёқади. Негаки, яхши,

мукаммал тарбияланган бола бошқаларга ҳеч бир озор етказмаслигини, такабурлик қилмаслигини, ҳеч кимга хақорат кўзи билан қарамаслигини, ростгўй бўлишни кичкинтойлар аввалги давр болалар китобхонлигига тавсия этилган эртаклар орқали билиб олишган. Демак, у ўзидан катталарга хурматли, кичикларга шафқатли ва марҳаматли, кулар юзли, ширин сўзли ва хушмуомала бўлади. Ваъдасига вафо қиласи, омонатга хиёнат қилмайди. Ифво, фийбат, муноғиқликдан ўзини сақлайди. Ота-онасининг хурматини бажо келтиради. Уларни ўзидан рози бўлишлари учун саъй-харакат қиласи. Қариндош-уруғларидан алоқасини узмайди, уларга меҳр-оқибатли бўлади. Ёмон йўллардан, ярамас ишлардан, ножўя харакатлардан ўзини сақлайди. Мана шуларга ўхшаш гўзал хислатли болаларни эл севади, эъзозлайди. «Зумрад билан Қиммат» ёртагидаги Зумрад худди шундай хислатли образлардан биридир.

Зумрад! Халқ орзў қилган, истаган, эъзозлаган қизларнинг ёрқин тимсоли. Бугунги қизалоқлар Зумраддан қанчалик ибрат олишса, Зумрад каби чиройли, одобли, мулойим, аклли, меҳнатсевар бўлишса арзийди. Қаранг, йўлда лолалар, ранг-баранг гуллар Зумрадни кўриб бошларини эгиб, унга салом берарканлар. Зумрад майсалар устида ўтириб дам олганида, гуллар уни олқишилар, булбуллар кувониб, унга қўшиқлар айтиб берар эканлар. Хўш, бундай мақтов, бундай эъзоз қайси қизалоққа ёқмайди! Ҳаммага ёқади. Бунга мұяссар бўлиш учун эса, тинимсиз меҳнат қилиш, катталарнинг, ота-оналарнинг, муаллимларнинг ўғит-насиҳатларига каттиқ амал қилиш керак. Ана ўшандагина худди Зумрад каби беҳисоб бойлигигу шон-шарафга, хўрматга мұяссар бўлиш мумкин.

Зумрад аслида ким? У бир ўгай она қўлида сўкиш, қарғиши эшитиб, бир бурда нонга муҳтоҷ бўлиб юрган кизча. Зумрад эл севадиган даражада чиройли, одобли, мулойим, аклли. Уни бир кўрган, бир сухбатлашган киши яна кўрсам, сухбатлашсам деб орзу қиласи.

Зумрад отасини, одамларни яхши кўради, хайвонларни, табиатни, майса-ю ўтлокни севади, уларга хизмат киласи. Ҳаммасига мулойим бокиб, қўли билан силаб-

сийпалаб эркалайди. Бундан гуллар, ўт-ўланлар, булбуллар кувониб, унга қўшиқлар айтиб беришади.

Аммо шу гуллар кампирнинг арзандасини севмас, уни эркаламас эканлар, бу қиз гулларга озор берар, уларни юлиб ташлар, тепкилар экан. Лолалар, гуллар Қимматнинг келишини билиб қолсалар, қовокларини солиб, юмилиб қоларканлар. Ёвуз кампир бундан ғазабланар экан ва буни Зумраддан кўрап экан. Бир куни кампирнинг нияти бузилибди, у Зумраддан қутулмоқчи бўлибди, чолни чақириб олиб, унга дағдаға қилибди. «Қизингни ўрмонга олиб бориб адаштириб келмасанг, мен сен билан турмайман!» — дебди.

Ота ночор. У кампирга ўта итоаткор. Негаки кампир уни сўкиб, ҳақорат қилиб юрагини олиб қўйган, ўзига итоаткор қилиб олган. Чол Зумрадни алдаб, коронги шовқинли, кўркинчли ўрмонда адаштириб келади. Ўрмонда ёлғиз зор қақшаб қодган қизчага гуллар шуъла сочиб, унинг йўлини нурафшон қилиб туради. Зумрад сеҳргар хузурига кирап экан, унга эгилиб салом беради, бошидан кечирган воқеаларни бирма-бир баён қиласди. Кушчаларнинг Зумрадни мактаб сайрашлари кампир қалбини шодликка тўлдиради.

Зумрад меҳнат боласи. Меҳнат қилган элда азиз, деганларидек, унинг елиб-югуриб ишлиши кампирга хуш ёқади. «Оппоқ қизим, ширин қизим, дўмборим, мунчоғим!» — дея уни эркалайди, пешонасидан ўпиб, сочини силайди.

Зумрад ҳалол-поклиги, ширин сўзлиги, меҳнаткашлиги, каттани хурмат қилиши, кичикни эъзозлаши билан сеҳргарнинг муҳаббатини қозонади. Шу сабабли сеҳргар Зумрадни тенгсиз бойлик билан сийлайди, уни бахтиёр қиласди.

Меҳнаткаш ҳалқ ўз фарзандларини худди Зумрад каби ишchan, меҳрибон, иболи, бой-бадавлат бўлишини орзу қилган. Лекин Қиммат каби эрка, тантик, ишёқмасларни ёмон кўрган. Қиммат образи хеч нарсада йўқ, ишламай тишлашга ўрганиб қолган, инжик, муттаҳам ва бедаво фарзандни эслатади.

Бизда ва айникса, эртакларда ўзидан катталарни хурмат қилиш ва кексаларни эъзозлаш, одамохунлик ва

мехнатсеварлик, иболи ва ҳаёлилик асосий масалалардан бири ҳисобланади. Савол туғилади. Ҳўш, Қимматда юқоридаги фазилатлардан қайси бири мавжуд? Ҳеч қайсиси йўқ.

Мана, ота Қимматни ҳам кимсасиз ўрмонда адаштириб ташлаб кетади. Сехгарникида яшар экан унга онаси бирорта ҳам ширин сўз ўргатмаганлиги, меҳнат қилиш нималигини билмаганлиги сабабли кампирга кўпол-кўрс муомалада бўлади. Текинтомоғлиги унга қаттиқ панд беради. Сехгар қизни севмайди, эртак ҳам айтиб бермайди, китоб ва қўғирчоқлар ҳам хадя қилмайди.

Эртакда сехгар кампир жуда мулојим, хақиқий оналарга хос фазилатга эга. Мана, унинг Қимматга мурожатини олиб кўрайлил.

— Томдан ўтин олиб туш, қизим!

Кизнинг жавобини эшигинг:

— Ўзингиз олиб туша қолинг, малайингиз йўқ!

Бу ўзбекона жавоб эмас, тарбиясизлик, одобсизликнинг олий намунаси, холос.

Халкка бундай ўзбошимча киз-у фарзандига тўғри тарбия бера олмаган онанинг кераги йўқ. Шунинг учун ҳар иккалasi ҳам ўлимга маҳкум — аждар ютиб юборади. Бу ҳолга ҳалқ асло ачинмайди, аксинча, тўғри бўлибди, деб мамнун бўлади.

Китобхон болалар ҳам ҳаётда Қиммат қиёфасига тушиб қолмаслик учун ўзларини ўнглаб олишга, меҳнатни севишга, кўпроқ дарс қилишга, китоб ўқишига интиладиган бўладилар. Ахир Қиммат ишёқмаслиги, одобсизлиги туфайли уни жуда кўпчилик хуш кўрмайди. Ҳатто, унинг юриш-туриши, хатти-харакати, сехгар кампирларга ҳам, ҳатто кучукларга ҳам мъяқул бўлмайди. Дангасалиги, кек-кайганлиги, кўрс-кўполлиги ўзининг бошига етади.

Ўтмишда бир донишманд ўғлини келажакда соғлом, жасоратли бўлишини истаб кўп яхши эзгу-тилаклар билдирган экан:

— Азиз ўғлим, дунёда одам енга олмаган нарса бўлмайди, шунинг учун асло қўрқма, ўзингга берилган қувват ва ғайратингни сарф қилиб, олға интил. Баҳт ва саодат осмондан тушади ёки кутилмаган холда қўққисдан инъом

этилади, деб ўйлама. Шу ўйга борсанг, дунёнинг нодон одамларидан бири бўлиб ҳисобланасан. Сўзимга диккат билан кулок сол, баҳтсизман, деб зорланувчилар каторидан жой олма. Файрат қилсанг муродинг хосил бўлади. Инсон ўз саодат ёзмишини ўзи юзага чиқаради. Ўзингни тубан даражага туширма. Эҳтимол баъзи ишларинг тилағингча мұваффакиятли бўлиб чиқмаслиги мумкин, лекин сен бунга қайғуланиб, ноумид бўлма, файрат ва жасоратингдан ажралма. Зохирда оғир, машаққатли бўлиб кўринган нарсадан ҳақиқатда кўп мухим ва хайрли натижа хосил бўлиши мумкин.

Аҳамиятсиз нарсаларга, моддий безакларга кўп алданма, тарақкий этишга, фазл, камол эгаси бўлишга интил. Кўзингни оч, атрофга кара. Замоннинг улуғ олимий, фозилларининг таржимаи холларини, умуман инсонларнинг қадимги ва янги тарихини диккат билан кўздан кечир. Булар сени завқ-шавқ, фазл, камол топишга йўналтирадилар, хаётий йўлингда ҳақиқий раҳбаринг бўладилар.

Ўзбек халқ эртакларидан бири «Ўтинчи йигит билан шер»да қаҳрамон ўша донишманд орзу қилганидек бўлганлиги учун кичик мактаб ёшидаги болаларда бу эртакка қизиқиш катта. Йигит биринчидан, меҳнаткаш, иккинчидан, қўрқмас, довюрак, учинчидан, ишбилармон ва тадбиркор.

Бу ёшдаги болалар дов-даражатлар экиш, уни парвариш қилишда катталарга дастёр-кўмакчи. Кўпинча ўзлари ҳам боғбончилик ишларига берилиб кетишади. «Данак» эртагидаги Баҳромнинг бир дона данакни ерга экиб, уни кўкартириши, у мевали дарахтга айлангунча парвариш қилиши ёш қитобхонларда Баҳромдек бўлиш ҳавасини уйғотади.

Баҳромнинг данаги дарахтга айланиб, мева бера бошлигач, алвости болани еб, дарахтга эга бўлиб олиш ниятида уни қопга солиб уйига олиб кетибди. Баҳром қўрқмас, довюрак бўлганлиги учун ўзи омон қолади, эл-юрт мевасидан еб турган дарахтини ҳам сақлаб қолади:

Алвости ҳовлисига етиб келибди-да, қопини супага кўйибди, қозонга ёғ солиб, олов ёқибди.

Баҳром қопни амаллаб тешиб, оқ теракнинг тепасига чиқиб олибди. Алвости келиб кўрса, бола йўқ.

— Болагинам, қаерга кетдинг? — деб сўрабди у.

— Мен бу ердаман! — Баҳром теракнинг устидан овоз берибди.

— Болажоним, у ерга қандай чиқдинг?

— Темиркуракни оловда қиздириб, устига ўтирдим. Курак юқорига учди, қарасам, дараҳт тепасида турибман, — дебди Баҳром.

Кампир Баҳром айтганидек қилган экан, куйиб ўлибди.

Баҳром шундай қилиб, ўзини ҳам, дараҳтни ҳам алвастидан кутқариб қолибди.

Мехнаткаш халқ бечораҳоллик билан ҳаёт кечирган, кўпинча очлик, юпунлик уларнинг бир умр ҳамроҳи бўлган. Узун тунлари бир-бирларини овутиш, кўнгилларини кўтариш мақсадида эртаклар айтишган. Ўзлари тўкиган эртаклар замирида унумли меҳнат қилиш, фарзанд роҳатини кўриш, баҳтиёр бўлиш ва бошқа кўпгина ғоялар ётади. Ўрни келганда бирданига бой-бадавлат бўлиб, беҳисоб бойлик билан эл-юртни, бой-бадавлатларни қойил қолдириш меҳнаткаш халқнинг эзгу тилаги бўлиб келганлиги хеч кимга сир эмас. «Олтин тарвуз» эртаги худди шундай ўй-хаёл, олий истак билан тўқилгандир.

«Олтин тарвуз» ёш китобхонни кўп нарсага ўргатади. Биринчидан, меҳнаткаш бўлиш — чунки дехкон ўз ерига қайта-қайта ишлов беради. Иккинчидан, парранда-ю даррандага ғамхўрлик қилиш, негаки дехкон мажруҳ лайлакни оёғига таҳтакач боғлаб, даволайди. Учинчидан, очкўз бўлмаслик — дехконнинг уйда ейдиган хеч вақоси йўқ. Лайлакни сўйиб ейиши мумкин эди. Аммо у бу ишни қилмайди:

Бир бор экан, бир йўқ экан, қадим ўтган замонда бир камбағал дехкон бор экан. Унинг атиги бир таноб ери бор экан. Дехкон шу ерда кеча-кундуз тинмай меҳнат қилиб кун кўрар экан. Баҳор келиб қолибди. Дехкон ер ҳайдай бошлабди. Ерни икки марта ҳайдаб бўлиб яқинидаги катта сойнинг бўйида салқинлаб ўтирса, осмонда учиб келаётган бир лайлак йиқилиб тушибди. Дехкон қараса, лайлакнинг қаноти синган экан. Дехкон ҳалиги лайлак-

ни дарров уйига олиб бориб, синик қанотига тахтакач боғлаб, уни бир қанча вақт боқибди. Лайлак соғайиб, учиб кетибди.

Лайлакка қайта умр бағишилаган дехкон бирор нарсадан умидвор эмас. Шу мажрух лайлакни даволаб, унинг ёрдами билан беҳисоб бойликка эга бўламан, деган фикр унинг хаёлига, уйига ҳам келмаган. Лайлак ташлаб кетган тарвуз уруғини ерга экиб, унга меҳр билан ишлов берар экан, бу — олтин (тарвуз) деган тушунчанинг ўзи унда бўлмаган.

Дехкон очкўз эмас, бир парча нонни ҳам ўзгалар билан, кўни-кўшни, ўзига ўхшаган камбағаллар билан бахам кўрадиганлардан. Сабр-тоқат билан тарвузларнинг обдон пишишини, етилишини кутган дехқоннинг «яқин қариндошларини, ошна-оғайниларини ҳам меҳмонга чақириши» ва тарвуз сўйиши китобхон болаларда яхши таассурот қолдиради:

Дехкон бир куни тарвуздан учтасини узиб, уйига олиб кетибди. Тарвузлар жуда катта экан. Дехкон ўзининг яқин қариндошларини ва ошна-оғайниларини меҳмонга чақирибди. Бир маҳал тарвузга пичоқ урса, пичоқ сира ботмас эмиш. Уни қўйиб иккинчисини сўймоқчи бўлибди, пичоқ ўтмабди, учинчиси ҳам шундай бўлибди. Дехкон ҳам, меҳмонлар ҳам ҳайрон бўлишибди. Ерга бир уриб ёриб қарасалар, ичи тўла тилла эмиш. Камбағал севиниб кетиб, ҳаммасини меҳмонларга улашибди, улар ҳам хурсанд бўлиб, уй-уйларига таркабдилар. Уч туп тарвузнинг ҳар бири ўнтадан соглан экан. Дехкон қолган тарвузларни ҳам йириб олибди. Шундай қилиб камбағал дехкон жуда бойиб кетибди.

Халқ беҳисоб бойликка эга бўлган ўз эртагида воқеани бундай қолдирмоқчи эмас. Ён-атрофдагиларни, камбағалларнинг бойиб кетганлигини кўролмайдиганларни ҳеч бўлмаса эртак орқали танқид қилмоқчи, уларнинг жирканч ҳаётлари-ю ашаддий ёвузликларини, бойлик ва давлат деб қинғир ишларга ҳам қўл уришларини ошкор қилиш максадида қўшни — хасис бой образини тўқиган.

Дехкон қаноти синиб, тўдаси билан уча олмай қолган лайлакка яхшилик қилиб, оёғига тахтакач боғлаб тузат-

ган ва лайлакнинг инъоми билан беҳисоб бойликка эга бўлган бўлса, бой бу воқеадан хабар топгач, соғ лайлакнинг оёғини синдириб, даволайди. Бу лайлак ҳам бойнинг даласига тарвуз уруфини ташлаб кетади. Бирок тарвуздан олтин эмас, балки қовоқари чиқиб, кўпчиликни чақади. Бойнинг ҳалок бўлиши эса ёш китобхонда унга нисбатан ачиниш хиссини уйғотмайди. Аксинча, у табиатга, қушларга зиён етказганлиги, бойлик устига беҳисоб бойликка эришиш учун лайлакнинг оёғини синдирганлиги сабабли бу иш тўғри бўлди, деган ижобий хulosага келади, холос.

**Ўрта ва катта ёшдаги
болаларга ўқиши учун
тавсия этиладиган эртаклар**

Мактабгача таълим ва кичик мактаб ёшидаги болаларга тавсия этиладиган эртаклар юкорида кўриб ўтганимиздек ҳажм жиҳатидан

кичкина, мазмуни содда бўлишидан ташқари расм ва бўёкларга бой бўлишини ҳам таъкидлаб ўтган эдик. Бу икки гурухга киравчи эртаклар воситасида табиат, она-Ватан, ҳайвонот оламига ғамхўрлик қилиш, тўғри сўз, одобли бўлиш, катталарни хурмат қилиш, кичикларни эъзозлаш сингари масалалар кичкентойларнинг онг-тушунчаларига етказилишини эслатиб ўтиш лозим.

Эндиликда бу давр болаларига ўқиши учун тавсия этиладиган эртакларнинг асосий қисми довюраклик, ватан-парварлиқдан ташқари, яхши қасб-кор эгаси бўлиш, ҳалқ ва Ватан учун жон фидо қилишга чорловчи эртаклардан иборат бўлади. «Пахлавон Рустам», «Бирлашган ўзар», «Уч оға-ини ботирлар», «Эгри билан Тўғри», «Она ер фарзанди», «Сардорнинг ойни ушлаб олмоқчи бўлгани» (турк ҳалқ эртаги), «Илон терисини ёпинган пахлавон» (нўғай ҳалқ эртаги), «Донишманд киз» (хитой ҳалқ эртаги), «Қадрдон уйингнинг михи» (швед ҳалқ эртаги), «Чоллар, хўқизлар, Бўрка ва поп» (грузин ҳалқ эртаги) сингари эртакларни ўқиши учун тавсия этиш мумкин.

Ота-боболаримиздан қолган ибраторумуз бир гап бор: яхши хаёт кечириш инсоннинг ўзига боғлиқ. У нечоғли тўғри сўзли, аклли, тадбиркор, пок кўнгилли бўлса; дўстга, ватанга хиёнат қилмаса; ёлғон гапирмаса; топширилган ишни ўз вақтида бажариб ваъдасига вафо қилса уни эл дилдан севади, хурмат қилади.

Кимки золим ва такаббур бўлса, бир куни бунинг жазосини олади. Фарид, бечоранинг кўнглини оғритмаса, тарихга назар солиб дангасалик қилмай, меҳнат қисса катта давлат ва қудратга эга бўлади. Бева-бечораларга раҳм-шафқат қилмаганлар, йўқчилик, камбағалчилик ўтида ковуриладилар, эртаклардан ана шу фикрларни уқиш мумкин.

Бизга озгина бўлса ҳам эзгулик қилган одамга эзгулик кайтариш бурчимиз экан, дунёга келишимизга сабабчи бўлган, ўстирган, тарбия қилган ота-оналаримизга доимо муҳаббат, хурмат, риоят ва хизмат қилиш — бўйнимиздаги шарафли бурчdir. Бу шарафли бурчни адо қилиб, ота-она олқишини олган фарзанд, шубҳасиз, дунёда баҳтли, саодатли бўлиб яшайди. Бунинг ёрқин намунасини «Уч оға-ини ботирлар» эртагида кўришимиз мумкин. Эртакдаги ота узоқни кўзлаб иш кўрадиганлардан. Ўфилларига яхши тарбия беради. Натижада ўфиллари ота измидан бориб, комил инсонлар бўлиб камол топадилар, ота дуоси, ўғит-насиҳатларини дилларига жо қилиб олганларлари учун ҳётда кам бўлмайдилар.

Уч забардаст ўғил. Учовларининг қўллари кўксида, отага таъзимда. Ақл, куч-жасоратда тенги ўйк бу йигитлар одобда бутун оламни қойил қолдиради. Негаки, таълим ва тарбия шундай бўлган. Ота камбағал бўлишига қарамасдан ботир-паҳлавон ўфилларини кўзининг тириклигига ҳаётда ўз йўлларини топиб олишларини орзу қиласи.

Дарвоке, одамнинг қанчалик тарбияли ҳалол ва поклиги ўзга одамлар билан дўстлашганида; кўпинча сафарга чиққанида; мард-паҳлавонлиги эса курашда, жангда билинади. Ота худди шундай режа, ўй билан фарзандларини узок сафарга жўнатади. Бундай олиб қараганда ота нинг бошқа оталардан унча фарқи ўйқдек туюлади. Аммо эртакни синчиклаб ўқиб, ота насиҳатига назар ташлайдиган бўлсангиз у дунёдаги энг билимдон, узокни кўра оладиган, ақл-заковатда тенгсиз бир инсон эканлигини сезасиз. Отанинг фарзандларига айтадиган сўзи — насиҳати бир жумлагина. Лекин унинг маъноси, таъсир кучи оламча бор.

Ота насиҳатини бир неча бўлимларга ажратиб ўрганиш мумкин. Насиҳатнинг биринчисида ҳар бир ота-она ўз фарзанди оламга келиши билан унга яхши, ўзига му-

носиб исм қўйиб, тўй-томушасини ўтказиб, ўқитиши, хатсаводли килиши хақида гап боради:

— Ўғилларим, мен бой эмасман, мендан қолган давлат сизларнинг майшатингиз учун кифоя қилмайди, ўзимдан кейин баҳтсиз бўлиб колманглар, деб сизларни ўқитдим. Яхши от қўйдим. Тўй қилдим. Вояга етказдим.

Ҳамма замонларда ҳам бола тарбияси мухим масалалардан бири ҳисобланган. Насихатнинг иккинчи бўлимида бола тарбияси хақида сўз боради. Болани чинакамига соғлом, тетик, куч-куватли килиб вояга етказиш, она-Ватан ҳимоясига доимо тайёр кишилар қилиб тарбиялаш, фойдали меҳнат кўнкимларига эътибор бериш ёш бўғин камолотида мухим ўрин тутиши зикр этилади:

— Сизларни уч нарса билан тарбия қилдим. Биринчидан, соғлом вужудли килиб тарбияладим — кувватли бўлдингизлар. Иккинчидан, яроғ билан таништирдим — яроғ ишлатишга уста бўлдингизлар. Учинчидан, қўркитмай ўстирдим — кўрқоқ бўлмай, ботир бўлдингизлар.

Насихатнинг учинчи бўлими жуда мухим. Үнда тўғри, ҳалол, пок инсонлар бўлиш, ўзгалар мол-мулкига кўз олайтираслик, камтарин бўлиш сув билан ҳаводек зарурлиги, айни пайтда, мактандонон ва дангасалик ёмон иллатларга олиб келиши кескин қораланади:

— Яна уч нарсани айтаман, қулоқларингизга қуйиб олинглар, эсларингиздан чиқармангизлар. Тўғри бўлинг — бехавотир бўласиз. Мактандонон бўлманд — хижолат тортмайсиз. Дангаса бўлманд — баҳтсиз бўлмайсиз.

«Уч оға-ини ботирлар» эртагининг қаҳрамонлари меҳрибон, ўз вақтида қаттиққўл, шу билан бирга талабчан ота тарбиясини олганликлари учун сафарда катта муваффакиятларга эришадилар. Йўлда ўзларига дуч келган барча тўсик ва ғовларни енгадилар. Ўзларининг ботир ва довюракликлари билан эл-юртни лол қолдириб, баҳтиёр бўладилар.

Ҳаётда кимки яхши ишга қўл урса, яхши нарсаларга эга бўлади, кимки ёмонлик қилса, эл назаридан қолади. Ҳар бир бола дунёда олим ва фозил бўлишга, ўзини соғлиқ ва тўғрилик зийнати билан безашга интилиши, Ватан ва ҳалқига муносиб хизмат қилишга ҳаракат қилиши шарт. Ота-онасини эса ҳалол хизматлари билан мамнун этиши

керак. Ёшлигидан меҳнат қилишга интилган, тўғрисўз ва соғдил инсон доимо эл-юрт олкишига муюссар бўлган.

Ёшлар келажакда яхши ҳулқ эгаси, эзгу ният ва гўзал фазилатлар сохиби бўлишлари учун нима қилишлари лозим? Бунинг учун яхши ишлар йўлида ҳеч қандай қийинчиликлардан қўрқмасликлари, ота-оналари ва тарбиячи ўйтларига амал қилишлари, вактни факат фойдали ишларга сарф қилишлари, бутун куч-файратларини илм ўрганишга қаратишлари керак.

Ха, болалар учун ҳаётда энг буюк ва шарафли бир йўл бор. Бу йўлдан асло чикмаслик ва адашмаслик зарур. Бу йўл инсонийлик йўлидир. Бу йўлга амал қилган киши ҳамиша баҳту саодат сохиби бўлади, бу йўл одамларга маънавий куч-кувват беради. Шунингдек, халқига ва қариндош-уруғларига қўлидан келган барча яхшиликни қилиш, уларнинг ҳурматини жойига қўйиш ҳам хар бир кишининг инсонийлик бурчидир.

«Эгри билан Тўғри» эртаги бу фикримизнинг далилларидир. Тўғрибой ҳалол, пок, яхши ниятли инсон. У рўзгор тебратища қийналган. Тирикчиликни ўнглаш учун мардикорчилик қилишга мажбур бўлган. Ана шундай ўй билан шахарга отланган. Бисотида битта оти бор, холос.

Тўғрибойнинг ўзи ҳалол-пок бўлганлиги, бирорларни алдаш, уларга риёкорлик қўрсатишдек ёмон ният ўй-хаёлида бўлмаганлиги учун Эгрибой билан ҳамроҳ бўлиб қолади. Халқда, самимият ва садоқатга асосланган дўстлик ҳамиша, ҳар ерда ва ҳар қандай шароитда ишончли бўлади, зарурият ва мажбурият натижасида пайдо бўлган дўстлик эса бундай бўлмайди. У дарё каби гоҳ тошиб, атрофни босади, гоҳ қуриб, суви озайиб қолади, деганларидек булар ўртасидаги дўстлик ҳам узокка бормайди. Тўғрибой, «Шеригим чарчади. Отни навбат билан минайлик. Бўлмаса бу дўстликдан эмас»,— деб отни Эгрибойга бериши биланок Эгрибой отни миниб қочади. Қаранг, донолар олтиннинг соғлигини ўтда, ҳайвоннинг кучини оғир юқ ортганда, инсоннинг тўғрилигини омонатга хиёнат этмаслигига билса бўлади, деб бекорга айтмаган эканлар. Эгрибой эгрилигини қилиб дўстга садоқатсизлик қўрсатади.

Тўғрибой йўлда кўп адашади, ўрмонга кириб қолади ва бир эски тандир ичига кириб тунайди. Кечаси ўрмон йиртқичлари арслон-шоҳ бошчилигига тандир атрофига тўпланишиб, бир-бирларига мақтанишади:

Тулки достон бошлабди:

— Оғайнилар, мен сизларга айтсам, ўн йил бўлдики, ўрмон ёқасидаги торда яшайман. Ўн йилдан бери давлат йигаман. Мендаги асбоб-ускуна, мол-дунё ҳеч кимда йўқ.

Навбат чия бўрига келибди:

— Ўрмонга туташган катта тепалик остида яшайман. У ерда бир сичқоним бор, ҳар куни туш пайти инидан чиқади, унинг кирқ битта тилласи бор, шуни ўйнагани-ўйнаган. Тиллани ўйнаб-ўйнаб яна инига олиб кириб кетади.

Айик унинг сўзини бўлибди:

— Бу ҳам унча қизик эмас. Ўрмонда бир туп садақайрафоч бор. Қайрағочнинг пастида иккита шохчаси бор. Шохлардаги барглар бир қанча касалга даво. Уни эзиб ичилса, ҳар қандай жонивор ўша замонок дард кўрмагандай бўлиб кетади. Мен болаларимни шу билан даволайман.

Унинг орқасидан бўри кулиб юборибди.

— Оғайнилар, бизнинг ҳам қизик хикоямиз бор, — деб гап бошлабди у, — ўрмон ёқасида ўн минг қўй боқилиди. Ҳар куни иккита бўрдокини ейман, мени ушлаш учун чўпонлар копқон қўйишади, тузок солишади, аммо писанд қилмайман. Лекин кирда Кимсан чол деган дехқоннинг бир кучуги бор. Шу кучукни чўпонлар сотиб олишса борми, менинг шўрим қурийди.

Йўлбарс унга қўшимча қилибди:

— Рост айтасан, қўйларга ўхшаб ўн минг йилки ҳам ўрмон атрофида ўтлаб юрибди. Мен ҳар куни ўшаларнинг бирорини ейман. Улар орасида бир айири бор. Кимки ўшани минса ва бир қўлига килдан эшилган камон, бир қўлига узун гаврон олиб, мени қувса, дарров тутади, камонни бўйнимга солиб, гаврон билан урса борми, бир умр йилқилар олдига йўламас эдим.

Тадбиркор, акл билан иш кўрган Тўғрибой бу сухбатда эшигтанларини амалга оширади. Ҳатто, етти йил бемор ётган шоҳ қизини даволаб, маликага уйланади. У умр бўйи ишлаб, меҳнат қилиб, пешона тери тўкиб ти-

рикчилик ўтказганлиги сабабли подшонинг инъомидан воз кечади:

— Менга беклик тўғри келмайди. Мен содда ва тўғри одамман. Ўрмон ёқасидаги тепаликдан бир уй қуришга рухсат берсангиз бўлгани. Ўша ерда дехкончилик қилиб, кун ўтказаман, — деб жавоб бериби.

Тоғ-тоғ билан учрашмайди, одам-одам билан учрашади, — деганларидек Тўғрибой ўрмон ёқасидан ўзига иморат қуриб, шохона хаёт кечириб юрганида ноўрин хатти-харакати, ёлғончилиги туфайли хаётда эзилган одам Эгрибой билан дуч келиб қолади. У Эгрибойга турмушда нимагаки эришган бўлса, ўша тандир сабабчи эканлигини гапириб беради.

Эскилар бу дунёни тоғга ўхшатадилар. Унинг орасида туриб нима деб бақирсанг, ўша сўзнинг акси садосини эшиласан. Ҳа, хаёт ҳам шундай. Эгрибойнинг эгрилиги, алдамчилиги, ўзининг бошига етади, тандир ичидаги йиртқичларга ем бўлади.

Хуллас, кимки ҳалқ оғзаки ижодига меҳр қўйса, айниқса, эртакларни кўпроқ ўқиса, хаётда кам бўлмайди.

Аёнки, бой ва ранг-баранг халқ оғзаки ижоди намуналари ёзма адабиётнинг майдонга келиши ва ривожланишида бой манба бўлиб хизмат қилади. Бу ерда яна бир нарсани таъкидлаб ўтиш керакки, бадиий адабиётнинг тараққиёти жамиятнинг умумий тараққиёти билан ҳам узвий боғлиқдир. Бу жиҳатдан Маҳмуд Кошгариининг «Девону лугатит турк» асарини эслаб ўтиш ўринлидир. XI асрнинг буюк тилшунос олимни ўзининг бу китобида бизга кўп маълумотлар беради. Китобда XI аср адабиёти билан бирга, аввалги замонларда пайдо бўлиб, оғиздан-оғизга, авлоддан-авлодга кўчиб юрган қўшиқ ва лирик шеърлардан намуналар ҳам келтирилган. Айниқса, меҳнат, қаҳрамонлик, маросим, мавсум қўшиқлари ҳақида батафсил маълумот берилади. Шунингдек, Юсуф Хос Ҳожибининг «Қутадғу билиг» («Саодатга олиб борувчи билим»), Аҳмад Юғнакийнинг «Ҳибат ул ҳақойик» («Ҳақиқатлар армугони») достонларида ҳамда Аҳмад Ясавий, Сулаймон Бокурғонийларнинг асарларида тил, илм, фан, ахлок-одоб масалалари қамраб олинади. Ҳайдар Хоразмий, Қутб, Дурбек, Саккокий, Лутфий сингари шоирларнинг адолатсизлик ва зулмни коралаш, оддий инсоннинг оғир аҳволига чиниш, орзу-армонларини қисман бўлса-да ёритишга қаратилган асарлари тарихда муҳим роль ўйнайди. Атоий, Саккокий, Лутфий ғазаллари тимсолида XV аср ўзбек шеърияти ҳаётий воқеаларни акс эттириш соҳасида катта бадиий тажриба тўплади. Бу тажриба Алишер Навоийдек буюк санъаткорнинг вояга этиши учун зарур бўлган шарт-шароитларни тайёрлади.

Алишер Навоий бутун фаолияти ва ижодини инсоннинг баҳт саодати учун курашга, халқнинг осойишталигига, ўзаро урушларнинг олдини олишга, ободончилик ишларига сарфлаган, донишманд давлат арбоби, ўзбек

классик адабий тилига асос солган ва ўзбек мумтоз адабиётини янги тараққиёт поғонасига кўтарган буюк сўз санъаткори бўлиб, даврнинг маданий хаётига раҳбарлик қилди, илм-фан, санъат ва адабиёт аҳлига хомийлик кўрсатди, кўплаб шогирдлар етишиди.

XV—XVI асрларда яшаб ижод этган Захириддин Муҳаммад Бобурнинг «Бобурнома» асарида ўша давр хаётига доир тарихий воқеалар билан бирга, илм-фангага оид қимматли маълумотлар берилган, турли ҳалқларнинг урфодатлари, тили, санъати ва адабиёти ёритилган.

XVIII асрнинг охири XIX асрнинг бошларида яшаб ижод этган икки буюк шоир Муҳаммадниёз Нишотий ва Муҳаммад Шариф Гулханийлар ижоди мумтоз адабиётимиз тарихида алоҳида ажralиб туради. Нишотийнинг ҳалқ оғзаки ижоди асосида яратган «Хусну дил» достони ишқ-муҳаббат, ақл-фаросат, одоб-ахлоққа бағишлиланган. Шу нарса дикқатга сазоворки, достонда ҳар бири мустақил асар бўла оладиган «Шоҳбоз ва булбул», «Гул ва Даф», «Най ва Шамшод», «Косай Чин Наргис», «Бинафша ва Ҷанг» каби масаллар ҳам берилган. Бу масалларнинг барчасида эл-юрга фойда келтириш, мақтанчоқ бўлмаслик, ортиқча кибр-ҳавонинг зарари каби мавзуларнинг ёритилиши болалар учун ҳар жиҳатдан ибратлидир.

Гулханий ҳам «Зарбулмасал» асарида ўзининг муҳим ижтимоий қарашларини, эл-улус тақдирига муносабатини қизиқарли масаллар орқали ифодалаган.

Мунис меҳнаткаш ҳалкнинг оғир аҳволига қаттиқ ачинди, илм-фан ва адабиёт ахлиниң хор-зорлигидан қайфурди. Шоир кишиларни билим олишга, китоб ўқишига, жоҳил ва ёмонлардан узоқ бўлишга чақирди. Мунис «Саводи таълим» рисоласи орқали болаларни ўқитиш ва тарбиялаш ишига катта ҳисса қўшди. Унинг маърифатпарварликни ўзидан кейин яшаган Муқимий, Фуркат, Завкий, Аваз Үтар каби шоирларнинг ижодига ҳам катта таъсир кўрсатди.

Маърифатпарварликни байроқ қилиб кўтарган Абдулла Авлоний, Ҳамза, Фитрат, Элбек, Мунавварқорилар томонидан ёзилган дарслер ва қўлланмаларда болалар хаёти, ўқиши, ахлоқ-одоби хақида материаллар берилади.

Абдулла Авлоний («Биринчи муаллим», «Иккинчи муаллим», «Мактаб гулистанони», «Туркий гулистан ёхуд ахлок»), Хамза Ҳакимзода Ниёзий («Енгил адабиёт», «Ахлок хикоялари», «Қироат китоби») асарларида янги давр нафаси уфура бошлади.

Ўтган асрнинг 20-йилларида Фитрат, Чўлпон, Усмон Носир,Faфур Ғулом, Файратий, Шокир Сулаймон, Ойбек ва бошқаларнинг катта ёшдаги болалар учун ёзган асарларида илм ва меҳнатга чақириқ кенг ўрин олди. Кейинчалик бу сафга З. Диёр, Д. Оппокова, М. Файзий, И. Муслим, А. Раҳмат, Ш. Саъдулла, С. Жўра, М. Оқилова, Қ. Мухаммадий, Ҳ. Назирлар келиб қўшилади. Улар болаларни яхши ўқишига, илм-фан нурларидан баҳраманд бўлишга, даврнинг ҳакиқий ўғил-қизлари бўлиб камол топишга тарғиб этадилар.

Болалар адабиётимиз йилдан-йилга ривожланиб борди ва 30-йилларга келиб, ўзининг профессионал шоир ва ёзувчиларига эга бўлди. Поэзия (Зафар Диёр, Адҳам Раҳмат, Илёс Муслим, Шукур Саъдулла, Султон Жўра, Махмуда Оқилова, Куддус Мухаммадий), проза (Мажид Файзий, Доржия Оппокова, Ҳаким Назир), драматургия (Зафар Диёр, Доржия Оппокова) соҳаларида болалар ижодкорлари етишиб чиқдилар. Садриддин Айний, Faфур Ғулом, Ҳамид Олимжон, Ойбек, Шокир Сулаймон, Элбек ва Файратийлар ҳам ўзбек болалар адабиётини юқсалтириш ишига ўз хиссаларини қўшдилар.

Бу даврда Зафар Диёрнинг «Қўшиқлар» (1933), «Тантана» (1936), «Шеърлар» (1939), «Муборак» (1940), «Шеър ва хикоялар» (1940) тўпламлари ва «Машинист» (1935) поэмаси, «Бахти ёшлиқ» драмаси, «Жўнатиш», «Ножӯяликлар» хикоялари; А. Раҳматнинг «Дум» (1938), «Бахти ёшлиқ» (1939), «Завқли аллалар» (1940), «Шеърлар» (1940), «Ҳийлагар тулки» (1940) китоблари; Султон Жўранинг «Фидокор» (1940); Илёс Муслимнинг «Ўсув» (1932), «Захархандалар» (1932) тўпламлари, «Микти келди» поэмаси (1934); Шукур Саъдулланинг «Ҳайқириқ» (1933) тўпламлари босилиб чиқди.

Бу даврда қардош халқлар адабиётидан жуда кўплаб асарлар ўзбек тилига таржима қилинди. Бунинг натижасида ўзбек болалар адабиёти ҳар томонлама бойиб бор-

ди. Айниқса, «Ёш туркистонликлар», «Болалар йўлдоши», «Болалар дунёси», «Ўзгаришли ёшлар», «Ёш куч» каби нашрларнинг йўлга қўйилиши болалар адабиётининг хар томонлама ривожланишига сабаб бўлди.

Хуллас, болалар адабиётининг мавзу доираси кенгая борди. Ёшлик, мактаб ҳаёти, она-юорт табиати, халқлар дўстлиги, илм, хунар ва техникага муҳаббат мавзулари болалар адабиётидан кенг ўрин олди.

Халқимизда: «Она юртинг омон бўлса, ранги рўйинг сомон бўлмас», деган накл бор. Собиқ Иттифокка немис-фашист босқинчиларининг хиёнаткорона бостириб кириши ўз баҳтини, келажагини ҳалол меҳнати билан бунёд этаётган халқнинг оромини, тинчлигини бузди.

Урушнинг биринчи кунлариданоқ Ойбек, Ҳамид Олимжон,Faфур Фулом, Собир Абдулла, Уйғун, Мақсуд Шайхзода, Зафар Диёр, Амин Умарий, Файратий, Миртемир, Илёс Муслим, Султон Жўра ва бошқалар фашист босқинчиларининг албатта ер билан яксон бўлишига комил ишонч фояси билан йўғрилган асарлар яратдилар. Урушнинг биринчи кунларидаёқ яратилган Уйғуннинг «Хайрлашув», Зафар Диёрнинг «Кичкина жангчи», Илёс Муслимнинг «Ёвни тутдай тўкамиз», Султон Жўранинг «Текстиль комбинати тўкувчилари», Раъно Узокованинг «Талпин, юрак» шеърлари болалар адабиётида урушни лаънатловчи дастлабки асарлардан бўлди.

Бу давр адабиётининг асосий мавзусини уруш давридаги халқ қаҳрамонларининг фашист босқинчиларига карши жасоратларга тўла кураши «Хат» (Ҳамид Олимжон), «Мен яхудийман», «Сен етим эмассан» (Faфур Фулом), «Ватан хақида», «Йигитларга» (Ойбек), «Кураш нечун?», «Капитан Гастелло» (Мақсуд Шайхзода), «Ватан хақида кўшик» (Уйғун), «Ватан», «Чавандоз» (Темир Фаттоҳ), «Курол беринг менга ҳам», «Бизнинг оила» (Зафар Диёр), «Тўпчи Мухаммад» (Султон Жўра), «Онамнинг айтганлари» (Адҳам Раҳмат), «Биз енгамиз» (Ҳасан Сайд) каби асарларда ўз ифодасини топди.

1941 йилнинг июль ойидаёқ «Ўлим ёвга» адабий тўплами босилиб чиқди. Тўпламдаги шеърларда ғалабага бўлган комил ишонч жўшиб куйланди.

«Ватан учун» тўплами ҳам шу йилда юзага келди. Ундаги шеърлар мавзу жихатидан янада кенгайтирилганлиги, қаҳрамонлик, она-Ватанга садоқат ғояси етакчилик қилиши характерлидир.

Айникса, Зафар Диёр яратган қаҳрамонлар ёш бўлишига қарамай жуда қасскор. Улар тинчлик, осойиштадик шайдолари, немис-фашист босқинчиларини қаҳр-ғазаб билан лаънатладилар. Бинобарин, она-Ватанни севиш, ардоқлашнинг ўзи етмайди, уни муносиб ўғлон бўлиб химоя қила олиш зарур, деган мукаддас туйғу билан нафас оладилар. Шунинг учун ҳам шоир қаҳрамонлари қўлда курол билан немис-фашист босқинчиларига қарши шердай ҳамла қилишга тайёр. З. Диёр «Курол беринг менга ҳам!» шеърида лирик қаҳрамон тилидан шундай мисраларни битади:

Мени кичик
демангиз,
Камситмангиз кучимни,
Боскинчидан
олгумдир
Халқ қасоси —
ўчимни!

Немис-фашист босқинчилари барча қатори ёш болаларнинг ҳам осуда ҳәётини бузди. Уларни дарё, қўллар бўйида балиқ тутиб ҳордик чиқаришдан, билим олиб, қувнок ўйин-кулги билан яшашдан маҳрум этди. Шунинг учун ҳам ёш ватанпарвар бутун халқ билан бир тан, бир жон бўлиб, қўлида курол билан душмандан ўч олишга шайланди:

Курол беринг
менга ҳам,
Курол беринг
менга ҳам.
Разил немис бошига
Мен ҳам солай

катта фам, — дея шижиоат кўрсатиши билан диққатни тортади. Уруш даври болалар адабиётида фронт орқасини мустахкамлаш иши ҳам алохида мавзу бўлиб қолган эди. Зафар Диёрнинг «Мактаб —

сенинг фронтинг», «Поезд кетар фронтга», «Темирчилар минбари», Шукур Саъдулланинг «Ёшлик», «Сен нима қилдинг?» каби асарларида болаларнинг фронт орқасини мустаҳкамлашдаги жанговар меҳнати намоён бўлади.

«Сен нима қилдинг?» шеърининг қаҳрамонлари ўзларига ҳам, ўзгаларга ҳам талабчан болалар. Ҳар бир кун, ҳар бир дақиқани меҳнат муваффақияти билан ўтказишини ўз олдиларига мақсад қилиб кўйганлар. Шунинг учун ҳам улар бир-бирларига жиддий савол берадилар:

—Фронт учун не қилдинг?
Навбат сенга! Сўйла қани,
Нималарни эп билдинг?!

Жавоб ҳам аник:

... Ўйлаб топдим: уйга кирдим,
Кездим ҳар ённи бир-бир.
Боғлар ошдим, кўп йўл юрдим,
Йиғдим терсагутемир.
«Булар фронт учун!» — дея
Элтдим мактабим сари,

Шу зайлда ҳар бир боланинг қўшган улуши беш ўртоқ ўртасида мухокама килинади. Ва ниҳоят улар: «Бундан ўку танк бўлади», дея ўз ишларидан қаноат хосил қиладилар.

Шеърда ҳар бир боланинг фикри-ўйи, орзу-умиди ишонарли тарзда ифода этилади.

Урушдан кейинги давр болалар шеъриятида она-Ватан, гўзал диёр, хур ўлкамиз тўғрисида яратилган асарлар дикқатга сазовордир. «Яшна, Ватан» (И. Муслим), «Обод ўлкам», «Юртимиznинг юраги» (П. Мўмин), «Менинг Ватаним», «Бахти болалар» (Қ. Ҳикмат), «Ўлкамизнинг тонги отмокда» (А. Раҳмат), «Дехқон бобо ва ўн икки болакай қиссаси» (А. Орипов), «Она деган сўз» (О. Матжон) ва бошқалар. Бу мавзуда яратилган шеърларни санаған билан тамом бўлмайди.

Бу мавзуда яратилган асарлар ичida Абдулла Ориповнинг «Дехқон бобо ва ўн икки болакай қиссаси» шеъри болалар адабиётининг кейинги йилларда қўлга киритган жиддий ютуқларидан бўлди. Ўзбек болалар шеъриятида

Ўзбекистон хақида қўплаб асарлар бор. А. Орипов уларни такрорламасдан ўзига хос оригинал асар ёзган. Шеър қаҳрамонлари ўн икки вилоятдан чиккан аълочи, жамоатчи ўқувчи болалар. Улар ўз жойларининг тарихини яхши билишади. Поездда ўзларига ҳамроҳ бўлган бобонинг саволларига лўнда-лўнда килиб жавоб беришади. Ўзбекистондаги ҳар бир вилоятнинг ўзига хос бойлиги, шаҳарлари, бағри кенг одамлари китобхон кўз ўнгидан бир-бир гавдаланади.

Ўзаро сухбат асосига қурилган бу шеърда бобонинг якуний нутки жуда салмоқли. Тўрт мисра шеър билан тобора гуллаб-яшнаб бораётган, ўзига мустакил бўлиб, ўз тақдирини бунёд этаётган диёромизнинг хусни-жамоли, кудрати бир бутунлигича ифода этилган:

Сиз атаган ҳар бир жой
Битта бўстон бўлади,
Ҳаммасини қўшсангиз,
Ўзбекистон бўлади.

Ўзбек халқи азалдан меҳнаткаш халқ. Ишчанлик бизга ота-боболаримиздан мерос бўлиб қолган. К. Муҳаммадийнинг «Этиқ», «Бувимнинг ҳикояси», Ҳ. Ёкубовнинг «Сирдарё офтоби», Шукур Саъдулланинг «Ховлимизнинг болалари», «Дастёр қиз», «Боғбон қиз», Илёс Муслимининг «Ойхон варайхон», «Ишchan асаларилар», «Сенинг совғанг», Пўлат Мўминнинг «Далаларга қарасам», «Офтоб чиқди оламга», Қудрат Ҳикматнинг «Бобо ва набира», «Жўжам, юрма лакиллаб», Толиб Йўлдошнинг «Вакт қадри», Юсуф Шомансурнинг «Барака», «Тикувчи», Рауф Толибининг «Бобо хурсанд, Нодира хафа», Қамбар Отанинг «Мехнатдан завқ оламан» шеърлари бевосита меҳнат мавзусига бағишланган.

Истеъодли шоир Қамбар Ота узок йиллардан бери болаларни меҳнатсеварликка чорлаб шеърлар ёзиб кела-ди. «Мехнатдан завқ оламан» асари шулардан бири. Асарнинг лирик қаҳрамони соғлом ва тетик бола. Бунинг асосий сабаби унинг меҳнатсеварлигига. Бола ишлашни, айниқса, катталарнинг ишига ёрдам беришни яхши кўради. Лирик қаҳрамоннинг меҳнати, орзу-хаёли ёш китобхоннинг эзгу-ниятига мос тушади:

Соғлом, кувнок боламан,
Мехнатдан завқ оламан.
Агарда иш қилмасам,
Тез зерикиб қоламан.
Катталарга дастёман,
Хизматига тайёман.

Мехнат—баҳт. Ўша баҳтни қўлга киритиш, меҳнат унумдорлигини ошириш учун эса энг аввал илм-фани пухта ўзлаштириб олиш керак. Қ. Муҳаммадий «Кичкина мичуринчилар» шеърида меҳнатнинг зое кетмаслигини алоҳида таъкидлайди:

Илмини билиб олсанг,
Мўлжалинг хато кетмас.

Мехнат дунёда буюк иш. Кимки бу ишнинг этагини тутса; у ҳеч қачон кам бўлмайди. Шоирларимиз ўз асарларида болаларни меҳнаткаш бўлишга, меҳнат ахлини хурмат килишга, уларнинг пешона терлари эвазига бунёд этилган нарсаларни эъзозлашга, асраб-авайлашга даъваткор шеърлари билан китобхон меҳрини қозонмоқдалар.

Болаларни боғча ёшидан бошлабоқ табиатга муҳаббат руҳида тарбиялаш муҳим ишлардан бири хисобланади. Болалар ижодкорлари бу масалага алоҳида эътибор бермоқдалар. «Кичкина боғбон ҳакида достон» «Сув билан сухбат», «Юксак тоғ, кенг ўтлок ва мард ўрток ҳакида кисса» (Зафар Диёр); «Тўрт фасл» (Ш. Саъдулла), «Бизнинг бокқа келинглар» (Ғ. Ғулом), «Бойчечак», «Гунча» (Уйғун); «Ўрик гуллаганд» (Ҳамид Олимжон); «Юритимиз табиати», «Тилла қўнғиз» (И. Муслим); «Табиат алифбоси», «Қанотли дўстлар» (Қ. Муҳаммадий); «Бахор», «Тоғманзараси», «Сув» (Қ. Ҳикмат); «Тошбака» (Ю. Шомансур); «Бир чўнтақ ёнғоқ» (М. Аъзам); «Бахор ва мен», «Кушча сўзи» (Р. Толиб); «Камалак афсонаси» (О. Матжон) ва бошқалар шулар жумласига киради. Булар орасида Шукур Саъдулланинг «Кичкина кушча» асари алоҳида ажralиб туради. Унда болаларнинг кушларга бўлган меҳри, ғамхўрлиги мисралар қатига чуқур сингдирилади.

Болалар шоири Олим Махкам ўзига-ўзи талабчан қаламкашлардан бири. У ўзининг ҳар бир асарини қайта-қайта

ишлайди, тилининг содда, бадий мукаммал бўлишига катта эътибор беради. Унинг «Капалак» шеърини олиб кўрайлик. Тўрт мисрадан иборат бу асар нақадар оддий, нақадар содда. Аммо жуда таъсирчан. Инсонлар у ёкда турсин, ҳатто, ҳашарот-у, курт-қумурскалар ҳам табиат-нинг мудом гулдек яшнаб туриши тарафдори эканлиги аён бўлади:

Капалакжон, бери кел,
Бунча парвоз этасан.
Мени кувма, Эркинжон,
Гулни босиб кетасан.

Тинчлик ва дўстлик! Бу икки сўз бир-бирига эгизак. Болалар адабиётида бу мавзу мухим ўринлардан бирини эгаллайди.Faфур Fулом («Каптар учар, ғоз учар»), («Тинчлик арчаси»), К. Мухаммадий («Урушга йўл бермаймиз»), Ш. Саъдулла («Тинчлик қуши ҳақида мен ўқиган шеър»), И. Муслим («Дўстлик»), К. Ҳикмат («Тинчлик ҳақида қўшик»), Шуҳрат («Тинчлик алласи», «Дўстлик гули»), Мардонқул Мухаммадкулов («Уч капитарим, уч»), Юсуф Шомансур («Орзулар бир»), Сафар Барноев («Биз болалар») каби шоирлар китобхонларни тинчлик ва дўстлик руҳида тарбиялашга баракали хисса қўшдилар.

Қуддус Мухаммадийнинг «Урушга йўл бермаймиз» шеъри болаларнинг севимли асарлариданdir. Унда инсонларнинг асосий мақсади тинчлик ва осойишталик эканлигини болалар руҳига сингдириб, уларни тинчлик учун курашга чақиради:

Дейсан, танда жоним бор,
Тинчлик учун курашай,
Урушга хеч йўл бермай,
Ватан, халқим яшнатай.

Қуддус Мухаммадий бу билан чегараланиб қолмай, тинчлик тарафдорларининг енгилмас куч-қудратини, астойдил ҳаракат қилинса тинчлик урушни енгиши муқаррар эканлигини шундай ифодалайди:

Тинчлик бўлсин ҳамма ёк,
Бунинг учун ҳамма вакт,

Курашар жам бўлиб халк.
Урушга йўл бермаймиз,
Тинчлик енгар, тинчлик хақ.

Болаларнинг суюкли шоирларидан бири бўлган Кудрат Ҳикмат «Дўстлар, беринг қўлга-қўл» шеърида Куддус Мухаммадийнинг фикрини давом эттириб, шундай ёзади:

Тинчлик доим сақланар,
Қасд қилган мажакланар.
Дўстлар, беринг қўлга-қўл,
Урушга хеч қўйманг йўл!

Хозирги замон ўзбек болалар адабиётида тинчликнинг асосий гарови бўлмиш дўстлик мавзуси тобора кенгайиб бормоқда. Бу мавзуда айниқса, С. Жаббор, Э. Раимов, Р. Толиб, А. Обиджон ва бошқалар гоявий-бадиий мукаммал асарлар яратмоқдалар.

Бугунги ўзбек болалар шеърияти ҳақида гап кетар экан, мактаб ҳаётини акс эттирадиган асарлар ҳақида алоҳида тўхталиб ўтиш керак. Ҳамма нарса ўқишга, мактабга боғлиқ. Мактаб мавзусида ёзилган шеърларда озода мактаблар, унда қайнаётган баҳтли ҳаёт, болаларнинг илм-фан нурларидан баҳраманд бўлишга интилишдек ижобий фазилатлари ифодаланади.

Илёс Муслимнинг «Мактабим», «Китобчам» шеърлари кичик мактаб ёшидаги болаларга мўлжалланган. «Мактабим»ни ўқиган болада ўқишга, илм-фан нурларидан баҳраманд бўлишга интилиш янада ўсади:

Она каби меҳрибон —
Илм-фанларга макон,
Яйраб ўқийман ҳар он,
Қадрдоним, мактабим!

Сенда дарслар хилма-хил,
Онгим ўсар йилма-йил.
Севинчларга тўлар дил,
Қадрдоним, мактабим!

Аълочи ўқувчининг мақсад ва нияти ҳам аъло даражада. Унинг мақсади ўсиб, улғайиб халқ учун, она-ўлка учун ҳақиқий хизматкор бўлиб вояга етиш:

Аъло ўқишидир бурчим,
Сарф этаман бор кучим.
Ишлайман халқим учун,
Қадрдоним, мактабим!

Пўлат Мўминнинг «Хоҳ ўқишида, хоҳ ишда», «Ер чопилди, жавоб топилди», «Синфимиз қўшиғи», «Устозлар», Рауф Толибнинг «Катта танаффусда», «Ўртоғимиз йўқолди», «Ўй вазифаси», Эргаш Раимовнинг «Энди катта бўламан» каби асарларида шу куннинг нафаси сезилиб туради.

Одатда болалар орзулар қанотида яшайди. «Энди катта бўламан» шеърида боланинг орзу-нияти ниҳоятда буюк. Тезроқ ўсиб, улғайиб мактаб ўқувчиси бўлиш:

Бултур эдим олтида,
Ёшим етмай қолди-да,
Мактабга ёзишмади,
Ўқишига олишмади.
Йиллар юрмас кетига,
Бу йил тўлдим еттига.
Энди катта боламан,
Мен мактабга бораман.

Болалар ростгўй, ҳалол, покликни яхши кўришади. Алдамчилик, ёлғончилик, хушомадгўйлик уларнинг характеристларига тўғри келмайди. Рауф Толиб болалардаги бундай хусусиятни «Ўртоғимиз йўқолди» шеърида яхши ёритган. Валижон ўзининг енгилтаклиги, ёлғончи ва хушомадгўйлиги билан, фақат ўз фойдасини кўзлаб иш кўриши билан синфда обрўсини йўқотган:

Ўз фойдасин ўйлар у
Дўст бўлсин кандок?
Орамиздан йўқолди,
Эҳ, битта ўрток...

Бугунги кун болалар шеъриятида ҳарбий ватанпарварлик мавзуси ҳам анча мукаммал. Иккинчи жаҳон уруши даври шеърияти тасвир марказида турган жанговарлик, фашист босқинчиларига кучли нафрат, Ватан химоясига чақириқ, байналмилад дўстлик foялари сўнгги давр шеъриятида ҳам асосий мавзулардан бирига айланди. Аммо

энди давр билан боғлиқ равишда тасвир услубининг бир-мунча ўзгарганини кўришимиз мумкин. Жумладан, уруш даври шеъриятида лирик қаҳрамоннинг бевосита жанг майдонларида кечинмалари ифодаланса, кейинчалик жанг қаҳрамоёнларининг эсдаликлари ёки у ҳақда бошқаларнинг таассуротлари, тинчлик учун кураш гояси, урушнинг факат халокатли оқибатларини ифода этиши биринчи ўринга чиқарилди. Бу ҳол шеъриятда ҳарбий ватанпарварлик тушунчасининг тобора кенгайиб, янги-янги қиралари намоён бўлаётганлигини, давр талаби асосида ижодий анъананинг давом этаётганини, бойитилаётганини кўрсатади.

Урушдан кейинги ҳарбий ватанпарварлик шеърияти учун характерли хусусиятлар уруш қаҳрамонлари жасоратининг кўпроқ иккинчи шахс томонидан хикоя қилинишида ҳам кўзга ташланади. Урушга муносабатнинг бўшаклини Уйғун («Менинг акам»), Аскад Мухтор («Тинчлик солдати») каби кекса авлод вакилларидан тортиб, Сафар Барноев («Дадамнинг кўллари») сингари кейинги авлод қаламкашлари ижодида ҳам учратиш мумкин.

Ўзбек болалар шеъриятининг урушдан кейинги даврда яратилган намуналари кўздан кечирилганда, ҳарбий ватанпарварлик мавзусига турлича ёндашилганлигини кўришимиз мумкин. Жумладан, Мавлон Икром «Ёш партизан» поэмасида қримлик ёш партизан Виктор Коробковнинг жасоратига оид ҳужжатлардан фойдаланса, Қуддус Мұхаммадий, Толиб Йўлдошлар уруш сабабчиси бўлган фашистларни фольклордаги яъжуҷ-маъжуҷлар каби анъанавий образлар тасвири орқали урушни лаънатлайдилар. Иккинчи жаҳон уруши қатнашчилари Илёс Муслим ва Шухратлар фашистларнинг кирдикорларини ўша воқеаларнинг бевосита шохидлари сифатида ҳаётий, таъсирчан гавдалантисалар, Қамбар Ота, Азиз Абдураззок, Шамси Одил, Рауф Толиб, Кутби Носирова ва бошқалар кўпроқ оталар ва болаларнинг аччиқ хотиралари тарзида қаламга оладилар.

Толиб Йўлдошнинг «Бобом эртак айтсалар» шеъри бевосита уруш қатнашчисининг невараларига жанг-жадаллар ҳақидаги эртаги тарзида битилган. Болаларга эр-

так туюлган бу воқеалар аслида эртак эмас, оддий жангчининг кўрган-кечиргандаридир.

«Килич ботир», «Алпомиш», «Алдар кўса» достонларини жон қулоги билан тинглаган болаларнинг фашист босқинчилари тўғрисидаги ҳикоядан вужудлари ларзага келади.

Бобо ўз гапини Гитлернинг таърифидан бошлайди:

Қўнғиз мўйлов, чалабош,
Гитлер деган алвости.
Килган мудхиш жиноят,
Хеч ёддан чикмас асти.
Таг-туғи йўқ бу маҳлук,
Одамхўр экан билсак,
Нималар қилмас эди,
Эркига қўйиб берсак!..

Бобо нутқидаги нозик ўхшатишлар, айниқса, Гитлернинг одамхўрлиги, ташки кўринишининг беўхшовлиги болалар қулогини динг қиласди. Шеърда болаларни ҳайратга солган нарса Гитлернинг кўринишигина эмас, балки унга ҳикоячининг нафратли муносабати ҳамдир. Бобонинг Гитлер бошлиқ фашистлар ҳакида ҳикоя қилаёттиб, ғазабдан юзларининг оқариб, ўзгариши тингловчиларда ҳам, китобхонда ҳам Гитлерга нисбатан нафрат уйғотади.

Иккинчи жаҳон урушидан кейин ўтган давр ичидаги ўнлаб поэмалар, эртаклар, достонлар майдонга келди. Ойбекнинг «Зафар ва Захро», «Бобом», К. Мухаммадийнинг «Дунёда энг кучли нима?», «Солижон», Шукур Саъдулланинг «Лақма ит», «Икки донишманд», Пўлат Мўминнинг «Үринбосарлар», «Эҳ, роса ширин экан», «Холнинг жийрон велосипеди», «Олтин най», «Жалил эшитган эртак», Кудрат Ҳикматнинг «Тошбақалар хужуми», «Бобо дехқон ҳангомаси», «Човкар», «Чирчик фарзанди», Рамз Бобожоннинг «Чўпон ўғли», Сафар Барноевнинг «Биз дехқон боласимиз», «Олтин шаҳар ҳакида афсона», «Олтин ошиклар», Миразиз Аъзамнинг «Ақлли болалар», «Бедананинг бувиси», Тошпўлат Ҳамиднинг «Асрорқулнинг қўчкори», Эргаш Раимовнинг «Бир дона япроқ»,

Рауф Толибнинг «Сеҳргар дўстим бор», «Мактанджок», Азим Усмоннинг «Фаройиб аждархо», Кавсар Турдиеванинг «Тошкесарлар мамлакатида» каби поэма ва эртак-достонлари яратилди.

Шоир Пўлат Мўмин «Кўнгил истар яхшилик» асарида болалар ўртасидаги дўстлик, биродарлик, ўқитувчи ва жонажон мактабга муҳаббат, бирлик, байналмиллик масалаларини илгари суради. Болалар хаётида содир бўладиган ютуқ ва камчиликлар бадиий бўёкларда, қизикарли эпизодларда чизиб берилади. Бир сўз билан айтганда, мактаб ўқувчиларининг жозибали ҳаёти завқ-шавқ билан тасвирланади.

Шоир энг аввало янги «маҳалланинг чиройи» бўлган жонажон мактаб биноси ҳақиқатан ҳам «билим саройи»га айланиб кетганлигини марок билан тасвирлайди. Ана шундан кейингина ўқувчини бу ерда таълим-тарбия олаётган ўз қаҳрамонлари билан таништиради. Поэманинг ҳар бир саҳифасида эзгулик, олижаноблик инсоний фазилатлар қабартирилган ҳолда ёритилади. Асарнинг асосий сюжет чизигини ташкил этган йўктам образи ёш китобхонни ўзига мафтун этиб олади. У томда варрак учирив юриб йиқилиб тушган, шунинг учун «мияси сал лат еган». Натижада асаб қасалига гирифтор бўлган. Йўктам оқкўнгил, ростгўй, адолатли бола. У ҳаётга ҳақиқат кўзи билан қарайди, бошқаларнинг ҳам шундай бўлишини истайди. Аммо ўзи ўқийдиган синфда Толибга ўхшаган баъзи ўйинқароқ, китмир, шоир сўзи билан айтганда «олифта» болалар унинг жигига тегади, асабини бузади, қасалини қўзғайди, синфдан-синфга ўтолмаганини юзига солади.

Яхши гапнинг шайдоси бўлиб қолган йўктамнинг қасали қўзғаб йиқилиб қолиши ёш китобхонда йўктамга нисбатан чуқур ачиниш, Толибга нисбатан эса нафрат хиссини уйғотади. Бир неча кундан сўнг тузалиб кетган йўктам ўкишга шўнғиб кетади.

Толиб Шокир аканинг қасал бўлиб қолганини эшишиб, хурсанд бўлади, дарров ўйин-кулги, бекорчилик ҳақида оғиз кўпиртириб гап сотади:

Шокир акамиз бу гал
Яхшиям бўбди қасал.
Дарсга келмасмуш анча,
Ўйнаймиз хоҳлаганча, —деб бемор усто-
зига ачиниш ўрнига хурсандчилигини билдиради. Бу гап
Ўқтамга қаттиқ ботади. Шунда у Толибни яхшиликка ча-
киради, ўқитувчи-устозга бундай муносабатда бўлмаслик
кераклигини уқтиради. Аммо жанжалкаш Толиб бу гап-
ларга кулок солиш ўрнига Ўқтамнинг жигига тегади, аса-
бини бузади, уни мушт кўтаришга мажбур қиласди. Каса-
ли кўззаган Ўқтам шифохонага тушиб қолади. Синфдаги
айрим ўқувчилар Толибни уриб кочиб кетди, деган гап
тарқатишади. Факат самимий дўст Қодиргина бу гапга
ишонмайди. Ўқтамнинг беозор, соғдил эканлигини ис-
ботлашга уринади.

Толиб Ўқтам устидан ўқитувчи-устозларга арз қила-
ди. Ўқтамнинг уйига отасини бошлаб боради. Лекин воқеа
давомида китобхон Толибнинг чақимчи, ўқишига хуши йўқ,
кеқкайма бола эканини билиб олади.

Достонда жамоат тарбиясининг аҳамияти фоятда чуқур
ифодаланган. Ўқтам соғайиб ўқишига қайтади. Ўқтам ва
Толиб жанжали мухокамасига бағишиланиб ўтказилган
синф мажлиси достоннинг энг авж нуқтаси хисобланади.
Бу ерда ҳақиқатгўйлик, аъло ўқиши, дўстларни, катталар-
ни ҳурмат қилиш, ахлок-одобда бошқаларга ўрнак бўлиш
каби масалалар тарғиб этилади. Ёлғончилик, беодоблик,
ўзгаларни менсимай, худбинлик қилиш қораланади.

Қодирнинг йиғилишдаги сўзи айниқса, характерлидир.
У ҳак гапни айтади. Ўқтамнинг гуноҳсиз, Толибнинг эса
айбдор эканлигини бирма-бир исботлайди, ҳаммани ўз
фикрига ишонтира билади.

Натижада Толиб дакки ейди, ўз қилмишини бўйнига олиб,
ўртоғини ножёя хафа қилиб юргани учун ичи ачийди.

Асарнинг охирида Толиб аввалги гердайған, олифта,
димоғдор бола эмас, аксинча, оддий, ширинсухан ўқув-
чига айланади:

Бир қаранг-чи Толибга
Эмас унча олифта.
Гаплашсангиз агарда
Анча тушган эгардан.

«Кўнгил истар яхшилик» достони баъзи нуқсонлардан қатъи назар қаҳрамонларнинг ҳаётийлиги, жонлилиги, уларнинг олға интилишлари, ҳакиқий инсон бўлиб камол топишга харакат килишлари билан кимматлидир. Зотан, турмуш тарзи, ижтимоий муҳит ўзгариши натижасида болалар тасаввурлари, фикрлари, тушунчалари, кискаси, онглари ҳам ўзгариши табиий эканлиги шу зайлда очиб берилади.

Хозирги замон ўзбек болалар адабиётида шеърият ривожлангани каби насрда ҳам салмоқли асарлар юзага келди. Ёзувчиларнинг янгидан-янги авлодлари камол топди. Айниқса, хикоячилик ўсади. Болаларнинг ёши, қизиқиши, дунёкарашига тўла жавоб бера оладиган хикоялар бунёд этилди. Ҳаким Назир, Ёқубжон Шукурев, Шукур Саъдулла, Худойберди Тўхтабоев, Турғунбой Фоипов, Раҳмат Азизхўжаев, Латиф Махмудов, Фарҳод Мусажон, Собир Юнусов, Оқилжон Ҳусанов, Махмуд Муродов, Нодир Назаров, Эргаш Раимов, Сафар Барноев, Абдусайд Кўчимов, Рауф Толиб, Анвар Обиджон ва бошқаларнинг ўнлаб хикоялар тўпламлари босилиб чиқди.

Жуда кўп хикояларда кичкинтойларнинг ҳаётлари ўз ифодасини топмоқда. Шодмонбек Отабоевнинг «Итолғи» хикояси қуш, курт-күмурсқаларни севиш, ардоқлашга қаратилган. Итолғи чумчук ва чуғурчукларни тутиб олиб ейдиган куш. Шукурали aka итолғини жияни Шавкатга совға қиласди. Шавкат узум қўриклишда ундан фойдаланмоқчи эди. Аммо қуш уларникида ўзини эркин сезмайди. Бунинг сабабини суриштирганда Шавкатнинг отаси бу қуш озод ва эркинликни кумсаётганлигини тушунтиради. Шавкат қушларни яхши кўрадиган, раҳмдил бола. У итолғини қафасда уч кун зўрға ушлаб туради. Қафасда қуш эмас, ўзи ўтиргандек бўлади ва итолғини қафасдан бутунлай чиқариб юборади. Қуш болага раҳмат, дегандек парвоз қилиб кетади.

Болалар қиссачилигига ҳам кўплаб яхши асарлар яратилди, адибларнинг янги-янги авлодлари камол топди. Ойбек, Faфур Fулом, Абдулла Қаҳҳордан тортиб бугунги кунга қадар ҳисоблайдиган бўлсак, уларнинг сони ниҳоятда ўсади. Бунга мисол қилиб Ҳаким Назир, Шукур Саъ-

дулла, Худойберди Тўхтабоев, Ҳожиакбар Шайхов, Анвар Обиджон, Латиф Маҳмудов, Фарҳод Мусажон, Ҳабиб Пўлатов, Муқимжон Ниёзов, Рустам Раҳмонов, Ибоҳон, Шукур Ҳолмираев, Оқилжон Ҳусанов, Марва Жалолиддинова, Асад Дилмурод, Абдусаид Кўчимов, Эргаш Раимов, Маматкул Ҳазратқулов ва бошқаларни кўрсатиш мумкин.

Бу давр болалар қиссачилигининг мавзу доираси жуда кенгайди. Катталарнинг меҳнати, уларнинг жасоратлари («Ёнар дарё»); иккинчи жаҳон урушида иштирок этиш («Рустамжоннинг саргузаштлари»); тобора гуллаб-яшнаб бораётган гўзал шаҳарларимиз ва бағри кенг, инсонпарвар одамларимиз («Командирнинг бошидан кечирганлари»); ўтмишда зулмкорларга қарши кураш, баҳтили ва ёруғ кун учун интилиш («Качал полвон»); иккинчи жаҳон уруши даврида болалар хаёти ва уларнинг даладаги фаолияти («Чангальзордаги шарпа»); етим-есир болаларнинг турмушлари («Улуг кун»), («Сен етим эмассан»), чорвадорларга кўмак («Оқ отли»); ўқувчиларнинг далачилик бригадалари («Замон»); шўх ва ўзбошимча болалар ва уларнинг қайта тарбияси («Бизнинг роман») каби мавзулар бу давр қиссачилигида етакчи ўринда туради.

Ҳаким Назирнинг «Ёнар дарё» қиссасининг асосий қаҳрамони Дамир. У отадан жуда эрта жудо бўлган. Адиб бошда болани анча шўх, онанинг гапига қулоқ солмайдиган, яхши ўқимайдиган, бир оз ўзбошимча қилиб кўрсатади. Боланинг бундай салбий томонлари қуидаги лавҳада шундоққина кўзга ташланиб туради:

«Бувим билан ойим айвондан туриб кетишлари биланоқ, мен лип этиб ўтиҳонага ўтдим. У ерда товуқ катаги бор эди. Мўралаб кўрдим. Товуқ тухум қўйибди-ю, чиқиб кетибди. Бир эмас, иккита тухум. Ушлаб боқсан, ҳали иликқина. У ёқ-бу ёққа аланглаб олдим-да тухумнинг икки ёғини чўп билан чумчук кўзидай тешиб, оғзимга хўп этувдим, лиққа кетди. Қани энди устидан юмшоқ нон бўлса, еб юборсанг. Оёқ учida ошхонага кирдим-да, яримта булкачани чўнтакка уриб чиқдим. Яна келиб стулимга ўтирдим. Бирдан ҳиқичоқ тутиб қолди. Ҳиқичоқ босилармикан деб водопроводдан бир ҳовуч сув ҳам ичиб олдим.

Қорним тўйганга ўхшайди. Энди дафтардаги ҳарфлар, рақамлар учишини кўйиб, ўз ўрнига кўнди. Лекин кўнгани билан миямга кирмади. Негаки, уй ичидан ойимнинг йифи аралаш овози эшитилаётган эди. У бувимга деди:

— Бу мени куйдирадиганга ўхшайди. Тепасида ҳақ деб турсангиз, ишга қарайди, бўлмаса йўқ. Пешонам шўр бўлмаса...»

Ёзувчи Дамир билан Султон амакининг муносабатлари тасвири орқали инсон тарбиясида ота-онанинг ролига алоҳида урғу беради. Қиссада Газлидаги ҳаёт, одамларнинг турмуши, Бўрон ва Қўлдошларнинг ахлоқ-одоблари ҳам Дамирни оёққа туриб олишида асосий манба бўлиб хизмат қилиши кўрсатилади.

Рустам Раҳмонов «Чанглзордаги шарпа» қиссаси билан иккинчи жаҳон уруши даври болаларининг тиниб-тинчимас образларини яратиб берди. Ахир уруш даҳшатлари узок Тошота қишлоғида ҳам акс-садо берган эди-да! Тошоталиклар кечани-кеча, кундузни-кундуз демай душман билан фойибона жанг қиласилар. Ҳа, уруш ташвиши каттага ҳам, кичикка ҳам баравар тушган эди.

Оташ ўжар, ўз айтганидан қолмайдиган бола. Ёзувчи бу бола образига шундай таъриф беради: — ўжар одамнинг, айникса ўжар боланинг табиати қизиқ. Үндайларни бир нарсага ўчакишириб бўлмайди. Қиласан деса, қиласи, ўламан деса ўлади. Айтганини қилиш учун хеч нарсадан тоймайди. Бўлмаса, Оташ онасининг иссик бағрини хечам тарқ этмасам дейди. Лекин ўжарлик! Ҳа, ҳам масига унинг шу ўжарлиги, шарт кесарлиги айборд.

Оташ нега бунчалик ўжар. Унинг ўжарлигига давр, уруш сабабчи. Бола отасини қаттиқ соғинган. У отасини кўрмоқчи, немис-фашистларга қарши курашда отасига кўмаклашмоқчи. Аммо ота узокда. Унга ета олмаган боланинг феъл-атвори ҳам жуда бошқача. Ҳамма касаллик мана шунда.

Роҳат кампир қишлоқ болаларини тўплаб, жуда ажо-йиб-таройиб эртаклар айтиб беради. У айтган эртаклар орасида пахлавонлар, довюраклар, сеҳргарлар, ишёқмас-удангасалар, турли алвасти-ю, жинлар бор.

Оташ бугун ажиналардан бирини тутиш хаёли билан банд. У чакалакзорга бормоқчи, бир ажинани тутиб, уни

ялинтириб-ялинтириб, кейин «бор Гитлерни тутиб кел дейман. Уни тутиб келади, ўшанда Гитлерни участковой милиционерга бераман. Кейин, роса қийнаб ўлдиришади. Ўшанда уруш ҳам тугайди. Ҳамма урушдан келади, дадам ҳам... Кейин ажинанинг сочини қайтариб бераман...» демокчи.

Оташ ана шундай ўй-андишалар билан Қўтурбулоқ томон йўл олади. Бу чакалакзор тўғрисида Тошотода қанчадан-қанча афсоналар тўқилмаган. «Чакалак» сўзининг ўзи болаларнигина эмас, ҳатто катталарни ҳам сескантриб, қўркувга солиб келган. Оналар инжиқ, йиғлоқи болаларини «гапимга кирмасанг, чакалакзорга элтиб ташлайман», деган пўписа билан тийиб келишган. Бу жой — алвастилар макони, инс-жинслар базм қурадиган майдон! Бу ерда жин-алвастиларни ўз кўзи билан кўрганлар бор, дейишларига қарамай ўз баҳтини синаб кўрмоқчи.

Бола бу даҳшатли чакалакзор бағрида кечаси узоқ ўтириди, корни оч қолди, совкотди. Ажиналарни кута-кута мижжалари котиб кетди, киприклари юмилса очилмайди, очилса юмилмайди. Шу пайт аллақаёқдан данғир-дўнғир чилдирма чалишиб бир гала ясанган қизлар келиб қолишиди. Бир пастда ўртага гулхан ёқиб, атрофида ўйнаб кетишиди. Оташ у ён-бу ёнига аланглаб қараса чакалакзордан дарак қолмабди. Шу онда жажжи қизчасини опич-лаб, аяси келиб қолса бўладими! У нуқул қах-қах уриб кулади. Кела солиб аланга устидан сакраб ўтди-да ўйинга туша бошлади. Бирдан бояги қизлар сержун махлукларга айланиб, Оташнинг аясини қуршаб олишиди. Укасини силтаб-силтаб тортишиди-да, оловга улоқтиришиди. Аяси ни бўлса ҳар бири панشاҳадай панжалари билан бўға кетишиди. Оташ ажиналар тўдасига ташланиб, онасини кутқармоқчи бўлди. Бирок қараса оёқлари йўқ. Овозининг борича қичқирса овози чиқмайди...

Ха, у уйқусида алаҳисирад эди. Энди у ажиналарнинг борлигига ишонмай қўйди. Чунки Роҳат кампирнинг эртаги фақат афсона эканлигига бутун зўрға ақли етди. Аммо Оташ ҳаётда бўш келадиган болалардан эмас. Ўзича сирли бу чакалакзорни ўзлаштиришга киришиди. Бу ишда унга Обидахон ва Хуршиджонлар кўмак беришиди. Чакалакзор

ўрнида мўл-кўл пахта ҳосили битди. Бу эса уруш даври болаларининг фронтга катта совфаси бўлди.

Бу давр болалар қиссачилигида саргузашт, илмий-фантастика жанрлари ҳам ривож топди. Худойберди Тўхтабоев («Сариқ девни миниб», «Қасоскорнинг олтин боши», «Ширин қовунлар мамлакатида»), Ҳожиакбар Шайхов («Само меҳваридаги намойиш», «Шом камари», «Аждодлар хотираси»), Маҳкам Махмудов («Европанинг ўғирланиши»), Анвар Обиджон («0099 номерли ёлғончи», «Даҳшатли мешполвон»), Оллоёр («Фазогир чумоли»), Оқилжон Ҳусанов («Тоғда ўсган бола») ва бошқалар бу жанрда самарали ижод қилмоқдалар.

Болалар тарбиясида драматургия жанрида яратилган асарлар ҳам катта роль ўйнайди. Ҳаким Назир, Адҳам Рахмат, Пўлат Мўмин, Мамарасул Бобоев, Усмон Юсупов, Турғунбой Фойибов, Наримон Орифжонов, Латиф Махмудов, Фарҳод Мусажон, Равшан Ёриевларнинг пьесалари ўзининг болаларбоплиги билан кичкинтойлар қувончига кувонч кўшиб келмоқда.

Сўнгги йиллар болалар драматургиясида Равшан Ёриевнинг «Оқ булок» (бир пардали) пьесаси ажralиб туради. Асар қаҳрамонлари Кудрат, Жасур, Гулшан, Ўрмончи бобо, Гўзал қиз, Олмахон, Қора дев, Қари шайтон, Маймоқ шайтон, Кичик шайтон ва бошқалар.

Болалар ўрмонда карнавал ўтказишмоқчи. Ҳамма бу маросимга хозирлик кўрмоқда. Аммо ичи кора, қизғанчик қора дев-у шайтонлар бунга қарши, нима бўлганда ҳам карнавални ўтказмаслик учун одамларга панд бериш режаларини тузадилар. Шифобаҳш, ҳамманинг дардига малҳам бўладиган кўзачадаги Оқбулук сувини заҳарли сувга алмаштириб, болаларни нобуд қилмоқчи бўладилар. Шу пайт болаларга Олмахон ёрдам кўлини чўзади. Шайтонлар ўзлари ясаган кўзадаги заҳарли сувни ичиб ҳалок бўладилар.

Ўрмонда катта шодлик, ўйин-кулги бошланиб кетади.

Латиф Махмудовнинг «Али билан Вали», «Эҳ аттанг», «Мухим топширик», «Сирли хат», «Дангасанинг саргузаштлари» пьесалари театр саҳналарида қайта-қайта намойиш килинмоқда.

«Дангасанинг саргузаштлари» асарининг қаҳрамони ўзининг ишёқмаслиги, қўпол-кўрслиги билан дўстларидан ажралиб қолган. Бола хомхаёллик билан яшайди, ўқиш, изланиш, меҳнат қилиш, катталарнинг юмӯшларига кўмаклашишни ўзига эп кўрмайди.

Асар сўнгидаги Нусрат бобо Дадавойга нисбатан жуда ўринли гапни айтади:

Мехрин қўйсин меҳнатга,
Етар шунда ниятга!

Ха, бу гап ҳаммага тегишли, ҳамма бирдек меҳнат қилса, ўқиса, ўрганса фақат фойда кўради, муроди хосил бўлади. Ҳозирги замон ўзбек болалар бадиий адабиёти билан бирга болалар адабиётшунослиги ва адабий танқид ҳам погонама-погона ўсди, ривожланди. Бир қатор дарслик, кўлланма, мажмуя, монография, китоблар ёзилди. Ўнлаб номзодлик ва докторлик диссертациялари химоя қилинди.

Шу зайлда ҳозирги замон ўзбек болалар адабиёти ривожланишда давом этмоқда. У янги ёзувчилар, янги асарлар билан тобора бойиб бормоқда. Бир сўз билан айтганда, бу адабиёт мустақил Ўзбекистонимизнинг тобора гуллаб-яшнаши учун хизмат қилмоқда.

АЛИШЕР НАВОИЙ (1441—1501)

Ўзбек халқининг улуғ мутафаккири, маърифатпарвари ва буюк шоири Алишер Навоий ёшларни тарбиялаш ишига алоҳида эътибор берди. У болаларни илм-хунарни, меҳнатни севишга ундан, ўрганилган илм ва хунарни халқ, ватан йўлида сарф қилиш зарурлигини уқтириди.

Алишер Навоий илм, маърифат ҳақида ажойиб фикрларни олга сурди. У акл, илм — инсоннинг энг гўзал ва зарурий фазилатларидан бири, ҳар бир кишининг энг муҳим бурчи илм олишдир, деб ҳисоблади. Навоийнинг фикрича, илм-фанни эгаллаш учун ёшлиқдан бошлаб астайдил ўқиш-ўрганиш керак. «Ёшлигингда йиғғил билимни, қаригач сарф килғил ани», — деган шоирнинг ўзи ҳам жуда ёшлигидан таълим олади, ўқишига берилади. У ёшлигиданоқ кўп шеърларни ёд билган. Жумладан, Фаридидин Атторнинг «Мантиқут-тайр» («Куш нутқи») асарини болалик ҷоғларидаёқ қайта-қайта ўқиб, ёд олган. Алишер Навоий кейинчалик мактаб ва маориф масалаларига катта аҳамият берди. У меҳнаткаш халқ болаларини ўқитиш ва тарбиялаш учун мактаблар очиш ва мадрасалар қуриш тӯғрисида ғамхўрлик қилди. Алишер Навоий Астррабодда сургунда юрганида, подшо Ҳусайн Бойқарога ёзган хатида ўғил ва қиз болалар учун мактаблар очишни талаб қилгани, шахсан ўзи мадрасалар қуришда ташаббус кўрсатгани бунинг яққол далилидир. Навоийнинг фикрича, мактаб халққа нур келтиради, унга тӯғри йўл кўрсатади, болаларни билимли қиласди. У ўзининг «Ихлосия» мадрасаси ёнида мактаб очиб, болаларни ўқитиш ва тарбиялаш учун зарур шароит яратиб, бунинг учун лозим бўлган маблағ ажратади.

Навоий дарс берувчини қуёшга ўхшатади ва бу қуёш ўз атрофидаги юлдузларга нур сочади, яъни мударрис «абжадхоналар»га, ҳали илмдан бехабар бўлган толибларга илм нурини сочади, маърифат беради, дейди.

Алишер Навоий таълим-тарбия тӯғрисидаги фикрларини ўзи яратган бадиий асарларида кўпроқ баркамол

инсонни ифодаловчи ижобий образлар яратиш орқали баён килади. Илм-маърифат, ахлоқ-одоб масалаларига доир фикрларини эса илмий-фалсафий ва дидактик асарларда баён килади. Навоий ақл кучига чексиз ишонади, комил ишонч билан илм-фаннинг хислати жуда катта, деб хисоблайди.

Буюк сўз санъаткори ва мутафаккири ўзининг бир қанча асарларида болалар тарбиясига оид фикрларини айтиш билангина кифояланиб қолмасдан, балки «Ҳайратул-аброр», «Фарҳод ва Ширин», «Лайли ва Мажнун» каби достонларининг айрим бобларини шу масалага бағишилайди. «Ҳайратул-аброр» («Яхши кишиларнинг ҳайратланиши») фалсафий-таълимий достондир. Навоий бу асарида ўзининг фалсафий, ижтимоий-сиёсий ҳамда кишиларга таълим ва ўғит бериш масалаларига катта эътибор беради. Достонда золим ҳукмдорларни қоралаб, иккιюзламачи-риёкор руҳонийларнинг сир-асрорларини кескин фош этади. Хусусан, шоир сахиийлик, одоб ва камтаринлик, ота-онага хурмат, ростгўйлик ва тўғрилик, илмнинг фойдаси ва камбағал ўқувчиларнинг бу йўлда чеккан азоблари хақида батафсил тўхталиб ўтади.

«Ҳайратул-аброр» асарининг бир неча боблари одоб ахлоқ ва таълим-тарбия масаласига бағишиланган. Навоий бу достоннинг олтинчи мақолатида одоб ва камтарликни улуғлаб, таълим-тарбияга доир кимматли фикр-мулоҳазаларини баён қилиши билан бирга такаббур ва одобсиз кишиларни қаттиқ қоралайди. Шоир достоннинг бу мақолатида бола тарбияси, уни ўстириш, ўқитиш ва балоғатга етказиш ҳамда бу борада ота-оналарнинг вазифалари хақида батафсил фикр юритади. Шоир ёшларни ота-онанинг хизматини бажаришга, уларни хурмат килишга, уларга нисбатан ҳамиша меҳр-муҳаббатли бўлишга чакиради, ота-онани ой ва қуёш, деб таърифлайди:

Бошни фидо айла ато қошиға,
Жисмни кил садқа ано бошиға...
Тун-кунунгга айлагали нурпош,
Бирисин ой англа, бирисин қуёш...

Достоннинг саккизинчи мақолатида Навоий ёлғизликка нисбатан кўпчилик — жамоатни улуғлаб, кишиларнинг бир-бирлари билан аҳил, дўст бўлишларини истайди:

... Йўқ хунари ёлғуз эса, ўз киши,
Қайда киши сонида ёлғуз киши?
Фард¹ киши даврда топмас наво,
Ёлғуз овчидин ким этмиш садо?..

«Ҳайратул-аброр»нинг ўнинчи мақолати ростгўйлик, ҳалоллик ва тўғриликка багишланган. Навоий тўғрилик ва ростгўйликни улуғлаш билан кишиларни ростгўй ва тўғри бўлишга чакиради, ёлғончилик ва эгриликнинг заарли оқибатларини кескин фош этади. Шоир ёлғон сўзлашнинг ёмон оқибатини «Шер билан Дуррож» масалида овчининг тузогига тушган Дуррож образида ҳикоя қилади.

Достоннинг ўн биринчи мақолатида Навоий илм-фанга, илм ахлига юксак баҳо беради, кишиларни илм олишга, олимларни иззат-хурмат қилишга чакиради. Шу билан бирга шоир ўша даврда меҳнаткаш ва мусофири тала-баларнинг илм олиш йўлида чеккан азобларидан, илм-фан эгаларининг муҳтожликда яшаганларидан афсус-надоматлар чекади.

Навоий илмдан амалий ишлар учун фойдаланиш зарурлигини таъкидлайди:

Илм, Навоий, сенга максуд бил,
Эндики илм ўлди амал айлагил.

Навоийнинг ярамас одат ва хулк-атворларни шафқат-сиз коралаши, олижаноб инсоний фазилатларни қадрлаши, болаларни ўкиш, ўрганиш ва юксак одобли, аъло хулқли бўлишга чакириши катта аҳамиятга эга бўлиб, болалар адабиётининг шаклланишида жуда мухимдир. Унинг бир қатор ахлоқий-таълимий қарашлари хозирги кунда ҳам ўз қадр-қимматини саклаб келмоқда.

«Фарҳод ва Ширин» достонида шоир чин севги ва вафо, дўстлик ва садокат, меҳнат ва ижодкорлик, ватанпарвा�рлик ҳамда қаҳрамонлик фояларини тараннум этади. Достон ёшлар ва болаларга атаб ёзилмаган, лекин асарнинг кўпгина боблари болалар ва ёшлар хаётига, уларнинг тарбиясига багишлилангандир. Шоир достонда Фарҳоднинг болалик чоғлариданок илм-хунарга, меҳнатга бўлган

¹. Фард — якка, ёлғиз.

муҳаббатини зўр маҳорат ва чукур самимият билан тасвирлаган. Бу Навоийнинг бола тарбиясига ва унинг билим олишига катта эътибор билан қараганлигини кўрсатади.

Фарҳод ёшлик чоғиданок жуда ақлли, зехнли бола бўлиб ўсади. У мактабда зўр ҳавас ва қунт билан ўқийди. Табииёт, математика, мантиқ каби фанларни тез орада ўрганиб олади. Ёш Фарҳоднинг илмга бўлган ҳавас ва муҳаббатини сезган ота-онаси унга билим беришни муносиб кўради. Жаҳоннинг машхур олимлари Фарҳодга турфа фанлардан сабоқ берадилар. Натижада энг мураккаб ва пинҳоний илмлар унга ўз сир-асорини тўлиқ намоён этади. У қунт ва чидам билан ўқиб, билимдон ва зукко инсон бўлиб етишади. Шоир Фарҳод хаётини бундай жонли лавҳаларда тасвирлаш орқали болалар тарбиясига алоҳида эътибор беришга чакиради, уларни ёшлигидан бошлаб ўқитиш зарурлигини, бунда ота-онанинг роли нихоятда катта эканлигини, болаларга дунёвий илмларни бериш муҳимлигини таъкидлайди.

Фарҳод қайси фанни ўқимасин, уни дарров тушуниб оловчи қобилияти эгаси сифатида тасвирланади:

Агар бир катла кўрди бир сабокни,
Яна очмок йўқ эрди ул варакни.

Не сўзниким, ўқиб кўнглига ёзиб,
Дема кўнглики, жаҳон лавҳига қозиб.

У даврда болалар куруқ, ёдаки ўқитилар эди. Болалар ўзлари ёдлаган нарсаларининг маъносига тушунмас ҳам эдилар. Шундай бир вақтда Навоий болаларни илм-фанга қунт қилиш, ўқилган нарсанинг маъно-мазмунини тушуниб олишга ундар эди:

Ўқиб ўтмак, укиб ўтмак шиори,
Қолиб ёдида, сафҳа-сафҳа бори...

Фарҳоднинг қунт қилиб, маъносини тушуниб ўқиши натижасида кўп илмларни эгаллаганлиги таъкидланади:

Жаҳонда колмади ул етмаган илм,
Билиб таҳқиқини касб этмаган илм.

Шу тариқа Навоий болаларни илмни пухта эгаллашга чақириб, буюк педагог ҳамда мураббий сифатида уларни тарбиялаш ва ўстириш йўлларини кўрсатади.

Бундан ташқари, достонда Фарход жисмоний томондан ҳам чиниқкан йигит сифатида тасвирланади. У сувда сузиш, чавандозлик ва қиличбозлик сирларини меҳр билан ўрганади. Алишер Навоий ёшлигидан бошлаб илмга берилган, жисмоний жиҳатдан чиниқкан Фарходни тасвирларкан:

Демон ҳам кўнгли поку, ҳам қўзи пок,

Тили поку, сўзи поку, ўзи пок, —деб ҳар томонлами мукаммал, маънавий, жисмоний гўзал, етук йигит тимсолини беради. Шунингдек, Навоий Фарходни меҳнат ва хунарга зўр ҳавасли, сангтарошлиқ, рассомлик ва наққошлиқ хунарларини ҳам мукаммал эгаллаб олган йигит сифатида улуғлайди.

Илм ва хунарни эгаллаган, жисмоний жиҳатдан чиниқкан, меҳнатсевар Фарҳод камтарин, мазлумларга ғамхўр, софдил, мард ва олижаноб, жасур инсон бўлиб етишади.

Фарҳод бошлилигида ва унинг бевосита фидокорона меҳнати натижасида катта канал («Ҳаёт дарёси») ва ҳовуз («Нажот денгизи») қазилади. Навоий Фарҳодни сувсиз ерларга сув чиқарган қаҳрамон, меҳнат соҳасида мўъжизалар кўрсатган баҳодир йигит сифатида таърифлайди. У илм ва хунарни омма манфаати учун хизмат эттириш лозим деб ҳисоблайди. Фарҳод Ширинни қидириб Арманистонга боргандা, арман юртида тоғда канал қазиш учун қийналиб ишлаётган кишиларни кўради ва:

Хунарни асрабон неткумдир охир,
Олиб туфроккаму кеткумдир охир! —

дея, ўз билими, хунар ва ғайратини ишга солади, канал қазувчилар мashaққатини енгиллаштиради ва ҳалқ ўртасида катта шухрат қозонади.

Бу қаҳрамоннинг муҳим хислатлари ундаги қаҳрамонлик, ҳалқпарварлик, ватанпарварлик ва дўстлик туйғуларидир. Фарҳод эл-юртнинг ободонлиги учун курашади ҳамда инсонларга оғат келтирувчи душманларга карши жанг қилиб, уларни мардона енгади.

Бундан ташқари, Навоий Фарҳод, Ширин ва Шопур образлари орқали ҳалқлар дўстлиги ғоясини илгари суради. Фарҳоднинг арман қизи Ширинни севиши ва эрон-

лик Шопур билан дўстлашуви халқлар дўстлиги фоясинг ёрқин намунасиdir.

Навоий Фарходнинг жасоратини бадий жиҳатдан тасвирлар экан, унинг мамлакат ободонлиги ва тинчлиги, халқлар фаровонлиги ва илм бобида қилган хизматлари ни чуқур мазмұнли мисраларда уйғунлаштиради:

Ки то олам, биноси бўлди бунёд,
Бу янглиғ қилмади иш одамизод.

Алишер Навоийнинг «Фарход ва Ширин» достонида илгари сурилган юксак инсоний хислатлар, инсонпарварлик фоялари ёш китобхонлар маънавиятига ҳам чуқур таъсир этади, уларни халқ, ватан учун керакли инсон бўлиб етишишларига хизмат қиласди.

Буюк шоир болаларнинг ўкиши ва тарбиясига доир фикрларини «Лайли ва Мажнун» достонида ҳам илгари сурган. Янги мактаблар бино қилиш фояларини тарғиб қилган Навоий мактабларда ўғил болалар билан бир каторда қизларни ҳам ўқишини орзу қиласди.

Алишер Навоий ўзининг Фарход, Қайс, Искандар ва бошқа ижобий образлари орқали боланинг вояга етишида тарбиянинг катта куч-кудратга эга эканлигини алоҳида уқтиради.

Шоирнинг 1500 йилда яратган «Маҳбуул-қулуб» («Кўнгилларнинг севгани») асари ижтимоий-сиёсий ва ахлоқий-таълимий қарашлари баён этилганлиги билан характерлидир. Навоий унда ижобий фазилатларнинг наимоён бўлишида аввало улардаги ҳалоллик ва соддалик, самимийлик асосий омил эканлигини таъкидлайди ва бу меҳнатга муҳаббатнинг натижаси сифатида талқин этилади.

«Маҳбуул-қулуб» З кисмдан иборат. Китобнинг 1-қисми «Ҳалойик ахволи ва афъоли ва авторининг кайфијатида», яъни кишиларнинг ахволи, феъл-автори ва галсўзларнинг аҳамияти ҳакида бўлиб, бунда Навоий донишманд ва мураббий, улкан маданият арбоби сифатида илм-фан, санъат ва адабиётнинг аҳамиятини тарғиб қиласди, малакали, иқтидорли ўқитувчиларни, олимларни, шодирларни, санъаткорларни мактайди, уларни ҳурмат қилишга ва қадрлашга чакиради. Ўқиш ҳам, ўқитиш ҳам

оғир ва масъулиятли иш, у қунт, ҳавас ва меҳнат талаб қиласи, деб уқтиради Навоий. Бу ўринда у мураббийларнинг ҳалол хизматларини алоҳида таъкидлайди.

Ҳак йўлинда ким санга бир ҳарф
ўқитмиш ранж ила,
Айламак бўлмас адо онинг
ҳакин юз ганж ила.

Китобнинг 2-қисми асосан ахлоқий масалаларга бағишиланган. Бу бобда асосан яхши фазилат ва ёмон иллатлар таҳлил қилинади. Тўғрироғи, инсонда бўлиши керак бўлган одоб-ахлоқ ҳакида гап боради. Масалан, қаноатни олайлик. Навоий қаноатли одамларни севади, уларга ҳаваси келади. Кимки қаноатли бўлса, ундай одамни эл севишини, эъзозлашини таъкидлайди. Мутафаккир қаноатни бир булоқка — чашмага ўҳшатади. Негаки булоқ сувини қанча олган билан у қуримайди, у бир ҳазинадирки, ундаги бойлик сочилган билан камаймайди. У бир экинзорки, уруғи иззат ва шафқат ҳосилини беради. У бир дараҳтдирки, унда ҳурмат меваси бордир. Бу бобда сабр, тавозъе ҳакида ҳам кўп ибратли гаплар айтилади.

Асарнинг «Турли фойдали маслаҳатлар ва мақоллар», деб номлаган 3-қисмидаги турли ташбехлар берилган. Бу қисмда кўпроқ ўқиш, илм олиш, касб-кор эгаси бўлиш ва бошқа масалалар ўртага ташланади.

Алишер Навоий ўз асарларида ҳалқ оғзаки ижодидан, айниқса, мақоллардан самарали фойдаланиш билан бирга, ўзи ҳам таълим-тарбиявий аҳамиятга эга бўлган мақолларга яқин бўлган бир қанча хикматлар яратади. Масалан,

Вафосизда ҳаёй ўқ, ҳаёсиизда вафо ўқ.

Тилга эътиборсиз — элга эътиборсиз.

Оз-оз ўрганиб доно бўлур,
Қатра-қатра йигилиб дарё бўлур.

Билмаганни сўраб ўргангандолим,
Орланиб сўрамаган ўзига золим.

МУҲАММАД ШАРИФ ГУЛХАНИЙ

Исёнкор куйчи Гулханий XVIII асрнинг охири XIX асрнинг бошларида яшаб ижод этган ва бу давр ўзбек адабиётида ўзига хос ўринда турадиган ёзувчидир. Унинг асл исм-шарифи Муҳаммад Шариф бўлиб, Гулханий эса унинг адабий тахаллусидир. Тахминларга кўра, у XVIII асрнинг 70-йилларида ҳозирги Хўжанд вилоятининг Дарваза қишлоғида дунёга келади.

Бўлажак ёзувчининг болалиги ўзи оламга келган тоғ қишлоғида ўтади. Бу ерда озми-кўпми ўқиб, савод чиқарди, адабиётга бўлган ҳаваси ортади. Шеъриятга оид кўплаб асарлар ўқийди, ҳалқ оғзаки ижодини берилиб ўрганади ва аста-секин шеърий машқлари бошланади. У ўз илмини ошириш мақсадида аввал Наманганд сўнгра Фарғонага келади, қизикчилиги, ҳозиржавоблиги ва ҳажвий шеърлари билан кишилар ўртасида танила бошлайди. Айниқса, гариблик туркумидаги рубоий ва тўртликлари билан эл оғзига тушади. Шоир кейинчалик Кўқонга келади ва қийинчилик билан яшайди. У ўзбекча шеърларига Гулханий, тоҷикча шеърларига Журъат деб тахаллус қўяди.

Гулханий бир неча йил Кўқон хони Олимхон саройида навкар бўлиб хизмат қилган, жангларда қаҳрамонлик кўрсатган бўлса-да, аммо очлик, юпунлик, муҳтожлик унинг ҳамроҳи бўлиб қолаверади.

Гулханийнинг «Бер менга» радифли шеъри унинг навкарлик даврида ёзилган асардир. Фазал оч қолган кишининг ўз хўжайинидан нон сўраши билан бошланиб, лирик қаҳрамон — навкарнинг қалб аламлари сўнгги байтарларда изчил очила боради.

Бу фазалга чукурроқ назар ташланса, унда факат якка, очликдан тинкаси қуриган битта шахс ҳақида гапирилмай, балки катта ижтимоий масала — Олимхоннинг навкарлари орасидаги ички ҳаёт шароити ҳақида гапирилади. Фазалда лирик қаҳрамоннинг образи умумлашма образ даражасигача кўтарилиган, чунки Олимхон навкарларидан факат Гулханий хон илтифотига сазовор

бўлолмади, деган қарорга келиш янглишdir. Демак, лирик қаҳрамон — навкар ўз бошидан кечирғанларини баён қилиш асосида Олимхоннинг навкарларга мурувватсизлиги ва қўшиндаги тартибсизликни фош қилади. Ўз ҳукукини ёқлаш билан бошқа навкарларни ҳам ана шундай иш кўришга даъват этади:

Ҳазратим, очликдан ўлдим, егани нон бер менга,
Кофир ўлғайман агар десамки, баҳмон бер менга.
Мошу буғдој-ю гуруч берким, шулар менга керак,
Ҳеч айтмасман ақиқу, лаълу маржон бер менга.
Этнима ёпиқ бериб, корнимни тўйғиз нон билан,
Сенга биллоҳим демасман дину имон бер менга.
Навкаринг очликдан ўлса, нега ҳайфинг келмагай,
Эй табиби ҳозиким дорию дармон бер менга.
Нону тўн бер, бенаволик дардидан куткар мени,
Мен қачон айтдимки, Қорун ганжидек кон бер менга...
Гулханийни эр йигитлар тўпидан камситмагил,
Фўта бер, от бер, тўну чакмон бер менга.

Халқ золим деб атаган Олимхондан кейин Қўкон таҳтига чиққан Умархон хукмронлиги даврида ҳам Гулханий турмушида ҳеч қандай ўзгариш бўлмади.

Гулханий аввал адашиб, турмушим яхши бўлармикан, корним нонга тўярмикан, деган ўй-умидлар билан Умархон саройидаги маддоҳ шоирлар гуруҳига қўшилади. Хонни мақтаб қасида ва ғазаллар ёзади. Қасидаларида Умархонни кўкларга кўтариб мақтади, хонга унда бўлмаган яхши сифлатларни тақди, уни фуқаропарвар, адолатпарвар, зулм ва ҳақсизликка хотима берувчи киши килиб тасвирлади ва бу билан хонни ана шундай ижобий хислатлар эгаси бўлишга даъват этди. Аммо Умархон саройидаги фиск-фужурлар, мунофиқликлар, хон ва уни ўраб олган аркони давлат таянчлари томонидан халқ бошига келтирилган қора кунлар Гулханийдек хассос шоирнинг сарой аҳлига бўлган муносабатини ўзгартириб юборди: энди у баъзан ихтиёрий равишда ва баъзан пайравлик қилиб шоҳни таърифлашдан чекинадиган бўлди, ўз эътиrozларини билдира бошлади.

Гулханий XIX асрнинг биринчи ярмида вафот этди.

«Зарбулмасал» халқ әртаклари таҳлитида ёзилган мұнкаммал мазмұнлы ўтқир сатирик асардір. Гулханий ўзининг бу асарида халкнинг мазмұндор мақоллари, ҳикматли сүзлари ва қочирик гапларидан моһирлик билан фойдаланды. У феодал ҳукмдорлар ва уларнинг лаганбардорларини, сарой ахлининг ярамас кирдикорларини мажоз йўли билан ўтқир сатира остига олади. Чунки у меҳнаткаш халқнинг оғир, машаққатли ҳаётини ўз кўзи билан кўрди, сарой базмлари, кети узилмас майпарастликлар халкни талаш ҳисобига бўлишини пайқади ва бундай салбий ишлар унинг кўзини очди. Натижада, унда сарой ахлига нисбатан нафрат хисси тобора ошиб борди. Аммо шоир, шароитга кўра, ҳукмрон доиралардан норозилигини ва нафрatinи очик-оидин ифодалай олмас эди. Шунинг учун мажозий шаклдаги «Зарбулмасал» асарини ёзишга киришди. Асарда шоирнинг мақсади, ҳаётга, уни ўраб олган муҳитга, ҳоким табакаларга бўлган муносабати тўғридан-тўғри ифода этилмай, балки ҳайвонлар, кушлар ва шунга ўхшаш мажозий образларнинг тасвири орқали ифодаланди. Шоир шу зайлда ўзи яшаган замон учун аник ва характерли воқеа-ходисаларни, уларга ўзининг муносабатини, қарашларини тасвиirlайди.

Муаллиф ўз масалларida мажозий образлар орқали ўша даврдаги ҳукмрон синф вакилларини фош қиласи, мамлакатга харобалик, халққа қашшоқлик келтирган ўзаро феодал урушларга қарши омманинг норозилигини ифодалайди.

Гулханий ўз замонасида содир бўлаётган талон-таржлиқ, халкни қийнаш, ортиқча солиқлар солиши каби воқеаларни очикдан-очиқ ёза олмас эди. У буни факат әртак йўли билан амалга ошириш мумкин эканлигини тушунади. Шунинг учун Япалоккуш ва Бойўғлининг бир-бирига қуда бўлиши воқеасини келтиради. Бу икки қуда тўй баҳонаси билан мамлакатни ҳонавайрон қиласи. Ёзувчи Кўркуш, Худхуд, Кулонкирсултон, Шўранул, Малик Шоҳим ва Кордонларнинг бир-бирларига айтган масаллари, ҳикоялари орқали асарнинг гоявий мазмунини очади.

Япалоккуш ва Бойўғлилар юқори табақа вакиллари. Уларнинг хатти-харакатлари очкўз ва қонхўр бўри, алдамчи ва шайтон тулкиларга ўхшайди. Буларнинг ўй-фикрлари, юриш-туришлари шумлик, шаҳар ва қишлоқларнинг вайрон бўлиши улар учун байрамдир.

Гулханий «Маймун билан нажжор» масалида ҳунар ва ҳунар ахлини улуғлайди, кўлингдан келмайдиган ишга асло уриниб кулги бўлма, кўр-кўронга бирорга тақлид қилиб фалокатга йўлиқма, деган фикрни маймун қисмати орқали кўрсатади.

Нажжор жуда ақлли ва моҳир ҳунарманд сифатида тасвирланади. У ижтимоий-фойдали меҳнат билан шуғулланишини ҳар нарсадан юкори қўяди. Гулханий Нажжор ва унинг меҳнатини, дурадгорлик маҳоратини катта муҳаббат билан тасвирлар экан, ҳаттоки маймун ҳам меҳнатга муҳаббат билан қарайди, ҳунарга ва ҳунар эгасига унинг ҳаваси келади, деган фикрни олға суради.

Меҳнаткаш халқнинг оғир ҳаёти ва меҳнати, ҳукуқсизлиги ва ночорлиги, бир сўз билан айтганда аянчли қисмати «Туя билан бўталоқ»да ўзига хос бадиий тасвирга эга.

Гулханийнинг тасвирлашича туя ҳаётда эзилган, тутқун, эрксиз, оғир меҳнат бандаси ҳамда қул қисматига маҳкум этилган меҳнаткашларнинг мажозий образидир. Бўталоқ эса, она сутига ҳам тўёлмай, оғир, машаққатли ҳаёт кечирган, оч-яланғочликда, муҳтоҗликда яшаган эрксиз меҳнаткаш болаларнинг тимсолидир.

Гулханийнинг «Тошбақа билан чаён» масалида бирбирига зид ва қарама-карши икки образ берилган: тошбақа — ақлли, фаросатли, сафарларда кўп юриб, анча тажриба орттирган, инсоғли, содик ва қадрдон дўст тимсоли. У ўз ҳамрохи Чаённинг сувдан ўта олмаслигини билгач, Чаёнга ёрдам кўлини чўзади. Лекин у Чаённинг хиёнатини «Сен билмайсанми Чаённинг муддаоси, хоҳ дўстнинг кўксига, хоҳ душманнинг орқасига бўлсин ниш уришдир» деган жавобини эшигтгач, уни ҳалок килади. Гулханий бу масали орқали Чаёнга ўхшаган одамлар билан дўст ва ҳамроҳ бўлмасликка, киши ўзини ва тақдирини ўшандай кишиларга топшириб қўймасликка чакиради.

Чаён бутун умри бўйи бирорларга ёмонлик килган, уларга зиён-захмат етказган, яхшиликни билмайдиган, яхшиликка ёмонлик қайтарадиган, хиёнаткор тоифаларнинг рамзий образидир.

Гулханий шу зайлда хозирги замон ўзбек болалар адабиётининг майдонга келишида баракали ҳисса қўшган қаламкашdir.

ҲАМЗА ҲАКИМЗОДА НИЁЗИЙ (1889—1929)

Ҳамза Ҳакимзода Ниёзий 1889 йилда Қўқон шаҳрида табиб оиласида тавалуд топди. Унинг педагоглик фаолияти 1911 йилдан бошланади. У дастлаб Қўқон шаҳрининг Ҳожибек гузаридаги камбағалларнинг фарзандлари ва етим-есир болалар учун мактаб очди.

Ҳамза меҳнаткаш халқ оммаси ва унинг болаларини ўқитиш ва тарбиялаш мақсадида, уларни моддий жиҳатдан таъминлашни назарда тутиб, «Ёрдам жамияти» ташкил қилди. Шу жамият орқали у ўқувчиларни ўқув куроллари, кийим-кечак ва озиқ-овқат билан таъминлаб турди.

1914 йилда жаҳон урушининг бошланиши Туркистон бошига тушган бало бўлади. Уруш таъсирида меҳнаткаш халқ янада қашшоқлашади, болалар ниҳоятда аянчли ахво́лда яшайдилар. Бу ҳол Ҳамзага таъсир қилади. Шоир уларнинг оғир ахволини ифодаловчи шеър ва мақолалари билан матбуотда мунтазам равишда қатнашиб туради. Ҳамза 1914 йилда «Садои Туркистон» рўзномасида бо силган шеърида халқ ахволини шундай таърифлайди:

...Камбағаллар титрашиб юргай ялангоч изғушуб,
Ох, бу факиру асорат онлара сайдидир,
Дил шикаста, бағри хун, кўзида ёш шашқатор,
Отасиз, баҳтсиз етимлар холига фарёддир.

Шундай шароитда Ҳамза «бир илож қилиб камбағал болаларни акчасиз... тарбия ва ўқувга бошларини банд қилмоқ...» чораларини излайди, шеър ва мақолаларида болаларни ўқишига чақиради. Бу гояни Ҳамза «Ўқи» шेърида баён этади. Ўша йили у етим ва камбағал болалар учун «Дорил етим» («Етимлар мактаби») ни очади ва ўзи ўқитувчилик қилади. Ҳамза биринчи синф ўқувчилари учун «Енгил адабиёт», 2-синф учун «Ахлоқ хикоялари» ўқиши китобларини тузади.

Ҳамза 1915 йилда Марғилонга бориб, камбағал болалари учун мактаб очади. 1918 йилда эса Фарғонага бориб ўқитувчиликни давом эттиради ва у ердаги ёш санъат-

кор—ихлосмандларни тўплаб, «Сайёр драм труппа» ташкил қилади. 1919 йилнинг бошларида Ҳамза Қўкондаги 1-бокимсиз болалар уйига мудир килиб тайинланади. Бу ерда у уч синфли мактаб очиб, ўзи ўқитувчилик килади. 1922—1924 йилларда шоир Коракалпогистоннинг Хўжайли районидаги 1-болалар уйи мудири ва ўқитувчиси бўлиб ишлайди. 1925 йилда эса у Фарғонанинг Аввал қишлоғига ўқитувчи килиб тайинланади ва ғоят оғир шароитда ишлайди. Айни вактда у халқни янги замон курилиши томон чакиравчи бадиий ижодини давом эттиради.

Шоир 1928—1929 йилларда Шохимардонга бориб ўқитувчилик килади.

Ҳамзанинг тарбиячилик фаолиятини унинг шу мавзуда ёзган асарлари янада тўлдиради. Унинг тарбиявий мавзуда яратган «Илм иста», «Мактаб», «Китоб», «Ўки», «Қалам», «Хикоя», «Тўғри сўз бола», «Хикоят», «Тошибака билан Чайён», «Боланинг ёмон бўлмоғига сабаб бўлган онанинг жазоси» каби шеърлари характерлидир. Бу асарлар шоирнинг 1914 йилгача бўлган ижодидан намуна сифатида тахсинга лойикдир.

Ҳамза халқни ўқитиш, саводхон қилиш учун тинимсиз интилади ва курашади. Мактаблар учун дарслик ва қўлланмалар ёзишни ўзига максад қилиб олган болаларнинг чин дўсти Ҳамза бу йўлда анча ишларни амалга оширади. Ҳамза ёзган дарсликлар унинг ўша даврдаги дунёкараши, бадиий ижоди, болалар адабиётини тушуниши ҳакида кўпгина маълумот беради. Бу ғоя «Енгил адабиёт»да ўз аксини топган.

Муаллим—олимнинг бу китобидан муносиб ўрин олган «Мактаб хусусинда» асари алоҳида ажр туради. У бу шеърда мактабни миллатнинг қуёши абоғига ўҳшатиб таърифлайди:

Мактаб миллат қуёши

Балки кўз ила қоши.

Кўзсиз, кошсиз ки

Кандай хунукди!

Мактаб милл

Илму адаб.

Дунёда

Ахтар

Мактаб миллатнинг гули,
Миллат анинг булбули.
Мактабсиз котган миллат
Бошқа чаманнинг кули...

«Биринчи синф боласининг сўзи» шеърида шоир ўша
куёшга, нурга, гулга, бахтга интилган ўқувчининг ёзув
ва чизувни ўрганиб олиб бахтга эришаётганлигини унинг
номидан, —

Менинг ўқуб, ёзганим.
Олтин, кумуш қазганим,
Тилак сари учувга
Гўё канот ёзганим, — каби мисраларда
баён килади.

Хамза худди шу дарсликдан ўрин олган «Тўғри сўзла»
шеърида хар кандай холатда хам, хатто бошиннга қилич
келганда хам тўғри сўз бўл, деб ўз ўқувчисини, ёш ки-
тобхонни тўғри сўз бўлишга ундайди:

Тўғри сўзла эй ўгул.
Тил бурмагни ёлғонга хеч.
Бир масал бор: тўғри сўзлар
Бошинни кесмас қилич.

Хамзанинг «Енгил адабиёт»га киритган шेърларида-
ги бош қаҳрамонларнинг белгили хусусиятларидан бири
— тўғри сўзлик. Шоир болаларни тўғри ва ростгўй бўлиш-
га, зарарли ва фойдасиз ишлардан кочиб ижобий ишлар
 билан шуғулланишга, кишиларнинг яхши сифатларидан
 ибрат олишга чакиради. «Тўғри сўз бола»да бу фикр янада
 жонли чиққанини кўрамиз. Хамза бу шеърида барча
 нарса пул ва бойлик билан ўлчанганд жамиятда ҳамма нар-
 садан кўра хақикатни устун қўйган ижобий қаҳрамон —
 бола образини яратади.

Бир бола ўқишдан кайтаётганида икки киши унинг
 олдини тўсиб, бири деди: «Танга берурман сенга, сўзла
 бир озгина ёлғон менга».

Шунда бола унга жуда донолик билан жаъоб беради:
 Сўзлант, яка, коматингизга кареб.
 Бу сўзингиз аслида ёлғон эрур.
 Тангага ёлғонни ким олган эрур.
 Синчи куб ёркани ўзи ёлғон ска,
 аки аввал сотиб айланг адо.

Қолса камиб, етмай агар сизданам,
Үртогингизда кўп эрур бизданам
Офарин айтдилар анинг сўзига
Тангани холис берубон ўзига.
Хисса: кимки тўғри сўзи ҳар қачон,
Тегузадур доимий бўйла хисон.

Ҳамза бу шеърида болаларни ёшлигиданоқ ростгўйлик руҳида тарбиялаш лозимлигини уқтиради, уларни ёлғончилик ва алдамчилиқдан узокрок юришга чакиради.

Шу китобда «Киморнинг боши» деган бир шеър бор. Бу асарда Ҳошимжон деган боланинг аянчли қисматидан тўғри хулоса чикаришга чакиради. Ҳошимнинг «Тўптош», «Жуфтми-тоқ» деган ўйинларни ўйнашдан астасекин кимор ўйнашга ўрганганини, бора-бора қиморга муккасидан кетиб, охирида бор-йўғини қиморга бой берганини, ниҳоят унинг гўлохликка тушиб, хорликда ўлиб кетганини ифода этади.

«Ўқиш китоби» Ҳамзанинг иккинчи дарслигидир. Унда тўққизта дарс бўлиб, уларнинг ҳар бири ахлоқий масалага бағишиланган. Барча хикояларнинг қаҳрамони ижобий фазилатларни ўзида мужассамлантирган мактаб ўқувчисидир.

«Бир ақлли мактаб боласининг ўз-ўзича домласининг қилган тарбиялари ёдига тушиб, фикрланиб, деган сўзлари» сарлавҳали иккинчи дарсда боланинг нутқ-таърифи воситасида устоз образи чизилади. Ҳамза ўзи орзу қилган ўқитувчини бола тилидан бундай таърифлайди:

Ўйласак, бизнинг эрурлар чин отамиз шул киши.
Чунки бизга билмаганни билдирур устодимиз...
Ота бирла онамиздан яхшироқ шафқат қилиб,
Биздаги ҳар камчиликни кўрсатур устодимиз...
Аста-аста бизда бўлган ҳар ёмон, шум феълни,
Ҳар куни айлаб насиҳат йўқотур устодимиз.

Ёшларни инсонпарварлик руҳида тарбиялаш ишига Ҳамза алоҳида аҳамият беради. Одамларга меҳру муҳаббат қўйиш, кишиларнинг қадр-қимматига етиш, уларни хурмат қилиб, иззат-икром билан муомала қилиш, Ҳамзанинг фикрича, ёшлардаги инсонпарварликнинг асосидир. Ёшларни бундай руҳда тарбиялаш даставвал, болаларнинг энг яқин кишиларига айниқса, ота-онасига нисбатан муҳаббат туйғуларини ривожлантиришдан бошланиши ке-

рак. Шоир ота-онани хурмат қилишни боланинг энг юксак инсоний фазилатларидан бири деб ҳисоблайди. «Ул ақллик бола отасини ҳам қилган тарбия ва шафқатларини ёт этиб деган сўзи» сарлавхали учинчи ва «Ул ақллик боланинг мушфиқа энаси учинда қилган ташаккурлари» номли тўртинчи дарсларида ота-оналар қиёфаси чизилади.

Ҳамза китобда отанинг лирик образини чизаркан, унинг амри халқ амридан ҳам кучли, деб таърифлайди. Онани эса «Отамиздан ҳам муқаддас онамиз» тарзида улуғлайди. Айни чоқда, ота-онанинг бола тарбияси учун масъул эканлиги таъкидланади.

«Ўқиш китоби»даги бир неча шеърлар ўқиш, илм, мактаб ҳамда китобнинг таърифига багишиланади. Жумладан, «Ўқи» шеърида шоир ўқиш натижасида камбағал-бечораларнинг асоратдан кутулиб, маданият ва санъатдан баҳраманд бўлиши турган гап, деб уқтиради. Ўқишнинг қадрини муаллиф ўқитувчи — устозлар тилидан шундай таърифлайди:

Гар дилингда ўйлаган орзуга етмоқ истасанг,
Киммат умринг килмагил бехӯдага бекор, ўқи!..

Эй ўғил! Дунёда бўлмоқ истасанг олижаноб,
Ўкуғил мактаб келиб, зинхор ўқи, минг бор ўқи!

У «Мактаб» шеърида «Ўқуб илму адаб бўлгай гаранг хушёр мактабдин» деб «Инсонни инсон қаторига қўшиш», инсонни камолотга етказиш ва уни олижаноб, фазилатли киши қилиб етиштиришда мактабнинг роли катта эканлигини кўрсатади. Шоир мактаб тарбиясининг аҳамиятини юксак баҳолайди, уни сирларнинг хазинаси, одамни одам қиласидиган жой деб кўрсатади.

Ҳамза болаларни илмли, одобли ҳамда хунарли қилишда китобнинг аҳамияти ниҳоятда катта эканлигини «Китоб» шеърида содда, образли, мазмундор мисраларда тасвирлаб берди. У ўз шеърида китоб билим манбаи, «кўзнинг нури, дил хузури, дилларнинг дармони!...», «Хар балодан асрарувчи энг муҳим қиммат яроғ» каби сифат ва таърифлар билан китобни юксакка кўтаради. Шу билан бирга ҳар бир киши кўнглидаги орзуга етиши учун «Илм манбаи бўлган китоб»ни севиши, саводли бўлиши лозимлигини уқтиради.

Хар кўнгилнинг орзуси шул эрур обихаёт,
Қадрини билган кишига, шубҳасиз, жондир китоб...
Кўзнинг нури, дил хузури, дилларнинг дармонидур,
Хар коронгу дилга гўё моҳитобондир китоб...
Хар киши ёшлиқда килса озгина ғайрат агар,
Тез замонда ошно бўлмоғи осондир китоб.

Мумтоз адабиётимизда қалам ҳақида жуда кўп фалса-
фий шеърлар ёзилган. Ҳамзанинг «Қалам» деб номланган
шеъри ҳам ана шундай асарлардан ҳисобланади. Шоир қалам-
ни маърифат рамзи сифатида «Қорадир гарчи изи нури
ҳақиқатдир ўзи» дея қадрлайди.

Ҳамза «Илм иста» шеърида ёшларга мурожаат қилиб ки-
шининг кўзлаган мурод-максадларига эришишида илм олиш-
нинг аҳамияти катта эканлигини айтади, ёшларни илм олиш-
га, дунё сирларини ўрганишга даъват қилади. У илмли киши
билан илмсиз кишини бир-бирига солиштириб илмли киши-
ни порлок офтобга, илмсиз кишини қоронгу кечага ўхшата-
ди. Шунинг учун ҳам Ҳамза илм-фаннынг моҳиятини тушун-
тиради ва ёшларни илм ўрганишга ундаиди:

...Хар муроду мақсадингга етмоқ истарсан мурод.
Кўз очиб бедор бўл: даркор илм, даркор илм!
Ул ҳақиқат ойинига сайқал истарсан Нижон,
Илм иста, илм иста, истагил зинхор илм!

Шунингдек, шоир илм-фанинни куруқ ўрганиб олишни-
гина тарғиб этмайди, балки унинг ҳалққа хизмат қили-
шини янги-янги қашфиётлар учун кераклигини назарда
тутади ва буни болаларга уқтиради:

Илм бизни етургай ҳар мурода,
Бизам илм ўлса учгаймиз ҳавода
Олим бўлсак дунёда,
Келур ҳар иш бунёда,
Биз ҳам сув ости кезиб,
Ҳам учармиз ҳавода.

Шоир илм-фаннынг куч-кудратини, кишилар онгини
ўстиришдаги бағоят катта ролини болаларга содда ва ра-
вон мисраларда ифода қиласди:

...Олим бўлсак қанча биз,
Ҳар бидъатни янчамиз.

Жаҳл отлиғ душманни,
Кўксина тиғ санчамиз.

Шоир «Ҳикоя» асарида болаларни ёлғон гапирмасликка, ростгўйликка чакиради. Бу ғоя холасининг пулини ўғирлаган оиласдаги катта ўғилнинг сири фош этилиши воситасида ифодаланади. Шоир шарманда бўлган бола ҳақида гапириб, қиссадан хисса чиқаради:

Хисса, кими бўйла хиёнат қилур,
Бир кун ўзин шўйла хижолат қилур.

«Тошбақа билан Чаён» масалининг сюжети халқ оғзаки ижодида жуда машхур. Гулханий бу масал мазмунини насрой йўл билан берган бўлса, Ҳамза унга қайта сайқал бериб, назмда баён этган. Ҳамза масалда дўстликни улуғлайди, фирибарлик, тиљёғламаликни эса қаттиқ қоралайди. Тошбақа орқали раҳмдил, чин дўст образини яратади. Чаён образида эса яхшиликка ёмонлик қайтарувчи, тиљёғлама, ўз сўзида турмайдиган кишилар фош этилади.

Шоир болаларни танлаб, билиб дўст бўлишга, ёмон нияти кишилар билан ҳамроҳ бўлмасликка чакиради, кимда-ким яхшиликка ёмонлик қайтарса, унинг бошига кулфат тушиши турган гаплигини уқтиради. Масалда бундай хулоса чиқарилади:

Хисса, кими ғайрни улфат этар,
Ўз-ўзича бошига кулфат этар.

«Ўқиш китоби»даги асарларнинг кўпчилигига ўз замонаси учун ғоят илгор фикрлар олға сурилади. Айниқса, ундаги мактаб, китоб, қалам, илм, ўқитувчи, бола тарбиясида ота-онанинг роли ҳақидаги шеърлар, «Тошбақа билан Чаён» каби ибратли асарлар ҳозирги вактда ҳам китобхонларга манзур бўлган ва маърифий-эстетик тарбия берадиган асарлар сирасидандир. Ана шу ғоявий ва бадиий юксак, ўқувчиларга манзур бўлган асарлар «Ўқиш китоби»ни ўзбек болалар адабиётининг ноёб намуналаридан деб хисоблаш учун асос бўлади.

Ҳамза 1925 йилда «Иккинчи синф учун қироат китоби» дарслигини ёзди. Бу китоб ғоявий мавзуи жихатидан Алишер Навоийнинг «Ҳайратул-аббор» асарига яқин туради. Китоб болалар руҳига мос қилиб, насрой йўл

билин ёзилган. Ундаги биринчи асар — «Илм»да маърифатлилик, илмли бўлиш шундай шархланади:

«Эй болалар, ҳар бир инсон боласига дунёда энг аввал зарур ва лозим бўлган нарса оламда илмлик ўлмоқдир. Илмсиз кишини бутун инсон демак айни хатодир...»

Китобдаги барча дарслар ана шундай тафсилот билан бошланади, сўнг бир байт шеър келтирилади:

Илмсиз ҳар киши учса ҳавога
Кўнгил берма анингдек худнамога.

Ҳамза илм ҳақидаги ҳикояларида нейнгиларини ахлоқ, одоб масалаларига бағишлайди. Хусусан, муаллиф дарсликда бола тарбиясида ота-онанинг бекиёс ролини юқори баҳолайди.

Ҳамза бу асарида ҳалқ оғзаки ижодидан унумли фойдаланган. Асарнинг бадиий шаклини белгилашда, болалар адабиётининг талаблари тўла кўзда тутилган, фикр содда, ихчам, айни вактда, жонли тил ва образли иборалар билан баён қилинган.

Асарнинг бошидан-оёқ бева-бечора, меҳнаткаш омма манфаатини химоя қилиш ва маърифатга даъват этиш руҳи билан сугорилганлиги Ҳамзанинг ҳақиқий маърифатпарвар шоир эканини тасдиқлайди.

«Қироат китоби» Ҳамза ижодида етакчи ўринда туради.

1915 йилда Ҳамзанинг «Миллий ашуалар» тўплами босилиб чиқди. Бу тўпламдаги шеърларнинг катта кўпчилигига маърифатпарварлик ғояларини тарғиб этиш давом этади. Ҳамза аввалги шеърларида илмли ва яхши ҳулкли кишиларни маърифатпарвар деб кўрсатган бўлса, энди у ўз ҳалқи учун жонини ҳам аямайдиган, юксак ижтимоий онгли шахсларни маърифатпарвар деб талқин қилди. Бу унинг ижодига ижтимоий воқелик таъсир этганини, ижодкорнинг ғоявий томондан ўсганини кўрсатади.

Шоир «Миллий ашуалар», «Оқ гул», «Кизил гул», «Яшил гул» ва бошқа тўпламларидаги қўшиқлари билан ҳалқ оммасини маданиятли бўлишга унрайди, зулмдан шикоят қилади, ижтимоий фаолликка чакиради.

Машхур тарбиячи, атоқли шоир, драматург ва бастакор Ҳамза Ҳакимзода Ниёзий меҳнаткаш ҳалқни, шунингдек, ёш авлодни ўқитиш, маърифатли қилиш, тарбиялаш ишига ўзининг бутун иктидорини, умрини бағишлади.

АБДУЛЛА АВЛОНИЙ (1878 — 1934)

Ўзбек маданиятининг улкан вакилларидан бири, педагог, жамоат арбоби ва ёзувчи Абдулла Авлоний 1878 йилда Тошкент шаҳрида тўкувчи оиласида дунёга келди.

Абдулла Авлоний бошлангич диний мактабда ва мадрасада ўқиди, илм-фанга ихлос кўйди. Ўзбек ва бошқа шарқ халқлари адабиётини берилиб ўрганди. Абдулла Авлоний 14 ёшидан бошлабоқ шеърлар ёзишни машқ қила бошлади. Унинг бу даврда ёзган илк шеърлари ўша давр вактли матбуот саҳифаларида босилиб турди.

Абдулла Авлоний халқни илм-фан нурларидан баҳраманд қилишни ўзининг бирдан-бир бурчи деб билди ва 1904 йилда ўзи яшаб турган жойда — Мирободда мактаб очди.

Абдулла Авлоний мактаб ҳар томонлама болани ўзига тортиши учун ҳаракат қиласи. Унинг қўлидан дурадгорлик ишлари хам келар эди. Шунинг учун у ёзув тахтаси, парта ясаб, барча ўқув жихозларини ўзгартиради. Бу ерда ўқийдиган болаларнинг асосий кўпчилигини камбағалларнинг болалари ташкил этганлиги сабабли муаллим бойбадавлат дўстларининг кўмагида «Жамияти хайрия» ташкил этади. Бу билан болаларга кийим-бош, озиқ-овқат, дафтар, қалам бепул берилишини таъминлайди.

Авлоний очган мактабнинг шуҳрати тобора ортиб, ўқувчиларнинг сони кўпая боради.

Абдулла Авлоний ўзи ташкил қилган мактабда болалар дикқатини асосий фанларга қаратиб, уларнинг тезда саводини чиқаришга ва аниқ фанлардан баҳраманд этишга ҳаракат қиласи. У болаларга жўғрофия, тарих, адабиёт, тил, хисоб, ҳандаса, ҳикмат (физика) каби фанлардан маълумотлар берди.

1907 йилда «Шуҳрат» деб номланган рўзнома ташкил этди ва унинг саҳифаларида меҳнаткаш халқ манфаатларини химоя қилишга доир фикрларни тарғиб этди. Жумладан, рўзноманинг биринчи сонида: «Матбуот ҳар инсонга ўз холини кўрсатувчи, ахвол оламдан хабар берувчи, қоронгу кунларни ёритувчи, халқ орасида фикр тарқатувчи, илм, иттифоқ, ҳикмат foяларини» ёювидир, деб ёзган эди.

Абдулла Авлоний «Адабиёт ёхуд миллий шеърлар» деб номланган тўрт қисмдан иборат бўлган дарслигида ёшларни маориф-маданиятга чорлайди, ярамас хулқ-одатларни эса танқид килади.

Ўша давр ҳалқ педагогикасида Абдулла Авлонийнинг «Биринчи муаллим» — «Алифбо», «Иккинчи муаллим» — «Ўқиши» китоблари катта роль ўйнади.

Бу китобларда Авлоний ўтмиш адабиётимизнинг энг яхши анъаналарини давом эттириди, илм ва маърифатнинг аҳамиятини янгичасига талқин этди.

«Биринчи муаллим»да Авлоний даставвал 32 ҳарфни ёлғиз ёзиладиган шаклларини бир саҳифада алифбо тартибида берган. Шу саҳифада алифнинг сўзнинг бошида, ўртасида ва охирида ёзилишини кўрсатган, сўнг алифни барча «бош ҳарфлар»га кўшиб бўғинлар хосил қилган.

«Иккинчи муаллим»да болаларнинг ахлоқ, одобига доир, ҳалоллик ва покликка оид турли шеърлар, хикоя, масал ва эртаклар жамланган, ранг-баранг аллегорик образлардан усталик билан фойдаланилган.

Китоб «Мактаб» шеъри билан бошланади. Унда кимки мактабга борса, ўқиса, саводхон бўлса, жуда кўп нарсаларга эришиши чиройли таърифланади:

Мактаб дуру гавхар сочар,
Мактаб сизга жаннат очар,
Мактаб жаҳолатдан кочар,
Файрат килиб ўқинг, ўғлон!
Мактаб сизни инсон қилур,
Мактаб ҳаё эхсон қилур,
Мактаб ғами вайрон қилур,
Файрат қилиб ўқинг, ўғлон!..

Дарсликда кўплаб ибраторумуз шеър, хикоя ва эртаклар берилган.

Абдулла Авлоний 1904 йилдан умрининг охирига қадар ўқитувчи бўлиб ишлади. У ўнлаб шеърлар, «Мактаб гулистони», «Туркий гулистон ёхуд ахлоқ» каби дарсликлари билан ҳозирги замон ўзбек болалар адабиётига пойдевор қўйган эди. Узок йиллар қайта-қайта нашр этилган «Туркий гулистон ёхуд ахлоқ» Юсуф Ҳос Ҳожибнинг «Қутадғу билиг», Носир Хусравнинг «Саодатнома», Саъ-

дийнинг «Гулистан» ва «Бўстон», Жомийнинг «Бахористон», Навоийнинг «Махбуб ул-кулуб», Донишнинг «Фарзандларга васият» типидаги ўзига хос тарбиявий асардир. Унда Абдулла Авлоний ўзининг ижтимоий ва ахлоқи қарашларини баён этган. Асарнинг сўз бошисида муаллиф бу хакда шундай ёзади: «Мен бу асаримни мактабларимизнинг юкори синфларида таълим бермак ила баробар улуғ адабиёт муҳиблари — ахлок ҳаваскорларининг эътиборларига тақдим қилдим».

Дарсликдаги ҳар бир бўлим таълим-тарбиянинг муҳим бир масаласига бағишланган бўлиб, уларнинг бири иккинчисини тўлдиради, такомиллаштиради. Ҳар бир бўлимда кичик ҳажмли, ибратли ҳикоялар келтирилади, шеърий парчаларда ёки ҳикматли сўзларда «қиссадан хисса» чиқарилади. Ёзувчи бу асарида ҳалқ оғзаки ижодидан кенг фойдаланган.

Абдулла Авлонийнинг «Баҳор келди», «Булбул», «Бола ила гул», «Ёлғончи чўпон», «Тулки ила қарға» каби жуда кўп шеърлари кичик мактаб ёшидаги болаларга бағишланган.

«Мактаб боласи» шеъри бошланғич синф ўқувчилари ҳаётидан олиб ёзилган. Асарда ишёқмас, дангаса боланинг қалбida ўқишига муҳаббат уйғониши умумий йўсинда баён этилади:

Йўлга солди тил ила йўлдошин,
Мактабга мойил айлади бошин.
Солди ўрторининг сўзина кулօқ,
Босди ул ҳам ўқув йўлина оёғ.
Иккиси бирга бўлдилар мулло,
Чиқди хату савод ҳам имло.

Шу тариқа шоир қиссадан ҳисса чиқарар экан, «Яхши билан юрсанг етарсан муродга» тоғасини илгари суради.

Абдулла Авлоний ўзбек адабиётида драма жанрининг ривожланишига ҳам катта ҳисса кўшди. Унинг «Адвокатлик осонми?», «Пинак», «Биз ва сиз» пьесалари адабиётимиз тарихида ўчмас из колдирди.

Абдулла Авлоний 1934 йилда вафот этган. У маърифатчи, шоир, драматург, журналист, режиссёр, таржимон, актёр, жамоатчи, муаллим сифатида ҳалқимиз қалбida мангу сакланиб колади.

ҒАФУР ФУЛОМ (1903—1966)

Оташнафас куйчи Faфур Fuлом ҳозирги замон ўзбек болалар адабиётининг юксалишида муҳим ўрин эгаллайди.

1918 йилда Faфур Fuлом 8 ойлик муллымлар тайёрлаш курсига кириб ўқиди ва 1919 йилдан бошлаб ўқитувчилик ишлари билан шуғуллана бошлади. Ёшларни билим ва маданият қучогига тортишда у астойдил хизмат қилди. У Тошкентдаги «Урфон» номли мактаб қошидаги бокимсиз болалар уйида тарбиячи ва мудир бўлиб ишлади.

1923 йилдан адабиёт майдонига қадам қўйган Faфур Fuлом ўз ижодини болаларга атаб шеър ёзишдан бошлади. У бутун ижоди давомида ёш авлодни унумтади ва унга муносиб адабий мерос қолдирди. Шоирнинг «Мукофот» (1940), «Шеърлар» (1946), «Тонготар қўшиғи» (1949), «Бари сеники» (1953), «Бир гунча очилгунча» (1955), «Сиз менинг ёшлигимсиз» (1958) шеърий тўплamlари; ўрта ва катта ёшдаги болалар учун «Шум бола», «Тирилган мурда» (1934), «Ёдгор» (1935) каби ажойиб асарлари болалар адабиётида муносиб ўрин тутади.

Faфур Fuлом «Яша, дейман ўғлим!» шеърида фан ва техникани эгаллашни ҳавас килган, қалби қаҳрамонлик рухи билан тўлиб-тошган, чексиз осмонга учеби, юлдуздан-юлдузга ўтишни орзу килган замонамизнинг илғор ёш қаҳрамони туйғуларини ўғил мисолида тараннум этади. Шоир болалардаги қаҳрамонликка бўлган зўр ҳавасни сезгирилик билан илғаб олиб, уни моҳирлик билан ифодалаб берган. Ота билан боланинг сухбати шаклида ёзилган бу шеърда ўғилнинг кўрқмаслик ва иродалилик хислатлари жонли тафсилот ва образлар оркали очилади. Шеърда болаларнинг ички кечинмалари, характеристи, ҳамма нарсани билишга бўлган қизикувчанликлари кулигили усуlda, таъсирили ифодаланган.

«Турсунали нега варрақдан воз кечди?» шеърида Fa-
фур Ғулом техниканинг куч-қудратини кичик ёшдаги бо-
лалар савиясига мос воситалар — варрак ва аэроплан
орқали кўрсатади. Шоир буни варракнинг кучсизлиги
билин аэропланнинг кучлилигини бир-бирига қарама-қар-
ши қўйиш ва жонлантириш усули орқали моҳирона кўрса-
тишга муваффак бўлган. Шоир аэропланда тинмай ба-
ланд ва узокларга учган қаҳрамон образини чизар экан,
болаларда замонамизнинг шундай қаҳрамонига нисбатан
мехр-муҳабbat уйғотади. Шу билан бирга, муаллиф шеър-
да Ватанимиз қудрати ва гўзаллигини шоирона тасвир-
лайди, ҳаётда туғилаётган янгиликлар билан болаларни
таништиради, буларнинг ҳаммаси ижодий меҳнат орка-
ли яратилганлигини куйлаб, уларни замонамиз қаҳрамон-
лари изидан боришга, фаннинг чўққиларини эгаллашга
ундайди.

Аэропланнинг учар отга ўхшаб кетиши боланинг ҳаё-
лига мувофиқ келади. Шоир аэроплан талкинида болани
уни миниб олишга, «Фаннинг энг чўққиси»га учириб олиб
боришга чақиради. Бундай ҳавас иштиёки ёш юракни
тўлқинлантиради ва бола самолёт минишга қатъий аҳд
килади.

Шоир «Бари сеники» шеърида юксак ватанпарварлик
爻ясини илгари суради. Айни чоқда, ўз ҳалқининг бахти-
ни, гўзал Ватанинг истиқболини куйлаган шоир ҳаётга
бўлган муҳаббатини Ватанга бўлган муҳаббати туйғуси
билин ёнма-ён кўради, болаларга икковини бир бутун
холда тушунтиради. Буни шоир бола тилидан қўйидагича
ифодалайли:

Мунча ҳам чиройлисан, азиз Ватаним,
Бодомдай минг кўз билан севар баданим.
Сенсан аввал-охир, сенсан севганим,
Жоним, юрак қоним, хатто шу таним,
Бир бутун холича бари сеники.

«Аҳмад ёмон бола эмас-ку, аммо...» шеърида Аҳмад
образи орқали «Соғлом танда—соғ ақл» мақолидаги маз-
мунни ўзига хос образли тарзда ёритади. Шоирнинг ма-
хорати шундаки, шартлилик асосида Аҳмаднинг тана аъзо-

ларини жонлантиради ва Аҳмад ўз тозалигига бефарқ қарагач, бу аъзолар мажлис қилиб ҳар бири сўзга чиқади ва эгасидан норози эканликларини айтиб, уни танқид қилади. Faфур Fулом докторнинг фойдали маслаҳатлари-га амал қилган Аҳмаднинг кейинчалик озода, соғлом ва интизомлигина бўлиб қолмай, балки аълочи ўқувчига айланганлигини ишонарли тасвирлайди:

Кўллари ҳам севинчидан чапакда,
Бутун аъзо бир-бирига кўмакда.
Энди Аҳмад соғлом, тоза, аълочи
Меъда кучли, тишлари мисли инжу.

Шоир «Нортожининг курак тиши» шеърида ҳам болаларни Нортожи образи орқали тозаликка риоя қилишга ундайди. Кичик китобхон дикқатини дастлаб б ёшли Нортожининг «...чоллар каби кемшик» эканлигига қаратади:

Олдинги тўртта курак тишининг
Соги йўқ — ҳаммаси чирик, дарз кетган.
Баъзиси жуда паст, баъзиси баланд.
Баъзиси лаб юлар — мисли тикан.

«Нортожининг курак тиши»да шоир образли тасвирлар орқали Нортожи характеристига хос бўлган эринчоқлик ва ялқовликни, тозаликка риоя қилмаслигини ўзига хос йўсинда фош этади. Хусусан, Нортожи тишининг ковагидан жой олган нарсаларни тасвирлар экан, унинг кулгули ҳолатини «Карнайдай оғзини очиши билан сассик ҳид ҳаммага билиниб кетди», «олдинги курак тишида бир ҳафта бурунги овқат қолдифи» каби мисралар орқали янада бўрттириб гавдалантиради. Шеърда тозаликка риоя қилмасликнинг зарарли оқибати болаларга ғоят ҳаётий ва характеристи мисраларда етказилади.

Faфур Fулом Нортожининг ўз нуқсонларини тўғри англаб, тегишли хулоса чиқариб, тозаликка риоя қилувчи болага айланганлигини ифодалаб, ибратли хулоса чиқаради:

Биласизми, ўртоқлар, бу дори нима?
Бир кути порошок, кичкина чўтка...
Энди Нортожининг тишлари дурдай,

Оғрикни, сасишни билмайди, тоза.
Хар кимки, тишини тозалаб турса,
Жони ором олар, ўзи покиза!

Демак, шоир шеърларидан келиб чиқадиган мухим хулоса шунчаки баён ёки панд-насихат тарзида эмас, балки жонли тасвир, образли ифода орқали бериладики, бу каби хулосалар кичкинтойлар маънавиятига тезроқ етиб боради.

Шуни таъкидлаш зарурки, Faфур Fулом «Шум бола», «Тирилган мурда», «Ёдгор» асарлари билан болалар адабиёти насрый жанрининг юксалишига ўзининг муносиб улушкини кўшди.

Faфур Fуломнинг «Тирилган мурда» асарида жамиятга доғ бўлиб тушадиган дангасалик билан меҳнат ўртасидаги кураш асосида меҳнатнинг тарбияловчи кудрати тасвир этилади. Муаллиф ижодий мақсадини Мамажоннинг бошидан кечирганлари ва унинг ўзи томонидан ёзилган кундалик сахифалари воситасида, кулгили тарзда ҳикоя киласи. Асар пролог ва эпилогдан ташкари, олти фаслдан иборат бўлиб, уларда мулла Мамажоннинг 1925 йилдан то 1933 йилгача ўтган даврда бошидан кечирганлари ёзилган. Асарда F. Fулом ўз қаҳрамонига «сўз» беруб, унинг ўзига хос характеристики яратади.

Ишёқмаслик ва ялқовлиқда афсонавий дангасаларни ҳам «бир чўкишда кочирадиган» мулла Мамажоннинг бугунги кунда меҳнаткашларнинг ижобий таъсирида астасекин ялқовликини ташлаб, илғор меҳнаткашга айланганлигини хаётый, типик шароитда, ҳажвий ва кулгили ифодаларга бой лавхаларда кўрсатилади. Мамажон тимсоли аста-секин ўсиб, изчил характер даражасига кўтарилиган.

Адибнинг «Тирилган мурда» асари икки қисмдан иборат. Иккинчи қисмда унинг жамоа хўжалигига кириши ва кайта тарбияланиши, фаровон ҳаётга эришиши тасвирланади.

Ёзуви Мамажоннинг ялқовлиги ва эринчоклигини чукурроқ очиш учун, аввал уни «Минг бир кеча» эртакларидаги Абдутанбалнинг ялқовлиги билан таққослайди: «Хўш лесангиз, Бағдод деган шаҳарда Абдутанбал деган бир ялков йигит ўз онаси қошида яшар экан. Абдутан-

бал ҳеч қандай иш қилмас экан. Онаси топиб келган овкатни чайнаб оғзига солса ҳам ютгани эринар экан. Доимо ёнбошлаб ётар экан-у, ўрнидан туришга хафсаласи келмас экан. Мабодо қўлтиғидан кўтариб, тикка турғизиб қўйсангиз, қадам қўйишга ботинолмас, зўрлаб қадам қўйдирган чоғингизда ҳам, оёқлари бир-бировига чалишиб йиқилар экан...» Мамажон саргузаштларининг унинг ўз тилидан сўзлатилиши болаларга асар ғоявий мазмуни яхши тушунишга ва уларнинг қизиқувчанлигини оширишга хизмат қилган.

Мамажон шу қадар ялқовки, у отаси экиб кетган ярим танобча ердаги жўхорини қайриб олишга ва буни пишириб тириклиқ ўтказишга ҳам эринади. Бу ҳакда унинг ўзи шундай дейди: «Қаддимни кўтаришдан кўра чолларнинг койишларини эшлиш осонрок кўринар эди».

Хатто, юришга ҳам ҳафсаласи келмаган ялқов Мамажон бирданига илғор меҳнаткаш бўлиб қолмайди. Давр воқелиги, меҳнатнинг шон-шараф ва қаҳрамонлик ишига айланаб, ялқовликнинг таг-томири билан емириб ташла ниши Мамажон онгида иллатларни йўқотиб, унинг ўзгариб боришида хаққоний, аник ва хаётбахш куч ролини ўтайди. Мамажонни меҳнатга жалб қилишда яхши одамларнинг кўрсатган ижобий намуналари Сатторкул образида мужассамлаштирилади.

«Сатторкул акам кўярда-кўймай шудгорга олиб чиқди.

— Бас энди, ётаверма. Сал меҳнатга ҳам қайиш. Рангинг жойига келиб қопти. Тўлишибсан. Юр мен билан, — деди. Эриниб унинг кетидан кета бошладим. У кўш хайдади. Мен отбоши етакладим. Шудгор одамлар билан тўла эди: бириси ҳайдаётир, бириси мола босаётир, бошқалари кетмон чопаётир». Бундай жўшқин хаёт, даладаги қайноқ меҳнат сурори Мамажонда аста-секин меҳнатга ҳавас туйғусини ўйғота бошлайди.

Мамажон ялковликдан, колокликдан қутулиб, илғор, онгли меҳнаткашга айланади. Унинг қайта тарбияланишида жамоа ва эркин меҳнат катта роль ўйнаганлиги ҳаққоний равишда тасвирлаб берилган. Ёзувчи бу образ орқали меҳнатсеварлик ғояларини илгари суради.

Асарнинг тузилиши ўзига хос, қизиқарли, тили равон ва сoddадир. Мамажон тушида кўрган аёл: «Фунчадай

тугилиб келган кип-кизил лаб, ҳавода учиб юрган қалдирғочнинг муттасил қанотидай пайваста қора қош, сочларининг уни қўнғироқ бойлагандай жингалак, юзлари атиргулга ўҳшаган тиниқ пушти ранг» тарзида чизилган. Шахс тасвирида ёки «гапларим зуваласи пишмаган хамирдай уваланиб, тўкилиб кетмоқда эди», каби иборалар асарга зийнат бағишилаган.

Иккинчи жаҳон уруши йилларида шеъриятнинг жуда кўп дурдоналарини яратган Faфур Fулом болаларга ҳам ажойиб асарлар тақдим этди. Унинг болалар учун яратган асарларида ватанпарварлик ва байнамилаллик ғояла-ри, қаҳрамонлик ва жасурлик, ғалабага ишонч оҳанглари янграйди. Шоир «Навқирон наслимиз синов олдида» шеърида ёшларнинг келажагини ифодалаб, уларни эрк ва баҳт берган ватанга муносиб кишилар бўлишга чақиради:

Бизнинг ўлкамизда йўқолур оғат,
Ўлимни енгишга сизлар кандидат...
Эртанинг, эй адиг ва шоирлари,
Кишилик руҳининг инженерлари...
Сиз осмон илмини сувдай ичасиз,
Юлдуздан-юлдузга зумда кўchasиз...
Аълочи ўғлонлар, аълочи қизлар,
Ватан истаги ҳам худди ана шу.

Шоирнинг бу даврда ёзган ноёб ва гўзал асарларидан бири «Сен етим эмассан» шеъридир. Унда одамларнинг иккинчи жаҳон уруши йилларида етим қолган болаларга бўлган ватанпарварлик, қардошлиқ, инсонпарварлик хис-туйфулари юксак маҳорат билан тараннум этилади:

Сен етим эмассан,
Тинчлан жигарим,
Куёшдай меҳрибон,
Ватанинг — онанг,
Заминдай вазминн-у,
Мехнаткаш мушфик
Истаган нарсангни тайёрлагувчи
Халқ бор — отанг бор.
Чўчима жигарим,
Ўз уйингдасан.

Бу парчада Ватаннинг муаззамлиги, унинг меҳри дарё кишилари қўйма образларда, лўнда, таъсири ифодаланганлиги хар бир мисрада кўриниб турибди. Шоир болаларга етимлик нима эканлигини тушунтиаркан, ўзининг аччиқ етимлик ҳаётини эслаш орқали асарнинг таъсир кучини оширишга эришган:

...Мен етим ўсганман,
Ох, у етимлик...
Вой, бечора жоним.
Десам арзиди.
Бошимни силашга,
Бир меҳрибон кўл.
Бир оғиз ширин сўз
Нондек арзанда,
Мен одам эдимку,
Инсон фарзанди...

Бу сатрларда шоир маҳорати аввало етимлик тушун-часига бўлган муносабатида намоён бўлади. Шоир наздида ҳақиқий етимлик фақат ота-онадан жудо бўлишгина эмас, балки Ватан деган, ҳалқ деган тушунчалардан ҳам жудо бўлишдадир, деган фалсафада намоён бўлади.

Шоир урушнинг даҳшатли, фожиали воқеаларини гўдак ҳаёлида гавдалантириб, мана шу ваҳшийликнинг сабабчиси бўлган Гитлерни лаънатлайди:

Сут кўр қилгур, ҳароми,
Гитлер оқпадар —
Фарзанднинг қадрини
Каердан билсин?

Шоир шеърда ғалабанинг муқаррарлигини зўр ҳаяжон ва қўтаринки руҳда, образли мисраларда ифода этади:

Тонг якин,
Тонг якин,
Оппок тонг якин...
Улуг оиласининг
Гўдак фарзанди,
Билиб қўй энди:
Сен тезда улғайиб,

Олам кезасан...
Хақорат емирилур,
Зулм янчилур,
Жаҳонда бўлурмиз,
Озод музофар,
Сен етим эмассан,
Менинг жигарим!

Faфур Гуломнинг бу шеъри ёшларда Ватанга садоқат, ватанпарварлик ва байналмилаллик ҳамда босқинчиларга нафрат туйғуларини тарбиялашда катта ахамиятга эга бўлган баркамол асардир.

Урушдан кейинги тинч курилиш даврида Faфур Гулом болалар учун «Шеърлар» (1946), «Тонготар қўшиғи» (1949), «Бари сеники» (1953), «Бир фунча очилгунча» (1955), «Сиз менинг ёшлигимсиз» (1958) шеърлар тўплами ва «Менинг ўғригина болам» (1965) воқеи ҳикоясини яратди.

Faфур Гуломнинг бу давр ижодида болаларнинг ўзига хос орзу-умидлари, юксак маънавий олами, одоб ва ахлоқи, ўқиш ва интилишлари асосий мавзуга айланди. Жумладан, шоир «Олтин медал» шеърида ўрта мактабни битираётган ўғил ва қизларга ишонч ва умид кўзи билан қарайди. Уларни келажагимизнинг ишонган кишилари — «замонлар тонгининг чироклари» деб тасвирлайди:

Сизсиз келажак йўқ, сиз ахир ҳалқнинг
Минг йилни кўражак қароғларисиз.
Сизсиз ёримайди осмонда Зухра,
Замонлар тонгининг чароғларисиз.

Шоир ўлкамизнинг келгусида янада гуллаб-яшнашини, жаҳонда тенги йўқ диёрга айланишини орзу қиласи ва ёшларни ана шундай Ватанга муносиб фарзанд бўлишга, илм-фанни эгаллашга ундайди. У ёшларнинг илм-фани ўрганиб камол топишига зўр ишонч билан қарайди.

Faфур Гулом болалар ва ёшларни катталарга, айниқса, ота-онага меҳр-муҳаббатли қилиб тарбиялаш мавзуда кўплаб шеърлар яратди. Шулардан бири «Она» шеъридир. Шоир бу шеърида бағри уфқлардан ҳам кенг онанинг лирик образини яратиб, боланинг унга бўлган меҳр-муҳаббатини ифода этади.

Шоир болани чақалоклигиданоқ меҳр-муҳаббат билан асраб, авайлаб, тарбиялаб келган онани таърифлаб, бу мўътабар зотни эъзозлайди.

Ўзинг ахир нимасан,
Коямисан, тоғмисан?...
Жаҳонмисан, бормисан?
Рангмисан, қўёшмисан?
Ҳаммасидан улугсан!..

Хойнахой бир китобсан,
Минглаб комусдан баланд.
Хойнахой офтобсан,
Мен эса сенга фарзанд.

Шоир шеърда онага мурожаат этиб, уни қоя, юксак тоғ, чаман боғ ҳамда қуёшга қиёслайди ва онани улардан юқори қўяди. Дарҳақиқат, дунёда онадан улуғ зот йўқ! У борликка жон бахш этувчи, оламни нурга бурковчи офтоб мисол қадрли, ҳатто ундан ҳам азиздир. Шеър болаларда оналарга чукур муҳаббат хиссини уйғотишида катта хизмат қиласди.

Хулоса қилиб айтганда, академик шоир Faфур Fулом ўзбек болалар адабиётини юксалтиришга баракали ҳисса кўшди. У ёшлар учун ёзган асарларида болаларнинг қувноқ ҳаётини юракдан берилиб куйлади. Унинг асари болаларни яхши ўқишга, фан асосларини чукур эгаллашга, замонамизнинг илфор кишилари бўлиб етишишга чакиради.

ОЙБЕК (1905—1968)

Ўзининг роман ва қиссалари, илмий-назарий, сиёсий, бадиий публицистик асарлари, таржималари, ажойиб шеърлари, достонлари, ҳикоялари билан ўзбек адабиёти хазинасини бойитган атокли сўз санъаткорларидан бири Ойбек болалар адабиётига ҳам муносиб ҳисса қўшган улкан адидир. У яратган шеър ва ҳикоялар, қисса ва достонлар болалар маънавиятига самарали таъсир этиб, ёш авлод эстетик дидининг шаклланишида катта роль ўйна-мокда. «Ёш йўлчи» (1925), «Гунафша» (1926), «Болаликни эслаб» (1926), «Шаҳарча болаларига» (1934), «Шоирнинг болалиги» (1937), «Эски ва янги болалик» (1937), «Одобли Турсун», «Аҳмаджон боғбон» (1971) каби шеърий китоблари, «Зафар ва Захро» (1953), «Ҳақгўйлар» (1976), «Бобом» (1957) каби достонлари, «Алишернинг ёшлиги» (1975) қиссаси, «Глобус» (1981) ҳикоялар тўплами, «Болалик» каби асарлари айникса характерлидир.

Ёзувчи Ойбекнинг болалиги ҳам барча меҳнаткаш халқ болалари каби кечади. У ёшликтан уй-рўзфорга карашиш, гузардан нарса олиб келиш, сув ташиш, ўтин ёриш, кор кураш каби юмушларни бажаради. Барча болалар каби баҳор вактларида томма-том ошиб варрак учирар, довучча қоқар, қишиш бўлса ошиқ ўйнар, хўроз, тухум ва ит уриштиришларда қатнашар, ёз кунлари онасининг пинжида кариндош-уругларининг боғларига «мехмон»га борар, хайит, сайил ва бошқа миллий байрам кезларида эса ўзида йўқ севиниб, дор ўйини, халқ қизикчиликларини, кўнгил очар томошаларни кўришга муюссар бўлар эди. Кейинчалик «Шаҳарча болаларига», «Шоирнинг болалиги» шеърларида шу манзаралар ўз аксими топади.

Ойбекнинг болалар ва ўсмирларга бағишлиланган шеърий асарларида бугунги қайнот ҳаёт, илм, ҳунар ва меҳнатга бўлган мухаббат, ватанпарварлик, жамоатчилик, ижтимоий бурчни англаш каби хусусиятлар акс этган.

Бу фазилатлар ўша даврда Ойбек асарларининг етакчи мавзуига айланади.

Шоир ғоявий-бадиий кучли шеърлар билан бирга болалар ва ўсмиirlар ҳаётини тасвирловчи хикоялар хам ёзди. 1981 йилда адабининг «Глобус» номли тўплами босилиб чиқди. Бунда Ойбекнинг шу вактгача эълон килинмаган «Гулнор опа» (1930 йил), «Фанорчи ота» (1930 йил), «Синган умид» (1930 йил), «Тиллатопар» (1930 йил) хикоялари ҳам чоп этилган.

Ойбек кичик ёшдаги мактаб болалари учун Покистон болалари ҳаётидан «Конли бармоқлар» (1962 йил) хикоясини ёзди. Ҳикояда Покистонда тинчлик учун курашувчилардан қандай қасос олинаётганлиги, уларнинг болалари кўчаларга чиқариб ташланаётганлиги, тиланчиликка ва малайликка махкум этилаётганлиги ҳикоя қилинади. Ёзувчи буни асар қаҳрамони тўққиз ёшли Алининг саргузаштлари орқали тасвирлайди.

Ойбек ҳикояда Алиларнинг яшаш шароитини ва қандай кун кечиришини қўйидагича тасвирлайди: «Горишов Лохурнинг бағридаги бир даҳа. Лохур — қўшиклар, гуллар диёри. Горишов эса даҳшат! Али бу ҳароба—вайроналар ичиди югуради. Кўча, йўлка дейдиган нарса йўк, тулаш ҳароба кулбалар. Шундай ҳароба кулбаларнинг бирисидан Али билан онаси, отаси қамалгандан сўнг хайдалиб, кўчага ташланган эди».

Покистон шаҳарларининг кўча-кўйларида тўда-тўда тиланчи болалар юради. Гадойлар одатда «бахшиш» дейилса, ўзларини томдан ташлаб юборишга тайёр эканлиги ҳикояда бўртиб туради.

Али бир парча нон қидириб, беш-олти кундан бўён расталарни кезиб юрганда гулобчи дўкондор уни чақириб «жахл аралаш деди, — мана бу яшикларни бўшат!» ва бунинг эвазига ҳақ тўлашга ваъда қиласди. Али «Ростданми?» — деб сўради ва дўкондорнинг «ҳа» деган товушини эшитгач, бола узун хўрсинди, жилмайди. Кир, калта кўйлагининг енгларини шимариб, ишга тушди». Али яшиклардаги синик гулоб шишаларини ташийди: «Синик,

чети учган шишалар ва бераҳм қуёшнинг иссиғи уни хуноб қилар, кичик бармоқлари тилинган, қўллари кон. Аммо оч, тентираб юришдан чарчаган бола бу хизматдан вақти хуш» эди. «Искирт, жулдур, чўпдай ориқ болалар боланинг қонаған қўлларига тикилдилар». Болалар Алига кўмак бермоқчи бўлғанларида у «рахмат» деб жавоб беради. Али оч-нахор, бармоқларини шиша синиклари кесиб ачтишига, бир парча нон топишнинг ниҳоятда азоб-укубатлари ва машаққатларига қарамай дўкондор гулобчининг оғир ишини бажаради. Дўкондор «бир қутини очиб, юпқа «чапати» — нонни улоктиради. Али илиб олди, қувониб деди:

— Дарров бориб, аямга бераман, у касал!
— Ая, мен келдим, нон топиб келдим. Туринг ноненг, нон...

Кампир онанинг юзини очди:

— Ўтди оламдан!

Дард билан, йўқчилик билан, очлик билан, фам билан ҳамиша курашган бу фариб аёлнинг юзида баҳтсиз ҳаётнинг энг сўнгги нафасида ўлим билан кураш даҳшати қўринар эди.

Бу ҳаётий парча факат покистонлик Алининг ҳаёти учун хос ҳодиса бўлибгина колмай, балки камбағал меҳнаткаш болаларининг ҳаёти учун ҳам типик ҳол эди.

Китобхон Алининг саргузаштлари билан танишар экан, унда оддий инсоний хуқуқлардан ҳам маҳрум этилган боланинг аянчли такдири орқали ёвузликка нисбатан нафрат туйғулари шаклланади.

Мухими шундаки, ҳаётда доимо ёвузлик билан эзгулик орасида тинимсиз кураш боришини, бу кураш инсонларни улуғ ишларга отлантириши мумкинлигини ҳис киладилар.

Ойбек буюк ўзбек шоири Алишер Навоийнинг болалик йиллари хақида ҳикоя қилувчи «Алишернинг ёшлиги» қиссасини (1967) ёзди.

Улуғ Навоий Ойбекнинг севимли сиймоларидан бири эди. Бу ҳақда адид мақолаларидан бирида шундай ҳикоя қиласи: «Навоий шеърияти ва Навоий образи ҳамиша кучли бир қуёш каби кўнглимни тортар эди. Ўз асарларимда Навоий образини яратишга зўр майл ва истагим бор эди. Ёшлигимдан бери Навоийнинг ўлмас, адабий

шеърларини севиб ўқир эдим, унинг жозибали ғазаллари борган сари кўнглимга сингиб борди, шакл ва мазмунлари юрагимни маст ва мафтун этди... У менинг кўнглимда, ёдимда эди, бутун борлигимни банд этганди. Юрсам-турсам ҳамиша Навоийни ўйлар эдим. Унинг маънодор, ақлли кўзлари ҳамиша хушфеъл, раҳмдил, олижаноб қиёфаси, асл пок, улуғ қалбини хис этардим, кўз ўнгимда кўтардим...»

Ойбек 1928 йилдан бошлаб Алишер Навоий ижодини чуқур ўрганишга киришди. У дастлаб, Навоий ижодига доир кўпгина илмий мақолаларни ўқиб ўрганади. Кейинрок «Навоий», «Гули ва Навоий» достонларини нашр эттиради. Давлат мукофотига сазовор бўлган «Навоий» романида улуғ шоир ва мутафаккир хаётининг камолот даври тасвирланади. Буюк шоирнинг болалиги ҳақидаги қиссасининг ёзилиш тарихини адибнинг рафиқаси Зарифа Сайдносирова шундай изохлади:

«Алишернинг ёшлигини қаламга олиш нияти адаб қалбida қирқинчи йилларнинг бошларида туғилган бўлиб, «Навоий» романини ёзиш даврида бу иштиёки янада кучайган эди. Тили, услуби жиҳатдан мазкур романга яқин бу қисса 1967 йилда тугалланган бўлса-да, ўзига нисбатан ғоятда талабчан адаб, уни қайтадан ишлаш максади бўлгани учун эълон қилишга ошиқмади».

«Алишернинг ёшлиги» қиссада Ҳиротдаги (тахминан 1447—1452 йиллар) тарихий воқеалар, шаҳзодаларнинг Шоҳруҳ вафотидан кейинги ўзаро тахт учун курашлари ва шу даврда ўтган Алишернинг болалик (тўрт ёшдан бошлаб) йиллари ҳақида ҳикоя қилинади. Қиссада Алишер образининг такомили ўша вақтдаги ташки мухит воқеала-ри ва зиддиятлари билан узвий алокада тасвирланади. Ҳукмрон доира орасида мавкеи анча баланд бўлган Фиёсiddin ва Гулбегим беканинг оиласидаги самимийликлари, ўзларини сипо ҳам оқилона тутишлари, фарзанди Алишернинг ҳам жисмоний, ҳам ақлий томондан камолотида муҳим роль ўйнаганлиги ҳақконий тасвирланади.

Ойбек қиссадаги қаҳрамонлар билан ўқувчиларни таништиришда ва Алишер фазилатларининг такомиллашини тасвирлашда Фиёсiddin кичкина уйидаги меҳмондорчилик лавҳасидан усталик билан фойдаланган. Қисса чараклаган кенг чорхари меҳмонхонада меҳмонлар, қавм-

қариндош, яқин дўстлар йиғилиб ажойиб суханварлик ва самимий сұхбат тасвири билан бошланади. Ойбек Алишернинг отаси Фиёсиддин Кичкинани камтар, юмшоқ феълли, кўзлари аклли, калта соқоли ўзига ярашган, жуссаси кичкина, ҳамманинг хурматини ўзига тортган киши сифатида тасвирлайди. Кўпчилик уни Фиёсиддин Кичкина, яқин дўстлари эса кўпинча Кичик баҳодир ҳам дер эдилар. Адиб Малика Гавҳаршод саройига келган меҳмонлар орасида Алишернинг онаси Гулбегим бека ҳам борлигини баён этиб, уни қуйидаги тасвирлайди: «Хушбичим, келишган қоматли, юзлари оппок Гулбегимнинг ингичка қошлари ва жилвали меҳр чақнаган қора кўзлари гўзалликнинг энг зўр омили эди. Катта завқ ва дид билан кийинган, йигирма беш ёшлардаги бу жувон йиғинларда кўзга дарров ташланар, чехраси иссик, ёқимли аёл эди». Шундай қилиб Ойбек асарнинг бошидаёк ўкувчилар дикқатини Алишер ота-онасининг ажойиб ёқимли фазилатлари билан таниширишга тортади.

Ойбек ўша даврдаги ижтимоий, сиёсий мухит ва таҳт учун бўлган даҳшатли жанглар манзарасини, ўзининг туркий шеърлари билан машҳур бўлган Қобулий Алишернинг тоғаси эканлигини ҳам ўзаро сұхбат лавҳаси асосида таъсирли баён этади:

«Ҳазрат Улуғбек илм дунёсида мангулик кашф этган мушарраф олимдурлар. Кўнгиллари барча илмларнинг тажассуми бўлмиш бу зот тарихимиз китобида абадий ёркин юлдуздирлар», деб таърифини келтиради.

Меҳмондорчилик даврасида ёш Алишерга Султон Улуғбекнинг тенгсиз олимлиги ва донишмандлиги, салтанатнинг тадбиркор намояндаси эканлиги маълум бўлади. Алишер унинг бу фазилатларига чукур муҳаббат билан қарайди.

Ойбек ўша даврдаги ижтимоий-сиёсий ва адабий ҳаёт ҳамда тарихий шахслар характерини болалар ва ўсмирлар ёши ва савиясига мос ҳолда қизиқарли қилиб тасвирлайди. Адиб Алишер онгининг шаклланиши ва такомилида ота-онаси, Ҳусайн Бойқаро билан ўқиган чоғлари, тоғаси ва бошқалар, айниқса, Улуғбекнинг кашфиётлари ҳақидаги ҳикоялар ижодий мактаб бўлганлигини маҳо-

рат билан тасвирлаган. Мехмонлар олдига кириб борган ёш Алишернинг катталарга бўлган самимий хурматини, шеърни чукур дид билан тушуна билишини, фахм-фаросатлигини Ойбек хақконий тасвирлайди.

Ёш Алишер характеристидаги ўзига хос хислатлар унинг болалик чоғиданоқ намоён бўлган эди. Алишер сиймосига хос бўлган ақллилик, катталарга бўлган самимий хурмат, шеъриятни нозик ҳис этиш, ғазалларни ғоят маромига етказиб ифодали ўкиш, айникса, «от чоптиришдан фикр юритиш яхшироқdir чамамда», дея фикр юритиши китобхонда катта таассурот қолдиради.

Алишернинг кейинчалик буюк давлат арбоби, улкан шоир, даражасига етишишида бу каби фазилатларнинг ўзигина етарлий асос бўлиб хизмат этмади, албатта.

Ойбек Алишер характеристининг шаклланиш жараёнини ҳар бир эпизод, штрих, сухбат, ёрдамчи образ ва қаҳрамонлар муносабати орқали ҳам бадиий асослай олган.

Алишернинг ўкишга — мактабга бўлган ҳавасини адаб унинг тилидан: «ов қилмоқ мерганлик — эрмак нарса, лекин энг зўр зарурият мактабдир. Турмушнинг кўп сирларини мактаб ўргатади», деб унинг илмга бўлган қизикишини тасвирлайди. Шу билан бирга унинг ота-онаси, қавм-кариндоши ва бошқаларнинг сухбати, шоирларнинг ғазаллари Алишерга катта таъсир этганини қайд этади.

Алишер ўзи яшаган даврнинг зиддиятларини ҳали ўзи у қадар англаб етмайди. Шунинг учун ҳам Шоҳруҳнинг Абдулатиф билан, Абдулатифнинг Хонзода бегим ва Гавҳаршод бегим билан Улуғбек тўғрисидаги мунозаралари мағзини чақа олмайди. Улуғбек тўғрисида порлоқ таассуротга эга бўлган зийрак Алишер Абдулатифнинг ўз отасига қарши гапларидан дастлаб ҳайрон қолади ва иккilanади. Бироқ у шундайлигича қолавермайди.

Алишерга хос фазилатлардан яна бири катталарнинг фикр-мулоҳазаларини синчковлик билан тинглаш, ким ҳақ, ким ноҳақлигини билишга интилишда намоён бўлишидадир. Худди шу тарика ёш Алишер характеристи аста-секин шакллана боради. Қиссада Алишернинг санъатга бўлган муносабати ҳам ўзига хос лавхаларда ишонарли акс этади. Хусусан, най парчаси асосида ифодаланган тасвир-

лар бугунги ёш китобхон учун ҳам ибратлидир. Айниқса, Бобонинг «Завқу шавкнинг сири кўп... кўп синадим, улфайса билгич, донишманд бўлур. Ҳалитдан тили тангани тешади, кўзларидан кўкрагининг ўтини кўрурман. Фазалларни завқ билан тинглайдур, чолгуларга хаваси баланд» каби фикрлари шу жиҳатдан ибратлидир.

Алишер характеристида даврга муносабатнинг ифода этилишида қишлоқдан келтирилган етти маҳбусни дорга осиш воқеасининг таъсири катта бўлади.

Чорсу майдонидаги одамларнинг кўпчилиги дорга осилаётган кишиларнинг ҳолига ачиниб кўэ ёшини тўхтата олмай йиғлаётганидан Алишернинг ҳам хўрлиги келади. Бу ҳолни ёзувчи «...Кўрасизми! Аларнинг ҳолига ахли шаҳар йиғлашур!.. Алишернинг кўз ёшлари тағин қўйила бошлаган эди», деб тасвирлайди.

Алишер дор, дарра каби жазо турларини факат эшитган. Бу вазиятни кўргандан кейин шафқатсизлик ва зулмкорлик ҳақидаги тушунчаси кенгая боради. Асарда мазкур воқеа орқали киз ва йигит муҳаббатининг поймол этилиши, уларнинг севги ва эрк учун кураши халқнинг кўзғолонга бориб боғланиши даврнинг ўзига хос тавсифидир. Шу сингари воқеалар Алишер хаётида ўчмас из қолдиради, характеристининг чукурлашишига сабаб бўлади.

Ойбек Алишернинг илм ва адабиётга бўлган интилишини Куръоннинг маъносини тушунишга уринишини, форс-араб тилларини ўрганишини, туркий (она тили) байт ва фазалларни маҳорат билан ўқиши ва кўплаб фазалларни ёд олишини, мақоллар, масаллар, эртакларни севиб мутолаа қилишга ҳаракат қилганлигини тасвирлаш орқали баён этади. Алишер шаҳзодалар ўртасидаги даҳшатли жанглар, қонли урушлар борган сари зўрайиб бораётганини, ўз замонасининг нотинч воқеаларини, ота ва бола ўртасидаги душманликларни энди чуқурроқ тушуниб, фикр доираси кундан-кунга кенгайиб боради.

Шоҳруҳ Мирзонинг вафотидан сўнг шаҳзодалар ўртасидаги ўзаро жанглар кучайиб кетгач, Фиёсиддин Кичкина бир неча яқин қариндошлари билан Ироққа йўл олади. Йўл азобини тортиб, Ҳиротга етиб борган Фиёсиддин Кичкина шаҳзодаларнинг ўзаро бўлиб ўтган жанглари билан танишади. У ердаги ахволни ёзувчи бир чол тилидан хикоя қиласи:

«—Ҳали қарабсиз — таҳтда Алоуддавла, ҳали Абдулатиф... ҳаммаси оч бўридек чор тарафдан ёпишишади. Тож-таҳт ғалваси ҳалқнинг тинкасини қуритди. Абулқосим юракли, ўткир одам, эҳтимол замоннинг лойқаси энди чўкса, Фиёсиддинбек».

Чолнинг хар бир гапи, шаҳзодаларга берган баҳоси ёш Алишер қалбини ларзага келтиради. Шаҳзодаларнинг пасткаш, раҳм-шафқатсизликлари унинг нафратини оширади. Машъум тузумга, даврнинг нобоплигига, шаҳзодаларнинг ҳаддан зиёда қутуришларига карши туғён билан улғая бошлайди.

Ойбек бундан беш юз йил илгари яшаган туркий ва форсий ҳалқ тилини, унинг миллий рухини, бойлигини, сўз ёки иборалар маъносини нозик ҳис этади. Найчи чол образини эслайлик. У аслида бечора факирлар табақасидан, ҳунари най ясаш ва чалиш. Бобо ҳаётнинг асл маъносини найсиз тасаввур этмайди. Ёш китобхон бу чолнинг гап-сўзларидан, сухбатларидан унинг қасб-ҳунари найчилик эканини билиб олади. Нутқидаги маъноли, тагдор, аник ибораларда эса чолнинг ёши жуда улуғлигини дарров ҳис килади. «... — Най ўзимизнинг қадимдан қолған чолғу, мунгли, маъюс қалбларнинг фироқи, аламларини куйлайдур, тўй-базмларда унинг гўзал садоси кўнгулларга завқ тўлдирадур, ажойиб сеҳркор чолғудир най. Алишербекнинг ишқи тушибдими — ўргатурмиз. Ўғлоним ҳоҳласа балки машҳур мусиқа аҳлидан бўлур... Дилдаги оҳанг нафас или найга ўтур... Бармоқлар куйни пардаларга солиб турадур».

Ойбек бу каби кекса нуронийлар образлари воситасида инсонпарварлик, эзгулик, одамийлик, сахийлик, ёшларга муҳаббат каби ғояларни тарғиб этиб, ўзининг бадиий маҳорат эгаси эканлигини яна бир бор намойиш этди.

Алишернинг ҳақиқий инсон бўлиб улгайишида Фиёсиддин Кичкина, Гулбегим бека, хизматкор бобо, тоғаси Мирсаиднинг маънавий таъсири жуда катта бўлган. Ойбек қиссада Алишернинг Туркистон саҳроларини, буюк тоғларини, бу ерда истиқомат қилган ҳалқларнинг урф-одатларини «гўзал, ширин ва рангин» тилларини қаттиқ севиши ва ардоклашини ишончли қилиб тасвирлай олган.

Ойбекнинг шахс таъсирини яратишдаги маҳорати мазкур асарида ҳам аник кўринди. У кўпинча, аник образ ва

қаҳрамонларнинг ташки қиёфасини чизиш орқали уларнинг ижобий ёки салбий, маънавий дунёсини очиб беради.

Бадиий тилдаги ва тасвир яратишдаги адиб маҳорати қиссанинг халқчиллик руҳини таъминлаган, шу зайлда Ойбек «Алишернинг ўшлиги» қиссаси орқали халқимизнинг узоқ ўтмишдаги ҳаёти ҳақида ҳам ёш китобхон онгидга ҳакқоний таассуротлар ҳосил қила олган.

Адибнинг «Болалик» қиссаси автобиографик характерга эга бўлиб, унинг марказида ёш Мусанинг саргузаштлари ётади.

Муса образининг ҳаётдаги асоси адиб Ойбекнинг ўзи-дир. Асарда Мусавойнинг етти ёшгача бўлган даврдаги характеристи шўхлик, тегажоғлик, тиниб-тинчимаслик ва ўйинқароқликдан ташқари, очиқ кўнгил, дангалчи, ўткир зеҳнлилиги Ойбекона тасвирга эга.

Мусавой характеристининг шаклланишида оила, ҳаётда кўрган-кечирғанлари, кишилар билан сухбатлари ҳам муҳим роль ўйнайди. Кексаларнинг хонлар, беклар, бўлислар, бойлар ҳақидаги хотиралари, эшитган халқ эртакла-ри Мусавойниadolatsizlikva noҳaқlikka nafrat ru-хида тарбиялайди, меҳнаткаш халққа меҳр-муҳабbat билан карашга ўргатади. У ўзи туғилиб ўсган маҳалладаги бо-зор, расталардаги баззозлар, бақоллар, дўкондорларнинг хатти-харакатларини дикқат-эътибор билан кузатар экан, уларнинг зиқна, хасис, чайқовчи, текинхўр ва маккор қишилар эканлигини билиб, қалби ларзага келар эди.

Ойбек Мусавойнинг ўқишиланишларига чукур му-ҳабbat билан муносабатда бўлади. Унинг ўқишида тириш-коқлигини, зеҳнининг ўткирлигини, кунт билан мутолаа қилишини, арабча сўз ва ибораларнинг коидасини келтириб ёқимли оҳангда талаффуз эта билишини маҳорат билан чизади.

«Болалик» қиссасида Турғун, Аъзам, Аҳмад, Қодир, Ҳожи, Собир каби Мусавойнинг тенгқурлари ва ўртоқ-ларининг образлари ҳам берилган. Уларнинг ҳар бири ўз-шахсий қиёфаларига эга. Қодир кўринишдан мўмин-кобилга ўхшаб туюлса-да, аммо жаҳлдор. Аҳмад ошиқбоз, тентакроқ, Ҳожи мардикорнинг ўғли кувгина, Собир кич-кина бўлса ҳам пишиккина. Уларнинг турмуш тарзи турлича. Каттароқ болалар ошиқ, чиллак ўйнайдилар, кичик болалар эса тол новдаларидан от қилиб минадилар. Бу

борада Турғун образи феъли атворидаги сергаплик, тоқат-сизлик, шартакилик билан бирмунча ажралиб туради.

Ойбек ўша давр ташвишлари болалар ҳаёти ва тақдирида хам маълум даражада акс этганлигини маҳорат билан тасвирлайди.

Ойбек ижодида «Зафар ва Захро» достони етакчи ўринда туради. Бу достон Покистондаги дехқон ва ишчи оиласлари, уларнинг болаларининг оғир ва азоб-уқубатларга тўла ҳаёти ҳақидадир. Бундай оғир, мashaққатли турмуш лавҳалари бадиий воситалар ёрдамида лирик-эпик шаклда ёрқин гавдаланади. Достон қаҳрамонлари катта заминдорларга қул бўлишга мажбур этилган дехқон боласи Зафар, онаси билан кўчага улоқтириб ташланган ишчи кизи Захродир.

Шоир болалар ва уларнинг оиласлари бошига тушган баҳтсизлик ва кулфатларни ифодалаш орқали болаларнинг онги ва қалбида содир бўлган ўзгаришларни турли тасвирий воситалар асосида аста-секин оча боради, эркин, баҳтли, озод ҳаёт ўйлани тасвирлайди. Китобхон достоннинг бошидаёқ Зафар мусибати мисолида покистонлик болаларнинг аянчли ҳаёти билан яқиндан танишади:

Зафар аста тентирайди, ёнса-да кун,
Ёши ўнда, жингалак соч, кўзи туйғун.
Эгнидадир парча латта, кир ва ямок,
Товонларин туёқлаган кизғин тупроқ.
Орик, кучсиз қўлда чўлток супурги бор,
Бошида гўнг сават, тентирап, битган мадор.

Достонда қашшоқ дехқон оиласининг фожиали ҳаёти, солиқ тўпловчиларнинг қўрс-қўполлиги-ю золимлиги, бойнинг раҳмсиз ҳамда қувлиги зафарлар оиласи мисолида кўрсатилади. Йўқчилик, начорлик боис Зафар қишлоқ бойининг қули — югардагига айланади.

Зафар шу тариқа ёш бўлишига қарамай кўп оғир кунларни бошидан кечиради. Шоир Зафар образи мисолида боланинг қалбида золим бойларга, ҳадсиз зулмга қарши нафрати тобора кучайиб борганини кўрсатади. Зафар канчалик оғир ҳаёт чангалига тушмасин, унда озодликка, баҳтиёр ҳаётга эришиш умиди сира сўнмайди.

Ойбек Зафар ва Захролар ўргасидаги самимий дўстлик ришталарини, оғир ҳаётга, зулмга бўлган чексиз нафраторини хилма-хил ҳаётий бўёқларда гавдалантиради.

Достонда катталар образи ҳам берилган. Жумладан, Захронинг отаси «инглизга, ҳамма бойга душман» бўлгани учун қамалган, Захро икки укаси ва онаси билан ётодан кувилган. Бу икки тақдир орқали ижодкор Покистондаги миллионларча бошпанасиз аҳоли қисматини поэтик умумлаштиришга ҳаракат қиласди. Захро «жин кўчалар» орқасида жойлашган парашют фабрикасининг икки юздан ортиқ ишчи оиласи мухитида, «шамол кирмай, қилча ҳам қуёш тушмас, ғор сингари коронғу, кора хунук бир уй»да яшайди. Унинг оиласи қанчалик машаккатли ҳаёт кечирмасин, қиз хотирасида отасининг айтган ҳақ сўзлари жонланади, озод меҳнат, ҳамма нарсага халқ хўжайинлик қилган, баҳтиёрлик ато этилган, халқлар дўстлиги равнақ топган бир мамлакат ҳаётини ҳаёлидан асло нари кетказа олмайди:

«Биласанми, бир мамлакат дунёда бор,
Унда барча тент ва эркин, ҳам баҳтиёр.
Унда этар идорани ишчи-дехкон,
У мамлакат олтин, халқлар баҳтли ҳар он...
У мамлакат ишчи-дехкон учун азиз,
Чин курашиб шундай баҳтни топармиз биз.
Қизим, ёнсин юрагингда умид-юлдуз,
Биз ҳам бир кун кайгуларни унутармиз!»

Достон ниҳоясида Покистон меҳнаткашлари ҳам чинакам озодликка ва тўла мустақилликка фақат кураш йўли билан эришиши мумкинлиги ўзига хос йўсинда ифода этилади:

Эрк, ҳақиқат инсонлари айлар кўмак,
Тинчлик учун курашчилар сенга керак.
Покистоннинг болалари — етгай муддат —
Сизни эркли, баҳтли ҳаёт кучгай албат!

Хулоса килиб айтганда, Ойбек юқоридаги каби асарлари билан ўзбек болалар адабиётининг шаклланиши ва юксалишига катта хисса қўшди. У ўзининг бундай асарлари билан болалар адабиётининг севимли куйчисига айланиб қолди.

УЙГУН (1905—1990)

Хозирги замон ўзбек болалар адабиётининг тараққиётига катта хисса қўшган қалам сохибларидан бири Уйғундир. Унинг кичкинтойларга бағишилаб яратган «Корбобо», «Хадя», «Бахор ва мен», «Икки она» ва бошқа шеърий тўпламлари болалар адабиётида етакчи ўринда туради. Шоир болаларга атаб ёзган барча катта-кичик шеърларида ўқимишли, она-Ватан ва меҳнатни жон-дилдан севган чин дўст, ростгўй, софдил болаларнинг хис-туйғуларини ифодалайди, ёшларнинг Ватанимизнинг гўзал табиати, бойликлари ва кишиларимизнинг ажойиб фазилатлари билан танишитирди.

Шоир болаларга бағишилаб ёзган барча шеърларида мавзуни ўзига хос жиҳатдан акс эттиришга ҳаракат қиласди. Шоирларимиз томонидан кўйланган она-Ватан мавзуини ўзига хос тарзда ифода этади. Шу жиҳатдан унинг «Икки она» шеъри характерлидир. Шеър қаҳрамонининг икки онаси бор: бири унга оқ сут берган; иккинчиси эса ўз бағрида авайлаб парвариш қилган. Иккала онаси хам азиз, муқаддас ва мўътабар. Бири — унинг туққан меҳрибон онаси бўлса, иккинчиси — жонажон ватани. Лирик қаҳрамон ана шу бир-биридан мўътабар икки онаси билан фурурланади, фахрланади. Ўзини боққан, тарбиялаган бу икки она олдида бир умр карздор. Зарур бўлиб қолса улар учун қурбон бўлишга хам тайёр:

Бири туккан онамдир,
Иккинчиси хур Ватан,
Иккисига баробар
Қурбон бўлсин жону тан.

Уйғун болалар адабиётида ватанпарварлик тўғрисида кўплаб шеърлар ёзган шоир сифтида эъзозланади. Масалан, «Менинг акам», «Чегарачи», «Садоқат сокчилари» каби асарлари бунга мисол бўла олади. Бу шеърларда чегара сокчиларининг ўз постларида сергак туриб, уни қўриклиётганини ва жангчиларнинг Ватан олдидаги қаҳра-

монликларини тасвирлаш орқали болаларни ҳарбий ватанпарварлик руҳида тарбиялайди.

Болаларнинг она-Ватан олдидағи муқаддас бурчи, фидойилиги, эътиқоди ва садоқати шоирнинг «Қасос» (1944) асарида янада чуқур ифодасини топган. Асарда муқаддас Ватан, душманга нисбатан нафрат, ғалабага комил ишончғояси ифодаланади.

Шоирнинг «Қизалоқнинг ўлими», «Ўирланган хусн», «Инсон» каби бир қатор шеърларида мудхиш уруш даҳшатлари ва ёш гўдаклар тақдирни ҳақида ёзилган.

Иккинчи жаҳон уруши йилларида фашистлар томонидан қанчадан-қанча шаҳар ва қишлоқлар вайрон бўлди, кишилар жанг майдонларида қаҳрамонларча ҳалок бўлди, неча-неча бегуноҳ гўдаклар ота-онасидан тирик етим қолди, қанчалари фашист газандаларининг қўлида ҳалок бўлди.

«Қизалоқнинг ўлими»да ана шундай мудхиш ва фожиали қўринишлардан бири қуйидагича тасвирланади:

Қаранг, бу манзара накадар мудхиш,
Тилка-тилка бўлинган юрак бурдаси:
Жонсиз онасининг қонли кўксига
Ётар чакалоқнинг кичик мурдаси.
Пахтадай юзлари... жажжи қўллари...

Үйғун табиат ва фасллар қуйчиси сифатида эъзозланади. Серкуёш Ўзбекистоннинг бир-биридан ажойиб фасларининг ўзига хос фазилатлари, хосияти, жозибаси шоирнинг «Баҳор», «Баҳор ҳақида», «Куз келди», «Қор», «Ёз», «Қорбобо» каби қатор асарларида зўр ҳаяжон билан кўйланади. Үйғун фаслларнинг ўзига хос бетакрор сирларини болаларга турли усуслар билан уларнинг ёши, савиясига мос ҳолда содда, ихчам ва жозибали мисраларда ифодалаб беради. Уларни ҳаётдаги турли-туман муаммолар билан таниширади, фасллар шоирнинг ниятини амалга оширишда бир восита саналади. Шоир фасллар ва уларга хос бўлган ўйинлардан ўз қаҳрамони — болаларнинг руҳиятини очиш ва уларнинг ҳарактерини кўрсатишда унумли фойдаланади. Мана, унинг «Фасллар» шеъри:

Илимизнинг салмоқдор иши
Тўрт фаслга текис бўлинар:
Қиши тайёрлар, баҳор экади,
Куз йигади, ёз тарбиялар.

Шоир ҳар фаслнинг хислати ва фазилати инсон мешнати билан гўзал эканлигини «Баҳор» шеърида яхшиги на тасвирлаб беради:

Боғбон чиқар боғига,
Чўпон кетар тоғига.
Бол арилар ғувиллаб,
Қўнар гул япроғига...
Сувлар шилдираб оқар,
Қўшиғи дилга ёқар.
Бизга шодлик келтирдинг,
Салом сенга, гул баҳор.

Болалар учун турли-туман қушларнинг учиб келиши ҳам, дала ва қирларнинг гул ва майсага бурканиши ҳам, ранг-баранг жониворларнинг пайдо бўлиши ҳам номаълумдек кўринган бу ҳодисаларни уларга тушунтироқчи бўлган фикрини, ғоясини кўп ҳолларда баҳор билан боғлиқ ҳодисалар орқали тасвирлайди. Бу борада «Гул ўтқаздим боғимга», «Кушлар келди», «Бойчечак», «Булбулга», «Лайлак» каби шеърлари характерлидир.

Шоир қушларга аталган шеърларида болаларни қушлар оламига олиб киради, қушлар баҳор элчиси эканлиги, қушлар билан олам янада гўзаллашиб яшнаши, уларнинг сайраши болаларга завқ-шавқ бағишлишини жозибали мисраларда тараннум этади.

Уйғун қиш фасли ҳақида ҳам анчагина бадиий пишик шеърлар ёзган. Болалар ҳамма фаслларни, жумладан, қишини ҳам жуда севадилар. Чунки бу даврда болалар ййнайдиган ўйиннинг турлари кўпаяди. Айниқса, болаларнинг энг севимли арча байрамлари ҳам қишида бўлади. Ҳар бир бола учун арча байрамида иштирок этиш бир олам қувонч бағишлиди. Шунинг учун шоирларимиз болаларга атаб ёзган асарларида арча, қорбобо, яхмалак, чана учиш, қор ўйинини завқ билан тасвирлайдилар. Уйғуннинг «Қиши», «Қорбобо», «Арча», «Холиқ қўрқок», «Янги йил қўшиғи» каби шеърларида ҳам қиш фасли ўзининг бутун гўзаллиги билан намоён бўлади.

Уйғун адабиётимизда табиат манзараси тасвирининг моҳир устаси сифатида танилган. Бу унинг болалар учун

ёзган шеърларида ҳам якқол кўринади. Шоир «Бахор» шеърида:

Осмон тиник кўк шохи,
Ок булат кезар гохи,
Гулларга қўмилади
Қандак ўрикнинг шохи,—

деб Ватанимиз хуснига хусн қўшаётган баҳор гўзаллиги-
ни тараннум этади ва болалар қалбидаги шодлик хисларини
қўзғатади, меҳнатга бўлган ғайратини янада оширади:

Сувлар шилдираб оқар,
Кўшиғи дилга ёқар.
Бизга шодлик келтирдинг,
Салом сенга, гул баҳор!

Ўйғуннинг мактабгача таълим ёшидаги болаларга ба-
нишлаб ёзган шеърларидан бири «Лайлак»дир. Шоир:

Лайлак келди ёз бўлди,
Қаноти қофоз бўлди, —

деб уни ёз элчиси эканини болаларга соддагина тушун-
тиради ва лайлак келиши билан болалардаги табассум,
шодлик хисларини таъсирили ифодалайди. Шоир болалар-
га лайлакнинг бутун қиёфасини қўйидагича чизишга ин-
тилади:

Лайлакнинг бўйи новча,
Тумшуғи бор тарновча
Лапанглайди учганда,
Уясидан кўчганда.
Узун экан оёғи,
Худди чолнинг таёғи,
Қаноти ола экан,
Сайрашга бало экан.

Кичик мактаб ёшидаги болалар кўпгина нарса-ходиса-
ларни тушунавермайдилар, лекин уларни билишга, ту-
шунишга қизиқадилар. Ўйғуннинг «Лайлак», «Гулдор ка-
палак», «Бойчечак», «Қушлар келди» каби шеърлари шу
жихатдан характерлидир. Шоирнинг бу каби шеърлари

кичкитойларни паррандалар, ўсимликлар ҳаёти билан танишиди.

Шоирнинг «Гулдор капалак» шеъри бу жиҳатдан таҳсинга лойик. Аҳмад даста-даста гуллар териб, дўстларимни хурсанд қиласай, деб бокқа киради. Аммо у ўзига нотаниш ҳодисага дуч келганидан ҳайратга тушади:

Узаман деб кўл чўзувди
Гул тўсатдан учиб кетди.
Аввалига шошиб қолди,
Аҳмад бирдан чўчиб кетди.

Шоир Аҳмад узмоқчи бўлган «гулнинг учиб кетганида» болада туғилган ҳаяжон ва ички ҳолатидаги ўзгаришни жуда усталик билан ифодалаб, китобхонда ёқимли руҳий кечинма уйғотади. Кейинчалик шоир бу воқеанинг сабабини болага тушунтириб беради:

Кейин билса, гул дегани —
Гул эмас, бўлак экан,
Чўп бошига кўниб турган
Гулдор капалак экан.

Шоир «Бойчечак», «Қушлар келди» шеърларида табиатнинг ажойиб гўзаллигини тасвирлаб, болаларга Ватан ва унинг табиатига муҳаббат туйғусини сингдиради:

— Йўқ, бойчечак, сендан асло кулмаймиз,
Хотиржам бўл, сени сира юлмаймиз.
Хавас билан юзларингга қараймиз,
Бизлар сени кўриқлашга яраймиз.
Шафкат билан бошларинг силаймиз,
Сенга узоқ умр тилаймиз.

Ўйғун болаларнинг табиат гўзаллигига бўлган муҳаббатини уларнинг паррандаларга бўлган меҳридан ажратиб қарамайди:

Кушларим, хой кушларим,
Қаноти кумушларим,
Мехмон бўлиб қолингиз,
Боғимда дам олингиз.

Шоир болаларнинг кушларга бўлган меҳрибонлигини «қаноти кумушларим» деб эркалашида кўрсатса, уларни энг азиз меҳмон сифатида улуғлайди.

Шоир ўзининг кўпгина шеърларида ҳар фаслнинг ўзига хос гаштими шоирона тараннум этади. Ёзниг тўкин-пишиқилигини («Ёз», кўркам, чамандай оромгоҳларда кувнаб дам олаётган бахтиёр ёшларни («Лагерда»), қуёш нурида, сув кўйнида яйраб-яйраб сузиб юрган шўх болаларни («Сув кучорида») қаламга олиб, уларнинг севинчли кайфиятлари орқали ёзниг нақадар нашъали эканлигини ёзади. Бундан ташқари, шоир ёзниг гаштими унумли меҳнатда деб хисоблайди. Бу жихатдан қарайдиган бўлсак, Уйғуннинг «Хандалак», «Ишкомда узум пишди», «Теримчи қиз кўшиғи» шеърлари ўзбек болалар адабиётида алоҳида аҳамиятга эга.

Шоир «Хандалак» шеърида ҳандалакнинг шакли ва рангини: «Усти йўл-йўл, сариқ-кўк бекасамга ўхшайди» деб бола кўз олдида тасвирлаш билан бирга унинг тилни ёрат шириклигини ҳам моҳирона ифодалайди. Айни чоқда, ширин-шакар ҳандалакни, «шарбатларга тўлиб» тошган узумларни етиштирган бободехқон меҳнатига болаларда муҳаббат уйғотади ва бундай меҳнатнинг роҳатини тўлқинланиб куйлади:

Олиб келиб сўйганда
Шарбати окиб кетди.
Еган чорда меваси
Жуда ҳам ёкиб кетди.

Шунда тоза севиндим,
Ёзда қилган ишимга,
Уни қанд, асал қилган
Яхши парваришинга...

Уйғун ижодида фольклор мотивлари яққол сезилиб туради. Унинг Навоий, Гулханий, Ҳамза асарларидан таъсиранган ва ҳалқ оғзаки ижодидан руҳланган ҳолда яратган «Ёлғончининг жазоси» эртак-достони ёш китобхонлар муҳаббатини аллақачон қозонгандир.

Гарчанд бу асарнинг сюжет чизиги «Шер ва дуррож»-га ўхшаб кетса-да, достонда бутунлай бошқа воқеа, бошқа образлар талқин этилади. Унинг асосий образларидан бири — Холвой ёлғончи, хасис бой тимсолида гавдаланади. У бойлик кетидан қувган кимса. Шунинг учун ҳам «ишонмасдан чўпонга, ўзи боқарди қўйни».

Холвой қўй боқиб юриб, бир куни сахарда жуда зерикади, нима қиласини билмай, одамларни синааб кўрмокчи бўлади:

— Дод келинглар, келинглар!
Югуринглар, елинглар!
Кўйимга тегди бўри,
Куриди қўйнинг шўри!

— дея овози борича бақиради, додлайди. Одамлар ширин уйқуларини бузиб, «қўлга таёқ олишиб, чопиб, чарчаб, толишиб», ёрдамга этиб келадилар. Лекин бой қувончини сезган оломон ундан қаттиқ ранжийди. Холвой халқ қаҳр-ғазабига дучор бўлади, ўзига ишончни йўкотади. Бошқа куни қўйларига чиндан ҳам бўри текканда хар қанча бақириб-чақирмасин, ҳеч ким ёрдамга келмайди.

Бўрилар, ҳатто, бойнинг ўзини ҳам еб қўйишига оз колади. Алданган халқ эртаси куни бу воқеани қўриб, Холвойга ачинмайди.

Аксинча:

Зараарларинг кўп бўпти,
Ажаб бўпти, хўп бўпти!
Ёлғончига шу сазо,
Шунга лойик жазо!

— деб таъна тошини ёғдиради.

Хуллас, Уйғуннинг болаларга атаб ёзган асарлари улар характеристи, орзу-умидлари, қизикишларини ўзида мужассам этиши билан қадрли.

ҲАМИД ОЛИМЖОН (1909—1944)

Ҳамид Олимжон ўзбек болалар адабиётини ривожлантиришга баракали хисса кўшган улкан истеъодлардан биридир. У «Ойгул билан Бахтиёр», «Семур» каби эртак-достонлари, «Болалик», «Хулкарнинг шеъри», «Самолёт», «Лола», «Ватан», «Она ва ўғил», «Зафар достони», «Жангчи Турсун» ва бошқа асарлари билан ўзбек болалар адабиётининг хазинасига муҳим ҳисса қўшди.

«Ҳамид Олимжон ёшлигига соғлом, шўх, зийрак» (Сарвар Азимов), интилувчан бола бўлган. У ҳозирги болаларнинг келажакдаги порлок ҳаётини шўх, кувноқ руҳда куйлади.

Бўлажак шоир Ҳамид Олимжон Жиззахдаги Наримонов номли мактабни тамомлагач, Самарқанд педагогика билим юртига кириб, ўқишни давом эттиради. Фоят тиришқок ва қунт билан ўқиган X. Олимжон давр ҳаёти ва интилишларини куйидагича шеърга солади:

Кунлар ўтди.
Шахар бизни
Олов кўзли,
Темир танли
От билан
Кўкрагига чакирди...
Ёш кўнгиллар,
Поёни йўқ хисларни,
Йўлга сепиб,
Сўнг завқларга толдилар,
Йиллар учиб кетдилар,
Кўп баҳорлар
Қанот ёзиб,
Тилакларга етдилар...

Шеърда болаларга хос интилиш, орзу-умидлар, келажакка бўлган ишонч туйфулари образли мисраларда табиий ва самимий ҳолда намоён бўлади. Шоир турли ҳаётий, ҳаққоний тафсилотларда, бой ифода воситаларида болаликка хос хусусиятларни фоят завкли мадҳ этади.

Шоир «Хулкарнинг шеъри» асарини қизи Хулкарга ба-ришлайди. Хулкар образида кичкитойларнинг ажойиб фазилатларини тасвирлайди. Шунга кўра, асар умумлашма моҳиятга эга.

Шеърда Хулкар «Мехнат узра қаноти»ни ёзиб, «Оқ қушларнинг ўлкасида юриш»ни истайди. Бироқ бунга осонлик билан эришиб бўлмайди, албатта. Бунинг учун қунт ва чидам билан ўқиш, илм-фан чўққиларини эгаллаш, тер тўкиб меҳнат қилиш талаб қилинади. Шоир ўз жажжи қаҳрамони олдига ана шундай муҳим, масъулиятли вазифаларни кўяди. Бу билан бола тарбиясида ўзининг масъулиятини чукур ҳис этган олижаноб ота — тарбиячи образи кўз олдимиизда яққол гавдаланади.

Шеърда шоир Хулкар тақдири мисолида болаларнинг ёрқин келажаги ҳақидаги юксак мақсадни ифода этади:

Тўшаб алвон-алвон гиламлар.
Сенинг билан яшасин баҳор.
Сенинг билан хуш бўлсан дамлар.
Сенга доим шодлик бўлсан ёр.
Сени кўрса очилсан гуллар,
Сени кўрса ёнсан булбуллар.
Сени кўрган бари топсин жон.
Сен юрган ер кўрмасин ҳазон.

Шоирнинг «Лола» шеъри мактабгача таълим ёшидаги болаларга бағишлиланган. Бу шеърда ҳам «Хулкарнинг шеъри»даги сингари шоир мақсади тўла мужассам этилган. Шоир миллионлаб жажжӣ қизларнинг она-Ватан кучофида кувноқ ҳаёт кечириши ҳақидаги орзусини Лола тимсолида ифодалайди. Шоир Лола яшаётган Ватанни гулга тўла бир бўстон сифатида таърифлайди:

Лола бокчага чикиб,
Кечга қадар гул терди.
Этак-этак тўплади,
Ҳар кунгидан мўл терди.
Сочига гул боғлади,
Чаккасига тақди гул,
Елкаларидан ташлаб
Гулга кўмилди буткул.

Ҳакиқатан хам бу ёшдаги болалар гул-лолаларга ўхшаши, уларга худди гулларга ўхшатиб эҳтиётлик ва меҳри-бонлик билан муомалада бўлиш зарурлиги таъкидланади. Шоир шеърни бекорга «Лола» деб номламаган. Бу маълум рамзийлик касб этади. Ҳар бир бола ўзига хос гулдир. Шоир ифода этаётган ушбу ғояни ҳаётий эпизод — лоланинг гулзорда гул-лолаларга ўралганини ихчам чизиш орқали тасвирлади. Айни чокда, шеър китобхонда табиат гўзаллигига, она-Ватанга мухабbat хисларини уйғотади.

Озод, эркин она-Ватанимизни жондан севган, эъзозлаган Ҳамид Олимжон «Ватан» шеърида мамлакатимизнинг tengi йўқ куч ва кудратга эгалигини, шу Ватаннинг фарзанди бўлганлигидан бехад хурсандлигини ғоявийбадиий юксак мисраларда беради:

Шодлигим кўкка сиғмас,
Битмас баҳтим бор маним,
Мени баҳтиёр қилган
Шу енгилмас Ватаним.

Шоир боладаги она-Ватан билан фаҳрланиш сабабларини хам зўр эҳтирос билан чизади:

Душманга омон бермас
Ҳар бир аскар отган ўқ.
Дунёда меникидай
Катта ва зўр Ватан йўқ.
Ёвнинг ўқи хеч качон
Аскаридан ўтмайди.
Нишон олса осмонни,
Самолётда етмайди.

Албатта, бу мисраларда, шоир ишлатаётган муболагаларда ёш қаҳрамоннинг орзу-умидлари, тасаввурлари мужассам этилган. Одатда, болалар ўзлари меҳр кўйган нарсаларни «ўтда ёнмас, сувга ботмас» ҳолда кўришни орзу қиласидар. Шоир болаларга хос шу хусусиятлардан усталик билан фойдаланиб, уларда Ватандан фаҳрланиш туйғуларини кўрсатишга харакат қилган.

Ҳамид Олимжоннинг болалар учун ёзган шеърларининг деярли ҳаммаси ҳажм жиҳатидан ихчам, болаларбоп, ғоявий-бадиий жиҳатдан мукаммалдир. Шоир шеър-

лари болаларга тез ва осонлик билан сингади. Содда ва ихчам мисралар, ўйноқи, жўшқин қофиялар, образли ифодалар, бадий тасвирлар, характерли, болаларбоп парчалар шеърларнинг кимматини оширади, кичкинтойларнинг тез ёдлаб олишларига имконият яратади.

Ҳамид Олимжон болалар учун ёзган шеърларида турли тасвирий воситалар, ажойиб ўхшатиш, сифатлаш ва истиораларни мохирлик билан қўллайдики, булар асарнинг фояйи-бадиий мукаммаллигини таъминлабгина колмай, китобхонларнинг сўз бойлигини, нутқини бойитади, уларда эстетик завқ-шавқ уйғотади.

Шоир болалигиданоқ халқ оғзаки ижоди намуналаридан баҳраманд бўлди. Эртаклар оламига уни бувиси олиб кирди. Буни шоир шундай хотирлайди:

Болалик кунларимда,
Уйкусиз тунларимда,
Кўп эртак эшитгандим,
Сўйлаб берарди бувим...
Бувимнинг хар киссаси,
Хар бир қилган хиссаси
Фикримни тортар эди,
Хавасим ортар эди.
Тинглар эдим бетиним,
Узун тунлар ётиб жим.
Сеза олардим кучин,
Кўпи ёлғон кўпи чин.

Дарҳақиқат, халқ оғзаки ижодининг энг нодир асарлари, улардаги халқ донишмандлигининг ажойиб фазилатлари шоирни ўзига тортган, завқини оширган, адабиётга ҳавас уйғотган, бадият оламига киришига катта таъсири этган. Ҳамид Олимжон халқ оғзаки ижоди асарлари таъсирида «Ойгул билан Баҳтиёр» (1937), «Семур ёки Паризод ва Бунёд» (1939) каби ажойиб достонларини яратган.

Халқ оғзаки ижоди бўлмиш «Маликаи Ҳуснобод» эртаги асосида яратилган «Ойгул билан Баҳтиёр»да шоир ватанинни севиш, зулмга қарши разаб-нафрат билан курашни тарғиб қиласди. Ботирлик, мақсадга эришиш йўлида саботли бўлишга ёш китобхонни даъват этади. Мақсадни ифодалаш учун шоир достонда яхшилик билан ёмонликини, адолат билан зулмни, гўзаллик билан худбинлик дунёсини қарама-қарши қўяди. Бу фоялар бир томондан Ой-

гул, Дархон, Тарлон образлари, иккинчи томондан, Жамбиль ва Журжон хонлари образлари орқали ёритилади.

Халқ әртагидан фарқли равишда достонда меҳнаткашларнинг озодлик учун қаҳрамонларча олиб борган кураши, уларнинг енгилмас иродаси ифода этилади:

Бирори ушлаб косов
Саваларди келса ёв.
Болтаси бор бирининг —
Ўлим келмас унга тенг.
Агар дуч келса шу чоқ,
Ағдарарди бўлса тоғ.

Асарда халқ кураши ва қўзғолони Дархон билан унинг кизи Ойгул бошчилигида намоён бўлади. Ойгул факат гўзаллиги билангина эмас, балки жасур, меҳнаткаш, иродали, ақлли, халқпарвар, тадбирли аёл тимсоли сифатида ҳам чинакам халқ қаҳрамони даражасига кўтарилади ва ўқувчидаги унга нисбатан чуқур мухаббат уйғотади. Ойгул образи золимларга нисбатан ғазабкор, подшоларнинг молу дунёсидан кўра озодликни афзал кўрувчи, соғвиждонли камбарад аёл тимсолидир.

Шоир халқнинг енгилмаслигини ўтга солса куймайди, килич солса ўтмайди, милтиқ ўқи тешмайди, сувга солса чўкмайди каби халқчил ибораларда болаларга тушунарли ва қизиқарли тарзда ифодалайди. Буни Ойгулнинг сандик билан сувда оққанда, Жайхун балиқ ютганда ҳам тирик қолиши воқеаларида кўриш мумкин.

Ойгул кишини молу дунёсига қараб эмас, балки унинг хақиқий инсоний фазилатларига қараб севади. Шунинг учун у хон ва подшодан кўра «киличдай ўткир», аммо камбарад Бахтиёрни севади, унинг оиласига ғамхўрлик килади, меҳнаткаш халқни оғир, машаққатли ҳаётдан қуткариб, озод, баҳтили ҳаётга эриширишда, «янги бир дунё» яратишида Ойгул халқка раҳбарлик қиласи. Эзилган меҳнаткашлар Ойгулнинг яхши ниятларини кўллаб, уни амалга оширишга киришадилар. Натижада улар:

Болаларга саройлар.
Гўзал, озода жойлар,
Ҳар қадамда бир бўстон.
Ҳар ерда бир гулистон. —

яратадилар.

Шоир Ойгулни ўз эл-юртини чин дилдан севган, мам-лакат ободончилиги учун тинмай курашган ватанпарвар ва халқпарвар аёл сифатида улуғлайди, зотан, унинг раҳбарлигига, кўпчиликнинг кучи билан камбағал ва кулларнинг ватани — Сусамбил «жаннатга тенг ўлка бўлди». Камбағалларни ва уларнинг болаларини озод, баҳтиёр ҳаётга эриширишда халққа раҳбарлик килгани учун Ойгулни эл жондан севади.

Асарда Ойгул шахсий қиёфада гавдалантирилади: у душманга нисбатан қаҳр-ғазаби қайнаб тошган, яхшиликка яхшилик қайтаришни ўзи учун бир баҳт деб биладиган шахс ва ҳарбий таълимни жуда пухта эгаллаган жасур, қаҳрамон аёл сифатида ҳам халққа ардоқли. Бу жихатдан у китобхонга жасур аёл — халқ қаҳрамони Тўмарисни эслатади.

Шоир Ойгулнинг ватанга ва халққа қилган зўр хизматлари учун уни қанча-қанча эл севганлигини тасвирлар экан, унинг гўзал ва ёқимли тасвирини маҳорат билан чизиб, китобхоннинг меҳр-муҳаббатини яна бир бор оширади.

Ойгул туриши билан
Сарой чараклаб кетди.
Ҳамма ёк бўлиб равшан.
Уйлар яраклаб кетди.
Ой деганда юзи бор,
Кун деганда кўзи бор.
Бир гўзал киз қаршида
Бебаҳо эди жуда.
Қалдирғоч кошларидан.
Тўниб карашларидан
Ҳаёт сочилар эди,
Гуллар очилар эди...
Ой деганда юзи бор,
Кун деганда кўзи бор.
Гўзал, доно Ойгулни, —
Бу барно баҳор гулни
Эл севар эди жондан.

«Ойгул билан Баҳтиёр»да кекса Дархон образи ҳам дикқатга сазовордир. Дархон жабр-зулмга қарши озод-

лик учун кураш олиб борган исёнчиларнинг бошлиғидир. У зўр иродали, зулмга ва ноҳақ қон тўкишга карши курашувчи исёнкор сифатида тасвириланган. Шоир унга хос исёнкорлик сабабларини шундай шоирона тасвирилади:

Дархон сўз бошлаб деди:
«Мен ва қизимдан бошқа
Ўлмаган кул қолмади,
Кириб шунчалик ёшга
Кўрмовдим шунча конни,
Шунча зору фифонни.
Эл хону монин буткул
Сен ўт ёқиб этдинг кул.
Сендай конхўр золимдан
Колмасин деб бирор зот,
Бош кўтардик, зулмдан,
Бўлмоқчи эдик озод».

Бу мисраларда шоир Дархон исёнининг сабабини баён этибгина қолмай, Жамбил хонининг золимлигини ҳам фош этиб ташлайди, бехисоб гуноҳсиз кишилар қонининг тўкилишига сабабчи бўлган хонга нисбатан китобхонларнинг нафратини оширади.

Хон Дархонни ўлимга маҳкум этган чоғда ҳам, у ўз мақсадидан қайтмайди, келажакка, озодликка катта умид билан қарайди:

...Лекин бу гал бўлмади,
Аммо тилак ўлмади:
Бир кун сани йикармиз
Ва қабрга тикармиз.

Камбағалларнинг баҳтга эришиши, юртга бош бўлиб, уни обод қилиши ва тинчликни сақлаш ғоясини шоир Бахтиёр образи орқали ифодалайди.

Асарда Бахтиёр образи ҳалқ қаҳрамонларига хос хусусиятларга эга шахс сифатида тасвириланади. Шоир уни «Чинордай қоматдор», «Кўкраги офтобни яширган», «Қиличдай ўткир, Рустам каби зўр» каби эпитетлар билан гавдалантиради.

Шу тариқа Ойгул ва Бахтиёр — оддий меҳнаткаш халқ вакиллари — халқ озодлиги курашчилари даражасига кўтарилади.

Асарда Ойгул ва Бахтиёр бошчилигига ўз баҳтига эришган, мақсадига етган меҳнаткаш халқ вакиллари ҳам кўрсастилади. Шоир меҳнаткашларни ҳамиша эзиз, хўрлаб келган, ватанни ҳаробага айлантирган хон ва подшоларнинг ёвузлигини ҳам моҳирона фош этган.

«Тани заҳарга ботган Жамбилинг золим хони» шу-лардан биридир. Жамбил элининг хони Дархонни ўлдиргач, Ойгулга «менга хотин бўлурсан» деганда, Ойгул:

Тақдирим ёр бўлса-ю,
Фурсат кулагай келса-ю.
Сени агар ўлдирсам,
Танангга ҳанжар урсам,
Дунёда энг баҳтиёр,
Одам бўлардим, номдор. —

дека ғазаб билан унга тик қарайди.

Шоир «қутуриб қаҳри келди, илондай заҳри келди» каби аник ўҳшатишлар орқали ҳоннинг золимлигини яна ҳам яққолрок кўрсатади.

Ҳамид Олимжон бу достонни ёзишда халқ оғзаки ижодининг энг яхши анъаналаридан усталик билан фойдаланган. Шунинг учун шоир эртакдаги парчаларга ижодий ёндашиб, бир қатор образларни (масалан, қул Тарлон образи) ҳам киритади. Айни чоқда, асарда халқ — буюк кучdir, деган мазмун етакчилик килади. Асар ғоявий-бадиий жиҳатдан ниҳоятда мукаммал. Достонда хилмалил манзаралар, чуқур ички кечинмалар кенг лирик-эпик тарзда кўрсатилган.

Ҳамид Олимжоннинг ғоявий-бадиий жиҳатдан барко-мол бу достони болаларни ватанпарвар, қаҳрамон, жасур, ўз халқига содик килиб ўстиришда катта тарбиявий ахамиятга эга.

Ўзбекистон маданияти, адабиёти ва унинг энг муҳим қисми бўлган болалар адабиётининг юксалишига катта хисса қўшган шоир Ҳамид Олимжон болаларнинг ҳам севимли шоири бўлиб қолди.

ЗАФАР ДИЁР (1912—1946)

Хозирги замон ўзбек болалар адабиётини Зафар Диёрсиз тасаввур қилиш қийин. Унинг шеър, қўшиқ, дoston, хикоя ва пьесалари ёш китобхонга катта эстетик завқшавқ багишлаб келмоқда. Катта истеъдод эгаси Зафар Диёр 1912 йилда Наманган вилоятининг хозирги Чуст тумани, Самсоқтепа қишлоғида камбағал дехкон оиласида туғилди. 1916 йилда Зафарлар оиласи Тошкент шахрига кўчиб келади. Зафарнинг отаси далада, онаси эса босмахонада меҳнат қиласидар.

1927 йилда Зафар тўлиқсиз ўрта мактабни битиради ва Самарқанддаги Наримонов номли педагогика техникиумига ўқишга киради. Техникумда кўпроқ илм-фан сирларидан баҳраманд бўлишга харакат қиласидар. Унинг дастлабки шеърий машқлари билим юрти деворий рўзномаси сахифаларида кўрина бошлайди.

Йигирманчи йиллар охири ва ўттизинчи йиллар бошларида унинг ёшлар газета ва журнallарида илк шеърлари чоп этила бошланди. Зафар Диёрнинг биринчи шеъри ёш шоирларнинг «Курилиш кўйлари» деган тўпламида босилиб чиқди. Кўп ўтмай, унинг биринчи шеърлар тўплами ҳам «Қўшиқлар» номи билан 1933 йилда нашр этилди.

Ёш шоир 1933 йилда билим юртини муваффакиятли битиргач, ўқитувчи бўлиб ишлай бошлади. Бу хол унинг мактаб ва болалар ҳәёти билан яқиндан танишишида, ёш авлод ҳәёти ҳақида ёзадиган асарларининг ҳаётӣ, пухта бўлишида ижобий роль ўйнайди. Унинг бундай руҳдаги шеър, хикоя ва очерклари 1928 йилдан бошлаб матбуот сахифаларида тез-тез босилиб турди.

1934 йилда Зафар Диёр Самарқанддан Тошкентга қайтади ва ҳозирги «Тонг юлдузи» газетасида адабий ходим, кейинроқ рўзноманинг масъул котиби бўлиб ишлайди. Шу билан бирга у ҳозирги Тошкент давлат педагогика университетининг тил ва адабиёт факультетига кириб, ўқишни давом эттиради. Ўзбек ҳамда қардош ҳалқлар ёзувчиларининг асарларини кунт билан ўрганади. Зафар Диёр кичкинтойлар учун шеърлар ёзар экан, изланиш, ўқиш,

Ўрганиш зарурлигини дилдан ҳис этади. «Болалар учун асар ёзиши мен ўзим учун жуда қийин ва масъулиятли вазифа деб биламан. Бу масъулиятли вазифанинг уdda-сидан чикиш учун тинмай ижодий изланишдаман».

Ўша йиллари газетада Зафар Диёр билан бирга ишлаган ёзувчи Ҳаким Назир ўз эсадаликлирида шундай ёзади: «Мен Зафарни ўйласам уни нукул шод-хуррам болалар қуршовида, кувноқ чехрасидан нур таралиб, сертабассум лабларидан шеър дурданалари ёғилаётгандай кўраман. Чинданам у болаларга жуда яқин эди. Мактаблар ва болалар уйларида, кутубхона ва боғчаларда бот-бот бўлар, ёш китобхонларга янги-янги шеърларини болаларча мулоим, содда, ширали овоз билан ўқиб берар, айрим шеърларини ёддан жуда ўхшатиб декламация килар, болаларга ҳам шеър ўқитиб эшитарди. Шунда у ўзининг қайси шеърлари билан болалар кўригидан яхши ўтганини, қайси шеърини кўпроқ севиб колганларини кўрар, болаларга ёқтириш учун қандай шеърлар ёзиш лозимлигини фаҳмлаб оларди. «Биз болаларга нукул ўргатибгина колмай, улардан ўрганиб ҳам туришимиз керак», дерди.

Зафар Диёр 1935 йилда дастлабки машхур асарларидан бири бўлган «Машинист» достонини яратди. Достондаги Ашур образи баҳтиёр ёшларнинг фазилатларини умумлаштиришга бағишлиланган.

Мактабда ўқиш Ашурни хунарли қилиш билан бирга, унинг онги ва тушунчасини ҳам ўстиради. У Ватанга садоқатли, ҳар доим олға интилувчи илғор ёшлардан бири бўлиб етишади. Шунинг учун достон қахрамони ўз умрини Ватан йўлига тикишга тайёр туради:

Севинаман, ҳали ёшман, кўп яшайман
Бу ўлканинг саодати — баҳти учун.
Яна ўқиб, яна кулиб кўп яшайман
Шу кўпларнинг бири бўлиб ўлкам учун.
Ҳа! Мамлакат шундай вавда берай сенга:
Бутун умрим сенинг порлок хаётингга!

Асар ёшларнинг илм-фанга, касб-хунарга, она-Ватанга мухаббат, садоқат рухи билан суғорилган.

Зафар Диёрнинг ўттизинчи йиллар ижоди ватанпарварлик, байналмилаллик ва меҳнатсеварлик туйғулари-

ни акс эттирувчи асарларининг кўплиги билан характерлидир. Бу хил асарлар ёшлар характерини шакллантиришда, уларни ватанпарварлик руҳида тарбиялашда катта роль ўйнаб келмоқда.

Шоир ижодидаги муҳим мавзулардан бири инсон ва табиат муносабати мавзуидир. Шу жиҳатдан унинг «Тантана» шеърлар тўплами (1938)даги кўплаб шеърлари характерлидир. «Бинафша», «Навбаҳор», «Кушлар ҳақида қўшиқ», «Капалак» сингари шеърлари ҳам шулар жумласига киради.

Ранг-баранг гулларни, турли-туман кушларни севган шоир болалар рухиятини чуқур тахлил этиб, уларни ҳам она табиатни севишга ва парвариш қилишга руҳлантиради, ёшларни меҳнатдан завқланишга ўргатади. Шоир болаларда кушларга муҳаббат ҳиссини ўйгота оладиган қувноқ вазн, ўйноқи мисралар яратади. Шоир шу мақсадда сўзларнинг хилма-хил такоридан, мисраларни эса Маяковскийчасига тизиб, тасвирнинг оҳангдорлик жарангини, кучини янада оширади:

Хой кушлар,
кушлар,
кушлар,
Қанот қоқиб келинглар,
саъва,
майна,
булбуллар
Сизга термулар кўзлар...
Бизга ортиқ ёқади
Кувноқ қўшиқ — куйингиз!

(«Кушлар ҳақида қўшиқ»).

Шоир болаларнинг табиат ҳодисаларига, ҳашарот-у жониворларга, айниқса, капалакка қизиқишини, меҳр-муҳаббатини кичкитойларга хос сўз ва оҳангда ифодалаб, хаётга дикқат-эътиборини оширади, кучли завқ ўйғотади, капалак образи орқали китобхонда инсоний туйгуларни шакллантиришга ҳаракат қиласди.

Уч, уча бер, уча бер,
Гўзал боғчам — гулшанда.

Сира озор бермайман,
Севгим, фикрим ҳам санда.
Капалакжон, капалак;
Дўст бўлайлик иккимиз,
Тўхта, сўзлайн андек!

(«Капалак»).

Зафар Диёрнинг «Бинафша» шеърини ёддан билмаган ўқувчи бўлмаса керак. Шеър ўзининг равон ўқилиши, қоғияларининг жарангдорлиги билан ўқувчини ўзига тортади:

Бинафшахон, бинафша,
Кулишларинг чиройли;
Боғимизда очилиб,
Туришларинг чиройли.

Шоирнинг «Мамлакат», «Казбек», «Тилсиз ўртоқ», «Мадриддан келган меҳмон» каби шеър ва достонлари шоир ижодининг ҳар тарафлама юксалишидан далолат берувчи лирик-эпик асарлардир.

Зафар Диёр болаларнинг хатти-харакатларини, орзу-интилишларини яхши билади. Шу жиҳатдан карайдиган бўлсак, унинг «Кел, учайлик шимолга» шеъри ғоят характеристерлидир. Бунда шоир «Қуёш тушмайдиган» кутбни бориб кўришни орзу қилган боланинг лирик образини гавдалантиради. Ёш боланинг мургак хаёли шимолий кутбни бориб кўришни, ундаги ҳодисалар билан танишишни хоҳлайди. Шоир лирик қаҳрамоннинг улуғ мақсадларга эришиш учун фан ва техника асосларини амалда эгаллаши кераклигини чуқур англайди. Буни шоир моделча ясаш жараёнда кичик ёшдаги болаларнинг рухиятига мос, содда холда тушунтиради ва уларда катта ишларга — қаҳрамонликка ҳавас уйғотади:

Ёш бўлсан ҳам майлига
Қанот боғлаб учайин;
Муз сахроси Кутбнинг
Сирин мен ҳам очайин.
Хой, суюкли моделчам,

Тайёрмисан сафарга?
Фикрим сенда хамиша,
Кел, учайлик Шимолга!

Шоир довюрак учувчиларнинг тариҳда биринчи бўлиб қутб йўлини очганлиги билан болаларни таништириб, уларни чкаловлар каби мард учувчи бўлишга ундейди.

Шу нарса характерлики, шеърда Зафар Диёр болаларнинг янгиликка интилиши ва қизиқишини қизғин қўллаб-кувватлайди, улардаги олий ҳис-туйғуларни ўстиришга, ватанпарварлик хисларини таркиб топтиришга ёрдам беради. Шоир бундай юксак туйғуларни бадиий содда, таъсирчан ва мазмундор мисралар билан ифодалайди:

Бутун дунё англасин
«Бир моделист кепти,—деб
Янги авлод байроғин
Кутб узра тикиди, —деб».

Шеър боланинг келажакда орзу-умидига эришишига бўлган зўр ишонч билан тугайди. Бу асар болаларни илм ва ҳунарга муҳаббат, тинмай олға интилишга чақириқ рухида тарбиялаши жиҳатидан катта аҳамиятга эга.

Замондошларимизнинг янги қўриқ ва бўз ерларни ўзлаштириш, мўл-кўл ҳосил олиш ва қишлоқларни ободонлаштириш ишида олиб бораётган курашлари «Юксак тоғ, кенг ўтлок ва мард ўртоқ хақида қисса» достонида очиб берилган.

Зафар Диёр достонда сахро-чўллардаги шамолнинг ваҳимаси ва унинг аянчли тасвирини чизиб, китобхон дикқатини асарга жалб қиласи. Достон эртак шаклида, болаларбоп усулда ёзилган. Шоир сахроларнинг «Қашқирик каби увилловчи», «Бойқуш каби ҳувловчи» даҳшатли шамоллари одам—табиат душмани эканини образли мисраларда ёритади. Бундан кейин шоир ҳаётни гўзал, сахро-чўлларни обод қилишда сувнинг қадрини жуда яхши билган кенг ўтлокни жонлантириб сўзлатади ва у ерларда «гул ҳаёт» куриш ғоясини олға суради. Кенг ўтлок юксак тоққа мурожаат қиласи:

Не бўлармиш бизнинг хам
Кўксимииздан кетса ғам.
Бу ғам сувсиз кетмайди,
Сувсиз яра битмайди...
Мен сувингдан куч олсан,
Тентак елдан ўч олсан,
Узок йиллар хўрланган,
Қақраб тошга айланган
Кўксим бўларди обод,
Бошланарди гул хаёт...
Талабимга еткур тоғ,
Бер сувингдан, жон ўрток!

Юксак тоғ ҳам чорасизликдан ўз дардини — сувни кенг ўтлокқа элтиб беролмаслигини ўқинч ва алам билан сўзлайди.

Шоир энди болалар фикрини бошқа нарсага — дунёда онгга, қудратга эга бўлган инсон ва унинг таърифига буради. Зафар Диёр инсоннинг куч-кудратини содда, мазмунли, ширали, болалар қалбига тез етадиган ибораларда ифодалаган:

Бу мардлик ва маҳорат,
Бу куч-күвват, жасорат
Инсонларга йўлдошdir.
Уларга хос қўлдошdir.
Бутун борлик — табият
(Бу сўзларим хақикат)
Бўйсунажак инсонга
Гул тутажак ул жонга.

Шоир инсоннинг ақл-заковати, куч-кудрати хақида фикрлар экан муболагага зўр беради, инсонни ҳатто, табиятни ҳам ўзига бўйсундирувчи куч сифатида таъриф этади. Албатта, бу фикрлар турғунлик даврининг оқибатидир. Негаки, «Сирдарёнинг жиловланиши» бугунги кунда ҳалқимизга қимматга тушмоқда. Бир сўз билан айтганда, табият инсонларнинг бошбошдоқлик ҳатти-харакатлари учун шафқатсиз ўч олмокда. Бундан бу асар мутлако кераксиз ёки зарарли асар экан, деган хulosага келмаслик зарур. Асар китобхонларни меҳнатсеварликка, яра-

тұвчилікка, табиат билан инсон муносабатида мұхаббат түйрүләри бўлиши лозимлигига ундаиди. Бу фикрини ифода этишда шоир янги усул — тоғ ва ўтлоқларни жонлантиришдан фойдаланади:

— Ҳой, мард ўрток, мард ўрток...
Қара қанча кенг ўтлок
Сувсизликдан дили доғ.
Унинг охин ўчириб,
Чаманзорга айлантир,
Мангуликка шодлантир.

Достонда шу тариқа халқимизнинг азалий орзуси — чўл-биёбонларни боғ-роғларга айлантириш орзуси ўзининг бадий ифодасини топган.

Зафар Диёр достоннинг ғоявий-бадий мукаммаллиги учун қаттиқ ижодий меҳнат қилган. Асарнинг композицион тузилиши халқ эртакларига яқинлиги билан характерлидир. Шоир асарнинг сөхрли, романтик, яъни ғоят таъсирчан, ўқимишли бўлишини таъминлаш учун содда, ажойиб бадий-тасвирий воситалардан усталик билан фойдаланган. Қенг ўтлок, сахро, чўлларнинг сувга ташналиги ва унинг орзуси хақидаги «Битта тўйиб сув ис-сак», «Сув бер, менга сув бергин», «Кўксимдан сўнг гул тергин»; сахро ва унинг шамоли тўғрисидаги «Энг ғазабли, энг ўчили, харсанг тошдай қотаман, мисдек қизиб ётаман»; давр кишиларининг куч-кудратига оид «Чинордек зўр қомати, Гўрўғлидек савлати» каби тасвирий воситаларга бой мисралар фикримизнинг далилидир.

Бу асар ёш китобхонларни меҳнатга мұхаббат рухида тарбиялаши билан мұхимдир.

Зафар Диёрнинг кўпгина асарлари меҳнат мавзуига бағишенланган. Ана шундай асарларидан бири «Кичкина боғбон хақида достон»дир. Достонда болалар ва ёшлар дов-дарахтларни экиш, парвариш қилишга чакирилиб, меҳнат завқи ва аҳамияти куйланади. Бу ғоя Шотурсун образи орқали ифодаланади. Кичик қаҳрамон отаси билан биргалашиб мевали дараҳтларни парвариш қилишга, «Қўлда кичик кетмон» билан боғларни яшнатишга меҳр қўйиб, меҳнатда ўзини кўрсатади.

Зўр ғайрат ва катта иштиёқ билан ишга киришган Шотурсуннинг ўзи парвариш қилиб юрган бир туп олмаси барвақт пишиб, мўл-кўл ҳосил беради. Бола бир йили ялқовликка берилиб, олмага қарамай қўяди. Шоирнинг маҳорати шундаки, олмани жонлантириб унинг сўзлари орқали болаларга ибрат бўладиган фикрни айтади:

– Бу йил эса Шотурсун
Ғайратинг йўқ унчалик;
Берилмассан деб эдим
Ялқовликка бунчалик.
Ахволимни сўрмадинг,
Оқламадинг танамни;
Курт-кумурска талайди,
Эртадан кеч мевамни.

Олманинг бундай аянчли аҳволи Шотурсунга қаттиқ таъсир қиласи ва у ўз хато-камчиликларини тўла англайди. Олманинг тилидан айтилган, «Иш ёқмасга, ялқовга мен ҳам энди душманман» деб, ғайрат билан иш олиб боради. Зафар Диёр ўқувчидаги Шотурсунга нисбатан меҳр уйғотади, ундан ўrnак олишга чақиради.

Зафар Диёрнинг учинчи тўплами 1939 йилда «Шеърлар» номи билан босилиб чиқди. Унинг бу тўплами мавзу жиҳатидан болаларбоплиги, кизиқарли мазмун ва образли ифодалари билан ажralиб туради. Бу эса Зафар Диёрнинг ижод сирларини тобора мукаммал эгаллаб бораётганини, болалар ва ёшлар ҳаётини яхши ўрганиб, улар учун пухта, баркамол асарлар яратиш йўлида тинмай ижодий меҳнат қилаётганини кўрсатади.

Тўпламдаги «Амударё бўйида» шеърида шоир ўлка чегарачиларининг лирик образини маҳорат билан чизган. Шеърда болаларни чегара соқчиларининг ҳаёти, уларнинг масъулияти ва фаҳрли бурчи билан таништиради.

«Қутб қўшиғи» шеърида эса шоир олам яратилгандан буён ҳеч ким бориб кўрмаган қутбни эгаллаган бугунги кишиларнинг жасорат-у куч-кудратини зўр муҳаббат билан куйлади.

Зафар Диёр кўп шеърларида ватанпарварлик, ватанга муҳаббат ғояларини илгари суради. Буларни ватаннинг

муносиб фарзандлари бўлиб етишишга ундаиди. Бунинг учун уларга билим манбаи бўлган китобни севиб, фан асослари ни чукур эгаллашлари зарурлигини уқтиради. Бу гояни «Китоб, менинг дўстимсан» шеърида шундай тасвирлайди:

Варакласам бир бошдан
Кувнаб баҳрим очилур,
Олтин ҳарф-сўзлардан
Тотли маъно сочикур.
Шунинг учун дейманки:
Китоб, менинг дўстимсан!

Зафар Диёр китобнинг моҳиятини болалар онгига осон сингдиришда жонлантириш воситаларидан усталик билан фойдалана олган. Шоир китобни бола тилидан шундай таърифлайди:

Ҳар сахифанг мен учун
Бир хикоят сўзлайди,
— Ўқиб, одам бўлгин, — деб
Яхши ният кўзлайди.

Шоир китоб боланинг энг яқин, меҳрибон дўсти, ғамхўр ўртоғи деб кўрсатгач, уни жон-дилдан севган боланинг жонли киёfasини чизади:

Сени жондан севаман,
Мени тилга ўргатдинг,
Хадя қилиб илм-фан,
Ёруғ йўллар кўрсатдинг.

Шоир китобнинг моҳиятини болаларга чуқурроқ англатишда, уни таъсирчан қилиб гавдалантиришда: «Бахтим кулар китобдан», «Кувнаб баҳтим очилур», «Ёш ўйноки кўзларим шуур олар китобдан» каби истиораларни ишлаб, шеърнинг бадиий таъсирчанлигини янада оширган.

Зафар Диёр иккинчи жаҳон уруши йилларида ҳозирги «Ўзбекистон овози» газетасида адабий ходим бўлиб ишлади. Айни чоқда, у тинмай, самарали ижод этди. Шоирнинг «Фунчалар», «Серқуёш ўлка», «Она қўшиғи», «Бизнинг оила», «Қаҳрамон», «Танқист», «Улуғ байрам», «Қурорл беринг менга ҳам», «Қаҳрамоннинг келиши», «Биз яшамоқ истаймиз», «Қўриқчиликда» сингари жанговар шеърлари шу йилларда яратилган.

Зафар Диёр баҳтли болаларнинг гўзал боғлардан, чаманзорлардан, ранг-баранг гуллардан, баҳордан олган кувончини «Баҳор келди», «Орзу», «Қалдирғоч», «Күшлар ҳақида қўшиқ», «Бинафша» каби шеърларида содда, равон тилда, оҳангдор, енгил қоғияли, ўйноқи мисраларда шоирона талқин этади ва улар қалбида ҳаётга меҳр ўйғотади.

Зафар Диёр буғунги ўзбек болалар драматургияси тараққиётига ҳам баракали ҳисса қўшди. У болалар ҳаёти ҳақида «Баҳтли ёшлиқ», «Ёш ватанпарварлар», «Омонат», «Уч оғайни» каби қатор драмалар ёзди.

Ўзбек болалар насрини ривожлантиришга ҳам Зафар Диёр ўз ҳиссасини қўшган ёзувчилардан. Унинг «Жўнатиш», «Чўпон қизи», «Ножўяликлар» каби хикоялари шулар жумласидандир.

Зафар Диёр болалар адабиётининг ҳамма жанрларида қалам тебратди. У болаларнинг талаб-эҳтиёжлари ҳамда орзу-тилакларини, турмушини, рухиятини пухта билганилиги учун болаларнинг ёшига, онг-тушунчасига мослаб, ғоявий-бадиий жиҳатдан пишиқ асарлар яратди.

Зафар Диёр турли ёшдаги болаларнинг тилини яхши ўрганиб, улар учун содда, равон, ширали тилда, ўйноқи вазнларда оҳангдор, таъсирчан шеърлар ёзди.

Шоир ўзининг қўшиқ ва шеърларида ҳамда бошқа асарларида ёш китобхонларни улуғ юртимизнинг бехисоб бойликлари билан фахрланишга, келгусида яхши ҳаёт бунёд этишлари учун астойдил курашувчи, онгли, маданиятли, ватанпарвар кишилар бўлиб етишишлари учун аъло баҳолар билан ўқишига чақиради. У ёш авлодни меҳнатга муҳаббат билан қарашга, ростгўй ва интизомли бўлишга ундали, уларда ватанпарварлик, дўстлик туйгуларини ўстиришга катта эътибор берди. Унинг асарлари давр болалари ва ёшлари учун завқ бағишлиди, уларни ўқиши ўрганиш ва камол топиш учун курашга руҳлантириди.

Ўзбек болалар адабиётининг ривожланишига шеър ва қўшиқ, достон ва эртаклари билан жуда катта ҳисса қўшган Зафар Диёрнинг асарларини болалар ҳамон севиб ўқийдилар ва юксак қадрлайдилар.

ҚУДДУС МУҲАММАДИЙ (1907—1997)

Хозирги замон ўзбек болалар шеъриятининг тараққиётida Куддус Муҳаммадийнинг роли катта.

Куддус Муҳаммадий 1907 йилда Тошкент шаҳрида мөхнаткаш дехқон оиласида дунёга келди. Бўлажак шоирнинг отаси Муҳаммад Алибек Абдураҳмонбеков анча саводли киши эди. У дастлабки маълумотни отасидан олди.

1925 йилда отаси вафот этгач, Куддус Муҳаммадий аввал амакисиникида, сўнгра эса мактаб-интернатда тарбия олади. Интернатда К. Муҳаммадийнинг биринчи шеъри «Чувалачи» майдонга келади ва бу ерда чиқадиган «Қуёш» номли деворий газетада босилиб чиқади.

Шу илк машқларида ёк бўлажак шоирнинг нафосат оламини кузатиш ва бадиий идрок этиш таланти ҳамда умумлаштириш маҳорати яққол кўринади.

У етти йиллик мактабни муваффақиятли тамомлаб, Тошкент қишлоқ хўжалик техникумига ўқишига киради. Бу ерда у болалар учун шеърлар ёза бошлайди. Унинг «Тонг ўйини», «Паранжи», «Аҳмад ва асалари», «Селекция станцияси» номли шеърлари вактли матбуотда босилиб чиқади.

1931 йилдан К. Муҳаммадий мактабда ботаника ўқитувчиси бўлиб ишлайди, шу билан бирга Ўрта Осиё давлат университетининг биология факультетида ўқий бошлади.

Болалар уйидаги ва университетдаги хаёт, меҳрибон мураббий ва муаллимларнинг ғамхўрликлари К. Муҳаммадий қалбида бир умр ўчмас из қолдиради. Бу ердаги ўзаро дўстлик бўлажак шоир қалбини тоғдек кўтариб юборади.

Куддус Муҳаммадий Ойбек, Ҳ. Олимжон, Ф. Фуломларни ўзи учун устоз деб билган, улардан ўрганганд, улар билан доимо ижодий мулокотда бўлган. Илк шеърларидан бири «Тонг ўйини» орқали улкан адаб Ойбек билан танишади. Ойбек бу истеъдодли болалар шоирини ҳамиша қўллаб-қувватлаб, ижодига ғамхўрлик қилиб келган.

ИЛЁС МУСЛИМ (1909—1993)

Болалар учун асарлар яратишни ўзи учун баҳт деб билган, сермашакқат ва қутлуғ бу ишга умрини бағишишлаган Илёс Муслим 1909 йилнинг 2 августидаги Қирғизистоннинг Бишкек шаҳрида чўян қуювчи — хунарманд оиласида дунёга келади. У 1924 йилда шахардаги Наримонов номли 1-бошланғич ўзбек мактабига киради. Мактабда ўзбекча, қирғизча ва русча китобларни севиб ўқийди, атрофда бўлаётган ўзгаришларга синчковлик билан карайди. Дастлабки мақола ва шеърларини мактаб деворий ҳамда республика газеталарида бостириб туради.

1927 йилнинг кузида Илёс Муслим Тошкентга келиб, ўзбек эрлар билим юртига ўқишга киради. 1930 йилда у билим юртини муваффақиятли тамомлаб, Қашқадарёга боради. Яккабоғ туманидаги шаман, қирғиз ва Шерози кишлоқларида ўқитувчилик килиб, ёшларни илм-фан нурларидан баҳраманд этади.

1931—1942 йилларда Илёс Муслим Ўзбекистон Давлат нашриётида, бадиий адабиёт, ёшлар ва болалар адабиёти нашриётларида мухаррир, бош мухаррир, директор ўринбосари вазифаларида ишлайди. Шоирнинг дастлабки шеърлари «Ер юзи», «Ўзбек адабиёти ва санъати», «Ёш куч» каби бир қатор журналларда босилиб чиқади. Шоирнинг биринчи шеърлар тўплами 1932 йилда «Ўсув» номи билан китобхонлар ҳукмига ҳавола этилади. Шу илини «Захархандалар» деган иккинчи тўплами, 1934 йилда «Миқти келди» достони босилиб чиқади. 1938 йилда эса «Шеърлар» тўплами майдонга келади.

Илёс Муслим 30-йилларда яратган барча асарларида эрк, озодлик, янги ҳаёт, озод меҳнат, янги давр, ёшларнинг баҳтиёр турмуши, юртнинг ўсиши, дехқон тақдири ва она-Ватанга меҳр каби ўша давр масалалари тўғрисида фикр юритади. Масалан:

Ватан ҳамдам,
Хурмиз ҳар дам.

Ёшлик ғунча
Ўсар ҳар дам.
Мехнат тошди
Файрат жўшиб.
Хаёт қайнар
Зафар кучиб.

Илёс Муслим ўзининг «Миқти келди» (1933) поэмаси билан 30-йиллар ўзбек болалар достончилигини бошлаб берди. Достонда эркин, тинч ва осуда ҳаётни бунёд этиш учун кураш Миқти ва бошқа образлар мисолида очиб берилади.

Илёс Муслим 1942—1947 йилларда ҳарбий хизматда бўлади. Иккинчи жаҳон урушида немис-фашист босқинчиларига қарши кураш олиб боради. Биринчи Белоруссия фронтида ҳарбий муҳбир бўлиб ишлайди. «Ёвни тутдай тўқамиз», «Адолат жангиги», «Маршрут — Берлин!», «Тўпчиларга», «Яшна, Ватан!» ва бошқа ўнлаб шеърлари шу давр ижодининг маҳсулидир.

1947 йилда ҳарбий хизматдан бўшаган Илёс Муслим нашриётга қайтиб, ижодий ишга берилади. Унинг «Турналар», «Бизнинг мактаб», «Сенинг совғанг», «Тилла қўнғиз», «Ишчан асаларилар», «Ойлар айтишуви», «Ойхон варайхон», «Кўрик», «Биринчи совға» каби китоблари хозирги замон ўзбек болалар адабиётининг ривожланишига баракали ҳисса бўлиб қўшилди. Бу тўпламлар ёш китобхонларнинг ақлий, ахлоқий, эстетик тарбиясида етакчи роль ўйнаб келаётир.

Илёс Муслимнинг қайси асарига назар ташламанг, унда давримизнинг болалар адабиёти олдига қўйган вазифалари, кичкунтойлар олдида турган муҳим ишлар тасвир марказига қўйилганини кўриш мумкин. Масалан, «Мактабим» асарини олиб кўрайлил. Унда дунёда мактабдан азиз, мўътабар жой йўқ, гўёки «она каби меҳрибон» бир макон, кишининг саводини чиқарадиган, ўзини-ўзига таниладиган, онги ва ақлига ақл кўшадиган улкан маскан, деган ғоя илгари сурилади. Шунингдек, асарда боланинг мактабдан беҳад миннатдорлиги, ўзининг олдида турган бир катор вазифалар, эл-юрга содик фарзанд бўлиш учун аввало мактабда яхши ва намунали ўқиш кераклиги содда ва равон мисраларда ифодалаб берилган:

Аъло ўқишидир бурчим,
Сарф этаман бор кучим.
Ишлайман халким учун,
Қадрдоним мактабим!

Илёс Муслим қоёшли Ўзбекистонимизнинг гўзаллигини, болаларнинг баҳтиёргилигини куйлар экан, уларнинг порлоқ келажагига назар ташлайди. Бу нуқтаи назардан қарангандо шоирнинг «Дўстлик» шеъри дикқатга сазовордир.

Шоир дўстлик ва тинчлик тушунчасини кичик ёшдаги бола тасаввурида бериб, уларни мактабгача тарбия ёшиданоқ дўстлик руҳида тарбиялашни асосий вазифалардан деб билади. Бу ғояни тинчлик учун кураш туйфуси билан омухта этиб ифодалайди.

Шоир тинчликнинг моҳиятини тушунтиришда кичик ёшдаги болаларнинг савиясига мос усууллар қидириб топган. Яъни болалар тинчликни ширин-шакар қанд, шоколадлар, конфетларнинг мўл-кўллигига деб тасаввур килади, деган хулоса чиқаради. Тинчликни шу йўсинда тушунтириб, уларнинг фикрини тасдиклади:

Жуда мўл бўлар шоколадлар ҳам,
Столга тўлар мармеладлар ҳам.
Кўпаяр яна ширин кулча-нон,
Холва-ю, конфет обакидандон.

Боғларда ўйнаб-кулиб юрган, турли ноз-неъматлардан баҳраманд бўлган болалар ҳам, жаҳон меҳнаткашлари ҳам элнинг, юртнинг тинч ва обод бўлишини, ота-оналарининг ташвиш тортмаслигини ҳоҳлайди. Шунинг учун ҳам шоирнинг кичик қаҳрамонлари оламга жар солиб, тинчлик бўлсин, дейдилар:

Боғларимизда яйраймиз ҳар дам,
Билим оламиз, куйлаймиз бардам.
Дунёда халклар кун кечирса тинч,
Ота-оналар ташвиш тортмас хеч.

Бу мурожаатда лирик қаҳрамоннинг — болаларнинг урушга қарши нафроти, озодлик билан дўстликнинг кудратига зўр ишонч ўз ифодасини топган.

Илёс Муслим «Сенинг совғанг» номли шеърида ўз хунари билан ҳамманинг дикқатини тортган чевар қизнинг

лирик образини яратади. Шоир бу образда ўз хунари билан факат онасинигина эмас, ҳаммани ўзига жалб қилган жажжи қизнинг фазилатини кўрди ва уни гавдалантириди. Чевар қиздаги энг яхши фазилатлардан бири унинг меҳнатга меҳр-дили билан берилишидир. Буни шоир турли истиоралар ёрдамида ифодалайди:

Чакнаб турган қувнок кўзингни
Кўлингдаги ишдан олмайсан,
Ишни ҳар кун олиб ёнингга,
Зехн қўйиб кашта тикасан.

Шоир чевар қиз ўзининг бутун меҳр-муҳаббати билан тиккан каштасини онасига совға қилиши — боланинг ота-онага бўлган чексиз муҳаббатини, у давр ёшлирига хос хислатларга эга эканлигини улуғлайди.

Шоир «чакнаб, қувнаб турган кўзларинг», «дилдан тошиб чиқкан сўзинг», «жажжигина бармокларинг», «сен онангнинг кичик йўлдоши» каби мисраларда каштани қизнинг ёқимли хислатларини очиб, уни ўқувчиларга намуна қилиб кўрсатади.

Илёс Муслим жисмоний меҳнатни мактабгача тарбия ёшидан бошлишни афзал кўради. Ўзининг бу эзгу ниятини у «Ойхон билан райхон» деб номланган жажжигина бир шеърида жуда лўнда қилиб таърифлайди.

Ойхоннинг оддий ва соддалиги, тиришқоқлиги ва уddyaburonligi ҳатто катта ёшдаги болаларни хам қойил қолдиради. У ҳар хил кўчатлар экади. Гап шундаки, ерга кўчат экиш бошқа, уни парвариш қилиш бошқа. Ойхон кўчатларга меҳр билан қарайди. Тагини чопади, сув қуяди. «Жамбил, сада, ош райхон» кўм-кўк бўлиб вояга етади. Айниқса, «Ойхоннинг сочи каби қуюқ ўсади райхонлари». Райхондан истеъмол қилиб кўрганлар меҳнаткаш қизчага раҳмат айтиб, миннатдорчилик билдирадилар:

Боболар насиҳатин
Эслаб севинчга ботди.
Ҳалол меҳнат роҳатин
Ойхон хам шу кун тотди.

Бугунги ўзбек болалар адабиётининг атоқли вакили Илёс Муслимнинг бундай жозибали шеърлари жуда кўп. Унинг фазогирларга бағишлиб яратган «Ракетамиз учди ойга», «Тўрт ботир», «Кичик Андриян», «Ҳайкал» ва бошқа шеърларида довюрак фазогирлар, фазо кемаларини бунёд этган кишилар, фазога парвоз этишга қизиқаётган болалар қаламга олинади.

Шоирнинг «Эшматвойнинг қилиғи», «Ёмон одат», «Бе-фаҳм Эсон», «Холча билан олча», «Машмаша», «Гриппдан ким қочади?» сингари юмористик асарларида ишёқмас, дангаса, лапашанг, ўз устида ишламайдиган болаларнинг камчиликлари, нуқсонлари очиб ташланади.

АДҲАМ РАҲМАТ (1909—1983)

Шоир ва драматург, республика матбуотининг илк заҳматкашларидан бири, жангчи-ёзувчи Адҳам Раҳмат болалар ва ёшлар адабиётининг тараққиёти учун салмоқли хисса кўшган адиблардан биридир.

Адҳам Раҳмат 1909 йилда Кўқон шаҳрида хизматчи оиласида дунёга келди. 1921—1923 йилларда болалар уйида тарбияланади. Тошкентдаги медицина техникуми ни тугатиб (1926—1928), ўқитувчилик қиласи. Адабиётга, бадиий ижодга бўлган меҳр-муҳаббат уни «Яна Фарғона» газетасига, Ўзбекистон Ёзувчилар уюшмасининг Кўқон бўлимида (1930—1935) ишлашга олиб келди. У иккинчи жаҳон урушигача Ўзбекистон давлат нашриётида, газеталарда ишлади ҳамда Ўзбекистон Радиоэшиттириш давлат қўмитасининг болалар адабиёти бўлимида меҳнат қилди.

Шоир иккинчи жаҳон уруши даврида фронт газеталирида, кейин «Ўзбекистон овози» газетасида адабий ходим бўлиб ишлади, сўнгра Ўзбекистон давлат бадиий адабиёт нашриётида мухаррирлик қилди.

Адҳам Раҳматнинг ижоди 1930 йилда «Янги Фарғона» рўзномасида босилган «Оқ олтин» хақида кўшиқ номли шеъри билан бошланди. Шундан сўнг ёзувчининг «Бахтли ёшлиқ», «Дум», «Завқли аллалар», «Шеърлар», «Бизнинг боғчамиз», «Хайвонот боғида», «Шеър ва эртаклар», «Хур ўлка», «Танланган асарлар», «Үлмас қаҳрамон», «Кураш йўллари», «Ғалабага чорлаган мактуб», «Тўртничилар», «Шинелли қизлар», «Изларни излаб» каби қатор китоблари нашр этилди.

Шоир Адҳам Раҳмат хақида гап кетадиган бўлса, у биринчи навбатда мактабгача тарбия ёшидаги болалар куйчиси сифатида эъзозланади. Адҳам Раҳматнинг жажжиларга бағишлаб ёзган кувноқ шеърлари, қанотли кўшиклари, ажойиб-фаройиб эртак-достонлари ҳар бир хонадонга, ҳар бир болалар боғчасига кириб борган. Бунга унинг қушлар, паррандалар ҳамда хайвонлар хақида ярат-

ган асарларини мисол қилиб кўрсатишимииз мумкин. «Келинг, кушлар» асари ўйноки оҳанги ва фикрнинг очикравонлиги билан ажралиб туради. Бола тилидан ҳикоя қилинган бу асарда қушлар ўзга юртларда қишлиб қайтиб келгунларига қадар бизнинг она ўлкамизда қанчадан-қанча ижобий ишлар амалга оширилганлиги — каналлар қазилиб, чўл-биёбонлар ўзлаштирилиб, боғлар бунёд қилинганлиги, айниқса, қушларнинг эркин парвоз қилиб, қувнаб сайраб яшашлари учун бекиёс катта имкониятлар муҳайёэ этилганлиги чиройли ифодага эга:

Келинг, кушлар,
Келинг, кушлар,
Келинглар!
Бизлар курган
Каналларни
Кўринглар!
Сизлар учун
Янги боғлар
Қилдик биз,
Мирзачўлга
Ноёб гуллар
Эқдик биз.
Қанот ёйиб
Зерикмайн
Ўйнангиз.
Хўп ёқимли
Куйларни сиз
Куйлангиз.
Келинг, қушлар!
Келинг, қушлар!
Келинглар!
Шу гулистон
Чаманда сайр
Килинглар!

Ҳаётда ҳамма болалар ҳам парранда ва жониворларга муҳаббат билан муносабатда бўлавермайдилар. Айрим болалар, айниқса қушларнинг қишлоқ хўжалигида турли зааркунанда, курт-кумурсқаларни еб, бобо-дехқонларга катта мадад беришларини билмайдилар. Адҳам Раҳмат

бундай ҳолга бепарво қарамайди, «Қушча ўғриси» шеърини ёзади. Қосим ўжарлик қилиб на ўткинчи чолнинг: «кушнинг боласига озор берма, увол бўлади, худо бу ишинг учун сени жазолайди», дейишига, на она күшнинг шоҳдан-шоҳга учиб чириллаб ялиниб-ёлворишига қарамай полапонларни олаётганида дараҳтдан қулаб, қўли синади. Адҳам Раҳмат ўжар Қосимга ортиқча панд-насиҳат қилмайди. Аксинча, кимки ўжар, ўзбошимча бўлса, ўзидан катталарнинг гапларига кулоқ солмайдиган бўлса, ундай болаларни ҳаётнинг ўзи жазолайди, деган чиройли хулосани тўрт мисра шеърида бериб қўя қолади:

Күшнинг азобин
Тортди бир ойлаб,
Синдириб қўлин
Ётдивой-войлаб.

Адҳам Раҳматнинг «Қалдирғоч, илон ва бешиктерватар» асари жуда завқли. Ёш китобхон асарни ўқий бошлиши билан сеҳрланиб, охири нима билан якунланишини сабрсизлик билан кутади. Асар фояси жуда оддий ва ҳаётний. Күшларнинг боласини илон яхши кўради, дейди боболар. Буни Адҳам Раҳмат масалда жуда чиройли, ҳаяжонли қилиб берган. Она қалдирғоч овқатга кетган. Вактдан фойдаланиб, илон ҳарига ёпишиб полапонларнинг олдига чиқади: оҳ, «онаси келмаса иш бўлади кўп ёмон!»

Она қалдирғоч воқеадан хабар топиб, дўсти бешиктерватарни зудлик билан топиб келади. Бешиктерватар илоннинг додини беради:

Болаларни ейман деб
Ростлаганда ўзини
Бирдан бешиктерватар
Ўйиб олди кўзини.
Илон кўздан айрилиб
Тушди ерга юмалаб.
Бир тешикка кирди у
Ўзин зўрға амаллаб
Шундай килиб қушчалар
Кутилишди ўлимдан.

Масалда бирорга чоҳ қазисанг, унга ўзинг йиқиласан, деган фикр илгари сурилади.

Жаҳон болалар адабиётининг кўзга кўринган вакиларидан бири Сергей Михалков Адҳам Раҳматнинг «Дум» асари ҳақида сўз юритиб: «Бу думнинг узилиб тушмай, болаларни кулдириш учун ҳалигача қимиirlаб тургани яхши, албатта», деб эртак-достоннинг тарбиявий ахамиятига юксак баҳо берган эди. Ҳақиқатан ҳам Адҳам Раҳматнинг (сюжети Виталий Бианкидан олинган) бу эртак-достони китобхонлар орасида катта шухрат топди ва уларнинг севимли асарларидан бирига айланиб колди.

Бу асар болаларнинг тушунчасини кенгайтириша ва сўз бойликларини оширишда катта роль ўйнайди, уларни ақлли, фаҳм-фаросатли бўлишга даъват этади, хаддан зиёд ўй-хаёлга берилмасликка чакиради.

Фаҳм-фаросатсиз пашша хайвон, жонивор ва ҳашаротлардаги ўзларига ярашик думларни кўриб, ўзида ҳам ана шундай чиройли дум бўлишини орзу қилиб қолади. У ўзининг бу орзу-ниятини амалга ошириш мақсадида турли нарсалардан дум сўрайди, фаросатсизлиги туфайли ўзини ўзи шарманда қилади. Мана кийикнинг пашшага жавоби:

— Ўзинг қандай маҳлуксан,
Думни бериб бўлмайди.
Агар думим бўлмаса
Болаларим кўрмайди.
Кувиб колса бўрилар
Бекинаман ўрмонга,
Болаларим югурап
Мен бекинган томонга.
Мен бекинган жойимдан
Чиқармайман унимни,
Кўрсатаман уларга
Факат оппок думимни.
Думни кўрган болалар
Мени топиб олади.
Душманларим тополмай
Оғзин очиб қолади.

Сурбет пашша барчадан дакки эшлишига қарамай, дум сўрашда давом этади. Охири сигирга мурожаат қиласди.

Сигир оқ кўнгиллилик билан унинг илтижосини рад этади.
Лекин сурбет пашша ундан узр сўраб, нари кетиш ўрнига
сигирнинг устига кўниб, уни чақа бошлайди. Шоир ҳам:

Жаҳли чиқди сигирнинг
Индамайин тик турди.
Пашша яна чаққанда
Думи билан бир урди.
Дум зарбидан пашшанинг
Нафаслари тикилди.
Тил тортмасдан шум пашша
Шунда ерга йикилди.—

дэя асарга яқун ясайди.

Шоир қурт, балик, қизилиштон, тулки, сигир образлари орқали болаларга хайвонлар, турли жониворларнинг тузилишларини, уларнинг ҳаётларини хикоя қилиб бериш воситасида пашшанинг ифлос, зааркунанда эканлигини очиб ташлайди.

Адҳам Раҳматнинг «Ботир бола» эртак-достонини кичик болалар севиб тинглайдилар. Халқ эртаги асосида ёзилган бу эртак-достонда камбағал-қашшок овчи йигит ҳақида гап боради. Овчи кунлардан бир куни турна-подшони тутиб олади. Турна йигитдан мени қўйиб юбор деб илтижо қиласди. Овчи ишонувчан. Бу камбағал йигит ҳаётда ҳаммага ишонади, хатто турнага ҳам. Йигит қўлидан озод бўлган турна:

— Раҳм қилдинг менга сен
Яхши бола экансан.
Кўп тортиклар берурман
Агар борсанг сенга мен, —

деб унга ваъда беради.

Камбағал бола яхши ният, катта умидлар билан турна-подшоникига боради. Турна ваъдасида туриб, бола талаб қилган «Очил дастурхон»ни беради. Бу дастурхон оддий эмас, сеҳрли экан:

Севингандан болажон
Дебди: — Очил, дастурхон,
Кенг очилиб кетибди,
Бирдан шунда дастурхон.

Турли-туман овкатлар
Дастурхонга тўлибди,
Она-бала ейишиб,
Тўйиб хурсанд бўлибди.

Камбағални түяning устида ит қолибди, деганлари-дек, дастурхоннинг таърифини шу ернинг подшоси эши-тиб қолиб, уни боладан тортиб олади.

Оддий овчи бола энди подшодан қандай бўлмасин қасд олиш, ўзи каби эзилган, бева-бечоралар учун жангга ки-риш ўй-хаёли билан ёнади. Бу йўлда унга дўсти турна-подшо ёрдам қўлини чўзиши — қовокни бериши ва бола-нинг довюраклик билан жангда ғолиб чиқиши тинглов-чида яхши таассурот қолдиради:

Подшо караб турамиши.
Бола қўйиб қовоғин
Дебди — Кани, чиқинглар!
Чуқурларга тиқинглар!
Шунда қовок ичидан
Бехад аскар чиқиби.
Улар золим подшонинг
Аскарларин йиқиби.
Бола енгиб подшони
Хурсанд бўлиб кетиби.
Эл-юрти болани
Кучиб, табрик этиби.

Бугина эмас, Адҳам Раҳмат «Бизнинг боғчамиз», «Пил-ла қурти боқамиз», «Оиласиз», «Ёз ойлари» каби асарла-рида ҳам кичик болаларни катталарнинг меҳнатлари би-лан танишитиради, болалар ҳам меҳнат жараёнида ота-оналарига бевосита кўмак берадилар.

Адҳам Раҳмат «Абдулла Набиев», «Дўстлик» пьесалари билан ҳам катта-кичик болалар ўртасида яхши танилган.

Адҳам Раҳмат урушдан сўнг ҳарбий ватанпарварлик руҳи билан сугорилган бир неча китоблар ёзди.

Адҳам Раҳмат ўз асарлари билан Зафар Диёр, Мажид Файзий, Доржия Оппокова, Илёс Муслим, Шукур Саъ-дулла, Султон Жўра, Куддус Мухаммадий, Ҳаким Назир каби ёзувчилар қаторидан муносиб ўрин олган сўз санъ-аткоридир.

СУЛТОН ЖҮРА (1910—1943)

Султон Жўра 1910 йилнинг 15 январида Бухоро вилоятининг Шофиркон туманидаги Қағалтом қишлоғида камбағал дехқон оиласида туғилди. Етти ёшида ота-онасидан етим қолган Султон ҳар кимларнинг эшигига хизмат қилди. У дастлаб бошланғич мактабда ўқиб, 1924 йилда Бухорога келди ва бу ерда эрлар педагогика билим юртига ўқишга кирди, уни 1930 йилда битирди.

Султон Жўра 1931—1938 йилларда Бухоро педагогика институтининг ишчи факультетида ўқыйди. 1938—1941 йилларда Андижондаги ўқитувчилар институти ва педагогика билим юртида тил ва адабиётдан дарс берди.

1942 йилда Султон Жўра ҳарбий хизматга чақирилади. У душманга қарши ҳам қурол, ҳам қалам билан жанг олиб борди. 1943 йилнинг 14 нояброда Белоруссия тупроғида немис-фашист босқинчиларига қарши жангларнинг бирида жангчи-шоир қаҳрамонларча ҳалок бўлди.

Султон Жўранинг дастлабки шеърлари 1933 йилда Бухоро ёш шоирларининг «Шеърлар» тўпламида нашр этилди. Унинг 1939 йилда «Фидокор», 1941 йилда «Москва» шеърий тўпламлари, 1942 йилда «Ирода» номли пъесаси нашр этилди. Шоир вафотидан сўнг 1951 йилда рус ва ўзбек тилларида «Танланган асарлар», тинч қурилиш иyllари даврида истеъододли шоирнинг «Ҳаво ранг гилам», «Зангори гилам», «Бруно», «Парвоз», «Қалдирғоч», «Танланган асарлар» китоблари босилиб чиқди.

Иккинчи жаҳон уруши даврида яратган асарларида фашист газандаларининг бутун ёвузиликлари очиб ташланади, уларда ёвга қарши лаънат ва нафрат туйғулари давр кишиларининг юксак ватанпарварлик рухи билан ҳамоҳанг янгради. «Тўпчи Муҳаммад», «Пулемётчи овози», «Чавандоз», «Уч оғайни ботирлар», «Найзамиз» (1941), «Қаҳрамон Қўчкор» (1942), «Жаҳон сени олқишилар», «Берлин аптекасида» (1943) шеърлари шулар жумласидандир.

Султон Жўра катталар учун жўшқин лирик шеърлар, йирик достонлар яратиш билан бирга, болаларга атаб ҳам ажойиб асарлар ёзди.

Шоир-педагог Султон Жўра болалар учун ёзган асарларида баҳтли болалик, Ватанга муҳаббат ва душманга нафрат, меҳнат аҳлларига эътиқод туйгуларини ифодалади. Айни чоқда, у яхши ва аъло баҳоларда ўқиш учун кураш, ростгўй ва интизомли бўлиш, маданий ва покиза кийиниш, саводхон ва чиройли ёзув малакасини эгаллаш каби таълим-тарбиявий масалаларни ҳам бадий воситаларда талқин этди. Бундай ғоялар шоирнинг «Ёзги ёмғирдан сўнг» (1936), «Қизлар», «Аъло» ва «Яхши» нинг мақтовори, «Зангори гилам» (1939), «Лола», «Ой нечта?», «Тиниш белгиларининг мажлиси», «Чўнтак», «Циркда» (1940), «Қарздор», «Қалдиргоч», «Ёлғончи», «Денгиз тагида» (1941), «Софиниб» (1942), «Софинчли салом», «Салом хат» (1943) каби асарларида ўз ифодасини топди.

У ўз асарларида болалар ва мактаб хаётини, уларнинг ўқиши, кўча ва оиласда ўзини тутишини ҳаққоний акс эттириди. Шоир ёш китобхоннинг дикқатини ўзига тортувчи асарлар ижодкори сифатида танилди.

Болалар илмий-оммавий мавзуларда ёзилган санъат асарларини ҳам севиб ўқийдилар. Султон Жўра бундай мавзуда ҳам анча асарлар ёзди. Шундай асарлардан бири «Ой нечта?»дир. Бунда шоир кичкинтойларнинг орзуумидларини характерли парча — она ва болаларнинг диалоги орқали ифода этади:

Она деди:
— Ётинглар энди.
Фақат битта осмоннинг ойи!
Катта бўлгач, айланайларим.
Ойнинг ўзин миниб кўрарсиз.
— Ўшандачи, ойижон, бизга
Катта тоти¹ олиб берарсиз.

«Маматнинг кечирмиши» шеърида шоир Маматнинг ички-рухий кечинмалари, ишёқмаслиги, ялқовлиги,

1. Тоти — от.

тўнглиги орқасида дарслардан қолоқ бўлиб, изтироб че-
кишини ишонарли акс эттирган. Мана, ҳамма ухлаган,
аммо танҳо Мамат уйғоқ. Шоир унинг ана шу дақиқа-
лардаги қалб изтиробини, рухан қийналаётганлигини,
нотинч руҳий холатини содда, равон тасвирлайди.

Шоир колоклик сабабларини бирордан эмас, балки
қаҳрамонининг ўзидан қидиртиради ва буни Маматнинг
ўзини гапиртириш орқали очади.

Дарсан колоқлиги орқасида рухан азоб чекиб, қий-
налиб юрган Мамат ўжарлиги, ўзбошимчалигини тан-
олиб, дўстлари ёрдамида оёққа туриб, эндиликда астой-
дил ўкишга аҳд қиласди:

— Бўлди... Мен бас килдим ялқовликни
Дўстларимдай олай билимни.
Аччик тажрибамнинг ўзи сабок,
Ол дарсхонам ишқ дилимни!
Бор кучимни берайки, бу «ёмон»
Ёндошмасин менга эртадан.
Номим Мамат бўлмай кетсин агар
Ваъда килган бўлсам жўрттага!

Султон Жўра қиссадан ҳисса чиқариб, аъло ўқиш кат-
та аҳамиятга эга эканлигини болалар қуорига қуяди:

Аъло ўқиш ўзи юксак шуҳрат,
Хар шуҳратинг тилларда достон.

Шеърда барча тасвирий воситалар ғоявий, бадиий ни-
ятни ёрқин амалга оширишга қаратилган. Шоир табиат
лавҳалари, гўзал ҳаётий тасвирлар воситасида қаҳрамон-
нинг ички холатини очади ва таъсирчанликка эришади:

Барча ухлар...
Кумуш ариқчанинг
Эшитилар шилдир-шилдири,
Япроклар ҳам «алла» деб тебратар
Сиртларига кўнган ой нурин.

«Маматнинг кечирмиши»да ялқовликни ташлаб, аъло
ўқишга маҳкам бел боғлаган боланинг ижобий намунаси-
да ўз кучига ишониш, нуқсонларга танқидий қарай би-

лиш ғоят катта куч деган таълим-тарбиявий, педагогик ўгит илгари сурилади.

Таълим-тарбия соҳасида ёзма нутқ санъатини эгаллаш энг мухим масалалардан бири хисобланади. Баъзи ўқувчилар грамматик машқлар билан жиддий шуғулланмаслиги, бадиий адабиётни кам ўқиши натижасида ёзма ишлардан оқсайдилар. Чиройли ёзув қоидаларини бузиб хунук хат ёзишдан ташқари, турли хатоларга йўл қўядилар. Педагог-шоир Султон Жўра таълим-тарбия ишидаги бундай нуқсонларни тугатишда ўқувчиларга ёрдам бериш мақсадида «Кимнинг хати чиройли», «Тиниш белгиларининг мажлиси», «Ҳарфлар паради» шеърларини ёзди.

«Кимнинг хати чиройли»да боланинг соғлом, бақувват бўлиб камол топишида, ёзувининг гўзал бўлишида партада тўғри ўтириш қоидасига қатъий риоя қилиш катта аҳамиятга эга эканлигини ҳам уқтириб ўтади:

Ўтиришим тўғри, соз,
Қоидага жуда мос.
Кўкрагимни мен сира
Ўлтирганим йўқ тираб!
Чиройли ёз, ёзсанг хат!
Чунки бу ҳам зўр санъат...

Шоир ижодий фаолиятида «Тиниш белгиларининг мажлиси» катта аҳамиятга эга. Шеърда ўзбек тилининг энг мухим қоидалари — тиниш белгиларининг вазифалари болаларга мос равишда жонлантириш каби бадиий тасвир воситаси орқали ифода этилади. Унда ҳар бир тиниш белгиси жонлантирилиб, кўлланишига мос тарзда гапиририлади ва ўзига хос жойига кўйилади. Бу ҳол китобхонда аник тасаввур ҳосил қиласи. Бу эса шоирнинг педагогик ва бадиий маҳоратини эгизак холда намойиш қиласи.

Шоир шеърда ўхшатишдан ҳам усталик билан фойдаланиб, ундов белгисини мирзатеракка, нуқтани коптоқка; сўрок белгисини ўроққа, зирак таққан қулоққа, вергулни кичик тўқмоққа, кўштириноқни қизиқчиларга, тирени гугуртга ўхшатиб, шоирона тасвирлайди. Гапда эса нуқта «фикрларнинг станциясига», вергул «фикрларнинг разъезді»га ўхшатилади. Бундай ўхшатишлар тиниш белгилари қоидасини осон ўзлаштиришга ёрдам беради.

Сўроқ белгиси:

Уқлингизми? Етадими? Борми савол?

Ёки ўзим сўрайинми сиздан савол?

Вергул:

Гар ундалма гапда келса кок ўртада,
Унинг икки ёнбошида мен жўрттага,
«Қани энди ундалмажон, қочиб бокчи» —
Деб бўлурман юбормайин унга сокчи,
Гар ундалма гап сўнгига келса, у чок,
Ундан олдин қўйиларман, тушун ўрток!

Кўштирноклар:

Мана раис: — «Вакт тамом, тўхтангиз!»

Деб колдику, майли, энди йўқ гапимиз.

Тире:

Бироқ шартим — сўз колмасин ўлда-жўлда.

Кўриниб турибдики, шоир тиниш белгиларининг хусусиятларини тасвирлабгина қолмай, унга мувофиқ мисолларни ҳам шеърий йўл билан кўрсатган. Шунинг учун бу шеърни кўргазмали шеър дейиш ва дарсларда ижодий фойдаланиш мумкин.

«Ёлғончи» достонида болаларни ростгўй бўлишга, яхши ва аъло ўқишга чақиради. Достон қаҳрамони Нўймон мактабда таълим-тарбия қоидасини бузувчи, ўқитувчи ва ота-онасига нисбатан хурматсизлик қилувчи бола сифатида гавдаланади. Шоир Нўймон қоникарсиз ўқишига қарамай, ўзини тузатиш ўрнига ўқитувчига зарда қилиши, ёлрон гапириши, ўжарлиги, дарс тайёрламаслигини ва ишёқмаслигини турли ҳаётий парчаларда жуда ишонарли очади. Чунончи, Нўймон ўқитувчи ёзиб берган хатни йиртиб ташлаб, «2» баҳоларини яшириб, ўзини аълочи қилиб кўрсатиб, беодблигини фош этади.

Нўймон ўқитувчи ва ота-онаси таъсирида бутун камчиликларини англаб етади, яхши ўқишга ваъда беради ва ваъдасининг устидан чиқади. Достон ўз камчиликларини англаб, ўқишига астойдил берилган Нўймоннинг ижобий хатти-харакатини улуғлаш билан тамомланади.

Ўзбек болалар шеъриятида «Қалдирғоч» эртаги катта ўринда туради. Унда мамлакатимизнинг тинчликсевар юрт экани қалдирғоч саргузашти орқали ҳикоя қилинади. Қалдирғоч Африкага учиб боради, аммо у ерда тинч жой

топа олмайди. Мисрда эса етим-есирлар ва оч-яланғочларни кўради. Сўнг «Дод урушнинг дастидан!» — деб бошқа томонга парвоз қилади.

Шоир чет мамлакатлардаги урушларни, унинг даҳшатли оқибатларини қалдирғоч образи орқали очади. «Қалдирғоч» чет эллардаги аянчли ҳётни жуда жонли, образли тилда болаларга хикоя қилади. Она-диёримиз тинчлик макони эканини эса шоир қалдирғоч воситасида, айниқса, таъсирили ифодалайди:

Кирк кундуз-у, кирк кеча
Булутни кеча-кеча,
Қалдирғочим пар қанот
Энди бахтиёр қанот.
Бизга келиб етиби
Ва сайраб шундай депти:
— Эх.. Хур Ватан! Жон Ватан!..
Қишида хам жонажонсан,
Илитувчи нуринг бор,
Бизга иссик ўрнинг бор!

Бу эртак болаларнинг урушга қарши нафратини оширишда, Ватанимизнинг тинчлик таянчи эканини янада чукуррок тушунишда, уни севишда катта тарбиявий аҳамиятга эгадир.

Султон Жўранинг «Ҳаворанг гилам» эртагидаги ижобий қаҳрамон Раҳимдир. У ўтмишда оғир кулфатларни бошидан кечиради.

Раҳим зиндондан қочиб, уйига келса, на хотини, на кизи бор. Унинг хароба уйини шоир:

Уй ўрнида бир девор!

Атрофи ўт — тиканзор, —

деб тасвирлайди. Фазабда ёнган Раҳим бойларга қарши курашга бел боғлади. Эртакда шоир асар қаҳрамони Раҳимнинг ҳаёти ҳақида хикоя қилар экан, унинг характеридаги энг муҳим белгини — халқ билан чамбарчаслигини кўрсатади.

Достонда ёвузларга қарши бир тан, бир жон бўлиб курашган халқ озодликка чиқади, зулмкорларни таг-туби билан йўқ қилиб бахтли ҳаётга эришади. Шоир «мозордай жимжит», «Қушлар учса қаноти, инсон юрса оёғи»

куядиган бепоён дашт-чўлларда энди янги ҳаёт қайнаёт-ганини тасвирлаб, буларнинг ҳаммаси раҳимларнинг ижодий меҳнати туфайли юз берганлигини болаларга ҳикоя қилади:

Чўл ўрнида боғ-бўстон,
Ранг-баранг бир гулистон...
Кўнгирокдай шалола,
Ой каби нурли дала...
Дарёни килиб камал,
Ўтказишган зўр канал...
Хуллас, гўё бу — сара
Ва ажойиб манзара
Ўхшарди боккан сари
Гиламчаки — зангори!..
Кўрди: кўм-кўк кенг дала,
Унда ишлар бир гала
Сон-саноксиз эр-хотин,
Экардилар зар-олтин...

Ҳалқ оммасининг меҳнати туфайли ажойиб шаҳарлар, чўл ўрнида бўстонлар яратилишини тасвирлаш орқали шоир катталар меҳнатига болаларнинг ҳавасини оширади.

Султон Жўра бу эртакнинг мактаб ёшидаги болалар савиясига мос, тушунарли бўлиши учун анча куч сарфлаган, бунда у тоҷик ҳалқ оғзаки поэтик ижодидан самарали фойдаланган.

Султон Жўра «Софинчли салом» шеърида Ватанга муҳаббат, душманга нафрят хисларини ва ғалабанинг муқаррарлигини тасвирлайди. Шоир немис босқинчиларининг ёвузликлари ва ваҳшийликларини, инсоният бошига солганинг азоб-уқубатларини, жабр-зулмини «гули ғунчалари», «олтин юлдузчалари», «гиргиттон қизчалари»га софинчли салом ёзар экан, уларга фашистлар вайрон қилган жойлардаги ҳалқнинг оғир аҳволи, ёш болаларнинг аянчли тақдирни ҳақида ҳикоя килиб беради. Шоир уруш ва унинг даҳшатларини, ҳалқнинг азоб-уқубатларини ўз кўзи билан кўриб, бошидан кечирган бир кампир тилидан сўзлаб воқеанинг таъсирчанлигини, болалар онгига тез, осон етиб боришини таъминлайди. Кампирнинг қалби дардга тўла. Фам, алам, қасд унинг бутун вужудини эгаллаб олган. Унинг

сўзларидан фашистлар томонидан отиб ўлдирилган қизи ва неварасининг фожиасигина эмас, умуман душманнинг ёвузлиги, раҳм-шафқатсизлиги рўй-рост очиб берилган:

Кўзим очсан не кўрай:
— Вой! «Кўркинчли манзара»
Кўкрагидан кон оқиб,
Ерда ётар Варвара...
Фашист жаллод найзасин
Санчиби кўкрагидан,
Боланинг ҳали ёши
Кетмаган кипригидан,
Бир томонда онаси,
Бир томонда боласи,
Кон ичида ётибди.
Э — воҳ, ҳар иккаласи!..

Уруш даҳшатларининг кичик бир парчасини юкори-дагидай тасвираш билан шоир болаларнинг мурғак ди-лида уруш оловини ёкувчиларга нисбатан кучли нафрат туйғуларини қўзғатади. Улар қалбида тинчлик, дўстлик, баҳтиёрик ҳақидаги улуғ мақсад, буюк орзу хисларини ўйғотади.

Обод қишлоқларни вайрон қилган, бегуноҳ қишиларнинг умрини ҳазон қилган фашистлардан қасос олишга бел боғлаган ғазабкор отанинг ҳайқириғи тубандаги мис-раларда зўр маҳорат билан тасвиранланган:

Ана шу Варварадай
Қанча ёш болаларни,
Болалик бўстонида
Очилган лолаларни
Ҳалок этган песлардан —
Шу жаллод фашистлардан
Жон учун жон оламан,
Кон учун кон оламан.
Хуллас, фашист ёвларни
Тор-мор этиб батамом
Сўнгра, жигарбандларим,
Ёнингизга қайтаман!...

Шоир ҳис-ҳаяжонни оширишда халқ оғзаки ижодидан ўринли фойдаланган:

Ҳай, жанубга учган қуш,
Кел, ёнимга бир пас туш!
Қизларимга хат берай,
Андижонга қараб уч!

Шоирнинг «Софинчли салом» шеъри болаларни Ватанга, уни жон-дилидан севувчи ва меҳрибон отага мухаббат, душманга лаънат-нафрат руҳида тарбиялашда катта тарбиявий аҳамиятга эгадир.

Педагог-мураббий ва жангчи-шоир Султон Жўра ўзбек болалар адабиётининг хазинасига ўзининг ана шундай қимматбаҳо асарлари билан муносиб ҳисса қўшган.

ШУКУР САЪДУЛЛА (1912—1972)

Шукур Саъдулла кичкинтойларга катта эстетик шавқ-завқ бағишлийдиган забардаст шеърлари, ёш китобхонни яхшилика ўргатувчи эртак-достонлари, аъло ўқишга, давримизга муносиб кишилар бўлиб камол топишга даъват этувчи бадиий пишик хикоялари, ўтмиш ҳамда давримиз болалари ҳаётидан олиб ёзилган пъесалари, ёш қалбларни ларзага соловучи қиссалари билан ҳамма ёшдаги болаларнинг қадрдон ва суюкли ёзувчиси бўлиб қолди.

Шукур Саъдулла 1912 йилнинг январида Жиззах шахрида хизматчи оиласида дунёга келди, бошланғич маълумотни она шаҳридаги Наримонов номли мактабда олди. 1924 йилда Самарқанд педагогика билим юртида таҳсил кўрди, сўнгра Алишер Навоий номидаги Ўзбекистон давлат университетида ўқиди. Ш. Саъдулла 1931 йилдан то умрининг охиригача турли нашриётларда муҳаррир, бўлим бошлиғи, бош муҳаррир ўринбосари, бош муҳаррир вазифаларида меҳнат қилиб, болалар учун адабий-бадиий китоблар нашр этишга ўзининг баракали хиссасини қўшди.

Ш. Саъдулланинг биринчи шеърлар тўплами 1932 йилда «Ҳайқириқ» номи билан босилиб чиқди.

«Ҳайқириқ»нинг майдонга келиши шоир ижодида жуда катта воқеа бўлди. Адабий жамоатчиликнинг бу китоб хақидаги фикр ва мулоҳазалари янада чидам, қунт билан ижод қилишга, ўз устида кўпроқ ишлашга, изланишга, энг муҳими ҳаётни ўрганишга ва шу асосда ижод этишга чорлади. Ш. Саъдулла бутун умри давомида бунга амал килди. Кирк йилдан ортиқроқ ҳаётини ижодга бағишлийган санъаткорнинг «Уч айик», «Айёр чумчук» (1935—1936), «Ёрилтош» (1939), «Икки сандиқ» (1942), «Сен нима қилдинг?» (1942), «Шоҳиста» (1944), «Ширин кун» (1946), «Шеърлар» (1955), «Шеър ва эртаклар» (1957), «Пъесалар» (1959), «Дастёр қиз» (1960), «Сенинг альбоминг» (1962), «Озода» (1969), «Командирнинг бошидан кечирганлари» (1962), «Качал полвон» (1963, 1966, 1967, 1986), «Ислом кўйилмаган хат», «Сенинг байраминг», «Менинг азиз болаларим» ва бошқа китоблари босилиб чиқди.

Драматург Шукур Саъдулланинг «Ёрилтош», «Гулхан», «Бизнинг боғчамиз», «Далада байрам», «Ватан ишқи» (драматург З. Фатхуллин билан ҳамкорликда ёзилган), «Икки билакузук», «Зубайдা», «Афсона яратган қиз» пьесалари-ни томошибинлар яхши билишади.

Кувноқ ва жўшқин асарлар куйчиси бўлган Шукур Саъдулла ўзининг жуда кўп шеър, қўшиқ, эртак-достон, пьесаларини кичик мактаб ёшидаги болаларга бағишилаган.

Шукур Саъдулла табиат куйчиси сифатида эъзозланади. Шоир сўлим баҳорни кўпгина шеърларида қаламга олиб, айникса, кичик мактаб ёшидаги болаларни хаёт билан таниширади, уларда оламни тушуниш қобилиятларини ўстиради.

Одатда, бойчечак жуда эрта очилади. У кор эриб-эри масданоқ кўзга ташланади. Буни кўрган одамлар «Ҳа, баҳор яқинлашиб қолибди», дейдилар. Шоир «Бойчечак» асарида худди шу фикрни лўнда қилиб чизиб беради:

Очилидими бойчечак.
Энди ҳар ён гул демак,
Чунки баҳор элчиси —
Шу митти гул — бойчечак.

Албатта, бойчечак пайдо бўлганидан кейин баҳор бошланади, ёмғир устига ёмғир ёғади. Ёмғир табиат ҳуснига ҳусн кўшади, одамлар рухини кўтаради. Шукур Саъдулла «Ёмғир ёғалок» шеърида баҳор ёмғирига муҳаббат билан муносабатда бўлади. Бу ёмғир она-табиатни гулга буркаши билан бирга экин-тиқинлар учун ҳам кони фойда эканлигини ёш китобхон қалбига етиб борадиган даражада кувноқ ва шўх мисраларда яратади:

Ёмғир ёғалок.
Ям-яшил ўтлок,
Энди экинлар
Чиқарар қулок...
Ёмғир тинганда.
Чиқар камалак.
Ёмғирдан фойда
Майсага, донга
Юрт сероб бўлар.
Оқ буғдој, донга.

Шукур Саъдулла «Тўрт фасл» шеърида йил фасллари-нинг ўзига хос хусусиятларини характерли деталлар ёрдамида ёритади. Уларнинг жозибаси, табиатга алоҳида кўрк бағишлиши, инсонлар қалбига таъсири хусусида болаларбоп хулосалар чиқаради.

Шеърда баҳор фасли шундай тасвирланади:

Милт этиб чиқди күёш,
Деди: — Дўстлар, киш одош.
Кўрсак йўқ қора булат,
Ер юзи кўк гилам — ўт.

Шукур Саъдулла баҳорни яратувчи, инсонларга эстетик завқ ва меҳнат инъом этган фасл деб таърифлагач, кўркам ёз фасли билан болаларни таниширишга ўтади. Ёз келиши билан курсанд бўлган болаларнинг севинчими шоир шундай ифода этади:

Келди кўклам каби соз,
Бизлар севган иссик ёз.

Шоир Ватанимизнинг бойлигига бойлик қўшган, меҳнаткашлар дастурхонини безовчи ноз-неъматларни вужудга келтирган, «тўқсон хил меваларни пишириб», «янги дунёлар очган» кишиларни зўр муҳаббат билан, ажойиб мисраларда улуғлайди:

Экин ўсли ерларда,
Буғдой пишди кирларда...
Полиз тўла бодринг,
Боғбон, тез узиб беринг!
— Сабр қилинг сиз андек,
Сўйиб берай ҳандалак.

Шукур Саъдулла ёз фаслини улуғлаш билан кузнинг ҳам ўзига хос фазилатларга тўлалигини табиатнинг олтин даври деб таърифлайди, куз фаслининг ўзига хослигини образли тасвирлар орқали очади:

Күёш тушар таптидан,
Қўрқиб қишининг афтидан.
Сарғаяди кўкатлар,
Барг тўқади дараҳтлар.
Хосил йигиб олинар.
Қишига замин солинар.

Шоир қиши фаслиниң ҳам ўзига хос чиройли гашти борлигини, кишиларда завқ-шавқ ўйғотишини лирик бўёкларда кўрсатади:

Дала-тишда тинди иш,
Келди меҳмон бўлиб қиши.
Қиши эмас, у — корбобо,
Совғалари бор бобо...
Худди ёздай, баҳордай —
Илик, кузги наҳордай.
Қор ёғар, кечакундуз,
Сув совқотиб кийган муз.

Шукур Саъдулла иккинчи жаҳон уруши даврида яна-да баракали ижод этди. «Сен нима қилдинг?», «Она ва бола», «Шоҳиста» тўпламларини нашр эттириди. Бу давр шоир шеъриятида болалар кутган воқеалар ўз аксини топ-ғанлигини кўрамиз. Мавзу ранг-баранглиги шоирнинг фикрлаш доираси кенглигидан, болаларни жон-дилидан се-вишидан, она-Ватанга чексиз меҳр-муҳаббатидан далолат бериб турибди. Буни «Сен нима қилдинг?», «Бизнинг қаҳра-мон», «Отлиқлар», «Меҳмон қиз», «Унинг хикояси», «Ети-ма эмассан», «Разведкачи Коля Куликов», «Шоҳиста» каби асарлари мисолида очиқ-оидин кўришимиз мумкин.

Бу шеърлар ичida «Шоҳиста» асари алоҳида ажралиб туради:

Кўк чироги ой сўнди,
Баргларга шабнам қўнди.
Тонг оқарап оҳиста,
Тураб сакраб Шоҳиста, —

мисраларида шоир Шоҳиста исмли жажжи қизчанинг меҳнатга муҳаббати, гайрати, боғидаги узумларни қан-чалик меҳр қўйиб парваришлаши билан бирга, унинг фронтда одамхўр ёвларга қарши кураш олиб бораётган отасига бўлган меҳр-муҳаббатини бадиий бўёклар билан ифодалаб беради. Шоҳиста асалдек товланиб пишган узу-мидан дадасига совға хозирлайди:

Сўнгра почтага борди,
Дадасига юбօрди.
Дадаси ботир жангчи.
Шоҳистанинг қувончи.

Шукур Саъдулла «Эгизак», «Сен менга дўст, мен сенга дўст», «Улуг шахар» (туркум), «Ховлимизнинг болалари» каби қатор шеърларида дўстлик ғояларини илгари суради.

Шоирнинг жуда кўп шеърлари мактаб дарслекларида, кўлланмаларида узок йиллардан бери нашр этилиб келинаётир. «Ўйин», «Лола ва мушук», «Баҳор келди», «Ватаним», «Дастёр қиз», «Озод диёр», «Тўрт фасл», «Куштили» шулар жумласидандир.

Шоир ижодида юмористик шеърлар хам бир талай: «Шалаббо», «Анков», «Инжиқ», «Ивирсиқ», «Бизнинг оий» каби асарларида шоир дангаса, ўзи устида кўп ишламайдиган, ўкиш, изланишни ёқтиримайдиган, инжиқ, ивирсиқ болалар устидан қаттиқ кулади.

«Ивирсиқ»да шоир ўйинқароқ, кун бўйи копток ўйнаб, уйга берилган вазифани бажариш, ўз вақтида уйқудан туриш ўрнига котиб ухлаб дарсдан кеч қолган Сиддик исмли боланинг мактаб ўкувчиларига хос бўлмаган қиликларини фош килади:

Дафтари очик-сочик,	Яна жаранглаб соат,
Колган вазифа чала.	Тўккизга занг уради.
Соат юрар: чик-чик-чик.	«Ивирсиқжон» бетокат —
Ечилмаган масала	Энди шошиб туради.

Шукур Саъдулла ҳалқ оғзаки ижодини севган ва ундан ижодий фойдаланган шоирлардан бири эди. У «Нўхатполвон», «Лақма ит», «Айёр чумчук», «Чол билан бўри» каби ўнлаб асарларини эртаклар асосида яратди. Ҳалқ эртакларини жўнгина шеърга солиб қўя қолмади. Балки унга ижодий ёндашди. Давримизга, болаларнинг истакармонларига мослаштириди.

Шукур Саъдулланинг «Командирнинг бошидан кечирганлари», «Качал полвон», «Азиз қишлоғим», «Ислом кўйилмаган хат» қиссалари ўзбек болалар насрининг яхши на муналаридан хисобланади.

Шукур Саъдулла 1972 йилда ижодий баркамолликка эришган бир пайтда тўсатдан вафот этди. Лекин у ўзининг ғоявий-бадиий юксак, болаларбоп асарлари билан бир умр китобхонлар қалбида яшайди.

ҲАКИМ НАЗИР (1915 йилда туғилган)

Ҳаким Назир ўзбек болалар насрининг отахон ижодкорларидан, кичкитойларнинг севимли адиларидан биридир. У болалар учун ўндан зиёд кисса, роман, пьеса, сон-саноқсиз хикоялар яратди. «Сўнмас чакмоқлар», «Ёнар дарё», «Кенжатой» киссалари, «Лочин қанотлари» романи, ўнлаб хикоялари кўпгина хорижий тилларга таржима этилиб, чет элларда ҳам ўз ўқувчисини топди.

Захматкаш адаб 1915 йилда Тошкент шаҳрида махсидўз-косиб оиласида дунёга келди. Онаси Малика отиннинг мактабида бошланғич маълумот олгандан кейин, пойабзал фабрикасига кириб касб эгаллаш билан бирга кечки ишчилар дорилфунуни (индустирал техникум)да ўқиши давом эттириди.

Ҳаким Назир болалигидан китобхонликка жуда берилган, газета ва журналларда босилган материалларни чанқоқлик билан ўқиб чиқарди. Ундаги ўқиш-ёзишга бўлган қизикиш уни ҳозирги «Тонг юлдузи» газета-тахририятида ишлашга олиб келди. 1934—1935 йилларда дастлабки хикоя, очерклари газетада, «Ёш куч» журналида босилиб чиқди. Булар хаваскорлик машқлари эди. Адаб жиддийроқ асар ёзиш учун ҳайёт таассуротларидан ташқари чукур назарий маълумот ҳам зарур эканлигини англади. Кундузи редакцияларда ишлаган ҳолда кечки Тошкент давлат педагогика институтида ўқиб, тил-адабиёт факультетини мувафақиятли битириб чиқди. Бир оз вакт ўқитувчилик қилди. Адабий ишга астойдил берилди. 1942 йилдан бошлаб ўн бир йил давомида Ўзбекистон радио қўмитасида бўлим бошлиғи, бош мухаррир бўлиб ишлади. Сўнг Бадиий адабиёт нашриётида бош мухаррир, Ўзбекистон Ёзувчилар ўюшмасида котиб, адабий маслаҳатчи вазифаларини бажарди. Мазкур вазифаларни ёзувчи ижодий иш билан қўшиб олиб борди.

Қунт, чидам билан ўз устида ишлаши, тинимсиз ижодий изланиши туфайли Ҳаким Назир болалар ёзувчиси сифатида китобхонларга танилди. 1940 йилда «Кенжа» (янги номи «Қуёш қачон тутилади?»), 1946 йилда «Салим

ота» номли ҳикоялари республика танловларида совриндор бўлди. 1951 йилда эса Москвада рус тилида чиқсан «Мальчики из кишлака» ҳикоялар тўплами собиқ иттифоқ танловида мукофот олди.

Севимли ёзувчимизнинг ижод йўлига синчиклаб назар ташласак, унинг дастлабки ижодий изланишлари ҳикоячиликдан бошланганини кўрамиз. Унинг биринчи китоби «Қишлоқдаги жиянларим» ҳам ҳикоялардан жамлангандир. Ҳикоя жанри ёзувчи билан ёш китобхонлар оламини бирлаштиришда бамисоли бир кўприк бўлди. Бу кўприк орқали Ҳаким Назир болаларнинг бой, гўзал, кувноқ, ажойиботларга тўла дунёсига кириб борди. Бир-бираидан таъсирили, бир-биридан ўқимишли, болаларча жонли ҳикоялари дунё юзини кўрди. Буларда кичкинтойларнинг қувончларга тўла турмуши, хис-туйғулари, ўқиши, хулк-одоби, катталарга ҳурмати, меҳнатга муносабати, миллий қадриятлар ўз бадиий ифодасини топди. Ҳикояларда ёзувчининг кичкинтойлар ёши, савияси ва рухиятини кўрсатишга алоҳида эътибор бергани кўриниб туради. «Қишлоқдаги жиянларим» (1948), «Беш баҳо» (1955), «Чўл ҳавоси» (1958), «Яхши исм» (1962), «Мени танийсизми?» (1963), «Болажонларим» (1964) номли ҳикоялар тўпламлари бирин-кетин эълон этилиб, болалар ва ўсмирларнинг маънавий мулкига айланди.

Ҳаким Назирнинг кўпгина ҳикоялари боғча ёшидаги ёки эндиғина биринчи синфга қадам кўйган болалар хаётини акс эттиришга бағишиланган. Буни адабнинг «Бир оғиз сўз», «Расмли китобча», «Давроннинг қушчаси», «Қайсаргина укам», «Яхши исм», «Икки ўрток», «Булбул», «Қанддон», «Игна», «Бир туп фўза» каби ҳикоялари мисолида айтиш мумкин. Бундай ҳикояларда болалар ўртасидаги ўзаро дўстлик, ахлок-одоб, аъло ўқиши, жамоат ишларида фаоллик кўрсатиш, катталарнинг юмушларига кўмаклашиш, қушлар ва жониворларга ғамхўр бўлиш, орзу-умидлар қанотида яшаш ва бошқа масалалар акс этганини кўрамиз.

Болаларда орзу-умид, яхшилик сари интилиш катталарга нисбатан кучлироқ бўлади. «Яхши исм» ҳикоячасида адаб худди шу тўғрида сўз юритади. Шоира эндиғи-

на биринчи синфга қадам қўйган. У хали мактаб қонун-қоидасини яхши билмайди. Шунинг учун кизча мактаб ўқитувчиси Зухра юлдузига ракета учирилганлиги тўғрисидаги ахборотни рўзномадан ўқиб берганида бутун синфни бошига кўтариб:

— Топдим! Топдим! Топдим!! — деда овозининг борича бақириб юборади.

Аён бўлишича кечада Шоиранинг онаси унга сингилча туғиб берган бўлиб, чақалоққа нима деб исм қўйиш жанжал бўлиб турган экан. Шоирада хавас яхши, ният кучли. Унга ракета ва айниқса, Зухра юлдузи ёқиб қолади. Шу онда сингилласига Зухра деб исм бериш фикри туғилади. Бу хақда у бутун синфга сўзлаб беради.

«Яхши исм»нинг аҳамияти шундаки боланинг Шоира-га, танлаган исмга, қудратли техникага, ширинсухан муаллимага ва отага бир умр хаваси келади.

Болаларга ҳар тарафлама тўғри таълим-тарбия бериш, тушунтириш, ўргатиш, уларда кўнимкамалар ҳосил қилиш катталарга боғлик. Кичкинтойларнинг отахон адиби «Булбул» хикоясида бу масалага катта эътибор беради. Она табиатга, кушларга меҳрибончилик қилиш фояси бу асарнинг асосини ташкил этади.

Қобилжон кушларни эҳтиёт қилиш, эъзозлаш керак эканлигини, уларни уриш, озор бериш ёмонлигини тушуниб етмайди. Шу сабабли қўшни ховлига келиб сайраган булбулни урмокчи бўлади.

Олим ака ишдан кайтганда Қобилжон қўшниларнига булбул келганидан хабар беради.

— Дада, дада! — деди у кўзини катта-катта очиб, — нега бизнинг бокка булбул келмайди-я?

— Қўрқади, — деди дадаси.

— Нимадан қўрқади? — деди у ажабланиб.

— Сендан! — деди дадаси.

— Ия, нега энди мендан қўрқади?

— Ахир кесак отсанг, майиб бўлади-да! Бу ишинг ярамайди деб айтиб эдим-ку. Қобилжон индамай, ўйланаб қолди: энди нима бўлади? Ростдан хам булбулжон унинг боғига хеч келмасмикан-а?

— Кесак отмасам келадими, дада? — деди охири Қобилжон.

— Албатта, келади, — деб ишонтирди дадаси.

— Бўпти! — деди Қобилжон ва шу пайтдан бошлаб қушларга кесак отмайдиган бўлди.

Адибнинг мактаб ёшидаги болаларга бағишилаб ёзган жуда кўп ҳикоялари китобхонни она юртни севишга, меҳнаткаш бўлишга, меҳнат ахлини, ота-онани эъзозлашга, касб-хунар эгаси бўлишга чорлайди.

«Бир туп гўза» ҳикоясида ёш қаҳрмонларнинг халқ бойлигига бўлган муносабатлари фоят хаётий деталлар, жонли, кизиқарли воқеалар асосида ифода этилади. Болаларнинг ўйинқароқлиги туфайли ёшларнинг халқ мулкига бўлган муносабатлари ўзгаради.

Муаллиф ҳикояда қаҳрамонлар характерини индивидуаллаштиришга алоҳида эътибор беради. Абдусамад чўрткесар бола. Гоҳо бъази гапларни шартта айтиб юборади (сигирни кидириб юрганда Корабой акага қилган муомаласини эсга олинг). Карим соддадил, тўғри бола. Шу билан бирга, серҳаракатлиги билан бошқалардан ажралиб туради. Бу ҳолни биз Каримнинг хатти-харакатлари, қилиқ одатлари, сўзлари, ўртоқлари билан муносабатларида кўрамиз.

Муаллиф «Қишлоқдаги жиянларим» тўпламидаги «Валижоннинг дадаси» ҳикоясида болаларнинг жангчиларга ҳурмат ва муҳаббатини тасвирлайди. Буни иккинчи жахон урушидан қаҳрамон бўлиб қайтган Валижоннинг дадасини бутун қишлоқ аҳли зўр ҳурмат ва катта тантана билан кутиб олганини кўрсатиш орқали очади.

«Бошоқ» ҳикоясида болаларнинг ўқишидан бўш вақтларида ота-оналарига ёрдам берганини Азимжон, Мамат, Салимжон, Тоштилла образларида гавдалантиради.

«Жиянимнинг тойчаси» ҳикоясида китобхонни қишлоқ болаларининг характерлари ва хаёти билан танишитиради. Махмуджон билан Омоннинг отаси пахтадан мўл хосил олиш учун ким ўзарга киришади. Болалар ўз оталарининг ғолиб чиқиши учун куйиб-пишиб ҳаракат қиласидар. Махмуджон жонидан азиз кўрган тойчасини аравага қўшиб пахта ташишга киришади. Бу билан ёзувчи қишлоқ болаларининг ўзига хос характерини яратади. Кичик бир парча орқали катта бир воқеани — болаларнинг улуғ ишларга кўл урганлигини хаққоний кўрсатади.

Ҳаким Назирнинг аксарият асарлари, юқорида кўрганимиздай, умуминсоний ва миллий қадриятларга бағишлиган. Унинг жами китоблари 50 дан ортиқ. Шулардан 7 таси болалар ва ўсмирлар учун ёзилган қиссалар. Муаллифнинг биринчи қиссаси «Кўкорол чироқлари» урушдан кейинги қишлоқ хаётида юз берган қийинчиликларни енгишда ота-оналарига кўмак кўрсатган болалар ҳакида, уларнинг меҳнатда характерларининг чиникиши, дўстликларининг тобланиши акс эттирилади. Бу қиссани муаллиф китобхонлар талаби асосида кейинроқ қайта ишлаб, «Сўнмас чақмоқлар» номи билан бостириди.

Ҳаким Назирнинг «Ёнар дарё» қиссаси ўзбек болалар адабиётининг кейинги йиллардаги катта ютуғидир. «Газкайнар» манзарасини ёрқин бўёкларда гавдалантирган бу асарда ўша даврда Қизилкум саҳроси кишиларининг жасорати, романтик хаёти, қаҳрамонлиги ҳамда бир-бирига чин меҳрибонлиги тасвириланади, шунингдек, оиласидаги бола тарбияси, бунда ота-онанинг тутган роли кўрсатилиди. Асарда воқеа ўн икки ёшли ўқувчи Дамир тилидан ҳикоя килинади. Бундан икки йил аввал отаси вафот этиб, синглиси Попук иккови онасининг қарамоғида колишган. Кўп вакти ишда ўтадиган она болалар тарбиясига кам эътибор берган. Дамир эса кекса бувисининг ўта меҳрибонлиги, юмшоқлиги орқасида ўйинкарок, ўқишига кам хафсала, ўжар бўлиб қолган. Натижада, у онасига бўйин ёгмасликка харакат қилади.

Дамирларнинг узок кариндошлари Султон амаки уларнинг уйларига тез-тез келиб туради, шунинг учун болалар унга ўрганиб қолишган. Кейинчалик ота сифатида шу оиласа кирган Султон амаки Дамир характерининг шаклланишида мухим роль ўйнайди. Дамир характерида из қолдирган иккинчи мухим воқеа унинг Қизилкумга сафари бўлади. Бу унинг кўз ўнгига янги олам очади, уни меҳнат қучоғида чиникиради.

Газчиларнинг «Фидираб юрадиган посёлкаси», «Чўпон бобонинг бошчилигига» очилган «Мўъжиза кудук», беморлигига қарамай Султон амаки кўрсатган фидокорлик, умуман, газчиларнинг афсонавий қаҳрамонлиги Дамир руҳида кескин бурилиш ясади.

Ёзувчининг «Кенжатой» қиссасида хунар мактаби хаёти қизиқарли ва жозибадор акс эттирилган бўлиб,

ўсмирларда ишчи касбидан фахрланиш туйғусини тарби-ялашга хизмат этади.

«Тоҳир-Зуҳра қиссаси»ни олсак, унда бош муаммо ҳаётга қадам қўяётган балофат палласидаги ўспирин билан қизалоқнинг ёш қалбларида туғилмиш илк севги кечинмаларига қаратилган, ёник изтироблари тасвирига кенг ўрин берилган.

«Дадамни топиб беринглар» қиссасида бир дехкон оиласи бошига тушган ноҳақлик фожеаси кичиклар на-зари орқали ўтказилиб, уларнинг онги ва руҳиятига ет-казилган салбий таъсири бадиий таҳлил этилганини кўра-миз ва ёш қаҳрамонлар билан бирга изтиробга тушамиз.

Ҳаким Назир сўнгги китобини «Оқ фотиха» деб атади. Бу хотира-қисса бўлиб, болалик саргузаштларига бағишланган. Муаллиф безовталиқ, ғулғула-ҳаяжонларга тўла болалик чоғлари кўрган-кечиргандарини жонли лавҳаларда ҳикоя қиласи, кичикликда ота-онасидан олган илк инсоний сабоқлари учун чуқур ва самимий миннатдорчилигини изхор этади.

Ҳаким Назир 1973 йилда «Лочин қанотлари» романни яратди. Бунда урушга кетган ота-оналарнинг ўрнини босган Ўқтам, Умри ва бошқа ёш ватанпарварлар образлари гавдалантирилди. Романни жамоатчилик илиқ қабул этди. Тадқиқотчилар: «Лочин қанотлари» романни ўзбек болалар адабиётида деярли қўл урилмаган мавзууни — уруш йиллари кичкинтойларнинг буюк ғалабага қўшган ҳиссасини кўрсатишга бағишлиган йирик асар сифатида қимматлидир» деб ёздилар.

Ёзувчининг «Чиранма ғоз — хунаринг оз» номли пье-саси кўп йил давомида ёш томошибинлар театри сахна-сида кўйилди.

Муаллифнинг 24 та китоби рус тилида, 12 та китоби қозоқ, қирғиз, туркман, грузин, арман, украин, белорус, латиш, литва, эстон ва бошқа тилларда таржима бўлиб чиқкан. Қатор ҳикоялари немис, француз, испан, булғор, чех, мўғул каби тилларда эълон этилган.

Ўзбекистон халқ ёзувчиси, Ҳамза номидаги республика Давлат мукофоти ва X. К. Андерсен номли Халқаро фахрий диплом совриндори Ҳаким Назир ўз ижодий фаолиятини давом эттироқда.

ЎТКИР РАШИД (1915—1990)

Педагог-шоир Ўткир Рашид 1915 йилда Қўқон шаҳрида туғилди. Болаликдан китобга, адабиётга қизиқкан бўлажак шоир она шаҳрида ўрта мактабни тамомлаб, ўша ерда босмахонада ҳарф терувчи бўлиб ишлади. Одатда ҳарф терувчи ҳар бир янгиликдан бошқалардан кўра олдинрок хабардор бўлади. Ҳарф терувчи Ўткир Рашид ҳам «Янги Фарғона» газетасида босилаётган ҳар бир бадиий асарни элдан бурун ўқир, илхомланар ва ўзи ҳам шеърлар ёзиши машқ қиласи эди. Ҳавас ва машқлардан бошланган шеър ёзишлар бора-бора касбга айланса бошлади. Эндиликда ўқиш, ҳаётни ўрганиш, изланиш керак эканлигини сезган Ўткир Самарқанд Давлат университетига ўқишига кирди.

Университетдаги ўқиш, адабиёт шайдолари билан дўстлашиб изланишда бўлган Ўткир Рашидинг илхомига-илхом қўшди, унинг шеърий машқлари деворий газета ва адабий альманахларда кўрина бошлади.

Ўткир Рашид ўқишини тамомлаб, Тошкентга келди. Бадиий адабиёт нашриётида муҳаррир, «Ёрқин ҳаёт», «Гулистон» журналларида ва ҳозирги «Ўзбекистон овози» газетасида адабий ходим бўлиб ишлади. Бу жараёнда кўплаб қаламкашларнинг китоблари, асарлари унинг қўлидан ўтиб, ўкувчига тегди. Бу ишларнинг ҳаммаси Ўткир Рашидинг қаламкаш шоир сифатида вояга етишида, тобланишида катта бир ҳаёт мактаби бўлди.

1937 йилда Ўткир Рашидинг «Ёшлик» номи билан биринчи китоби босилди. Шундан кейин «Шеърлар», «Мехнта тантанаси», «Йиллар ва одамлар» деб номланган хикоя ва очерклар тўпламлари; «Умр қўшиқлари», «Қўшиқлар гулдастаси», «Гулшан диёрим» каби шеър ва қўшиқ китоблари нашр этилди. Ўткир Рашид драматург сифатида «Катта ҳаёт», «Кудалар», «Кудрат», «Фарзанд деб...» номли сахна асарлари яратди.

Чаман-чаман гулларга,
Сайроқи булбулларга,
Кўкни кучган уйларга,
Бахт келтирган тўйларга,
Қувнок ва шўх куйларга,
Жойдир гўзал Ватаним,
Бойдир гўзал Ватаним,

Бундай юртга фарзанд бўлишнинг ўзи бўлмайди. Бунинг учун нима қилиш керак? Софдил, ўқимишли, меҳнаткаш, хулқ-у одобда бошқаларга ўрнак бўладиган фазилатларга эга бўлиш керак. Буларнинг ҳаммаси Ўткир Рашид шеърларида ўз ифодасини топган. Мана, мактаб ўқиш, қасб-хунарни олиб кўрайлик. «Мактаб», «Китоб», «Совға», «Катта бўлсам», «Етмиш хунар экан кам?», «Ким айбдор?», «Ака-ука» шеърлари бунинг жавобидир.

Мактаб ҳақида кўпгина шеърлар ёзилган. Ўткир Рашиднинг «Мактаб» шеъри такорий асарлардан эмас. Бу асар алоҳида услугга эга. Асар қаҳрамони эндиғина боғчани тарк этган бола, мактабга биринчи қадам қўйиши. Мактаб қандай бўлар экан, деб иккиланиб борган болани гулзор, мактаб, ўқитувчи алоҳида меҳрибончилик билан кутиб олиши ёш қалбда мактабга, китобга, ўқишига ҳавасини орттиради:

Муаллима опамиз
Кутиб олди туриб тик.
Гап сўради кучоклаб
Меҳрибон онамиздек.
Озода синфларинг
Мени бағрига тортди.
Ўқишига-ўрганишга
Мехру ҳавасим ортди.

Ўткир Рашид ишёқмас, дангаса болалар ҳақида анчагина шеърлар битган. «Қўғирчок— ўртоқ» шеъри айниқса таъсирили чиқкан. Болалар ҳаётда ҳеч нарсадан чўчимай, қўрқмай, елка кериб яшашлари керак. Бунинг учун эса боланинг ўзи соғлом, тетик бўлмоғи даркор. Соғлом-тетиклик қаердан келади? Бу боланинг юриш-туришига, ҳаракатига боғлиқ. Агар боланинг ўзи ҳаракатчан бўлма-

Шоир Ўткир Рашид бир неча йил Ўзбекистон фанлар академиясида илмий ходим бўлиб ишлади. 1957 йилда «Ўзбек болалар адабиёти тараққиёти очерки» мавзусида диссертация ёқлаб, фан номзоди бўлди. У узоқ йиллар хозирги Низомий номли Тошкент давлат педагогика университетида талаба-ёшларга адабиёт фанидан дарс берди. «Чашма» адабий тўгарагига раҳбарлик қилиб, ўнлаб ижодкор ёшларнинг адабиёт оламига кириб келишига ёрдам берди.

Ўткир Рашид бўлажак ўқитувчиларга сабок берар экан ҳар доим:

— Инсон умрининг сўлмас гули, мангалиги — болаларимиз. Биз бутун ҳаётимизни бағишлаган муқаддас ишни болалар давом эттиради. Шунинг учун биз уларнинг тақдирини доим ўйлаймиз. Бу чуқур ҳаётий муҳим масаладир. Севимли ўғил-қизларимиз бизга ўринбосар бўлишини билишнинг ўзигина кифоя қилмайди. Болалар севимли ўғил-қизларгина эмас, балки, аввало, келгусининг фуқаролари, ота-оналар бошлаган буюк ишнинг қонуний давомчилари. Шунинг учун уларни замонамизнинг энг олижаноб анъаналари руҳида, курашчанлик руҳида тарбиялашимиз керак, - дер эди ва бунга ўзи қаттиқ амал қилиб кичкинтолайлар учун шеър, қўшиқ, достон, эртаклар ижод қиласр эди.

Келажагимиз гули бўлган болаларни қаттиқ севган шоир уларга бағишлаб «Ўртоқлар», «Икки ўртоқ», «Ким айбдор?», «Энг ўзғир нима?», «Равшанжон ва айикча», «Катта бўлсан», «Бу — биз бўламиз», «Бахтиёр болалик» каби китобларни ёзди.

Ўткир Рашид болаларга бағишлаб шеър ёзар экан биринчи ўринда уларни ҳакиқий ватанпарвар, чинакамига эл-юрт фидойилари бўлиб ўсиб-улғайишларини истайди. «Ватаним», «Мард насллар», «Дадам» шеърлари шу максадга қаратилган. Ватанимизнинг гўзаллиги, хузурбахшлиги, бойлиги, ёш китобхоннинг меҳрини ўзига тортадиган шу юртга муносиб инсон бўлиб улғайишга чорлайдиган даражада қувноқ тасвирга эга:

са, жисмоний иш, спортга ҳавас қўймаса ўртоқларидан ортда қолиб, бир жонсиз қўғирчоққа айланиб қолиши ҳеч гап эмас. Куддус ажойиб феълли болалардан. Ёзниг жазирама иссиғида ҳам тўн ва телпак кийиб юради, дўстларига қўшилмайди, ишёқмаслик, дангасалик унинг ҳамроҳи бўлиб қолган. Шеърнинг хулосаси ҳам яхши:

Демак Куддус соппа-соғ,
Фақат жуда эринчоқ.
Одати — дангасалик,
Дангасалик — қасаллик.
Катта очсин кўзини,
Даволатсин ўзини.
Тагин ётиб қолмасин,
Лойга ботиб қолмасин?!.

Ўткир Рашид айрим хулқи ёмон болаларни табиатан унча хуш кўрмайди. «Танийсизми Каримни?», «У нима деркин?», «Собирнинг шу иши тўғрими?», «Гайрат ва Омон», «Ўсар-қайсар» сингари асарларида одоб, ахлоқда бошқалардан орқада қолиб кетган болалар устидан кулади. Бундай ҳажвий-юмористик асарлар болаларни ўзлари устида ўйлашга, фаҳм-фаросатли бўлишга ҳамон даъват этиб келмоқда.

Ўткир Рашид «Иш билмас ва иш қилмас бола ҳақида», «Фозча-митти», «Шерали», «Энг ўзғир нима?», «Равшанжон ва айиқча» каби бир нечта эртак-достонлар ҳам ёэди.

Бу асарларнинг деярли ҳаммаси кичик ёшдаги болаларга бағишлиланганлиги билан эътиборга лойикдир. «Фозча-митти»да ўрмон тўғрисида, қушлар, ҳайвонлар, йиртқичлар ҳақида гап боради. Бу ёшдаги болалар жониворларнинг турмуш тарзларини унча яхши билмайдилар. Улар «Фозча-митти»ни тинглашиб, жониворларнинг ҳаётларини, яшаш шароитларини бирмунча билиб оладилар. Айниқса, розчанинг хатти-харакати, довюраклиги, ишбилар-мон ва тадбиркорлиги китобхонда яхши таассурот қолдиди.

Шоирнинг мана бу мисраларига эътибор беринг, унда ўрмонда яшайдиган қўргина жониворларнинг жам бўлиб яшашлари, ахил, дўстликлари кимни хурсанд қилмайди дейсиз:

Кийик, куён, олмахон,
Курка, лайлак, ўрдак, ғоз,
Ахил бўлиб, дўст бўлиб
Яшарканлар кишу ёз.

Хаётда — ўрмонда зўравонлар кўп. Ёввойи тўнғиз булардан анча кучли — муттаҳам ва сурбет, зўравонлик қилиб, буларнинг қишида ейиш учун ғамлаб қўйган овқатларини еб, ҳар куни нонуштаси учун учта ғоз беришларини талаб қиласди. Бу очкўз баттолдан қутулиш йўлларини қидиришади. Миттининг маслаҳати ва унинг ёрдами билан айиқполвон билан дўстлашишади.

Айиқполвон билан тўнғиз ўртасида жанг бошланади. Бу жангда айиқполвон ёлғиз эмас. Ҳамма жам бўлиб, биргалашиб жанг қиласдилар:

Босди айик тўнғизни
Устига ташлаб ўзин.
Митти ўрдак, лайлаклар
Чўқиб олдилар кўзин.
Айикчалар тўнғизнинг
Тишлаб турди оёғин,
Она айик ўлдирди
Ғажиб унинг томоғин.

Ашаддий душман тўнғиз ўлди, бу билан энди душман йўқ, роҳат-фароғатда яшаймиз, дейишига ҳам жуда эрта. Тадбиркор ва ишбилармон ғозча ҳаммани бир уй қуриб, янги маконда яшашга чакирадики, бу кўпчиликка маъқул тушади:

Митти дер: хали ёв бор,
Хушёр бўлиб турайлик,
Ундан сақланиш учун
Бир пана жой қурайлик.
Айиқполвонга Митти
Деди: — Амаки, яшанг!
Сиз устасиз бу ишга,
Ўйни ўзингиз ясанг!
Айиқвой уста бўлиб,
Иш бошлади шу куни.
Кийиклар дараҳт кесди,

Ташишди дўстлар уни.
Шундай килиб ёғочдан
Куриб олдилар бир уй.
Безадилар бу уйни
Килгандайин худди тўй.

Дўстлар ахил бўлиб ҳаёт кечира бошлайдилар. Улар бўри ва қоплонни ҳам худди тўнғиздек ўлдиришади. Ахилликда, бирликда ҳикмат кўп экан, дўст орттираса, иттифоқ бўлса, уни ҳеч қандай душман енга олмас экан, деб шод-баҳти яшашлари ёш китобхоннинг қувончига-қувонч улашади:

Яшадилар дўст бўлиб,
Йўқотилди душман-ғов:
Дедилар: бирлик бўлса,
Енголмас экан ҳеч ёв.

Шоирнинг енгил юмор билан сугорилган «Шерали» достонини ўқимаган, тингламаган бола бўлмаса керак. Шерали гўё овқат учун дунёга келгандек, кечаси-ю кундузи овқат ейди. Ҳаракат қилмагандан кейин семириб кетган. «Хомсемиз» лақабини олган бу боланинг жирканч башарасини шоир:

Оёқ-кўли пиликдай,
Шилвиратиб юради.
Бир тоғора хўрдани
Битта ўзи уради.
Фақат овқат ейишга
Полвон эди Шерали.
Лекин дадил, чопқиллаб
Юролмасди у ҳали, —

каби мисралар билан Шералининг айбини кескин очиб ташлайди. Шерали одам, у инсон. Инсонда ақл-заковат бўлади, фахм-фаросат бўлади. У шу жихатлари билан ҳам ҳайвондан фарқ қиласди. Танбал, латта, тепса-тебранмас бу бола дўстлари, сафдошу устозларининг амалий ёрдами билан жисмоний иш, спорт билан шуғулланади. «Хомсемиз»ликдан қутулади:

Менга соғлик, куч берган
Мана шу машқдир дея,
Шераливой хали хам
Қилас бадантарбия.

«Равшанжон билан айикча» асарининг сюжети кичик мактаб ёшидаги болаларга жуда мос. Равшанжонларнинг уйлари тоғ бағрида. У тасодифан бир ғордан айқ боласини топиб олади, уйига олиб келади, унга Қоравой деб ном қўяди. Қоравой Равшанжон-у уйдагиларга ёқиб қолади. Бола унга турли қиликларни, юмиш бажаришни ўргатади. Натижада айқ оиласнинг дастёрларидан бири бўлиб қолади. У керак бўлса товукларга дон сочади. Бегона одами уйга киритмайди, беланчакда ётган чақалокни тебратади, болалар тўп ўйнашса, дарвозабонлик қиласди.

Болаларни чинакам севиб, ардоқлайдиган шоирларгина уларга муносиб шеърлар, достонлар тўқий олади. Шоир ва педагог Ўтириҳ Рашид умрининг охиригача севимли китобхонлари бўлмиш кичкинтойларни улуғлаш, ардоқлаш нафаси билан яшади.

ПЎЛАТ МЎМИН (1922 йилда туғилган)

Болаларнинг суюкли шоири Пўлат Мўмин ёшлигидан ноқ адабиётга хавас кўйди. У Тошкент педагогика билим юритида ўқиб юрган вақтида адабиёт тўгарагига фаол қатнашади. Адабиётни қунт билан ўқиди, ўрганди. Ўрта маълумот олгач, хозирги Низомий номли Тошкент давлат педагогика университетининг ўзбек тили ва адабиёти факультетига ўқишга кириб, уни муваффақиятли тамомлағач, аспирантурада ўқиди, мактабларда ўқитувчилик қилди. Сўнгра Ўзбекистон давлат нашриётида ишлади. П. Мўмин қаерда ишламасин, доимо адабиётга мухаббат билан қаради, уни қунт билан мутолаа қилди, ўрганди. Кичик-кичик шеърлар ёза бошлади. 1944 йилда «Баҳорга саёҳат» номли биринчи шеъри босилиб чиқди. Биринчи шеърлар тўплами эса 1949 йилда «Сайранг, кушлар» номи билан нашр этилди. Китоб адабий жамоатчилик томонидан илиқ кутиб олинди. Тўпламдан муносиб ўрин олган «Ҳайкал», «Алла ва Жалла» (эртак) сингари асарлари мазмундорлиги, қизиқарлилиги билан китобхонларнинг эътиборини ўзига жалб этди.

Болаларга атаб ижод этиш, бу соҳада муваффақият қозониши учун эса қобилият ва истакнинг ўзигина етмайди. Белинский таърифи билан айтганда, болалар ёзувчииси бўлиб туғилиш керак. Бу болалар ёзувчииси моҳир педагоглардай бола қалбининг билимдони бўлсин, нозик таъб эгаси, гўдак табиати ва психологиясининг билимدونи, меҳрибон ва болажон, камтарин ва самимий, болаларча соддадил ҳам доно бўлсин, деган мазмунни тақозо этади, албатта. Биз Пўлат Мўмин ижодида ана шундай олиjanob хусусиятлар мужассамлигини ҳис этамиз. Шоир бутун умрини болалар орасида ўtkазиб келмоқда. Унга болалар ва мактаб ҳаёти, ажойиб, жўшқин ва кенг дунёси жуда таниш ва қадрлиdir. У ёш китобхонларининг ўй-фикрлари, орзу-умидларини яқиндан билади. Уларнинг дилларидағини тилларига чиқара билади.

Шоирнинг тинимсиз ижодий меҳнати туфайли «Хунардан унар», «Тўғри ўсан гул бўлар», «Ақл қаерда бўлар»,

«Ўринбосарлар», «Олтин най», «Бир ярим Карим», «Энди адашмайди», «Барча бола дўст бўлса», «Рахматга раҳмат», «Газполвон эртак айтар», «Чанг ютар ботир», «Дўстинг қанча кўл бўлса», «Офтоб ва одоб», «Яхшиларга ўхшасам», «Бу жуда соз», «Эсон ва Омон», «Олтмиш олти олтин қўл», «Устозлар изидан», «Болаларнинг баҳти кулган», «Бир юз бир олтин қўл» шеърий тўпламлари; «Чаноқвой билан Қовоқвой», «Баҳодирнинг ботирлиги», «Оқ фил йўқолди», «Сукатой-конфетвой», «Она болам дейди» каби эртаклари, пьесалари юзага келди. Бу китобларга кирган энг яхши шеър ва қўшиклари, достон ва эртаклари болалар адабиёти хазинасига муносиб ҳисса бўлиб қўшилди, уни бойитди. Бу асарлардан бир қанчаси жаҳон халқлари тилларига таржима қилинганки, бу факат шоирнинг эмас, балки ўзбек болалар адабиётининг ҳам ютуғи, обрўси ҳисобланади.

Кимда-ким аъло ва яхши баҳоларга ўқиш учун астойдил интилса, харакат қилса, заҳмат чекса, шубҳасиз, у мақсадга эришади, самарали билим олади. Агар бу интилиш жисмоний меҳнат билан кўшиб олиб борилса, янада муваффакиятли бўлади. Пўлат Мўмин таълим ва жисмоний меҳнатга бағишлиган шеърларида меҳнат ва меҳнатсевар болалар ҳакида фикр юритади. Баъзан ишёкмас, дангаса, ялков ўқувчиларни танқид қиласи, уларнинг камчиликларини очиб ташлайди. Масалан, «Беш олдим, беш!» деган шеърини олайлик. Асар қаҳрамони узоқ вақт паст баҳога ўқиб юрарди, фанларни кўнгилдагидек ўзлаштира олмаганидан дўстлари, ота-онаси ва ўқитувчилар олдида гуноҳкордек ҳис қиласи ўзини. Ўқувчи бундай қийин аҳволдан факат кўпроқ дарс тайёрлаши, китоб ўқиши билан кутулиб кетиши мумкинлигига ҳам ишонмайди. Нима бўлади-ю бир куни у уйга берилган топширикни қайта-қайта ўқииди, дарс ва китобдан бошқа хеч нарсани ўйламасликка харакат қиласи. Натижада эртаси куни «беш» баҳо олади. Шу-шу бола китобни севиб колади. Кунт қилиш, берилган топширик устида кўп меҳнат қилиш лозимлигини тушуниб етади. Ўзидаги бундай ижобий ўзгаришдан хурсанд бўлади. Боладаги бу қувонч ва ҳаяжонни шоир ёш китобхон руҳиятига мос равишда чизиб беради:

Шундай килиб дўстларим,
Айтсан юрак сўзларим,
Юришиб қолди ишим
Кўпайиб кетар «беш»им.

Болалар шоирининг «Туганмас кон», «Ўқитувчи баҳо ўйғанда», «Қўчаларни тўлдириб», «Сизга нима бўлди, ўғил болалар?», «Юқумли «2»лар», «Билса бўлар эканку!», «Сентябрдан ким севинар?» каби шеърларида ҳам аъло ва яхши ўқиши учун интилаётган, харакат қилаётган болалар тўғрисида ёзилгандир.

Баъзан ўқувчи-ёшлар орасида муғамбир, писмик болалар ҳам топилиб қолади. Шоирнинг «Кўл кўтариб қўлга тушди» деган асари ана шундай болаларга бағишланган. Асар қаҳрамони аслида дангаса, ишёкмас, қолоқ ўқувчи. У буни ўқитувчисига сездирмаслик учун ҳар куни дарс пайтида «Мен айтаман, деб кўтаради қўл». Ўқитувчи эса боланинг бундай муғомбирлигини сезмайди, у дарсни яхши ўзлаштирибди, деб ундан сўрамайди. Охири бир куни «Майли, айта кол» дейди. Шунда ҳалиги бола саволга жавоб бера олмай, ўқитувчи ва ўқувчи дўстлари олдида изза бўлади:

Дарвазасига
Урилгандай гол
Кўлга тушганди
У кўтариб қўл.

Шоир шеърларида кичкинтойларнинг жисмоний ишга интилишлари ҳам яхши очиб берилади. Унинг «Офтоб чиқди оламга», «Ер чопилди — жавоб топилди» шеърлари фикримизнинг далилидир. «Офтоб чиқди оламга» асарида у ҳалк оғзаки ижодидан унумли фойдаланган. Шеърда болаларнинг харакати, уриниши, катталар ишига қўмаклашиши ниҳоятда таъсирили ва ширали ифодаланган.

Пўлат Мўмин ҳақиқатан ҳам офтоб — бу олам-олам кувонч, шодлик, меҳнат, яшаш, яшариш рамзи эканлигини кичкинтой дўстлари қулогига қўйишга, буни бола образи орқали янада ёрқинроқ, таъсирилироқ акс эттиришга харакат қиласи:

Офтоб чиқди оламга,
Чопиб бордим дадамга.
Дадам кўчат экарди,
Салом бердим дадамга.

П. Мўминнинг «Ер чопилди — жавоб топилди» асарида меҳнатдан завқланиш туйғуси ёркин ифодаланган. Асар қаҳрамони дастлаб уйга берилган топшириқ — мисолларни ишлай олмайди. Шунда у жисмоний меҳнат қилишга киришади — ер чопади. Терлаб-пишади. Натижада кўнгли ёришади, фикри ойдинлашади. Уйга берилган мисолларни ҳам ечади, ерни ҳам чопади.

Барча саволга
Жавоб топилди.
Шу баҳонада
Ер ҳам чопилди.

Пўлат Мўминнинг «б» баҳо қўшиғи», «Хурсандмисиз?», «Хурсандмиз», «Сентябрим», «Уч баҳо — пуч баҳо» сингари қўшиқлари ўқиш, илмли бўлиш мавзуига бағищланган. Ўз устида кўп ишлаш, китоб ўқиш, дарс қолдирмаслик «аъло» ўқишининг мустаҳкам гарови эканлигини шоир «Уч баҳо — пуч баҳо» қўшиғида анча танқид қилиб ўтади. Оналарни, кексаларни хурмат қилиш, эъзозлаш («Ачом-ачом бувижон», «Мехрибоним, ойижон!»); ўзаро хурмат, дўстликни жойига қўйиш («Бир жаҳон болаларимиз»); ҳар бир шодиёна, байрамларни зўр тайёргарлик билан кутиб олиш, чеварлик касбини болаликдан билиб бориш («Кўйлагим») мавзуларига бағищлаб шоир ўнлаб қўшиқлар яратганки, бундай қўшиқлар болаларнинг жон-дили ҳисобланади.

Пўлат Мўмин ахлок ва одоб куйчиси ҳисобланади. Бу масала кўпроқ унинг «Бирорвлар», «Бир одамнинг афсуси», «Сўзи шунақа — ўзи шунақа», «Беҳзодни биласизми?» «Улғайдими ақлингиз?», «Қўлинг олтин — ўйлинг олтин», «Биринчи бўл, биринчи» каби шеър ва қўшиқларида очиб берилади.

Пўлат Мўмин «Алла билан Жалла», «Зийрак фил ва зиқна боққол», «Ҳар кимники ўзига, ой қўринар кўзига», «Унутған ўғил», «Олтин най», «Доно бола», «Билганни қари — билмайди пари» сингари эртак-достонларида ҳалқ оғзаки ижоди намуналаридан унумли фойдалангани кўриниб туради.

Пўлат Мўмин достончи-шоир сифатида ҳам жуда қадрлидир. Унинг «Олтин нокли боф», «Қўча — кўпчилик учун», «Эҳ, роса ширин экан», «Холнинг жийрон велосипеди», «Кўнгил истар яхшилик» деган поэмалари аллақа-

чон кичкинтойларнинг севимли асарларига айланиб кетган. Шоирнинг достонларида болалалар ўртасидаги дўстлик, биродарлик, ўқитувчи ва жонажон мактабга муҳаббат, бирлик, байналмилаллик каби масалалар илгари сурилган. Болалар ҳаётида содир бўладиган ютуқ ва камчиликлар бадиий бўёқларда, қизикарли эпизодларда чизиб берилган. Бир сўз билан айтганда, мактаб ўкувчи-ларининг ҳаёти завқ-шавқ билан тасвиранган.

Пўлат Мўмин ўзининг эртак-пьесалари билан ҳам ёш китобхонлар ўртасида шухрат қозонди. Унинг «Қовоқвой билан Чаноқвой», «Суқатой-конфетвой», «Она болам дейди, бола онам дейди» номли фантастик эртак-пьесалари узоқ вактлардан бери болаларнинг кувончига қувонч қўшиб келаётir.

Қовоқвойнинг дангасалиги, лапашанглиги, эркалиги, тантиқлигини ўткир кулги остига олувчи ва Чаноқвойнинг билимдонлиги, донолиги ва меҳрибон дўстлигини улуғловчи «Қовоқвой билан Чаноқвой» болаларни яхшиликка даъват этади.

Бу асардаги яхши фазилатлар драматургнинг бошқа бир эртак-пьесаси «Суқатой-конфетвой»да ҳам кўринган. Тематикаси ва гоявий йўналиши, услуби жиҳатидан бу икки асар бир-бирига яқин. Унда ҳам илм, одоб, ҳалоллик ва меҳнатсеварлик улуғланади. Вокеа Билим хола, Жанжал хола, Курт ўртасидаги кураш асосида ривожланади.

Пўлат Мўминнинг бутун эътибори, ижодининг моҳијати болаларга ҳаёт йўлини кўрсатиб беришга интилишдан иборат. Шу пьесадаги Ақлжон билан Одобжон айтганидек:

Ақл, Одоб, Фан йўли.
Йўлларнинг энг маъқули,
Кимки юрса уч йўлдан
Иши келади ўнгдан,
Йўллар элтар мактабга,
Етказади мақсадга.

Бугина эмас, болалар Пўлат Мўминнинг ўнлаб топишмоқларини ҳам севиб ўқиб ўрганадилар ва зехнларини чархлайдилар.

Севимли шоиримиз Пўлат Мўмин оромсиз қалб соҳибидир. У ҳамон қайноқ самарали ижод билан банд.

ҚУДРАТ ҲИКМАТ (1925—1968)

Талантли болалар шоири Қудрат Ҳикмат қисқа ва са-марали ижодини кичкитойларни илмга иштиёқ, она-Ватанга, жонажон юртимизга садоқат руҳида тарбиялашга бағишилади.

Қудрат Ҳикмат 1925 йилда Тошкент шаҳрида камба-ғал дехқон оиласида туғилди. Бўлажак шоир Қуддус Мухаммадий раҳбарлик қилган адабиёт тўгарагида фаол иштирок этди. Бу тўгарак унинг шеърият сирларини эгаллашида катта роль ўйнади.

Қ. Ҳикматнинг ижодий ўсишида Ойбек, Абдулла Қаҳ-ҳор, Уйғун, Миртемир, Қуддус Мухаммадийларнинг му-раббийлик роли катта бўлди.

Қ. Ҳикмат болалар учун 1945 йилдан бошлаб шеърлар ёза бошлайди. Унинг дастлабки шеърлари болалар ва ёшлар газеталарида ҳамда журналларида босила бошланди.

Қ. Ҳикмат бир қанча вакт Чирчик шаҳар газетасида ишлади. Шу билан бирга меҳнатдан ажралмаган ҳолда ҳозирги Тошкент давлат педагогика университетида ўқиди. 1957 йилдан умрининг охиригача турли нашриётларда редактор, бўлим бошлиғи сифатида ёш авлодга китоблар чоп этишда фидойилик килди.

Қудрат Ҳикматнинг «Менинг Ватаним» (1950), «Бахтли болалар» (1951—1952), «Одоблик» (1953), «Дўстлик» (1954), «Родной Узбекистан» (1955) каби қатор тўпламлари нашр этилди. Кейинчалик «Илон шох ва унинг амалдори ари ҳакида эртак» (1963), «Соатжоннинг соати» (1964), «Тошбақалар хужуми» (1965), «Дайди бола», «Ўғлим билан сухбат» (1970) сингари китоблари билан ўзбек болалар адабиёти тараққиётiga самарали ҳисса кўшди.

Шоир асарларининг мавзу доираси кенг ва ранг-бранг. Турли ёшдаги китобхонлар Қудрат Ҳикмат асарларини севиб ўқийдилар, улардан эстетик завқ оладилар. Шоир ўз асарларида болаларни қизиқтирган, уларнинг

билгиси, эшитгиси келган нарса ва воқеаларни ихчам, ўйноқи вазн ва қофиялари пишиқ ишланган мисраларда ифодалайди.

Қудрат Ҳикмат ижодининг яна бир муҳим томони шундаки, у болалар тилини яхши ўзлаштирган, ўрганган. Шунинг учун ҳам унинг шеърлари гўзал ва ёқимли, содда ва равон.

Қудрат Ҳикмат ўзининг илк шеърларидан бири «Менинг Ватаним»да меҳрибон она-Ватаннинг улуғворлигини кўтаринки рух билан куйласа, «Боғча» шеърида болаларни шу улкан Ватаннинг қучоғига етаклаб киради. Ватан деган шу азиз сўзни, унинг том маъносини болаларнинг соя-салқин, озода, оромбахш боғчасига кўчиради. Шу ер, кичкинтойларнинг юрган-турган жойи улуғ Ватан эканлини уқтиради:

Ўртокжон Турғун,
Мен билан юргин.
Бизнинг боғчани
Бир бориб кўргин.
Турли ўйинчок,
Арғимчоқ бизда.
Кемамиз сузар
Денгизчамиизда.
Милтиғимнинг
Ўклари олмос,
Чегарамизга
Душман йўлолмас.

Шоир «Бахти болалар» шеърида болаларни озод, эркин, баҳтиёрлиги ва уларнинг она-Ватанга бўлган чексиз мешр-муҳаббатларини зўр кўтаринки рух билан куйлайди. Қудрат Ҳикмат бу шеърида ҳам ўз услубига содик ўлароқ мисраларни энг кичик вазнда ифодалайди:

Куёш йўлидай
Ёруғ йўлимиз.
Қайга узатсак,
Етар кўлимиз...
Гулласин доим
Жонажон Ватан!

Халқимиз учун
Фидо жон ва тан.

Қудрат Ҳикмат кичик ёшдаги болаларни мактабга кизиктиришни, уларнинг илм-фанга нисбатан бўлган ҳавасини уйғотишни ўзининг шоирлик вазифаси деб билди. Масалан, унинг «Китоб — дўстим» шеърини олиб кўрайлик. Шеърда бошдан-оёқ китоб таърифи ётганлигини кўрамиз. Шоирнинг таъкидлашича, кимки китобга меҳр қўйса, астойдил ўқиса, акли-зехни ривожланишини жуда ўйноқи мисраларда ёзади:

Китоб — кенг дунё.
Сўзи нур — зиё.
Кўйсанг меҳрингни,
Очар зехнингни

Шоир китобнинг моҳиятини чуқурроқ очишга интилиб, «Кенг дунё», «Сўзи нур—зиё» каби истиораларни қўллаб ўз олдига кўйган мақсадига эришади.

«Салом, мактаб» шеърида шоир мактабнинг моҳияти ва улуғворлигини бир бутунлигича китобхон кўз ўнгида гавдалантира олган. Санъаткор жозибали мисралар тузиб, болалар эътиқодини мактабга тортади, уларни илм-фан асосларини мукаммал эгаллашга ундейди:

Илму фан боғи.
Хаёт булоғи.
Азиз умрнинг
Суянган тоғи.

Шеърда назарда тутилган энг муҳим масалалардан бири шундаки, мактабдан олган илмни халқ учун, Ватан учун сарф қилиш ҳар бир бўланинг мukадdas бурчи эканлиги алоҳида таъкидланади:

Сендан олиб дарс,
Ўсдик ҳар нафас.
Ватан хизматин —
Ўташ бизнинг карз.

1952 йилда Қудрат Ҳикмат хаётида қувончли воқеа юз берди. Яна бир китоби «Бахтиёрлик» номли шеърлар

тўплами нашр этилди. Унинг «Ободлик», «Бахтли болалар» китоблари шоир номини кенг китобхонлар оммасига танитди.

Кудрат Ҳикмат ижодида «Тинчлик ҳақида қўшиқ» шеъри алоҳида аҳамиятга эгадир. Шоир тинчликнинг мөхиятини бутун борлигича шеърга солади:

Тинчлик жуда соз,
Тўкин-сочин ёз.
Ўқ товуши чикмас,
Янгарар қўшик-соз, —

деб боланинг тинчлик ҳақидаги тасаввурини ҳаётий парчалар орқали кенгайтиради. Шоир тинчлик сўзини янада чукурроқ очиш учун урушнинг ёмон оқибатларини болалар онгига мос равиша кўрсатади:

Бўлса-чи уруш,
Ўт тушар хар ён.
Тинч, ширин турмуш,
Бўлади вайрон...
Гўзал шахарлар,
Ёниб кул бўлар.
На гиёҳ қолар.
На дарё, кўллар.
Бу сира бўлмас,
Халклар йўл қўймас,
Тинчлик — ободлик,
Хеч қачон сўнмас.

Шоир ҳамма, ҳар бир оила, жумладан, шавкатларнинг оиласи ҳам тинчлик бўлсин деб астойдил хизмат қилаётганини тасвиirlаб, тинчлик урушни енгиши муқаррарлигини тасдиқлайди. Шоир бу билан болада жаҳон илғор халқларининг, айниқса, тинчликсевар халқларнинг кучкудратига зўр ишонч туғдиради, болага тинчликсеварлик рухини сингдиради.

Қудрат Ҳикмат ҳалол меҳнатни гўзал ҳаёт манбаи, у билан киши хурмат топади, эътибор орттиради деб ифодалайди. Шунинг учун у ўзининг кичик китобхонларида ёшлигиданоқ меҳнат кўникмаларини тарбиялашни асосий вазифа деб билади. «Бувимнинг деганлари» шеърида

ўз меҳнат самарасидан хурсанд бўлган кичкинтойлар образини яратади. Буни шоир Санобар образида гавдалантиради. Муаллиф ўзининг кичкина қаҳрамонидаги интилишни сезиб, уни улуғ ишларга бошлайди. Санобар бувиси билан пилла курти тутади ва бу ишдан бениҳоя хурсанд бўлади. Бунинг учун унинг севинчи, бувисига бўлган мухаббати чексиздир. Санобардаги бу ҳолни:

Санобарнинг вакти чоғ,
Барг келтириди бир кучок, —

деб тасвирлайди.

Буви ҳам Санобарнинг ишидан хурсанд бўлади, энди унинг катта ишларни ҳам уddaрай олишига ишонади:

Энди сенга шу сўзим —
Куртлар кирди даҳага, —
Ўрнак бўлиб ҳаммага
Дастага харакат қил,
Ўз ишингнинг кўзин бил!

Шоир Санобарнинг бувисидан ўргангандан ишининг катта ижтимоий моҳиятга эга эканини содда мисраларда чукур очишга эришади:

Бу йил бизлар уч марта
Курт тутиб, мамлакатга —
Топширамиз пиллани,
Пилла эмас, тиллани.

Бу шеър ҳар бир мисраси ўйноқи, тез ёдда қоладиган асарлардан биридир. Бунинг учун юқоридаги парчага, айникса, «Пилла эмас, тиллани» иборасига қайта нигоҳ ташлаш кифоя.

Шоир бу шеърида болаларни меҳнатсеварликка, Ватан ва ҳалқ олдидаги бурчини муқаддас деб билишга ундейди.

Кудрат Ҳикмат ижодида болаларнинг она-Ватанга нисбатан бўлган мухаббатлари «Менинг Ватаним», «Мен туғилган кун» каби шеърларида яққол ифодасини топган. Жумладан, «Менинг Ватаним» шеърида жонажон Ўзбекистонимизнинг гўзаллиги, юртимиздаги барча ҳалқ

ака-уқадай дўст бўлиб, иттифоқ бўлиб ҳаёт кечираётганилиги ўйноқи мисраларда акс эттирилган:

Кўқдай бепаён
Бойликларга кон,
Кенг пахта майдон
Менинг Ватаним.

Кудрат Ҳикматнинг «Човкар», «Тошбакалар хужуми», «Кум остида қовунлар», «Илоншоҳ ва унинг амалдори ари хақида эртак», «Чирчиқ фарзанди» каби поэма ва эртак-достонларини болалар хузур қилиб ўқийдилар ва катта эстетик завқ оладилар.

Кудрат Ҳикматнинг «Бободеҳқон ҳангомаси», «Кум остида қовунлар», «Тошбакалар хужуми» поэмаларида болаларнинг катталар меҳнатига қизиқишлари, улардан ўрнак олишга интилишлари ёритилади.

Болалар шоирнинг «Қўмилган олтин, вайсақи хотин ва тадбиркор овчи қиссаси», «Илоншоҳ ва унинг амалдори ари хақида эртак» сингари эртак-достонларини ҳам яхши биладилар.

Оз ва мазмунли умр кўрган Кудрат Ҳикмат болаларга бағишлиб йигирмадан зиёд китоб ёзди. У тамомила ёш китобхон ишончини оқлаб, кишилар ҳурматини қозонди. Бунинг эвазига у муносиб тақдирланиб, эл назарига тушди.

Шоир ўзи башорат қилгандай:

Олмос менинг юрагим,
Толмас менинг юрагим.
Ким айтади элимда,
Қолмас менинг юрагим,

— деб ёзгани каби бугун у барҳаёт, орамизда, меҳри кўз қорамизда.

ХУДОЙБЕРДИ ТЎХТАБОЕВ (1932 йилда туғилган)

...Новча ниҳолча ҳамон ажал билан олишиб ётибди, жанг бобокалонлари айтишганидек беомон, шафқатсиз эди. Бирин-кетин яшил баргчалари қовжираб таслим бўлишди, шохчаларидаги ҳаёт сўнди. «Танам тирик ҳали, — энтикиб деди новча ниҳолча, — мен яшашим керак, албатта яшайман...» У кимдандир ёрдам кутгандек жовдираб атрофга қарай бошлади. Мени бу ерга экиб, кетмопинни асфальтда даранглатиб судраб кетган болалар келиб қолмасмикан, деб яна бир бора кўча бошига кўз ташлади, ёмғир томчиларидан умидвор бўлиб, булут бўлмаса ҳам кўкка тикилиб, узок котиб турди... Кейин тўсатдан серсув адирларда бирга ўсанг укаларининг ўлигига кўзи тушиб қолди.. Қизиқ, ҳаммалари тик турганча жон беришди... Ўтган йили худди шу кеча-кундузларда ҳаммалари тирик, яйраб-яшнаб барқ уриб ўсишаётган эди... Энди бўлса... «Йўқ, мен яшашим керак...».

— Сув! Сув! Сув!

Қадди-қомати келишган новча ниҳолча аста-секин ўзидан кетиб, аллақандай сехрли хаёлот нашъаси билан масти бўла бошлади, кейин ўша кун — ҳаддан ташқари қиздириб юборган 19 июнь куни кундуз соат олтиларда жон берди.

Тик турганча котиб қолди у...

Бу атоқли адаб Худойберди Тўхтабоевнинг шоҳ асарларидан бири — «Ниҳоллар ноласи»дан парча. Бу асарни болалар беҳад севиб ўқийдилар, ўзларига хulosалар чиқарадилар. Ҳақиқатан ҳам ниҳол — дарахтнинг худди инсон каби жони борлиги, озука — сувга эҳтиёжи; парвариш қилинмаса ёш китобхон қалбини ачитиб, туғёнга солиб ҳалок бўлиши асарнинг асосини ташкил этади.

Худойберди Тўхтабоев катта-ю кичик болаларнинг севимли адаби. У хозирги замон ўзбек болалар адабиётида саргузашт ва фантастика жанрларининг ривожланишига катта хисса кўшиб келаётган талантли адаб сифатида китобхонга маълум ва машхурdir.

Худойберди Тўхтабоев 1932 йилнинг 17 декабрида Фарғона вилоятининг Ўзбекистон туманига қарашли

Каттатагоб қишлоғида дәхқон оиласида дунёга келди. Бошқа болалар қатори Худойберди ҳам пода бокди, ер чопди, пахта терди, хуллас, қишлоқда бўладиган ҳамма меҳнатларда ҳол-кудрат иштирок этди, ҳаёт нимадан иборат эканлигини ёшлигиданок била бошлади.

Бўлажак адид иккинчи жаҳон уруши йилларида ўқишни йиғишириб, далада кетмон чопди, хисобчилик қилиди, мاشаққатли меҳнат билан суяги қотди.

Қўқон педагогика билим юртини муваффақиятли таоммуган X. Тўхтабоев она қишлоғида муаллимлик қилас экан, унда илмга чексиз иштиёқ уйғонади. Шунинг учун ҳам у ўқитувчиликни ташлаб, Тошкент давлат дорилфу нунига ўқишига кирди. Бу ерда Алишер Навоий, Бобур, F. Гулом, Ойбек, X. Олимжон, А. Қаҳхор асарларини севиб ўқиди, ўрганди.

Университетни тугатиб, Боғдод туманида ўқитувчиклик қилди. Илмий бўлим мудири, директорлик лавозимларида ишлаб, ёшларни илм-фан нурларидан баҳраманд этиш ишларида фаолият кўрсатди. Шеърий машқлари вактли матбуот саҳифаларида эълон қилина бошлади. Бу эса бўлажак адидни марказга — Тошкентга ижодий иш билан жиддий шуғулланишга чорлар эди. Шундай ҳам бўлди. У 1958 йилда Тошкентга кўчиб келди. «Тошкент хақиқати» газетасига ишга кирди.

Х. Тўхтабоев болаликдан тўтри сўз, ҳалол, пок ва меҳнатсевар бўлиб ўсади. Газетада ишлар экан, баъзи но-пок одамларни кўриб, уларнинг қилмишларини ҳазм қила олмади. Бундай кишиларнинг сир-асорларини фош этишга, эл-юрт ўртасида мунофиқларнинг ярамас томонларини очиб ташлашга қарор қилди. Бу борада унга фельетон жанри кўл келди. 1962 йилда республикамизнинг отахон газетаси — «Ўзбекистон овози» га фельетончи бўлиб ишга ўтди. Бу ерда 300 дан зиёд фельетон ёзди.

«Ҳадик», «Тилхат», «Она», «Характеристика», «Бар-вақт айтилган аzon», «Домланинг уйига ўт кетди», «Махсус топшириқ», «Жонгинам, шартингни айт» каби катталар учун қисса ва ҳикоялар ёзган X. Тўхтабоев болалар учун ҳам ҳикоялар яратса бошлади. Унинг «Биринчи дарахтим», «Кочоклар», «Қизғанчик», «Дадажон, ёзманг», «Келвордин, дада», «Вали билан Салим», «Шошқалок»,

«Яхши-яхши» сингари ўнлаб ҳикоялари ёш китобхонларда катта қизиқиш уйғотди.

«Кичкина раис» ҳикоясининг қаҳрамони кичкинтой ўқувчи бола. Лекин Фозилжоннинг хатти-харакати, интилиши, пахта далаларини сергаклик билан кузатиши, фикр юритиши раисларга хос.

Фозилжоннинг она заминга, одамларга нисбатан қизиқиши таъсирли чизилган. Кимсасиз, фирт етим бола ўз қишлоғи, атрофидаги одамлар билан севиниб, қувониб яшайди. Ўзини уларнинг бағрида эркин хис этади.

Худойберди Тўхтабоевда ёзувчиликка иштиёқ уйғотган, қобилиятининг шаклланишида мухим роль ўйнаган, асарларига қайтарилилмас ранг ва жило берган нарса ҳаёт, вақтли матбуот, редакциядаги қайнок ижодий мухит ва қунт, чидам билан ўқиши, ўрганиш, ўз устида ишлаш бўлди.

Ҳаётда турли характердаги одамлар кўп бўлади. Бирор яхшилик қиласман деб ёмонлик қилиб қўйганини ўзи ҳам сезмай қолади. Бирор ўзини жамоат учун ғоят фойдалари одамман деб ўйлайди, аслида эса зааркунанда бўлиб чиқади. Яна бирор билар-бильмас ҳар нарсага аралашаверади, ўртага тушади, сўз беради, лекин бари-бир мен ҳақман, шундай қилишим керак деб билади. Ана шундай кишиларга бағишланган «Жонгинам, шартингни айт» қисаси Худойберди Тўхтабоевни ҳажвчи сифатида кенг китобхонлар оммасига таништириди.

Худойберди Тўхтабоев узок йиллар фельетончи бўлиб ишлаб, кишиларнинг юрак дардини, ҳасратини қунт билан ўрганди. Бундай шикоятларга сабаб бўлаётган шахсларнинг хатти-харакатларини муфассал билиб олишга интилди. Даврдан орқада қолган, сарқит деб аталган иллатлар ботқоғига ботган, молу дунёга хирс қўйган шахслар ҳакида талай фельетонлар ёзди. «Сарик девни мишиб», «Сарик девнинг ўлими» номли асарлари ана шу фактларни умумлаштириш асосида юзага келди, десак тўғри бўлади.

Маълумки, ҳажвий қиссаларимиз бармоқ билан санарли эди. «Калвак махсум», «Тошпўлат тажанг», «Тирилган мурда», «Шум бола»дан кейин анча вақт бу жанрда айтарли асар яратилмади. Кейинги йилларда Абдулла Қодирий ваFaфур Фуломнинг анъаналарини Худойберди Тўхтабоев давом эттириб, бу «бўшлиқ»ни тўлдиришга ҳаракат қилди.

Худойберди Тўхтабоев болалар учун асар ёзаётган пайтда, албатта, ўз ўқувчисини кўз олдига келтириб ёзади. «Олти ёшли болага айтадиган гапингиз ўн тўрт ёшли ўсмирга айтадиган гапингиздан албатта фарқ қилиши керак», деб таъкидлайди у. Ёзувчининг болалар ва ўсмирларга атаб ёзган асарларининг қизиқарли, ўқимишли, жозибали бўлишининг асосий сабабларидан бири ҳам шу. Шунинг учун ҳам Худойберди Тўхтабоевнинг биринчи юмористик-саргузашт қиссаси, болалар ҳаётидан олинган «Сехрли қалпоқча» тез орада болалар хурматига сазовор бўлди ва уни жамоатчилик жуда яхши кутиб олди.

Ёзувчининг юморга мойиллиги, оддий вазиятлардан ҳам кулги чиқара олиш истеъоди илгариги асарларига нисбатан бу асарида яна ҳам чукурроқ сезилди. «Сарик девни миниб» асарини қизиқарли сюжет асосига қуради, асарнинг ҳикоячиси — баёнчиси қилиб ундаги барча воқеаларнинг иштирокчиси, гувохи бўлмиш Ҳошимжонни қўяди, тилга олинадиган воқеалар унинг тилидан ҳикоя қилинади. Ёзувчи Ҳошимжоннинг ҳикояси орқали унинг ҳаёт йўли саргузаштларини, ўзига хос характеристи ва психологиясини атрофлича очиб беради. Шунингдек, Ҳошимжон характерида Ҳўжа Насриддиннинг ва халқ эртакларидаги «тегирмонга тушса бутун чиқадиган» зукко болаларнинг фазилатлари яққол мужассамлашганлигини кўрамиз.

«Сарик девни миниб» да ўқиш, илм чўққиларини эгаллаш учун ва инсоннинг ўз орзуси, эзгу ниятига эришиш учун барча имкониятларни яратиб берган замонамизда яшашига қарамай, дангасалик, ялқовлик қилган, ҳаётда енгил-елпи яшашига йўл ахтарган ва адашган болалар — ҳошимжонлар кулги остига олинади:

Ҳошимжон дехқон оиласидан чиқкан, шўхлиги оламни бузадиган бир бола. У ҳаётдаги кўп нарсага меҳнатсиз, қийинчиликларсиз осон йўл билан эришгиси келади. Меҳнатсиз ва илмсиз ҳам киши истаган нарсага эриша олиши, катта обрў орттириши мумкин, деб ўйлади. Ўз фикрида қатъий турган Ҳошимжон муддаосини амалга ошириш учун бувиси айтиб берган эртакдаги сехрли қалпоқчани излашга тушади, узок изланишлардан кейин истаган ишини ҳеч қандай машақкатсиз бажаришга ёрдам берадиган сехрли қалпоқчани ташландик молхона-

дан топиб олади. Энди у ўзини орзуларига батамом эришадигандай хис этади. «Ортиқча» фанларни дарс жадвалидан чиқаришни рад этган директор, хар хил вазифалар бериб «миясини қотирадиган» ўқитувчиларига ўқимасдан хам ҳар қандай касб әгаси, машхур одам бўла олиш, кўкрак тўла нишонлар билан шон-шуҳратлар, катта обрўга эга бўлиш мумкинлигини кўрсатиб қўймоқчи бўлади ва шу мақсадда сеҳрли қалпокча билан сафарга чиқади. Шундай қилиб унинг саргузаштлари бошланади.

Минг афсуски, сеҳрли қалпокча бу борада Ҳошимжонга кўмак беролмайди. Сеҳрли қалпокча муҳайё этган имкониятлар ҳар сафар кутилмаган кўнгилсиз оқибатларга олиб келаверади. Ҳошимжоннинг баҳти энди кулай деб турганда ишнинг пачаваси чиқиб қолаверади. У давлат хўжалигида агроном бўлиб ҳам, «шоирлик қилиб» ҳам, курилишда муҳандислик қилиб ҳам, кўғирчоқ театрида артистлик қилиб ҳам кўради, машхур саёҳатчи сифатида бутун дунёни кезмоқчи ҳам бўлади. Лекин ҳамма ерда илмининг, тажрибасининг йўқлиги ишнинг пачавасини чиқараверади. Ҳошимжон қаерга бормасин, қандай иш қиласин пировардида шарманда-ю шармисор бўлади. Унинг агрономлик ва муҳандислик «фаолияти» жиноятга олиб келади, камалишига сал колади, шоир бўламан деб расво бўлади, «улуғ артист» театрдан қувилади.

Қиссада Ҳошимжон ўз саёҳати давомида қанчадан-қанча ажойиботларнинг гувоҳи бўлиб, қизик, кулгили саргузаштларни бошидан кечиради. У ўқимай, меҳнат қилмай, ўз устида ишламай жуда кўп нарсаларга эришмоқчи бўлади, лекин у хеч нарсага эриша олмайди. Чунки унга илмисизлиги панд беради.

Ёзувчи Ҳошимжон образини бутун кирралари билан очишга уринган. Болаларга хос ўйинқароқлик ҳам, соддалигу беғуборлик ҳам, фурурлилик, тўғри сўзлик, шумлик бир оз мақтанчоқлик, ҳатто ўрнида ёлғонни ҳам дўндириб юборадиган, ўзини бошқалардан ажратиб кўрсатишига интилиш одатлари, болаларга тақлидчилик, довюрак, эпчил ва руҳий тетиклик, хафачилик ва руҳий тушкунликдан йироқлик ҳам Ҳошимжон характеристига хос хусусиятдир.

Худойберди Тўхтабоевнинг «Сарик девнинг ўлими» саргузашт романи уч қисм («Ўртоқ полковник», «Сарик

девни қувиб», «Сариқ девнинг ўлими ёки олам гулистон бўлгани»)дан иборат. Бу роман асосида ҳам Ҳошимжон саргузаштлари ётади. Китобни ўқиб унинг янги саргузаштларидан хабардор бўласиз, сехрли қалпокча яна мададга келади, ажойиб-ғаройиб кароматлар кўрсатади. У Ҳошимжонга жиддий масалаларда — ўғри, муттаҳам, тикинхўрларни фош этишда ёрдам беради.

Эндиликда Ҳошимжон айнан аввалги ўйинқароқ Ҳошимжон эмас, балки тўққиз йиллик мактабни битириб, улғайиб, бирмунча қуюлиб, эси кириб, ок-корани таниб қолган йигитча. Энди у ўз ҳаёти, тақдири, жамиятга фойда етказадиган одам бўлиб етиши ҳақида жиддий ўйлайди, бирор касб эгаллаш ҳақида бош қотиради. Бошида сартош бўлади. «Биласизку, бир ишга аҳд қилсан, уни охирiga етказмагунча кўймайдиган одатим бор. Жонимни қийнаб бўлса ҳам максадимга эришаман», деб шу касб орқали одамларга хизмат қилишга бел боғлайди. Кейин милиция мактабига кириб ўқиб, уни битиргандан сўнг милиционерликка ишга ўтади. Китобдаги барча воеа-ходисалар, саргузаштлар Ҳошимжоннинг ана шу милиционерлик нуктасидан бошланади, ҳамма гап-сўзлар қаҳрамоннинг шу касб-кори билан боғлик ҳолда давом этади.

Романда яхшилик, эзгулик рамзи ёифатида милиция полковниги Салимжон, унинг мададкори Ҳошимжон, ёмонлик, эскилиқ рамзи тарзида Одил баттол гавдаланади.

Улар ўртасида тинимсиз шиддатли кураш кетади. Одил нихоятда маккор, у Салимжон бошига жуда кўп оғир савдолар солган, уйига ўт кўйган, унинг якка-ю ёлғиз фарзандининг қўлига тўппонча тутқазган, жиноятга етаклаган.

Асар пировардида бутун умри давомида ҳалққа, яхши одамларга зарар етказиш билан шуғулланган Одил баттол ва унинг ҳамтовоқлари қонуний мағлубиятга учрайди, ҳақиқат, адолат, эзгулик ғолиб чиқади.

Худойберди Тўхтабоев ўз романида юлғичларга, қаллобларга қарши курашда бутун ҳалқ бир кишидай бўлиб бирлашса, бу ишни бутунлай ўз қўлига олса, Одил баттолларга қирон келади, улардан ном-нишон ҳам қолмайди, деган фикрни ўртага ташлайди.

«Сариқ девни миниб» қиссаси, «Сариқ девнинг ўлими» романининг энг яхши фазилатларидан бири тилининг ширадорлиги ва ўйноқилигидадир. Муаллиф бош

кахрамон Ҳошимжоннинг тилини алоҳида эътибор билан ишлаган. Бу тил нозик қочиримларга бойлиги ва жонлилиги, шу билан бирга болалар тилига мос ҳолда соддалиги билан ажралиб туради. Қахрамоннинг характери унинг сўзларидан шундокқина билиниб туради.

Фантастик-саргузашт жанри болалар адабиётининг энг қизиқарли жанрларидан биридир. Бундай асарлар болаларнинг онги ва психологиясига кучли таъсир кўрсатади, уларни ўқишга, ўрганишга, изланишга ўргатади, жамиятимизнинг фаол курувчиларини тарбиялашга ёрдам беради.

«Қасоскорнинг олтин боши» роман марказида бош қахрамон — тарихий шахс, халқ қасоскори Намоз такдири ётади. «Қасоскорнинг олтин боши» тарихий-биографик роман эмас, шунинг учун ҳам муаллиф Намознинг ҳаётини батафсил ёритиб беришни мақсад қилиб олган эмас. Лекин адаб ўрни-ўрни билан унинг ҳаётига доир маълумотлар бериб борган. Бу маълумотлар унинг характерини тушуниб олишда китобхонга ёрдам беради.

Намоз факат жисмонан эмас, ақлан ҳам етук. У ҳақиқат учун қасоскор, қўрқмас, тадбиркор, очик кўнгил қахрамон сифатида гавдалантирилган. У атрофига ўзи каби довюрак йигитларни тўплаб, зулмкорларга қарши курашга ундаиди.

Ҳалоллиги, мардлиги, адолатлилиги, етимпарварлиги учун халқ Намозни яхши кўради ва уни Гўрўғлига қиёс килади. «Гўрўғлибек Намозбўй қиёфасида пайдо бўлган эмиш. Афсун ўқиса кўздан ғойиб бўлиб қолармиш. Ундан ўқ ўтмас эмиш, қилич чопмас эмиш...»

Намознинг мардлиги, жасорати халқ қалбида мангу яшаб келаётганлиги «Қасоскорнинг олтин боши» да яхши чизиб берилган.

Талантли болалар адаби Худойберди Тўхтабоевнинг «Сир очилди», «Ака-ука Монбой билан Давронбойнинг қишлоққа газ олиб келганлари ҳақида жажжи қисса», «Беш болали йигитча», «Ширин қовунлар мамлакатида ёки сеҳргарлар жанги», «Мунгли кўзлар», «Жаннати одамлар» каби йирик асарларининг юзага келиши ўзбек болалар адабиётининг ютуғи ҳисобланади. У болалар учун янада ўқимишли асарлар яратиш мақсадида тинимсиз изланмоқда.

ФАРХОД МУСАЖОН (1933 йилда туғилган)

Ўзининг қисқа ҳажмли ва ҳаяжонли ҳикоялари, мазмундор қиссалари, кичкитойларни тўлқинлантирадиган пъесалари билан болаларнинг қувончларига қувонч улашиб келаётган қаламкашлардан бири Фарход Мусажон 1933 йилда Тошкент шаҳрида туғилган. 1956 йилда ТошДУнинг Шарқ факультетини тамомлайди. Бир неча йил Ўзбекистон радиосида, «Ўзбекистон маданияти» газетасида, «Ғунча» журналида меҳнат қиласди. 1966 йилдан эса «Ўзбекфильм»да муҳаррир, бош муҳаррир вазифаларида ишлаб келмоқда.

Фарход Мусажоннинг ilk асари 1955 йилда эълон килинган. Шундан сўнг «Дарадаги қишлоқда» (1960), «Турди, қизил боғич ва мен» (1970), «Офтобни қувлаб» (1970), «Чин дўстлик» (1976), «Чевар қиз» (1982), «Булок суби» (1982), «Турди, велосипед ва мен» (1983), «Глоток родниковой воды», «Текин томоша» (1989) каби китобларининг майдонга келиши болалар учун катта байрам бўлди.

1997 йилда адид ўзининг болаларга атаб ёзган барча ҳикояларини жамлаб, йигирма икки табоқдан иборат катта китобини қайта ишлаган ва тўлдирилган ҳолда чоп этирди. Бу китобини ҳам илгарисига ўхшаб «Текин томоша» деб атади. Олдингисидан фарқли ўларок бу китоб уч кисмдан иборат: кичкитойлар, ўрганчалар ва ўсмиirlарга.

Фарход Мусажон ижодининг ўзига хос хусусиятларидан бири шундаки, унинг аксар ҳикоялари қувноқ юмор хисси билан сурорилган. Адиднинг барча ҳикояларида беғубор ва завқли болалик даври руҳияти сақланган. Шунинг учун унинг ҳикоялари осон ўқиласди, осон ҳазм бўлади. Натижада таъсир кучи ҳам ортади.

Адид ижодининг яна бир жиҳати у ўз персонажларини ёмон ёки яхши, адабий атамалар қўллаб айтадиган бўлсан, салбий ёки ижобийга ажратмайди. Уларга баҳо берар экан, феъли-автори қандайлигини тасвирлар экан хеч қачон кучли ибораларни, «аблаҳ, иблис, ярамас, га-

занда» ва ҳоказо ҳақоратомуз, қаттиқ-қуруқ сўзларни ишлатмайди. Зеро, инсон сифатида энди шаклланаётган болаларга нисбатан бундай ўткир сўзларни ишлатиш инсофдан ва адолатдан эмаслигини тушунади. У ўз қаҳрамонларини қандайлигидан қатъи назар — ўйинқароқми, лапашангми, айёрми, дангасами, мақтанчоқми — ҳаммасини бирдай севади ва севиб тасвирлайди. Унинг учун мутлақо ёмон бола умуман йўқ, камчилиги бўлиши мумкин, дейлик ёлғончироқ, хасисроқ, худбинроқ, лекин ноқас бола йўқ, ҳар қандай болани ҳам тӯғри йўлга солиб юбориш мумкинлигига ишонади. Ва шу муборак мақсад йўлида ижод киласди.

Фарҳод Мусажоннинг ўзига хос услуби бор. Унинг асарларидан бир парчагина ўқиган одам муаллифнинг кимлигини аниқлаб олиши мумкин. У аниқ, содда, тушунарли ва ихчам ёzáди. Шу сабабли катта маҳорат эвазига йиллар давомида пайдо бўладиган ва шаклланадиган бадиий соддалик туфайли унинг асарлари ўқимишли чиқади. Болалар тили билан айтсан ҳикоялари «ростакам бўлган воқеага ўхшайди». Дарҳақиқат, адаб воқеаларни худди ҳаётдагидек ишонарли ва қизиқарли қилиб сўзлаб беради. Бу жуда мухим. Негаки болалар ҳикоя воқеала-рига ишонмасалар, асарнинг таъсир кучи йўққа чиқади. Мана шу омил — ишонтира олиш маҳорати Ф. Мусажон ижодининг энг мухим хусусиятидир.

Фарҳод Мусажон барча ёшдаги болалар учун ёzáди. Унинг китоблари орасида мактабгача тарбия ёшидаги, мактаб ёшидаги, кичик ҳамда ўрта ва кattta ёшдаги болаларга ва ўсмирларга бағишиланган асарларни ҳам учратиш мумкин.

Аёнки, мактабгача тарбия болалар китобхонлиги отаоналар, тарбиячилар томонидан амалга оширилади. Болалар ўзлари тинглаган асарлари ёрдамида атроф-мухит билан таниша борадилар. Она-юрга, табиатга муҳаббат хислатлари; меҳнат қилиш ва меҳнат аҳлини хурмат қилиш каби фазилатлар шу ёшдан шакллана бошлайди. Турмушда қизғанчиқ бўлмаслик, касб-хунар эгаллашга интилиш, катталарни хурмат қилиш каби ижобий фазилатлар ҳам шулар жумласига киради.

Болаларнинг педагогик-психологик хусусиятларини яхши ўрганган Фарход Мусажон кичик ёшдаги болаларга бағишлиб «Энг яхши бобо», «Шодиёна кун», «Шикилдок», «Пахлавон ва нимжон», «Совға», «Ажойиб бузоқча», «Яхшилик», «Тўлаб бер», «Варрак», «Доф» каби ўнлаб хикоялар яратган.

Адибнинг «Варрак» асари мазмуни оддийгина варрак ясаш воқеаси асосига қурилган. Асарда кичкентойларни болаликдан бошлаб мустақил ҳаракат қилишга чақирилади.

Ана шундай жозибали асарларидан яна бири «Энг яхши чана» дир. Бу хикояда қўли очик, саҳоватли, бафри бутун бўлишлик, хасис, зикна бўлмаслик каби ғоялар кичкентойлар онгига етказилади: Латифжонга дадаси чана олиб келиб беради. Қувончдан боланинг боши кўкка етайдейди.

Латифжон бошда анча қизғанчик бўлади. Шунинг учун чанада битта ўзи учади. Бошқаларни чанага яқин келтирмайди, унга бирорнинг қўли тегиб кетса, чанани кўтариб уйига чопади.

Латифжоннинг дадаси ўғлидаги бундай қизғанчиқликни пайқайди, лекин унга панд-насиҳат қилиб ўтирамайди. Аксинча, куйидаги ибратли хикоятни келтиради:

— Биласанми, — деди дадаси ўғлига, — мен бу ажойиб чанани қаердан олдим? Бунакаси магазинда сотилмайди, бу буюртма билан қўлда ясалган чана. Ёши олтмишда. Ҳа, олтмиш йил бурун битта оғайнимнинг дадаси олиб берган экан. Оғайним ўша пайтда сендек экан. Чананинг чиройлилигини кўриб учишга унинг ҳам кўзи қиймабди. Каттароқ бўлганимда учарман, ҳозир болалар тортиб олиб эскитиб қўйишади, деб асраб юраверибди. Орадан йиллар ўтибди, бир куни қараса болалиги тугаб чол бўлиб қолибди. Энди унга чана керак эмас экан, чунки чол одам уялмасдан чана учадими?! Оғайним чанани менга совға қилас экан, беғубор болалик чоғимда маза қилиб учолмадим, ишқилиб сенинг ўғлингга яхши хизмат қилсин деди. Шунақа, ўғлим, қизғанчик одам завқдан маҳрум бўлади!

Латифжон аввал дадасининг бу гапларига тушуна қолмайди. Юрагининг аллақаери жаз этгандек бўлади. Ниҳоят у дадасига юзланиб:

— Эртадан бошлаб аямасдан учаман, — деди.

Адибнинг «Совға» ҳикояси болаларни меҳнаткаш бўлишга даъват этади. Оқилжоннинг гул экиши, уни меҳр билан парвариш қилиши кичик китобхонда катта таассурот қолдиради.

«Турди, қизил борич ва мен» ҳикояси узоқ йиллардан бери ёш китобхонларнинг севимли асарларидан бири сифатида эъзозланиб келинади.

Ҳикояда озодалик, шаҳар тозалиги учун курашиш бош масала қилиб қўйилади. Турди ва Фиёс кабиларнинг шаҳар тозалигига фаол қатнашмаганликлари, дангасаликлари фош қилинади.

Хуллас, Фарҳод Мусажон ўзининг мактабгача ва мактаб ёшидаги кичик болаларга бағишлиб ёзган ҳикояларида салмоқдор фикрларни содда, болаларбоп шаклда айтади. Адид насиҳат қилиш йўлидан бормайди, аксинча, болалар хаётида кўп учраб турадиган оддий воқеаларни тасвиirlайди ва айтмоқчи бўлган муҳим гапларни ана шу воқеалар мағзига сингдириб юборади.

Фарҳод Мусажоннинг «Орзуга айб йўқ», «Бўш келма, Аликулов», «Булоқ суви» каби бошқа қиссалари ўзбек болалар адабиётида муҳим ўринда туради.

Фарҳод Мусажон драматург сифатида ҳам ёшларнинг меҳрини қозонган. «Хаёлпарастлар», «Оқ кабутар», «Сабил қолди», «Ўғлимни қайтариб беринглар» пьесалари шулар жумласига киради.

Булар орасида айниқса, «Ўғлимни қайтариб беринглар» эсари машҳур бўлди.

Драматург унинг номини ўзгартириб «Нажот истаб» деб қайтадан ишлади. У Ҳамза номидаги Академик драма театрида муваффакият билан қўйилди. Душанбе, Олмтаота шаҳарларида, Татаристонда сахна юзини кўрди.

Пьесада асосан бола тарбиясида ота-онанинг ўйнайдиган бекиёс катта ҳақида гап боради.

Фарҳод Мусажон катталарга бағишлиб «Баҳор нафаси», «Бу кўзларга ишонса бўлади», «Хотин кишининг раъий», «Кўр шофёр», «Зўраки кашанд», «Нозик масала», «Калла-поча», «Ҳиммат», «Боғ кўча» каби китоблар ёзган.

ЛАТИФ МАҲМУДОВ (1935 йилда туғилган)

Хозирги замон ўзбек болалар адабиётида ҳикоя, қисса, пъесалари билан машхур бўлган қаламкашлардан бири Латиф Маҳмудовдир. У 1935 йилда Тошкент шаҳрида дунёга келди. Тошкент давлат дорилфунунини тамомланган. Узок йиллар Республика радиосида, бир қатор нашриётларда ишлаган.

Латиф Маҳмудов ўзининг дастлабки ҳикояларидан бири «Чинор» билан ёш китобхонлар олқишига мұяссар бўлди.

Ҳикоя қаҳрамони Салим бобонинг ҳар куни эрталабдан кечгача чинорнинг тагида ўтириши болаларга жуда бошқача туюлади. Гўёки бу ерда — чинор остида қандайдир бир яширин сир бордек туюлади уларга.

Маълумки, болалар ҳар бир нарсага қизиқувчан бўладилар. Улар ўzlари учун номаълум бўлган оламнинг сирасорларини тезроқ билиб олишга, унинг охирига етишга интиладилар. Шокир ҳам, Вали ҳам ана шундай болалар тоифасидан. Шунинг учун улар чинор ва унинг остидаги супага жуда қизиқиб қоладилар. Салим отанинг супада кечаю кундуз ўтириши уларни ҳайратга солади.

Аслида чинорда ҳам, супада ҳам ҳеч қандай сир-пир йўқ эди. Бобонинг якка-ёлғиз ўғли бўлиб, у шоиртабиат бўлган. Бир вактлар шу чинор олдида бир аёл анҳорга қулаб тушади. Уни Салим отанинг ўғли кутқаради. Аммо ўзи анҳордан чиқа олмай, сувга чўкиб ҳалок бўлади. Шу сабабли чол чинор тагида, супа устида узок ўтириб, ўғлидан қолган ёдгорлик — унинг китобини қайта-қайта ўқиёди.

Бундан бехабар болалар ғор қазиб, бу ердаги сирни билиб олмокчи бўладилар. Қутилмаганда болаларнинг ғори ўпирилиб, супа қулаб тушади. Бу ерда ҳеч қандай сир ҳам, тарих ҳам йўқ эканлигини билган болалар, айниқса, бобонинг супа ўпирилиб тушганидан кейинги ҳолатини кўриб, ўзларини ўzlари кечира олмайдилар. Чол эса уйидан чиқиб супа томон юрар экан: «... чинордан ўн-ўн

беш қадам нарида, анхор бўйида ўрани кўриб тўхтади, энгашди, хассасига таяниб худди сурат олдираётгандек қимир этмай туриб қолди. Анчадан кейин бошини кўтариб, кўз олди жимиirlашиб кетди, ойнагини артмоқчи бўлганди, қалқиб кетиб, анхорга тушириб юборди. Қалтираб анхор ёқасига чўккалади. Енгини шимариб, ойнагини кидира бошлади. Бирок чукур, қўлини тортиб хассасини сувга тикиб кўрди. У ҳам етмади. Ойнак аллақачон оқиб кетган эди. Салим бобо сувга қараб анча ўтириди. Кейин секин ўрнидан турди. Чинорнинг тагига бир қараб, қокила-қоқила уйига қараб кетди».

Кариянинг бундай аянчли ахволидан ва айниқса, бу воқеадан кейин унинг касал бўлиб қолишидан болалар қаттиқ изтироб чекадилар. Бу ишда факат ўzlари айбдор эканликларидан уяладилар. Қандай бўлмасин, чолга таскин беришга, унга ҳар томонлама кўмаклашишга, ёрдам беришга харакат қиласидилар.

«Чинор» ҳамон севиб ўқилмоқда, болаларни яхшиликка, кексаларга кўмак беришга, ажойиб инсон бўлиб камол топишга даъват этиб келмоқда.

Кимки жисмоний меҳнатга берилса, жисмоний тарбия ҳамда спорт билан ошно бўлса, у хаётда соғлом ватетик бўлади, олдига қўйган ният-мақсадига эришади, тенгкүрлари ўртасида обрў-эътибор қозонади. Ёки аксинча...

Ёзувчи Латиф Махмудовнинг «Дарвозабон» ҳикоясининг қаҳрамони Ориф юкорида таъкидлаб ўтганимиздек, иккинчи тоифадаги болаларга киради.

Кўпчилик болалар тўрли дам олиш масканларидага ёзги таътилни кўнгилдагидек ўтказиб, спорт билан шуғулланниб, янги куч-қувват тўплайдилар, ҳар томонлама чиникадилар.

Ориф-чи? У на жисмоний меҳнат қиласиди, на спорт билан шуғулланади, на бадиий китоб ўқиади. Кечаси-ю кундузи овқат еб, хомсемиз бўлиб қолганлигини Латиф Махмудов болаларга таъсир қиласиган даражада тасвирлаб беради.

Ҳикояни, айниқса, куйидаги мисраларни ўқиган ҳар бир ёш китобхон Орифнинг бу қиёфасидан кулади ва ўзи ҳам шу кўйга тушиб қолмаслик учун ҳаракат қиласиди:

«...қўшни кўча футбол командаси билан сайхонликда учрашув бўлди. Ориф дарвозабон эди. Ўйинга аралашмай қўя қол, десак ҳам «мен бу учрашувга атайлаб куч йиққанман» деб туриб олди. Ноилож кўндинк.

Шу куни рақибларимиз дарвозага ўн тўрт тўп киришишди. Ориф Нишонов копток тутаман деб ҳар гал коптокдан олдин ўзи думалаб дарвозага кириб кетар эди».

Латиф Махмудов ҳикоялари мавзу жиҳатдан рангбаранг. Уларнинг ҳаммасида болаларнинг қайнок ҳаёти уфуриб туради. Адиганинг деярли барча ҳикояларида болаларни қизғанчик бўлмасликка, катта-кичикка меҳрибон, ғамхўр бўлишга чақириш («Бир пуд тош»); озода бўлиш, гигиена қонун-қоидаларига амал қилиш («Қойил қилишди»); ҳалол, пок, тўғри сўз бўлиш («Аттанг»); кўчат экиш, боғ-роғларни парваришлаш («Голос»); она табиатни асраш, авайлаш, унга фидойилик кўрсатиш («Қирғай», «Мусича»); давримизга муносиб касб-кор эгаси бўлиш («Шокирнинг тоғаси») каби болаларни қизиктирадиган, уларни ҳаяжонга соладиган, тўлқинлантирадиган масалалар ётади.

Латиф Махмудов ўзбек адабиётида қисса жанрини ривожлантиришга ҳам катта ҳисса қўшиб келаётган талантли адиглардан бири ҳисобланади. Адиганинг «Эски дуторнинг сирлари», «Тоғдаги лолалар», «Тоғда отилган ўқ», «Икки дангасанинг саргузаштлари» каби қиссалари ни ўқимаган ёш китобхон топилмаса керак.

Адиг ўз қиссаларида болаларнинг ҳаётларини, эзгуният, орзу ва интилишларини ёзади. Қиссаларида аъло ва яхши ўқишига интилиш, жисмоний тарбия ва спортга берилиш, катталарни ҳурмат қилиш ва кичкинтойларга ёрдам қўлини чўзиш, меҳнатсевар ва она-Ватанга фидокор бўлиб камол топиш каби масалалар ётади.

Адиганинг энг жозибали, болалар қалбини ўзига ром этадиган қиссаларидан бири «Икки дангасининг саргузаштлари»dir.

Қисса қаҳрамонлари — Мирвали, Ботирлар оддий, бошқалардан фарқ қилмайдиган болалар, аммо хатти-ҳаракатлари, интилишлари бир жаҳон. Иккаласи ҳам ёмон ўқувчилардан эмас. Ҳулқ-одоблари ҳам бошқаларга манзур бўладиган болалардан.

Ҳамма гап адабиёт муаллими Алижон Валиевичнинг Ботирнинг дадасига мактуб ёзиб беришидан бошланади.

Алижон Валиевичнинг болалар маъқул кўрмайдиган бир одати бор. Буни Мирвали тилидан берилиши янада ишончли чиққан: «Сиз Алижон Валиевич жуда баджалил одам экан, деб ўйламанг. Алижон Валиевич бировга қаттиқ гапирмайди, уришмайди, қовоини ҳам солмайди. Ҳатто айбингизни ҳам айтмайди. Гунохингиз оғир бўлса икки эллик хат ёзиб конвертга солади, яхшилаб елимлади, сизнинг оппоқ оқариб кетаётганингиздан завқлашиб бепарволик билан қўлингизга тутади.

«— Шуни дадангизга бериб қўйинг».

Ботир ўқитувчининг кўлидан мактубни олар экан, даҳшатга тушади, нима гуноҳ иш қилиб қўйганини билмай ўй-хаёлга ботади.

Ҳамфир, дўст, сирдош, юрса-турса бирга бўладиган Мирвали билан ўқишка, юриш-туришда йўл қўйган хатоларини хўп ўйлашади. Маълум бўлишича, улар кунлардан бир кун чолларга салом бермай ўтишган, қачонлардир танаффусда бир марта ўқитувчилардан яшириб папирос чекишишган, дарс тайёрламай келишганда синдошларидан уйга берилган вазифани кўчиришган. Аммо булар хатга асосий сабаб бўлмаслиги мумкин деб ўйлашади.

Болалар рухиятини яхши биладиган Латиф Махмудов ўқитувчи таърифига катта баҳо беради. Алижон Валиевич образини жуда ишончли қилиб чизади. Ботир юрса-турса ўқитувчи-устози уни кузатиб тургандек бўлаверади:

«...Назаримда кўчада юрсам слкамдан, уйда китоб ўқиб ётсан шиддан караб турганга ўҳшайди» деб болани ҳаётга янада масъулият билан қарашга ўргатади.

Латиф Махмудов қиссада тимурчилик харакатига ҳам алоҳида муносабатда бўлади. Ўқитувчининг мактубини олган болалар ўзлари йўл қўйган хатоларини қидира бошлашади ва гуноҳларини ювиш мақсадида ўткинчи бир чолнинг қопини кўтаришиб унинг уйига олиб боришади. Бу каби лавҳалар ёш китобхонда катта таассурот қолдиди.

Икки дўст нима бўлганда ҳам ўқишини бўшаштирумасликка ҳаракат қилишади.

Кейинчалик мактубдаги:

«—Заводингизга экспурсия уюштирмокчимиз, пахта териш машинаси ҳақида гапириб берсангиз, қачон борсак бўлади?» деб сўралган хат мазмунидан хабардор бўлган икки дўст териларига сифмай қувонишади ҳамда ўз хато ва камчиликларини тузатиб олганликларидан беҳад шод бўладилар.

Шу нарса қувонарлики, қиссада хатоларсиз яшаш ҳар бир бола учун катта баҳт эканлиги китобхон кўзига ярқ этиб ташланиб туради.

Латиф Махмудовнинг «Чўққидаги лолалар» қиссасида ҳам фаройиб, фавқулодда ва ғоятда қизиқарли воқеалар хикоя қилинади. Қиссада сирли йўловчилар ҳам, шахар ҳовлиларидан бирида содир бўлган ғалати воқеа ҳам, дом-дараксиз ғойиб бўлишлар ҳам, антиқа изланишлар ҳам бор. Қиссага Қизбулоқ ҳақидаги афсона ниҳоятда табиий сингдириб юборилган. Ана шу боисдан ҳам қисса қизиқиб ўқилади.

Латиф Махмудов ўзбек болалар насрода саргузашт жанрини ривожлантиришга ғоят катта хисса қўшиб келаётган адиллардан биридир. «Чўққидаги лолалар» шу жанр меваси ҳисобланади. Унда бошдан-оёқ болаларни ўзига ром этадиган воқеа ва саргузаштлар баён этилади.

Аммо, шубҳасизки, гап факат саргузаштлардангина иборат эмас. Қиссанинг аҳамияти, муҳим жиҳати унинг яхшилил билан ёмонлик ўртасидаги кураш хусусида, янги ҳаёт ҳақида, ақлли, заковатли, тиришқоқ, сахий, меҳридарё кишилар — катталар ва болалар ҳақида эканлигига.

Қисса сахифаларида турли-туман ўғилу қиз болалар, бизнинг замондошларимиз гавдаланади. Булар Равшан ва Асқар, Шаҳло ва Мунира, Озода ва Нортожилар. Улар сира бир-бирларига ўхшамайдилар, феъл-атворлари ва истак майллари турлича, аммо уларни бир нарса — ҳалоллик, садоқатлилик, чинакам дўстлик бирлаштириб туради.

Катталар — Мўминжон, Мулладўст, уста Ашир образлари ҳам муваффақиятли чикқан.

Латиф Махмудов нозиктаъб, хассос ижодкор, у инсон характеристи, кайфиятининг турфа хил қирраларини маромида тасвирлашни жуда яхши уddyалайди.

«Латиф Маҳмудовнинг «Чўққидаги лолалар» киссанини ўқир эканман, — деб ёзади Сергей Баруздин, — бу шоир битган проза асарику, деган фикр хаёлимдан нари кетмади». Зотан, ушбу таассурот бежиз эмас. Латиф Маҳмудовнинг ўз асарлари қаҳрамонлари билан муносабатида қандайдир ўзгача бир илиқлик, тасвир оҳангига самимият акс этиб туради. Айнан шу нарса асар қаҳрамонларини жонли, ҳаётий ва тўлақонли тасаввур этишга имкон беради. Ёш китобхонларнинг адид асарларини бунчалик севиб ўқишиларининг боиси ҳам ана шундадир.

Адид кейинчалик бу асарини қайта ишлаб, «Копга яширинган одам» романини яратди.

Латиф Маҳмудов ўзбек болалар адабиётида драма жанрини ривожлантиришга катта хисса қўшиб келаётган санъаткор сифатида ҳам эъзозланади. Унинг «Э, аттанг!», «Мухим топшириқ», «Дангасанинг саргузашти», «Ҳақиқий ўғил бола», «Али билан Вали», «Бургут олиб қочган бола» каби асарлари узок йиллардан бери ёш томошабинлар қалбига кувонч бағишилаб келмоқда.

Латиф Маҳмудов драмаларида доимо болаларнинг қайнок ҳаётларини акс эттиради. Қаҳрамонлар кўпинча ўзларининг аъло хулк-одоблари, меҳнатсеварликлари, ўқиш, мактабни севишилари билан ажralиб турадилар. Баъзи ҳолларда эса ишёқмаслик, дангасаликлари туфайли ўз тенгкурлари даврасида қизариб қоладилар. Масалан, «Э, аттанг!» асарини олиб кўрайлик. Аббос билан Азим 4-синфда ўқишиади. Улар учун жисмоний меҳнат жуда енгилдек туюлади. Иккаласи.

Бизнинг ишни
Хамма кўрсин.
Кўча-кўйда
Мактаб юрсин, —

дея синф хоналарини ювишга киришадилар.

Шошқалоқликлари, ишда тажрибасизликлари туфайли болалар полга сувни кўп тўкиб юбориб уни арта олмайдилар, дангаса, ишёқмас икки ўртоқ 1-синф ўқувчиларининг ёрдамлари билан синфни тозалаб, дўстлари олдида изза бўладилар.

Латиф Махмудовнинг «Али билан Вали» саҳна асари бугунги ўзбек болалар драмачилигидаги энг бақувват асарлардан бири ҳисобланади. Шунинг учун ҳам у узоқ йиллардан бери республикамиз болалар саҳнасидан тушмай келаётир.

Асарнинг бош ғояси инсон ва унинг тарбияси. Ҳалқда кимки ўзига ўзи хизмат қилишни билса, у ҳақиқий инсон бўлади, деган гап бор. Асарнинг бошидаёқ ўзига-ўзи хизмат қилишни ёқтирумайдиган, кир-чир юрадиган Али билан Вали қиёфаси, уларнинг юриш-туришларига кенг ўрин берилади.

Али ҳам, Вали ҳам тозаликка, гигиена қонун-қоидаларига асло риоя қилмайдиган болалар: кийимлари кир, дазмолланмаган, қўл, бўйинларига сув тегмаган, тирноқлари олинмаган бу болалар синфда тўполончи, ўзлаштиромчиликда ном чиқаришган. Улар меҳнат қилиш, жисмоний тарбия ва спорт ишлари билан шуғулланишни хаёлларига ҳам келтиришмайди, синфдошларини менсишмайди.

Тўполончи, қолоқ Али билан Вали тарбияси билан бутун синф шуғулланади. Айниқса, бошқа мактабдан келган аълочи ва жамоатчи Дилбарнинг хизмати катта. У юриш-туриши, оғир ва босиқлиги билан буларга ўз таъсир кучини ўтказади.

Асада ўқитувчи Асад Сайдович бошдан оёқ иштирок этмайди. У аҳён-аҳёнда китобхон кўзига ташланади. Али билан Валини яхши ишларга қўл уришга чакиради. Бу эса бошқа тўполончи болаларга ғайритабиийдек туюлсада, аммо кейинчалик улар бу ҳақ гапдан тўғри хулоса чиқаришга ҳаракат қиласилар.

Али билан Вали асар охирида катта ҳаёт йўлида бошқа тенгқурлари каби дадил олға интилевчи болалар сифатида намоён бўлишади.

Латиф Махмудов ҳам ҳикоя, ҳам қисса, ҳам драма жанрида ижод қилиб, ўзбек болалар адабиётининг саломогига салмоқ қўшиб келаётир.

Ўзбекистон Ёзувчилар уюшмасининг Fafur Fуломномидаги мукофотига сазовор бўлган Латиф Махмудов Ўзбекистонда хизмат кўрсатган маданият ходимиdir.

МИРАЗИЗ АЪЗАМ (1936 йилда туғилган)

Хозирги замон ўзбек болалар шеъриятида шоир Мирализ Аъзамнинг ўз ўрни бор. Бу албатта, унинг изланиши, меҳнаткашлиги, болаларни ва уларнинг адабиётини қаттиқ севишидан. Ижодкор болалар ўртасидаги дўстлик, ҳамжиҳатлик, она-Ватанга чексиз муҳаббат, одобли бўлиш, яхши ўқиш учун ҳаракат қилиш, курашиш каби масалаларни кўпроқ очиб беришга ҳаракат қиласи.

Мирализ Аъзам 1936 йилда Тошкент шахрида туғилди. Мактабда ўқиб юрган кезларида ёқ шеъриятга қизиқди. Шеърий машқларини Қуддус Мұхаммадий ва кейинчалик Қудрат Ҳикмат бошчилик қилган адабий тўгаракда синовдан ўтказар, ижодий изланиш, ўқиш ва ўрганишни қизғин давом эттирас эди. Адабиёт ва шеъриятга бўлган чанқоқлик уни ТошДУга етаклади. Адабий машқлари болалар ва ўқувчилар газеталарида, «Гулхан», «Фунча» журнallарида босила бошлиди.

Университетни муваффакиятли тамомлаган М. Аъзам бир қатор газета ва журналларда ишлади. Шоирнинг «Металлург», «Ақлли болалар», «Сенга нима бўлди?», «Ғалати туш», «Ер айланади», «Ерга довруқ соламиз», «Ҳақиқатнинг кўзлари», «Сабот», «Туйгулар», «Бир чўнтак ёнроқ» каби тўпламлари болалар китоб жавонларидан мустаҳкам ўрин олган.

Мирализ Аъзамнинг жуда кўп шеър ва қўшиқ, эртак-достонлари катта-кичик болаларга бағишиланган. У ҳар бир асарида болажонлар учун, албатта, бир янгилик, бир яхши гап айтиш иштиёқи билан қайнаб-тошади ва бунинг уддасидан чиқади. Масалан, «Ер айланади» шеърини олиб кўрайлик. Бундай олиб қарасангиз, бу бир оддий гап. Ахир неча минг асрдан бери у айланади, яна айланаверади, бу ҳақда жозибали шеър бўлиши мумкин эмас, деган тушунча хаёлингиздан ўтади. Лекин шеърни ўқийдиган бўлсангиз сизнинг тасаввурингиз бутунлай ўзгарамади. Мурғак қалб у ёқда турсин биз катталар ҳам ернинг айланishi, онларнинг ўтиши, шамолнинг эсиб ту-

риши билан ўсиб-улғайишимиз, камол топишимиз, бунёд-корлик ишларимиз кўз ўнгимиздан ўтади. Қилган яхши-ёмон ишларимизни ўйлаймиз. «Ер айланади» — худди шу ҳақда баҳс юритади:

Аста-аста шамол эсади,
Аста-аста ер айланади.
Аста-аста одам ўсади,
Аста-аста ер айланади.
Аста-аста улғаяр ақл,
Аста-аста ер айланади.
Аста-аста етилар нақл,
Аста-аста ер айланади...

Кичкинтойлар кўпинча ҳаёт мураккаблигидан бехабар бўладилар. Улар катталарнинг кўмагида, ўзлари тингланган бадиий асарлари ёрдамида олам мўъжизалари, турмуш билан танишиб борадилар. Миразиз Аъзамнинг «Бедананинг бувиси» шеъри кичик ёшдаги болаларга жуда кўл келади. Бу шеър халқ оғзаки ижоди анъаналари таъсирида яратилган.

Ёш китобхонлар шеърда беданаларнинг турмуш тарзлари билан яқиндан танишиб оладилар. Худди инсонлар каби уларнинг ҳам қавм-қариндошлари, кекса-ёшлари бўлишини, касал-соғ юришларини буви-бедана кечмишлари орқали тушуниб етадилар. Буви дардга чалиниб, оғир касал бўлиб қолади, томоғидан овқат ўтмайди. Ҳамманинг тинчлиги, ороми бузилади, ҳар ким қўлдан келганча унга мададкор бўлишга интилади. Бу эпизод чиройли ва таъсирили чизилган:

Бедананинг отаси бор экан, нор экан,
Онасига орият ёр экан, ёр экан.
Дори-дармон, ўт-ўлан келтириб, келтириб,
Қари күшга тутишиб, ичириб, едириб.
Айланишиб бошида турдилар.
Софайишнинг чорасини кўрдилар, кўрдилар...

Ва-вак, ва-вак,
Бит-бил-дик.
Ва-вак, ва-вак.
Бит-бил-дик.

Биз хар доим болалар адабиётида ўй ўйлаш, хаёл сурининг учкур хаёллари билан яшаш ҳақида ёзилган асарларни қизғин қўллаб-кувватлаймиз. Мирализ Аъзамнинг ҳам «Хаёл сурининг қаҳрамони ҳар бир нарсани тезрок билиб олгиси, унинг поёнига етгиси келади. Лекин у қанчалик ўйланмасин, хаёл сурмасин, ақлий тафаккури ҳали тўла ривожланмаганлиги сабабли кўп нарсаларни тушунмайди, ожизлик қилади. Ота ўғилни унчалик ўйламасликка чакиради. Отанинг насиҳати билан бола ўзини тинчита олмайди:

Кун қиска

қандай қилиб кун чикади,
деб ўйлайман,

Тун чўзилса,

нега тун
чўзилди,
деб ўйлайман.

Уни хаёл киласман,

Буни хаёл қиласман

Ўйлайман,

бари бир,
ўйлайман.

Мирализ Аъзамнинг «Биз енгамиз бўронларни» шеъри буғунги мустақилликка жуда қийинчилик билан, курашлар билан етиб келганлигимизни жарангдор мисралар билан чиройли ифодалаб беради:

Бизни босди ловуллар. селлар —
Омон чиқдик бўронлардан,
Омон яшар ботир эллар —
Қўркмас ваҳший хайвонлардан,
Корли, музли чўққилар ҳам
Қолиб кетар пойимизда.
Жасур кўшик бизга ҳамдам
Ҳар бир қўнган жойимизда.

Шоир бу билан чегараланиб қолмайди. Ҳали олдинда қиласиган ишларимиз, улуғ мақсадларимиз борлигини таъкидлайди, болаларни юксак ахлок-одобли бўлишга, катталарнинг ишларини давом эттиришга чорлайди:

и тасвири кичик китобхонни чексиз хаяжонга

Пиллачилар хонасин
Босган эди сукунат
Ўкувчилар чурк этмас.
Котиб туришар факат.

Жаётай лавҳалар чизишда давом этади. Сўкичак либ, хона маълум даражада совутилгач, куртслига қайтади, бир меъёрда барг ейишга киришалар олам-олам кувончга тўладилар, шодланади.

Бир-бирига қарашиб
Болалар жилмайдилар.
Хатар ўтган бўлса ҳам
Хонадан жилмайдилар.

Инг «Ўлмас қуш» эртак-достонида тасвирланинг жодугарлик билан баходирларнинг куритган гўзал канизаги Сайхун бўйида яшаётганинг қассобининг ҳам оромини бузади. Жанг майдо-закни кўрган Наҳангнинг қиличи қўлидан тувнинг макрига учиб, уни севиб қолади. Унинг зо қилиб, Ўлмас ва Олмос исмли фарзандлари и. Бирок ота ўғли ва қизидан кечиб, канизакка достонда эпчил қиз Олмоснинг акаси Ўлмас и ва ўғай онасидан ўч олиши анча қизиқарли ва тасвирланади.

Пр адабиёти тараққиётига катта улуш қўшаётъзам ҳозир янги-янги асарлар устида ишлайди.

Максадимиз то
Чамбарчасидир ·
Озодликнинг й·
Олға, дўстлар,

ниш хисс
солади:

Миразиз Аъзамнинг «Қиј
лати туш», «Нурхон билан »
«Бир чўнтақ ёнғоқ» (турку:
«Йўтал бобо» каби шеър ва
тида катта ўринда туради.

«Асрор», «Эрк қуши», «О
каби достон, эртак-достонлаř
киш уйғотиб келмоқда.

Миразиз Аъзамнинг «Ас
разида болаларга хос жўшки
лик мотивлари, ҳақиқий ўқу
тасвирланади. Шоир бу ғоян
ва дунёқарашидаги ҳолатлаj
нарса ва воқеаларга бўлган
ришдан самарали фойдалан:

Пилла курти бокиш дост
нади-да, ўқувчи-ёшларнинг
лимдонликлари меҳнат жар:

Асада Асрорнинг олиж:
гил, софдил, қўли очиқлиq
унинг тут дарахтларини севи
китобхонлар учун дидактик

Файрат, Нор, Рахим, Раt
қайнок, Сир-бирига меҳриб
ёшлар гавдалантирилади.

Болаларнинг мактабда
қўшимча соҳа — қишлоқ х
дан ёрдам бериллари, фикр
пор ишга кўл уришса дади.
хонни хурсанд этади. Чунон
рининг лоҳас бўлиши» бўль
уйғотади:

Пилла курти бокилаётга
гач, қуртлар барг емай қўяд
берган холат: тушкунлик, х

Шоир
енгиллати
лар яна а
шади. Бол
дилар:

Шоирн
шича, Чин
ёстигини
ган Нахан
нида кани
шади. Қиј
хотини қа
колган эд
уйланади.
учун отас
ишонарли

Болала
ган М. А
мокда.

ТҮЛАН НИЗОМ (1938 йилда туғилган)

Ҳозирги замон ўзбек болалар адабиётини Тўлан Низомсиз тасаввур қилиш кийин. Унинг ўқиш, одоб ва меҳнатга бағишлиланган сержило шеърлари, болаларнинг қувончларига қувонч улашадиган қўшиқлари, дилларни ром этувчи ажойиб-гаройиб эртак-достонлари узок йиллардан бери ёш китобхонни мафтун этиб келмоқда.

Тўлан Низом асли чўллик. Шунинг учун ҳам унинг ижодий ишлари чўл-биёбонларни боғ-роғларга айлантиришга, бу ишларда болаларнинг фаолликлари масалаларига қаратилганлиги билан ҳам ажralиб туради. Демак, чўлкувар болалар шоири деб ном чиқарган Тўлан Низом 1938 йилда Андижон вилоятининг Бўз туманида чўлкувар оиласида таваллуд топди.

Тўлан Низомнинг отаси бўлажак шоирга меҳнатни севишини, меҳнат аҳлини эъзозлашни доимо тайинлаб: «Ўғлим, меҳнатдан ҳеч қачон қочма, яхши инсон, ўқимишли одам бўламан десанг кетмон чоп, чўлни ўзлаштирувчиilar сафида бўл, яхши ўқи. Жисмоний меҳнат билан ўқишини омухта қилиб олиб борсанг кам бўлмайсан. Тенгтушларингни ҳам меҳнат қилишга чорла, меҳнатга ҳавас кил. Ахир ҳеч бир ишни ҳавас қилмайдиган, ҳеч нарсага қизиқмайдиган, меҳнатга бефарқ қарайдиган бирорта ҳам киши қолмаслиги керак. Ҳар ким ҳам олим, ёзувчи, артист бўлиб етиша олмайди, ҳар бир киши ҳам янгилик кашф эта олмайди, лекин ҳар бир киши ўз соҳасида, ўз ишида худди шоирдек, худди рассомдек тер тўкиб меҳнат қилиши керак — бу шахснинг ҳар томонлама камол топишида ғоят муҳим аҳамият касб этади. Ҳеч кимнинг қўл учида, шунчаки апил-тапил ишлашига йўл қўйиб бўлмайди. Ўзи яхши кўрган иши билан шуғулланмайдиган кишини ҳеч қандай маданий бойликлар, хазиналар билан шод этиб бўлмайди», — дея насиҳат қилар эди. Ота панд-насиҳатини кулоғига қўйиб олган Тўлан далада ишлади, мактабда ўқиди. Ўрта мактаб ва Андижон педагогика институтини аъло баҳолар билан тамомлади. Узок

йиллар чўлқуварларнинг фарзандларини ўқитди, муаллимлик қилди. Бир неча йиллар давомида у Бўздаги шоира Саида Зуннунова номидаги педагогика билим юртинг раҳбари сифатида фаолият кўрсатди. Ҳозир ижодий иш билан банд.

Мехнаткаш, ўзига-ўзи талабчан, шеърлари ҳам пухта-пишик Тўлан Низомнинг «Сенинг эртакларинг», «Ёшлик баёзи», «Ифтихор», «Қуёш йўли», «Она тилим, она элим», «Андижонда бир қуш бор», «Чўлпон», «Чаман ичра», «Муқаддас рух» каби йигирмадан зиёдроқ тўпламлари ёш китобхонларнинг дилларига қувонч улашиб келмоқда.

Тўлан Низомнинг сара шеърлари меҳнат, чўл, чўлларни бор-бўстонга айлантираётган чўлқувар ва уларнинг фарзандларига аталганлиги билан ажralиб туради. «Чўпон бола», «Бўз», «Дарё ва мен», «Ёшлигим, қайдасан?», «Дўстимга», «Йўллар», «Болаликка қайтиш», «Қалдирғоч» сингари юзлаб шеърларида шу рух бор. Мана «Чўпон бола» шеърини олиб кўрайлик. Тўғри, ўзбек болалар адабиётида ҳам назм, ҳам насрда чўпонларга ёрдам берадётган, чўпонлик қилаётган болалар ҳақида ўнлаб асарлар ёзилган. Аммо Тўлан Низомнинг бу шеъри ўзининг ўйноқи мисралари билан қалбларни ларзага солувчи, шу касбга кичкинтойларнинг меҳрларини жўш урдирувчи даъвати билан ажralиб туради. Қаранг, мана бу меҳнаткаш, ўз ишининг фидойиси, жонкуяри бўлган чўпон болага берилиган таъриф қайси болага ёқмайди дейсиз:

Чўпон бола,
Чакқон бола,
Яйловга хўп
Ёқкан бола.

Қадимда Бўз ерлари яйдок чўл бўлган. У бугун одамлар меҳнати туфайли водийнинг гулзор масканларидан бирига айланиб кетган. «Бўз» шеърида шоир бу масканни гўё келинчак каби ясаниб, гўзаллашиб, катта-кичикнинг ишқ-ҳавасини келтираётганлигини бор овозда куйлади:

Андижоннинг хиссасида,
Хў, Марғилон жуссасидай,
Оталарнинг киссасида —
Гул—чечак Бўз!
Келинчак Бўз!

Сарижўга қирғоғида,
Қумликлар-у тошлогида,
Асрий чўлнинг кучоғида —
Ястанган Бўз!
Ясанган Бўз!

Кел, опичлай, елкамда қол,
Пахта мисол ўлкамда қол,
Китобимга бир қўшиқ сол —
Зар гилам Бўз!
Заргинам Бўз!

Болалар табиат шайдоси бўладилар. Табиатни севишига, табиат шайдоси бўлиб камол топишга ўргатувчилар асосан катталар ҳисобланадилар. Бу борада бадиий адабиётнинг ҳам роли катта. «Манзара», «Офтоб ишқи», «Илк қор», «Шаббода», «Муз» шеърлари билан Тўлан Низом бу масалага яқиндан ёндашганлигини кўрамиз. Табиатни севиши, эъзозлаш, эҳтиёт қилиш инсон бурчи, вазифаси. Табиат билан ҳазиллашиб, ўйнашиб бўлмайди. «Манзара» асарида шоир худди шу фояни илгари суради. Болаларни табиатга қарши бормасликка чакиради, кимки табиатга қарши борса унинг қаҳр-ғазабига дучор бўлиши табиийлигини уқтиради:

Кора булут босиб келади,
Ҳайқириқ-ла бўрон елади.
Чўғирғитиб момақалдирок,
Ховлиқади, қаҳ-қаҳ кулади.

Ғазаб килса ер ҳам отади
Борлик тўфон, лойга ботади
Табиатнинг жами фарзанди —
Мавжудоди тўзиб ётади...

«Офтоб ишқи» асарида болаларга хос бўлган соддалик, табиатдан унумли фойдаланиш истаги кичкинтолар ўй-хаёллари билан чамбарчас қилиб берилганлиги ёш китобхон учун кутилмаган воқеа бўлади:

Куз шамоли эсади,
Хароратни кесади.
Кизим дер: «кор ёккунча,

Томлар садаф таққунча,
Сувларимиз музламай,
Печка, кўмир изламай.
Қоплаб олиб күёшдан,
Ишлатаильик бир бошдан...»

Ким тинчлик, осойишталикни хоҳламайди? Каттанинг ҳам, кичикнинг ҳам ўйи, фикрида тинчлик. Тинчлик Тўлан Низомнинг ҳам суюкли мавзуси. «Тинчлик учун» шеърида бу фоя кичкинтойлар руҳиятига мос ишланган. Озодбек хали ёш, у ҳали уруш нима эканлигини билмайди. Лекин танк, наган, пулемёт, ракета уруш қуроллари эканлигини яхши тушуниб олган.

Озодбек пластилиндан турли-туман ўйинчоқлар ясашни обдон яхши ўрганиб олган. Боланинг ўйи, хаёли яхши. У танк, наган, самолёт, пулемёт, кема, ракетани ўз кўзи билан кўрмаган, қўли билан ушламаган. Буларни у телевизорда кўрган, таъриф ва тавсифини катталардан эшигган, холос. Ана ўша уруш қуролларини у ўйинчоқ сифатида ясади. Ўзи ясаган ўйинчоқнинг ҳаётда тутадиган ўрни, вазифасини қалбига сингдирган. Бу жихатдан отабола сухбати чиройли тасвирга эга:

— Булар нима, Озодбек?
— Мана, бу — танк, бу — наган.
Мана бу — тўп, самолёт,
Пулемёттир, бу турган.
Мана буси — кемадир,
Денгизларда сузади.
Бу — ракета жуда зўр,
Ўйдан учқур, ўзади.
Бу — бир солдат, постида
Жуда ботир, бемалол —
Тошдай котиб турибди,
Қўлида ушлаб қурол.
Душман сира келолмас,
«Бизникилар» мустахкам.

Боланинг бийрон тиллари, тушунчаси қайси китобхонни қойил қолдирмайди? Уларни ҳам ўйлашга, хаёл

суришга, худди ўзи сингари уруш қуролларини ясашга, катталар сингари тинчлик тарафдори бўлишга ўргатмайди дейсиз. «Бу ракета жуда зўр, ўйдан учқур, ўзади», дейиши ҳатто отани ҳам мамнун қилади.

Отанинг ўғилнинг бу ишидан розилиги, миннатдорлиги ёш китобхон учун бир сабоқ бўлади. Негаки бола тинчликни хоҳлайди, ота тинчлик тарафдори, отасининг сўнгги сўзи — хulosаси ёш китобхоннинг қувончига-қувонч қўшади:

«Яхши», дедим охиста,
Бошим чулғаб хаёллар.
— Тинчликка қалқон бўлсин
Сен ясаган қуроллар!

Тўлан Низом шеъриятида ота-онани севиш, эъзозлаш, уларнинг панд-насиҳатларига қатъий амал қилиш бош масалалардан бири. Ота-онани тириклигида суюш, уларнинг хизматларини сўёсиз адo этиш, фоний дунёнинг муҳим иши, вазифаси. Улар қазо қилишгандан сўнг охвойнинг фойдаси йўқ. Шоирнинг бу ҳақда мана бундай, деб ёзиши ҳар қандай ёш китобхонни ўйлашга, хulosаси чиқаришга мажбур қилади:

Отам кўзин юмган кун
Куёш сўнгандай бўлди.
Онам қазо қилган тун
Оlam тўнгандай бўлди...

Болалар ҳар хил бўлишади. Кам гап, камтаринлари ҳам, мақтанчоқ, дўстларини менсимайдиган, уларни ранжитадиганлари ҳам топилиб туради. Шоир ўша дўстлари қалбига озор берадиган, уларни ранжитадиган болаларни хуш кўрмайди. Бундай болаларни у аёвсиз танқид қилади:

Гулдан гулга учиб ари
Бол йигади тили билан.
Айрим одам қалбин тилар
Гулдан нозик дили билан.

Тўлан Низом хозирги замон ўзбек болалар адабиётида эртак-достон ижодкори сифатида ҳам ўзига хос овозга эга.

«Бойчибор» эртак-достони узоқ йиллардан бери китобхон болалар олкишига сазовор бўлиб келмоқда. Бу асар боғчалар учун, мактаб, олий ўқув юртлари учун нашр этилаётган кўплаб дарслик, кўлланма, мажмуаларда қайта-қайта чоп этилмоқда.

Халқ эртак-достонларидағи учқур, довюрак, сохибининг кувончига кувонч, жасоратига жасорат қўшадиган отларни яхши биламиз. Болалар ёзма адабиётида ҳам кўплаб шеърлар, достонлар яратилган. «Казбек» (З. Диёр), «Тойчоғим» (И. Муслим), «Тойчоқ», «Човкар» (К. Ҳикмат), «Дулдул от» (О. Ҳожиева), «Тойчоқ—ўйинчоқ» (З. Раимбердиева), «Сирли чавандоз» (А. Носиров) каби шеърларда ўша дулдул от-у фиркўклар хақида гап боради.

Ҳаётда ҳам, бадиий асарларда ҳам отларнинг учқурлиги, полвонлиги, эгасига садоқатлилиги тўғрисида кўп гапирилади. Кудрат Ҳикматнинг «Човкар» асарининг қаҳрамони Муқон. Човкар Муқоннинг суюкли оти. Қаҳрамоннинг шу биргина отидан бошқа ҳеч нарсаси йўқ. Унинг уйи ҳам, дўсти-оиласи ҳам шу битта от, холос. Юрт зўравони Муқонни қилич билан чопиб ташлаб, унинг отини миниши билан эгасининг ўлганини сезган от елкасидаги каллакесарни тоғнинг чўққисига олиб чиқиб, пастликка сакрайди, зўравон отдан кулаг тоғ-тошларга урилиб ҳалок бўлади. От эса сохибининг олдига қайтиб келиб, кўзлари тўла ёш билан эгасининг юзларидан ялаб туриши баён этилади. Худди шунга яқин ғоя «Бойчибор»да ҳам берилган.

Бойчиборнинг эгаси урушга, элига қирғин олиб кирган душманга қарши жанг қилишга отланади. Вафодор от — Бойчиборни минган кишининг мақсад-муродига этишида тулпорнинг хизмати бекиёс мактовга лойик. Бугун Бойчиборни минган сохиб хақида ҳам эшитганлар бор. Аммо Бойчибор таърифининг ўзи бир оламча бор:

Бир от бўлган — Бойчибор,
Ўзбек эли томонда.
Унинг донғи кўп ёққа
Ёйилиб кетган экан.
Отни мингани ҳар йигит
Муродга етган экан.

Чавандоз кўп жанг қиласи, душманни кўп қиради.
Унинг шашти, кучи, ғайрати зўр. Буларнинг хаммаси
Бойчибор билан, аввало суюмлилиги билан, кучи, жасо-
рати билан боғлик ҳолда берилади:

Бўлиб ўтар не жанг, суронлар
Душман босди мисли мўр-малах,
Дод-фарёдга тўлиб ер, фалак,
Дарё бўлиб оқарди конлар.

Конли жангларнинг бирида чавандоз мардларча ҳалок
бўлади. Бу от учун оғир жудолик бўлади. У қайғу-ғамга
ботади. Аламзада бўлиб юрган отга душман минган заҳо-
ти Бойчибор уни зарб билан елкасидан улоқтириб юбо-
ради:

Сапчиди кўкка тулпор,
Ёв устидан тойрилди.
Тепки еб, бўлиб аброр,
У жонидан айрилди.

Тўлан Низом шу зайлда бедов отнинг эгасига содик-
лигини, керак бўлса сохиби учун жон беришга ҳам тайёр
эканлигинигина кўрсатиб қолмай, балки ҳалқдаги «от ай-
ланиб қозигини топади» мақолини ҳам асарга сингдириб
юборади.

Човкар ҳалок бўлган сохибининг қошига келиб йиф-
лаб юз-кўзидан ҳидлаб турса, эгасидан жудо бўлган, жанг-
да уни ўқотиб кўйган Бойчибор эса ўз маконига — хўжа-
сининг уйига талпинади. Бутун эл-юрт «ерни титратиб»,
«тепиб-кишнаб» келган Бойчиборни кўриб ҳайрон ва ҳай-
рат билан ёқа ушлаб қолади:

От келди уйин таниб,
Хидлади оstonани.
Тулпор тураг ўртаниб,
Юрти шу — соғингани.
Шундан вафодор тулпор —
Номи севиб алкалди.
У хақда такрор-такрор —
Куйланиб достон колди.

«Бойчибор» достони орқали шоир болаларни она-Ватанни севишга, керак бўлса унинг ҳар бир қарич ери учун қон тўкишга, ҳайвонларни, айниқса, отларни севишга, уларни эҳтиётлаб парвариш қилишга ўргатади.

«Олмахон» эртак-достонида Собир исмли болакайнинг ўжарлиги, қўпол-қўрслиги, олмахонга нисбатан ноўрин ҳатти-харакати танқид қилинади.

Тўлан Низом марҳум шоир Чўлпон тўғрисида «Чўлпон», ўзбек мумтоз адабиётининг оташин куйчиларидан бири Боборахим Машраб ҳақида «Рухи равоним» каби достонлар ижодкори ҳамдир.

Чўлпоннинг она шахри Андижонда Тўлан Низом қаламига мансуб «Чўлпон» спектакли бир неча йиллардан бери намойиш қилиб келинади.

САФО ОЧИЛ (1942 йилда туғилган)

«Сафо Очил — серқирра ижодкор. У таниқли шоир, иқтидорли адид ва таржимон, истеъдодли адабиётшунос ва таржимашунос олим, мохир тарбияшунос ва муллум, адолатли ношир сифатида ўзбек халқига маълум ва манзур», дейилган адиднинг «Орзулар кўқидаги шафақлар» китоби аввалида. Тўғри, юқорида зикр қилинган сифат ва фазилатлар Сафо Очилда тўла мужассам.

Шоир ва олим Сафо Очил тўфонли кунларда, ўзбек халқи иккинчи жаҳон урушининг даҳшатли ва ваҳимали азоб-укубатларини бошидан кечираётган даврда, яъни 1942 йил 20 март куни Хоразм вилоятининг Янгиарик туманида дунёга келди. У бошланғич таълимни шу тумандаги «Олға» ҳамда Охунбобоев номли мактабларда олди, кейин эса Бофот туманидаги Наримонов номли ўрта мактабни тамомлади.

У 1958 йилда Тошкент давлат чет тиллар педагогика институтининг немис тили факультетига кириб, уни немис тили, ўзбек тили ва адабиёти ихтисослиги бўйича тугатди. Сўнгра Сафо Очил узоқ йиллар Хоразм давлат педагогика институтида ўқитувчи, катта ўқитувчи, доцент, кафедра мудири лавозимларида ишлаб, Хоразм вилояти, қўшни Туркманистон Республикасининг Тошховуз вилояти ва Қорақалпоғистон Республикаси учун малакали кадрлар тайёрлш ишларида самарали фаолият кўрсатди.

Хозирда Сафо Очил «Ўқитувчи» нашриётининг «Ўзбек тили ва адабиёти, педагогика» адабиётлари таҳририятини бошкармоқда. Шунингдек, у Низомий номидаги Тошкент давлат педагогика университетининг профессори сифатида Ўзбекистон халқ таълими тизими учун малакали ўқитувчи-кадрлар тайёрлашга ўз ҳиссасини қўшмоқда.

Сафо Очил — филология фанлари номзоди, педагогика фанлари доктори, Ўзбекистон Ёзувчилар уюшмаси аъзоси, Ўзбекистон халқ таълими аълочиси.

Сафо Очил ижодий фаолиятини 1955 йилда бошлаган бўлиб, у болаларбоп шеърлар машқ килди. Ёш шоирнинг

ўша даврдаги машқларида ҳам ўзига хос исёнкорлик ва курашчанлик қўзга ташланади. «Онам пахтакор» (1955) шеърида лирик қаҳрамон онам «Ўтган йил кўп Пахта терди, Давлат унга Нишон берди. Пул бер, деса, Дерлар коч-қоч, Бизлар эса Оч-яланғоч» дея ҳайқиради. Дарҳақиқат, шеър ёзилган даврда пахтакор меҳнаткашлар фақат меҳнат қилишган, лекин меҳнатига яраша ҳак олишмаган. Шу хаёт ҳақиқати бадий ҳақиқатга айланганки, бу мавжуд шўро тузумига нисбатан мурғак қалбларнинг исёнидир.

Шоир рамзий ифодалар орқали ўзининг фалсафий фикрларини болалар тилида жонлантиришга ҳаракат қилаади. Бу ўринда «Кунгабоқар» шеъри диққатга лойиқ.

Кунгабоқар мулойимдир,
Уяти бор.
Ўзига хос кизик, ажиб
Одати бор —
Тунда ерга, кундуз эса
Кунга бокар.
Шу боисдан еру кунга
Бирдай ёқар.
Корни тўйгач, «йиғиб олар»
У эсини.
Куёшга ҳам кўрсатади
Елкасини....

Бу шеърда ўзбек халқ оғзаки ижодига хос ботиний параллелизм услуби гавдаланган. Кунгабоқарнинг ўзига хос хусусиятлари, ўсиш, «яшаш» тарзи яширин равишда инсонга қиёсланади. Дарҳақиқат, айрим лаганбардор одамларнинг раҳбару амалдорларга ялтоқланиши, уларнинг оғзига қараб туриши ва уларга эгилиб-букилиб туриш манзаралари барчага аён ва маълум. Қолаверса, хаётда баъзи кишилар борки, улар иши битгач, яхшиликни тез унутадилар, эзгулик қилган инсонга ҳатто «елкасини кўрсатади»лар. Шеърда шу лавҳалар бадий жиҳатдан яхши тасвирланган.

«Соям билан ўйнайман» шеърида айрим субутсизлар тимсоли ёрқин ифодаланган. Бола ўз сояси билан дўст

тутинади, ўйнайди. Бироқ, соя эса бола юрса-юради, турса-туради.

Болада қизик бир хусусият бор. Кимдир унинг қилган ишини, хатти-ҳаракатини такрорлайверса, айтган сўзи-ни бот-бот айтаверса... «Мени эрмак қиласяпти» деб боланинг жаҳли чиқади. «Соям билан ўйнайман» шеъридаги лирик қаҳрамон ҳам шу ҳолатга тушади ва ўз соясига:

«— Эй, сояжон! Қилмагин эрмак. Шундай қилсанг, Дўстмассан, демак», дея танбех беради. Лекин соя «билганидан қолмайди».

Шунда лирик қаҳрамон ўзининг ички рухий ҳолатини, кичкинтойларга хос изтиробини, норозилигини тўкиб солади:

«Пўм» дасам-да,
Эргашиб келар.
Ундан одам
Кандай кутилар?!

Шоирнинг «Қўрқоқлик» шеъридаги ёш лирик қаҳрамон ноҳақликка, адолатсизликка, лоқайдликка қарши исён кўтаради. Шу исён руҳи бадиий-публицистик услуб орқали тасвирланади. «— Дада, катта бир бола Мени ноҳақдан урди. Ёрдам бермай ўртоғим Қўрқоқлик қилиб турди». Мурғак бола оғир ахволга тушганида ўртоғининг ҳимоясини кутади. Шунда ўртоғи кўмаклашмаса, ёнини олмаса, у изтироб чекади. Ва бола дадасидан сўрайди:

Сизни ҳам мен сингари.
Бирор ноҳақ урганми?
Шунда дўстингиз четда
Ёрдам бермай турганми?

Бу ҳолат нафақат болаларга, балки катталарга ҳам хосдир. Бир киши иккинчи кишини бегунох, адолатсиз равишда хафа қилса ёхуд хўрлашга ҳаракат қилса, бундан оғири бўлмас. Дарҳақиқат, шундай ноҳуш ҳодисалар учраб туради. Шоирнинг «Қўрқоқлик» шеърида тасвирланган воқеа-ҳодисада ҳаёт колорити билан поэтик колорит бир диалектик яхлитликка эга.

Болалар шоири кичкинтойлар хаёт тарзини, ички дунёсини, феъл-авторини, рухий кечинмаларини, фикрлаш даражаси ва кўламини, энг асосийси, уларнинг ширин, чучук тилини яхши билиши асосий мезондир. Шоир Сафо Очил шеърларини ўқир эканмиз, унинг шу фазилатлари ни кузатамиз.

Одатда, болалар табиат манзарапарини, ҳайвонот ва кушлар дунёсини бошқалардан кўра купроқ севади, ўзгачароқ хис қиласи ва идрок этади. Шоир шеърларидаги болаларнинг шу хислатлари бадиий-фалсафий жихатдан аниқ тахлил қилинганки, улар мурғак қалбларнинг рухиятига самарали таъсир қила олади.

«Ярадор қушча» шеърида илгари сурилган бадиий-педагогик ғоя қушларга нисбатан меҳр, ғамхўрлик туйгула-рини шакллантиришга ёрдам беради. Шеърда поэтик воқеатопилма туш орқали ифодаланади ва назмий тил орқали «сўзлаб» берилади. Кичкинтойнинг ўзи тушида учиб юради. Ёнгинасида учайтган қушчани отишади ва бола қула-ётган ярадор шу қушчани ушлаб олади. Кейин яраларини боғлаб, унга ёрдам кўрсатади. Лирик қаҳрамон қушчанинг чекаётган азоби, қийналиб чиркирашига чидолмай йиғлаб юборади ва ўйғониб кетади. Ва бола дейди:

Тушдагидек не учун.
Учиб юра олмайман.
Ярадор қушчамни мен
Нахот кўра олмайман.

Тушдаги каби учомласлигидан афсусланиш, ярадор қушчасига раҳм-шафқат ва уни соғиниш рухи бола вужудини қамраб олган. Бошқача айтганда, мурғак қалбда соғинч дардини ўйғотиш ва шакллантириш лирик йўсинда талқин қилинган.

«Ярадор қушча» шеърининг иккинчи қисмida аввалги поэтик маъно ва мақсад равшанлаштирилadi. Яъни ўйинқароқ боланинг тошбагирлиги, озор чеккан қушнинг изтироби ва ниҳоят, раҳмдил кичкинтойнинг одоблилиги ва меҳр-оқибати сокин оҳангда куйланганки, бу турфа феъл-авторлар ўкувчи рухига самарали таъсир этади.

Ўйинқароқ бола сопқонидан тош отиб, қушни ерга қулатади. Бошқа бир бола типирчилаб чалажон ётган

күшчани мушукдан олиб қочади ва унга ин ясайди, ярасини боғлаб, малҳам қўйиб, дон-дун бериб, парвариш килиб туради. Қушча эса яраси тузалгач, қафасда зерикади. Раҳм-шафқатли, одобли бола унинг бу ҳолатини хис қилади.

Тузалгач аста-секин,
Зерикди у қафасда.
Қолган каби армонда,
Учсам дерди осмонда.
Уни яхши қўрардим,
Дарров қўйиб юбордим.

Шоирнинг «Мен»и тутқунликда қийналётган қушчани озод қилади. У бундан завқ-шавқ олади. Бу ерда озодлик, эркинлик ғояси бола тилидан фалсафий йўсинда ифодаланган. Зикр қилинган поэтик маънони очиб бериш учун муаллиф жонли хикоя услубини танлаганки, у шеърга нафис ва оҳангдор пафос ҳамда жозиба бағищлаган.

Сафо Очил «Тоғ лавҳалари» (туркум), «Мудрайди қишлоқ», «Эй, қор», «Қор бола», «Қиши», «Оқшом», «Кўклам қўшиғи» шеърларида табиат манзараларини чизиш орқали мурғак болаларнинг эстетик дидини шакллантириш, «Курашчи бола»да спортга меҳр, «Хазонларни супурманг»да инсонпарварлик, «Яхшиликнинг ёвлари»да эзгуликнинг ёвузлик устидан тантана қилиши, бошка кўпгина шеърларида эса Ватанга муҳаббат, ота-онага хурмат сингари туйғулар ранго-ранг бўёқларда чизилган.

Сафо Очил болалар қўшиқчилигини ривожлантиришга самарали таъсир қилган шоир. Унинг қўшиқбоп шеърлари содда, тили равон, сермазмун, оҳангдор, шунингдек уларнинг ҳар бири муайян поэтик максадга йўналтирилган. Шунинг учун шоирнинг аксарият шеърлари осонгина кўйга тушади, бошқача айтганда, кўй шеърнинг ўзида. Бастакор уларга қийналмасдан кўй басталайди, жажжиғина ижрочи осонгина кўйлай олади. «Гул экаман», «Ўз тилим», «Ота-она дуоси», «Осмонимиз тиник бўлсин» сингари шеърлар шулар жумласидандир.

Масал болаларнинг севган жанрларидан хисобланади. Чунки қушлар, судралиб юрувчилар, ҳайвонлар ва

шу кабиларнинг хатти-ҳаракати, уларнинг ўзига хос хусусиятлари гоҳ кулгили, гоҳ сатирик йўсинда тасвиirlанади. Сафо Очилнинг «Қарға ва булбул», «Илон ва типратикон», «Туя билан Кучук», «Товуқ ва симоб понтомимаси», «Курбака ва сигарет» сингари масаллари бадиий юксак маҳорат билан битилганки, улар болаларнинг диккатини ўзига тортади.

Хаёлий рамз ва тимсоллар, кутилмаган ҳаётий воқеа ва ходисалар, одатдан ташқари ўхшатиш ва истиоралар, гўзал тасниф ва тасвиirlар, ғаройиб саргузаштлар ва мардликлар ва шу каби бадиий унсурлар муайян сюжет чизифида бирлашади. Бундай хикматларга бой диалектик яхлит топилма болалар дикқат-эътиборини қозонади, ўз «бағри»га оҳанграбодек тортади. Бу, кўпинча, достон, эртак ва афсоналарга хос бадиий-эстетик хусусиятдир.

Шоир-олим Сафо Очил қаламига мансуб достон ва эртаклар ҳам шундай фазилатга эга бўлиб, уларда бадиий жозибаси билан мурғак қалблардан тез ўрин олиш кудрати мавжуд. Адиб достон ва эртакларида факатгина таъсирчан бадиийлик эмас, балки уларда воқеа ва ходисаларни илмий тахлил ва тадқиқ этиш самараси кўзга ташланади. Дарҳақиқат, шоир ҳар бир асарига бадиий-ижодий ва илмий-назарий жиҳатдан ёндошиади.

Шоирнинг «Гавҳартош» эртак-достони халқ ичидаги тилдан-тилга кўчиб юрган афсона бир сюжет-воқеа асосига қурилган бўлиб, унда ота қадри, унинг маънавий-ахлоқий хикматлари бадиий ифодасини топган. Достоннинг лирик қаҳрамони муайян жамиятда асрлар оша ахлоқий конуниятга айланаб қолган урф-удум ва анъаналарга қарши бош кўтаради.

Чамбил деган мамлакатда ота ёхуд она қаригач, улар тоғ ортига — илонлар маконига олиб бориб ташланган. Журъат шохларнинг удумга айланган бу фармонидан нафратланади:

Фармонингга минг лаънат, эй, Шох,
Фармонингдан ўргилдик, тождор.
Удумларинг туфайли, эвоҳ,
Наҳот бола Отага ағёр!

Шоир «ўргилдик» сўзини кўчма маънода ишлатган бўлиб, у нафратланиши маъносини беради. Бу, ўз навбатида, шеърга поэтик эффект (самара, пафос) бахш этган ва у фикр таъсирчанлигини оширишга хизмат қилган.

Лекин Журъат ҳам тақдирга тан бериб, отасини елка-сига ортиб, илонлар салтанатига яқин жойда бир харсанг тошга ўтқазиб, дам олади. Шу ерда отасининг айтган сўзлари фарзанд қалбини, ухлаб ётган туйғусини уйғотади:

«Мен ҳам сендай шер каби олғир,
Кучга тўлган йигит бўлганман.
Қирқ йил бурун бобонгни, ахир,
Шу тош узра олиб келганман».

Шу тўртлик маъносида «Қайтар дунё бу», «Кейинчалик бу қисмат сенинг ҳам бошингга келади» деган ҳикмат яширин. Бирок, бу ҳикмат болалар тафаккурига, дунё-қарашига ва ички дунёсига мос келадиган тил ва содда бадиий услугуб билан берилганки, уни ёш китобхон тез ва аниқ тушуна олади.

Халқимизда «Қари билганни пари билмас», деган накл бор. Шу мақол маъноси эртак-достонда ҳаёт ҳақиқати орқали илмий жиҳатдан асосланади. Жоҳил шохга дэнгизнинг оқмас қисми — чукур сой тубида гавҳар кўринади. Ўша худуддаги ёш йигитлар гавҳарни олиб чиқишга мажбур қилинади. Бирок, уни ҳеч ким олиб чиқолмай сувга чўкиб, ҳалок бўлишади. Навбат Журъатга етади ва бўлган воқеани ертўладаги отасига баён қилиб беради. Ота «Деди сўнгра носни тупуриб: — Борми ўша жойда бир дарахт? Журъат деди: — Ҳа, битта чинор». Сўнгра ота гавҳарнинг чинор аро бургут уясида эканини айтади. Дарҳақиқат, сув остидаги бургут уясидаги гавҳарнинг акси эди.

Бу ерда ҳаёт колорити билан бадиий колорит уйғуналашиб, сингишиб кетганки, у боланинг фикрини теранлаштиради ва шу билан бирга унда асар давомини ўқишига қизиқиши ортади. Бу бадиий тафаккурнинг қудратидир.

Эртак-достон бошқа эртакларга хос лирик қаҳрамоннинг ғалабаси, ижтимоий Ҳақиқат ва Адолат тантанаси,

буюк келажакка ишонч туйғуларининг ифодаси билан яқунланади. Яъни инсон ҳаёти ва турмушини оёқ ости қилувчи ғоялар устидан инсонпарварлик, қарияларга ғамхўрлик, ватанпарварлик ғояларининг муборак тантанаси асарнинг асосий салмоғини ташкил қиласди.

Сафо Очилнинг «Бургут», «Нодир паҳлавон», «Темирчи бобо ва бойўғли» каби эртаклари ҳам болаларнинг маънавий-ахлоқий ва эстетик тарбиясида муҳим аҳамият касб этади.

Умуман олганда, шоир ва олим Сафо Очилнинг дебярли барча асарлари миллий истиқлол ғояси билан суғорилган бўлиб, улар миллий болалар адабиётининг равнақ топишида муҳим ўринни эгаллайди. Бунда шоирнинг филолог ва педагог олим сифатидаги истеъоди қўл келган. Сафо Очилнинг болалар учун ёзилган асарлари бадиий ва педагогик жиҳатдан тадқиқотчиларини кутмоқда.

АНВАР ОБИДЖОН (1947 йилда туғилган)

Сўнгги йиллар ўзбек болалар адабиётини ўзининг киска ва мазмунли шеърлари, кизиқарли хикоя, кисса, пьесалари билан бойитиб келаётган Ўзбекистон халқ шоири, адаб ва драматург Анвар Обиджон 1947 йилда Фарғона вилоятининг Олтиариқ туманида таваллуд топган. Ҳозирги Ўзбекистон миллий университетининг журналистика факультетини тамомлаган. У бир қатор газета ва журналларда ходим, бўлим мудири бўлиб ишлаган. «Чўлпон» нашриётида бош муҳаррир, директор лавозимларида фаолият кўрсатган.

Анвар Обиджоннинг 1974 йилда «Она ер», 1980 йилда «Баҳромнинг хикоялари», 1983 йилда «Эй, ёруғ дунё», «Оловжон ва унинг дўстлари», «Аламазон и его друзья», 1985 йилда «Кетмагил», «Безгак шамол», 1986 йилда «Масҳарабоз бола», 1987 йилда «Аканг қарагай Гулмат», «Жуда кизиқ воқеа», 1988 йилда «Олтин юракли автобобла», 1989 йилда «Даҳшатли мешполвон», 1990 йилда «Ерликлар», 1992 йилда «Аламазон ва Гулмат ҳангомаси», 1993 йилда «Ажойибхона», 1994 йилда «Мешполвоннинг жанглари», 1996 йилда «Алишер ила Ҳусайн ёки уч ўғри», 1999 йилда «Олтиариқ ҳангомалари», 2001 йилда «Булбулнинг чўпчаклари» каби қатор тўпламлари чоп этилган.

Айтишларича, Лукмони ҳакимнинг олдига бир гурух кишилар мөхмон бўлиб келди. Ундан ҳикматга оид нарсалардан сўрашди. Шунда келганлардан бири:

— Эй ҳаким, сен фалон ерда чўпонлик қилган киши эмасмисан? — деб сўраб қолди.

— Ҳа, ўша чўпонман, — жавоб берди Лукмон, — ҳозир кўриб турибсанки ҳакимман.

— Бу даражага қандай эришдинг? — сўради яна у.

Лукмони ҳаким унга:

— Тўғри сўзлашдан, одамларга яхшилик килишдан, омонатга хиёнат қилмасликдан, ёлғон сўзламасликдан, беҳуда гапирмасликдан, мусибат ва қийинчиликларга мардона чидашдан, ўзимни барчадан кам олишдан! — деб жавоб берди.

Анвар Обиджоннинг бутун ижоди юқоридагидек вазифани ўзида мужассамлантирганлиги билан ажралиб турди. У ҳар бир асарида болаларни камтар, одобли, ўқимишли, ватанпарвар бўлишга ундан келади.

Бола борки, нурга интилади. Қуёшга талпиниб яшайди. Негаки қуёш бор жойда, нур бор, нур бор жойда маъмурчилик, хурсандчилик бўлади. Маъмурчилик, хурсандчилик бор жойда ғам, кулфат, оғат бўлмайди, тинчлик, хотиржамлик, ахиллик, баҳт бўлади. Шоирнинг «Ўзимнинг қуёшим» асари худди шу эзгу мақсадни илгари суриши билан китобхон болаларга беҳад катта қувонч, шодлик бағишлаб келмоқда.

Шеър жуда оддий, содда ва ҳаётий. Болалар бўр, кўмир билан йўлка, йўл, майдончаларда қуёшнинг расмини чизиб қўйганлигини кўп бор учратамиз. Шеър худди шу воқеага бағишланган. У болаларнинг дил сўзлари асосига курилган. Мана сиз ҳам тинглаб кўринг:

Она қуёш, аксингни
Чиздим йўлакка.
Сен ҳаммага меҳрибон,
Ўзинг бўлакча.
Нур тушмаган жойларда
Кезармиш кулфат.
Йўлагимни ҳеч қачон
Босмасин зулмат.

Анвар Обиджоннинг «Латифачи ойим» шеъри нафакат шоирнинг, балки бутун ўзбек болалар адабиётининг катта ютуғи ҳисобланади. Асарда бола таълим-тарбиясида ҳалқ оғзаки ижодининг аҳамияти очиб берилади. Ҳалқ азал-азалдан ҳалқ оғзаки ижодини астойдил севган. Фарзандларини алла, эртак, макол, тез айтиш, топишмоқлар айтиб бериш билан тарбия қилган. Бундай болалар соғлом, тетик, пок, ўқтам, полвон, ватанпарвар, ота-онага муҳаббатли бўлиб ўсган. Бу анъана бугунги кунда ҳам давом этиб келади.

Яна бир гап. Агар боланинг вужуди ҳалқ оғзаки ижоди билан йўғрилган бўлса, уни тинглашни ҳамма нарсадан устун қўяди. Олайлик, ҳамма бола шириналликка ўч

бўлади. Баъзи болалар ширинлик деса ўзини томдан ташлашга ҳам тайёр туради. Лекин баъзи болалар бувилар, боболар, оналар, оталар тилидан тинглайдиган алла, эртак, топишмоқ, тез айтишни ўша лаззатли ширинликдан ҳам афзал кўришади. Керак бўлса ўзларига кулги, жасорат, ором бағишлайдиган ҳалқ оғзаки ижодини кечаси-ю кундузи тинглашга тайёр турадиганлари ҳам йўқ эмаслигини Анвар Обиджон ишонарли қилиб тасвирлайди:

Қанд узатса ҳам
Ойим,
Тинмай йиғлар
Гулойим.
Айтгач қизик
«Афанди»
Синглим дарров
Юпонди.

Кичкинтойларни келажакда соғлом, довюрак бўлиб камол топишларида оила, атроф-муҳитнинг таъсири кучли бўлади. Бу ғоя Анвар Обиджоннинг «Дорбоз бола» шеърида кўзга ташланиб турибди. Шоир таъкидлаб ўтганидек, кичкинтойлар ўй-ўйлашни, хаёл суришни, ўзларининг тенгсиз ўй-хаёллари билан ўсишни орзу қилишади. Дорбозлик санъати ота-боболаримиздан бизга мерос бўлиб келади. Бу ўта даражада нафис, чаққонлик, эҳтиёткорлик, довюраклик иши. Бу ишни уддалаш, дорга чиқиш ўй, хаёл билан битмайди. Қайта-қайта машқ, чидам, довюраклик, эҳтиёткорлик билангина бу мақсадга эришилади. Болалар дорга чиқиш, сим устида томоша кўрсатиш ҳакида қанча ўйламасинлар, хаёл сурмасинлар холва деган билан оғиз чучимаганидек дор устида ҳам юра олмайдилар:

Лангарчўпни махкам ушла,
Ўйна, лочин!
Ботирларнинг кўнглин хушла,
Ўйна, лочин!
Кўрқоқ эса ҳавас қилмай,
Тураверсин.

Эҳтиёт бўл, деб маслахат
Бераверсин.

Ривоят қилишларича, бир подшо булбул овозини тинглашни жуда хуш кўрар экан. Бир сўлим гўшадан битта булбулни ушлатиб келиб олтин қафасга солиб қўйибди. Булбулни парвариш қилишни, унга яхши қарашни хизматчилар, вазир-у вузораларга топширибди. Олтин қафас ичида булбул кечаси-ю кундузи хониш қилибди. Булбул ўз қўшиғида дўст-ёрини, озодликни, кўм-кўк гўшасини, эркинликни соғинганлигини қўшиб айтибди.

Булбул тилини, қўшиғининг маъно ва мазмунини тушунмайдиган подшо унинг дардли хонишидан беҳад яйраб дам олар экан. Лекин булбулда ўз элига, ватанига мухаббат кучли экан. Кундан-кунга у олтин қафас ичида сиқилгандан сиқилибди, озиб-тўзиб кетибди. Кунлардан бир кун бир илож қилиб қафас тешикчасидан бошини чикарибди, карасаки танаси ҳам сиғибди, бир интилиш билан олтин қафасдан чиқиб олибди. Бор кучини тўплаб, ўз маконига парвоз қилибди. Ўз гўшасига келса, қурғоқчилик бўлиб чор томон вайрона бўлиб ётган эмиш. Бундан у заррача афсусланмабди. Аксинча, хурсанд бўлибди. Негаки у бугун озод, эркин. Хоҳлаган томонга учалишидан баҳтиёр эмиш.

Эътибор беринг. Озод булбулга олтин қафас ҳам, подшоларча қаров ҳам керак эмас. Унга вайронада бўлса ҳам ўз уйи, ватани керак. Тўйиб овқат емаса ҳам, елка кериб яшамаса ҳам ўз кулбаси билан баҳтиёр. Анвар Обиджоннинг «Ватан» асарида вайронада яшайдиган Бойқуш ҳам худди булбул каби ўз ҳайтидан мамнун, вайронаси билан шод. Негаки вайрона бўлса ҳам ўз уйи бор:

— Сенга битта савол бор,
Менга қулок сол, хой, куш.
Вайронада яшайсан,
Номинг эса нақ Бойқуш.
Айт-чи, наҳот сен бойсан?
— Асл бойлик нелигин

Тушунмайсан, чамаси,
Бу — вайрона бўлса ҳам.
Ўзимники хаммаси,
Шунинг учун мен бойман.

Дунёда энг ёмон одат бу очкўзликдир. Нафсни тийиш, очкўз бўлмаслик бойлик хисобланади. Кимки нафсни тийиб, ён-атрофга қулоқ солиб яшаса фақат ютади, эл-юрт ўртасида обрў-эътибори ошиб бораверади. Бир мисол. Ўтмишда бир кампирнинг бир чиройли товуғи бор экан. Бу товуқ ҳар икки кунда бир марта тухум қилар экан. Кампир икки кунда битта тухум олишга каноат қилмабди. Бир куни у ўзига-ўзи:

— Товуғим ўлгурнинг ичи тўла тухум, корнида тухум хазинаси бўлса ҳам, икки кунда битта тухум бериб мени алдаб юрибди. Ундан кўра корнидаги ҳамма тухумни чиқариб ола қолай, деб ўйлабди. Дарҳол товуқни сўйибди. Лекин унинг қорнидан бир дона ҳам тухум чиқмабди, боз устига нодон кампир товуғидан ҳам ажralиб қолибди...

Мана сизга очкўзликнинг оқибати! Агар кампир сабртоқатли бўлганида, очкўз бўлмаганида, эртани ўйлаб иш кўрганида ўз насибасини ўзи киймаган, товуқни ўлдирмаган бўлар эди. Анвар Обиджон ўзининг бир қатор асарларида болаларни худди кампир сингари очкўз бўлмасликка чинакамига даъват қилганлигини кўрамиз. Айниқса, «Очофатнинг пўписаси»да бу мавзу янада жаранглаб туради:

Мени яна урсанг Мамат,
Юрагимда ўч йигаман.
Сездирмай сарёғингни еб.
Уришгани куч йигаман.
...Тўйда тўйиб копкетмагин
Ошингдан бир чўкиб ўтсам.
Зўрга топган нишолдангга
Беш панжамни тикиб ўтсам...

Анвар Обиджон ўзбек болалар адабиётида ўзига хос мактаб яратган шоирлардан бири хисобланади. Бу кўпроқ унинг турли буюмлар, жонзотлар, ўсимликлар хақида

яратган асарларида кўзга ташланади. Фазал жанрида яратган «Булбулнинг саломномалари» ўзбек болалар адабиётида катта воқеа бўлди. Бу асарда турли хил нарсалар нинг ўзига хос қирралари очиб берилади. Масалан, кўркоқ Қуён, дўстсиз Чаён, аргамчидек буралиб юрадиган Илон, туну кун ер казийдиган Ўмрон, товусдек чиройли Қизилиштонларнинг тузилишлари, ҳаёт тарзларини очиб бериш билан кичкинтойларда табиат оламига нисбатан бўлган қизикишларини ўн чандон оширишга эришган.

Анвар Обиджоннинг шеърларида болаларни меҳнаткаш, ўқимишли, одобли, ватанпарвар бўлишга мудом чорловчи куч бор. Бир ривоятда тутун чўғоловга зорланиб:

— Онажон, мен сизнинг қизингиз бўлсанм ҳам нега доимо қоп-кораман, сиз, эса, порлаб ёниб турасиз, бунинг сабаби нима? — дёганида чўғ шундай жавоб беради:

— Қизим, бу иш янги бир иш эмас. Дунёда инсон ўз порлоклиги билан порлайди. Боланинг порлок бўлиши учун бир порлок ота-онанинг фарзанди бўлгани кифоя қилмайди, яъни олижаноб, фазилатли ота-онанинг шундай гўзал фазилати билангина инсон улардек бўлмайди. Фарзанднинг ўзи фазилатни касб этиб олиши керак. Шундагина у фарзанд порлайди, чўғдек ёниб туради. Ҳа, Анвар Обиджоннинг шеърлари ёш китобхонни ана шу чўғдек порлаб туришига баракали ҳисса кўшмокда.

Анвар Обиджоннинг ўнлаб қисса ва достонлари, эртак ва драмалари болалар қўлидан тушмай келаётир.

ҲАМЗА ИМОНБЕРДИЕВ (1954—1997)

— Шалпангқулоқ, хой, филча,
Жавоб бергил сўрокка.
Сув тўла хартуминг-ла
Кетаяпсан қаёкка?
— Э, дўстим, бу сайдхлар
Роса тегдилар жонга.
Эрмакка гулхан ёкиб,
Хавф солишар ўрмонга.
Шунга бўлиб кўз-кулок,
Юрибман кун кечириб.
Улар ёкиб кетишган
Гулханларни ўчириб...

Бу ажойиб мисралар, таъсири, маъно ва мазмунга бой, бадиий жиҳатдан юксак даражадаги шеър истеъодди болалар шоири Ҳамза Имонбердиев қаламига мансуб. У 1954 йилда Қозогистон Республикаси Чимкент вилоятининг Сузок қишлоғида дэҳқон оиласида таваллуд топди. Ҳозирги Низомий номли Тошкент давлат педагогика университетининг филология факультетида Абдусаид Кўчимов, Абдуғаффор Хотамов каби ёзувчилар; Шухрат Жабборов, Ҳамид Ҳабибуллаев каби таникли журналистлар билан бирин-кетин ўқиди. Талабалик йилларида юқоридаги ижодкор дўстлари билан Ўтқир Рашид раҳбарлик қилаётган факультет «Чашма» тўгарагида, университет «Маърифат йўлида» газетасида шеърий машқларини тоблади.

Университетни имтиёзли диплом билан тамомлаган бўлажак болалар шоири Ҳ. Имонбердиев ўз меҳнат фолиятини «Тонг юлдузи» газетасида бошлиди. Умрининг сўнгги ўн йилини эса «Чўлпон» нашриётида кичкитойлар учун катта адабиёт чоп этадиган масканда муҳаррирлик билан ўтказди.

Талабалик йилларида ёқ ижодда китобхон кўзига ташланиб қолган болалар шоири Ҳамза Имонбердиев «Кувноклар кувонччи», «Шоколадхўрлар», «Кулги шахарчаси», «Фаройиб пуфак», «Ойдаги томоша», «Кутичада митти-

ча», «Лофчилар — алдоқчилар», «Гаройиб кент ҳангомалари», «Бир кунлик мўъжиза» каби китоблар муаллифи сифатида болалар дилидан мустахкам жой олди.

Шоир асарлари ранг-баранг, мавзу доираси кенг. У ҳар бир катта-кичик асарида кенжа китобхон дўстларини нимагадир ўргатади, ўрганишга, ибрат олишга, турмушда хулоса чиқариб яшашга чорлайди.

Халқда: осмонга тупурсанг, тупугинг юзингга сачрайди; бирорвга чукур қазисанг, унга ўзинг қулайсан, деган гап бор. Бу борада «Калила ва Димна» да жуда ибратомуз бир ҳикоя бор. У ҳар қандай одамга таъсир қилади. — Бир куни Қорақулок ўрмон четига чиқиб ўтирган эди, бир сичқоннинг жаҳду жадал билан дараҳт томирини кемираётганини кўриб қолди.

Дараҳт тилга кириб унга деди: — Эй дилозор ва ситамкор! Нима учун жоним ришталарини қиркяпсан?

Сичқон унинг нола-ю зорига эътибор бермай, ўз ишини давом эттираверди. Ногох бир бурчакдан бир илон чиқиб, сичқонга ҳамла қилди ва бир дамда ютиб юборди. Қорақулок бу воқеадан «дилозорнинг жазоси озор экан», деган хулоса чиқариб олди.

Шу вакт бир тарафдан типратикан келиб, илоннинг думидан тишлади-ю, бошини ичига тортиб ғужанак бўлиб олди. Илон жаҳл билан унга ўзини ура бошлаган эди, аъзойи баданини тиканлар пора-пора қилиб юборди. Илон ўша заҳоти ўлди. Қорақулок бундан ибрат дарси олди. Илон ўлгач, типратикан бошини чиқариб, унинг яхши-яхши жойидан танлаб еди. Қорни тўйгач, дараҳт соясида коптоқдек бўлиб юмалаб, хузур қилиб ётган эди, ногох бир оч тулки келиб қолди. Типратиканнинг найзаларидан кўркиб, уни хийла билан ўлдирмокчи бўлди. У типратиканни ағанатиб қорнига ёзилди. Типратикан ёмғир ёғаяпти шекилли деб ўйлаб, бошини чиқарган ҳам эдики, тулки бир ҳамла билан уни чўрт узди, бўшашиб қорни очилиб қолган типратиканни иштаҳа билан еб олди. Шу вакт бўрига ўхшаган вахший бир ит келиб, тулкини турган ерида бўғиб, унинг гўшти билан очлигини қондирди.

Қорақулок бу ажойиботларни кўриб, ҳайрон қолиб ёттар эди.

Ит энди дам олишга ҳозирлик кўраётганда бир қоплон келиб, унинг сийнасидан олди. Қоплон ҳали итни тутагмаган ҳам эди, овчи келиб, бир ўқ билан уни тинчтди.

Қоплоннинг жони ҳали узилмаган эди, у ердан бир отлик ўтиб қолди. Унга қоплоннинг териси ёкиб қолиб, овчи билан уриша бошлади. Қилич солиб, овчининг бошини танидан жудо қилди ва қоплоннинг терисини олиб йўлга тушди. У юз қадам ҳам юрмаган эди, оти қоқилиб, ерга йиқилди. Гардани синиб, шу он ҳалок бўлди.

Болалар шоири Ҳамза Имонбердиев «Ўқ» шеърида худди шунга яқин бир воқеани ёш китобхонга ҳавола қилади. Камондан bemavrid отилган ўқ хаётда босар-тусарини билмайди, у ўта даҳшатли, қасд қилиш иштиёқида ҳаммага дағ-даға қиласди. Ўқ хеч кимни назар-писанд қilmайди, чор томонни нобуд қиласман, отаман, бағрини тиламан, ўлдираман, деб олдинга интилаверади:

Келиб қолди рўбарў
Она Жайрон йўлида.
Куёш кўкда қотди тош,
Нафасини ютганча.
Гуллар маъюс эгди бош
Ўзлигин унугланча.
Қочар Жайрон куюндай
Түёғидан чакнар ўт.
— Жон ўқ, тегма, уйимда
Кутар болам, кўзи тўрт!
Ўқ воз кечиб нишондан,
Ўтиб кетди бир ёндан.
Ҳамон учиб борар у
Кора ажал кўлида.
Келиб қолди рўбарў
Кекса Чинор йўлида.
— Хой, кўзингга қара-да, —
Титраб додлади Чинор, —
Бағримдаги инларда
Ахир полопонлар бор!
Ўқ воз кечиб нишондан,
Ўтар-кетар бир ёндан...

Одатда ким ҳаддидан ошса, ён-атрофдагилар билан ҳисоб-китоб қилиб яшамаса, ўзига ортиқча бино қўйса, албатта, хаётда қоқиласди. Чор томонга даҳшат солиб, ҳамманинг жонини олмоқчи бўлган ўқ ўзига нисбатан

зўрроқ мерган отган ўққа дуч келиб вайрон бўлиши китобхон болаларни қувонтиради.

Шоир шеърларини ранг-баранг дедик. У ҳақиқатан ҳам шундай. «Тарбиячи» асари бунинг ёрқин исботи бўла олади. Инсон инсофли, адолатли, ор-номусли бўлса, ҳар бир босадиган қадамини ўйлаб, билиб ташлайдиган бўлса, каттани-катта, кичикни-кичикдек кўрадиган бўлса ҳаётда қоқилмайди, баҳтиёр бўлади. Бундай одамларни вижданли, номус-орли кишилар деб атashади. Одамзотдаги бундай ижобий фазилатларни бирор унга ҳадя қилмайди, ўзида шаклланган бўлади. Шоир қаҳрамони ҳам ўзини ўзи кузатади, ноўрин ҳатти-харакати учун ўзи жавоб беради. Унинг тарбиячиси — виждони. Шу виждон кузатуви уни ҳар доим тўғри йўлдан етаклайди, адашса уни тўғри йўлга бошлайди ва тўғри йўлга солиб туради:

Тунов куни футболга
Кетаётсам тез шошиб,
Кўзи ожиз чол йўлда
Турган экан адашиб.

Иккиланиб турдим мен,
Бир оз хаёл сурдим мен.
Футбол завки бир дунё,
Йўлни тўпга бурдим мен.

Тўпга тегмасдан оёқ,
Солган каби тизгинга.
Тарбиячим ўша чок
Қайтарди-ку изимга.

Қарши чиқмоқ фойдасиз.
Қайга борай даъвога?
Кўлларидан олиб тез,
Йўл кўрсатдим бобога.

Инсон ҳаётда соғлом, тетик, қўрқмас, жасоратли бўлиб камол топиши зарур. Мабодо у соясидан ҳам чўчиб, ҳадиксираб, қўрқиб яшайдиган бўлса, бундай бола келажакда омадсиз, толесиз бўлиб қолади.

Ҳамза Имонбердиев «Ёлғизликда» шеърида худди шу масала устида тўхталади. Ботир ўзи табиатан қўрқоқ бола. Қўрқканга қўша қўринар деганларидек, айниқса, кечқу-

рунлари хар қандай шарпадан чўчиб, қўрқиб юради. У кечқурун кўчага чиқдими тамом, гўё қўшиқ айтгандек бақириб-чақириб, тўполон қилиб юради. Натижада у ҳамманинг тинчини, оромини бузади: мушуклар миёвлайди, итлар вовиллайди, одамлар «ханг-манг» бўлади. Воқеа ойдинлашгач, кўрсаларки, бу Ботирнинг қуёнюраклиги бўлиб чиқади:

Билсак, Ботир бу палла
Қўшиқ айтиб баралла
Мадад бериб ўзига,
Бот-бот караб изига
Кўркинчдан кочиб борар.

Болалар адабиётида ўй ўйлаш, хаёл суриш, хаёлий орзулар билан яшаш ижобий натижа бериши тўғрисида кўп гапирилади. Бунга мисол қилиб Faфур Ғулом, Куддус Муҳаммадий, Пўлат Мўмин, Миразиз Аъзам асарларидан кўплаб мисоллар келтиришимиз мумкин. Болалардаги бундай ширин туйғуларни Ҳамза Имонбердиев ҳам тўғри пайқай олган. «Лоғчилар алдоқчилар» асарида у кичкинтойлардаги мана шундай орзу, хавасни ўзига хос усул билан очиб беришга эришган.

Али хаёлан қушча шаклини яратади. Уни томоша қилишга Валини чақиради. Вали кўрсанки қушча йўқ. Лекин Алининг бўш келмаслиги китобхонда яхши таассурут қолдиради.

Ха, болалар қуш расмини чизишади, хаёлан қушчаларга дон беришади — буларнинг ҳаммаси умумлашиб келажак пойdevорини бунёд этади. Бу болаларнинг келажакда мустақил мамлакатимиз кенжা авлодини билимдон, зуқко, раҳм-шафқатли бўлиб камол топишига баркали таъсир қиласди.

Ҳайвонот оламига меҳр кўйиш, уни эҳтиёт килиш, асрараш, авайлаш, дўст тутиниш болаликдан, оиладан бошланади ва у бир умр инсонга ҳамроҳ бўлиб қолади. Ҳамза Имонбердиев бу ҳақда «Оламошим» деган бир шеър ёзган. Бундай олиб қараганда бу асар жуда оддий, содда, болаларни ўйлантирмайдиган, уларни ҳеч нарсага ўргатмайдиган, хулоса чиқармайдиган шеърлардан бирига жуда ўхшаб кетади. Лекин бир ўйлаб кўрилса, таҳлил қилинса

маъно ва мазмуни, тарбиявий аҳамияти жуда катта ва энгтаъсирили шеърлардан бири эканлиги ярқ этиб кўзга ташланиб қолади:

Токчадаги қаймокдан
Кўтармай сира бошин,
Ичаяпти карасам,
Уялмай Оламошим.

Аввалига «пишт» деб бир
Қувмок бўлдиму бироқ,
Рахмим келиб негадир
Тикилиб колдим узок.

Қулокларин чимириб,
Ичар эди бир майин.
Бепарволигим сабаб
Корни очгани тайин.

Оёқ учida аста
Чиқиб кетдим ховлига —
Бир гал қаймок емасам
Емабман-да, майлига.

Эътибор берган бўлсангиз, «Бир гал қаймок емасам емабман-да, майлига» нинг ўзи ижобий холат, бағрикен-глик, бир майизни кирқ бўлиб ейишига болаликдан ўрганишнинг бошланиши. Бундай болалар келажакда ҳақиқий инсон бўлиб камол топишларига шак-шубҳа йўқ.

Ҳамза Имонбердиев ўзи билимдон, ўта маданиятли, тўғри сўз, ҳалол, пок, озод ва обод Ўзбекистонимизни жуда қаттиқ сужидиган ажойиб инсон бўлганлиги учун ижодининг мундарижаси ҳам шундай. Адолат масаласида у кўп жон куйдирар ва бу ҳақда кўплаб асарлар яратган эди.

Ҳадисларда тўғри сўз, ҳалол, пок бўлинг, дейилади. Кимки бунга каттиқ амал қиласидиган бўлса эл-юрт ўртасида хижолат бўлмайди, обрў-эътибори ошади. «Адолат калити» (эртак)да Ҳамза Имонбердиев худди шу ҳақда гап юритади. Асар бошланишининг ўзиёқ ёш китобхони ўзига тортади:

Ҳайрон қуёш, лолдир ой,
Неча куну неча ой
Икки элат уришар,
Бир-бирларин киришар.
Ўртага кимки тушса,
Биз хақмиз, деб туришар.

Ҳамма гап, ҳамма бало ана шу «биз ҳақмиз»да. Буннинг асл боиси, сабабини ҳеч ким тушунмаслигида. Конли уруш давом этаверади. Бундан подшо ҳам ҳайрон:

Подшохнинг боши қотган,
Ҳаловатин йўқотган.
Ожизлигин хис этиб,
Оғир хаёлга ботган.

Чорасиз қолган подшо бу ишни — конли урушни тўхташиб чора-тадбирини қидиради. Бу жумбоқни ечадиган, урушга чек қўядиган адолатли, ҳалқ манфаатини ўз манфаатидан юқори қўядиган бир Одилбек отли қозини топтиради.

Одилбек ҳалол, пок, адолатли. У оғир-босиқлик билан воқеани сўраб-суриштиради, сўрок қилади. Даъвогар-у айбордларнинг кўрсатмалари ёш китобхонда ҳақиқат учун курашчи бўлиш орзусини ниш урдиради. Даъвогарнинг:

— Йигитимиз зўр эди,
Тўғри, ёш-да, ғўр эди.
У элатнинг бир қизин —
Латофатда юлдузин
Севаркан дил очибди,
Шу кун олиб қочибди.
У қизнинг оғалари,
Қасоскор тоғалари
Кувиб етиб олибди,
Етиб қилич солибди.
Бечора бовиримизнинг
Тани ерда қолибди.
Ёвлар тўласин хунин!
Йўқса кўради кунин.
Чиккунича тандан жон,
Олишамиз бегумон!

Козикалон, биз хакмиз,
Хукмингизга илхақмиз.
Тўғри хал этинг, илло,—
Дея бир халта тилло
Узатиб чикиб кетмиш,

— дейиши ва пора бериши Одилбекни сергаклантиради.
У ишга янада жиддий киришади. Айборларнинг фирром-
ликлари ҳам ётифи билан китобхон онгига етиб боради:

Юзимиз ёруғ этинг,
Тўғри хал қилиб кетинг.
Ҳак карор топсин, илло, —
Дея бир халта тилло
Узатишиб, кўз кисиб,
Чикиб кетмишлар пусиб.

Ҳамма гап мана шунда. Ўша пора сифатида берилган
иккита халта — бойликда. Мабодо Одилбек одил бўлма-
ганида халтачаларни олиб уйига равона бўлар эди. Аммо
у нафсини тияди, халқни ўйлайди, урушни тўхтатиш
йўлларини кидиради. Унинг даъвогарнинг хузурига чор-
лаб воеани мана бундай ҳал қилиши ўқувчиларда катта
таассурот колдиради:

— Ҳақ сўз нишонга тегди,
Ракиб тўлик бош эгди.
Айбларин тан олишиб,
Мулзам бўлиб қолишиб,
Бир эмас, қайта-қайта
Тавбасин айта-айта,
Дейишиб йигит хуни
Ташлаб кетиши буни. —
Деб қўш халта тиллони
Даъвогарга узатди.
Ялт кўзи ёнганини
Фурури қонганини
Диккат билан кузатди.
Тугаб дeng олакараш,
Бўлибди «яраш-яраш».

Ҳамза Имонбердиевнинг ўнлаб қўшиқлари, кўплаб
достон-эртаклари болалар тилида, дилида куйламоқда,
ўқилмоқда.

МУНДАРИЖА

Муаллифдан	3
Болалар адабиёти фани, унинг мақсад ва вазифалари	4
Болалар фольклори ва китобхонлиги	9
Кўшиклар	9
Маколлар	16
Топишмоклар	18
Тез айтиш	20
Эртаклар	21
Ўзбек болалар адабиёти (обзор)	42
Алишер Навоий	63
Мухаммад Шариф Гулханий	70
Ҳамза Ҳакимзода Ниёзий	74
Абдулла Авлоний	82
Faфур Гулом	85
Ойбек	94
Үйгун	105
Ҳамид Олимжон	112
Зафар Диёр	120
Қуддус Мұхаммадий	130
Илөс Мұслим	137
Адҳам Раҳмат	142
Султон Жўра	148
Шукур Саъдулла	157
Ҳаким Назир	162
Ўткир Рашид	168
Пўлат Мўмин	175
Қудрат Ҳикмат	180
Худойберди Тўхтабоев	186
Фарход Мусажон	193
Латиф Махмудов	197
Миразиз Аъзам	204
Тўлан Низом	209
Сафо Очил	217
Анвар Обиджон	225
Ҳамза Имонбердиев	231

МАМАСОЛИ ЖУМАБОЕВ

ЎЗБЕК БОЛАЛАР АДАБИЁТИ

Ўзбек тилида

Бадиий мухаррир X. Мехмонов

Техник мухаррир T. Харитонова

Мусахих Н. Умарова

Компьютерда тайёрловчи M. Қамбарова

Теришга берилди. 25.07.02 Босишига рухсат этилди 31.10.02. Бичими
84×108¹/₃₂, «Таймс» гарнитурада оғсет босма усулида босилди. Шартли бос-
ма т. 12,6 Нашр т. 11,33 3000 нусхада чоп этилди. Буюртма №122. Баҳоси
шартнома асосида.

«Ўзбекистон» нашриёти — 2002, Тошкент, 700129, Навоий кўчаси, 30.
Шартнома № 93—2002.

Ўзбекистон Матбуот ва ахборот агентлигининг Тошкент китоб-журнал фабрикасида чоп этилди.
700194 Тошкент, Юнусобод даҳаси, Муродов кўчаси, 1-уй.